

পৃথ্বরাজ

ঐতিহাসিক মহাকাব্য ।

মাইকেল মধুসূদন দত্তের চরিত, শিবাজী মহাকাব্য
প্রভৃতি প্রণেতা

কবিভূষণ শ্রীযোগীন্দ্রনাথ বসু, বি, এ,
নিবন্ধিত ।

ভৌতিক শক্তি নহে নিয়ন্ত্রী বিশ্বের ;
রহি' অন্তরালে তা'র, শক্তি আধ্যাত্মিকী
শাসন, পালন বিশ্ব করেন সতত ।
কদাচারে, পাপাচারে সঙ্কুচিত যথা
বিধিরোধ, নিঃসন্দেহ, জানিও তথায়,
নিষ্ফল পুরুষকার, দৈব বলবান্ ।

পৃথ্বরাজ—সপ্তদশ সর্গ

চতুর্থ সংস্করণ ।

সম্পাদিত ও সংস্কৃত

মূল্য তিন টাকা

৯১২ নং মেছুয়াবাজার ষ্ট্রট
নববিভাকর যন্ত্রে
শ্রীকপিলচন্দ্র নিয়োগী দ্বারা মুদ্রিত

| | | |
|------------------|--------|------|
| প্রথম সংস্করণ | চৈত্র | ১৩২২ |
| দ্বিতীয় সংস্করণ | আশ্বিন | ১৩২৪ |
| তৃতীয় সংস্করণ | ভাদ্র | ১৩২৭ |
| চতুর্থ সংস্করণ | ভাদ্র | ১৩৩০ |

৩০ নং কর্ণওয়ালিস ষ্ট্রট সংস্কৃতপ্রেস ডিপজিটরী
হইতে গ্রন্থকার কর্তৃক প্রকাশিত ।

ঙ

জননী ভারতভূমি !

ত্রিশ বর্ষ কাল, দেবি !

নামচিত্র তব

রাখিয়াছি চোকে চোকে ;

পূজেছি গোপনে ;

জানেনা অপর কেহ,

কিন্তু জানো তুমি ।

নাহি পাণ্ড, নাহি অর্ঘ্য,

নাহি উপচার ;

আছে শুধু ভক্তিপুষ্প,

লও, মা আমার ।

—•❁•—

উপক্রমণিকা ।

বাঙ্গালা ভাষায় ইতিহাস অবলম্বনে কাব্যরচনা নূতন প্রথা নহে । রঙ্গলালের পদ্মিনী-উপাখ্যান এবং নবীনচন্দ্রের পলাশীর যুদ্ধ বঙ্গভাষাবিৎ ব্যক্তি মাত্রেই সুপরিচিত । পৃথীরাজ এই দুই গ্রন্থে প্রদর্শিত পথ অনুসরণে রচিত হইয়াছে ।

আধুনিক ইতিহাসলেখকদিগের মতে ঘটনাবলীর বিবৃতিমাত্র ইতিহাস-রচনার উদ্দেশ্য নয় । পূর্ববর্তী ও পরবর্তী ঘটনার পরস্পর সম্বন্ধ এবং উভয়ের পরিণাম দেখাইতে না পারিলে ইতিহাস-রচনা সার্থক হয় না । ইতিহাসের জায় ইতিহাস-প্রাণ কাব্য সম্বন্ধেও যে এই অভিমত প্রযোজ্য তাহা স্মরণ রাখিয়া আমি পৃথীরাজ রচনা করিয়াছি ।

পৃথীরাজের এবং তাঁহার সঙ্গে হিন্দু স্বাধীনতার পতন এই কাব্যের বর্ণনীয় বিষয় । যে যে কারণে এই পতন ঘটিয়াছিল, আমি, যথাশক্তি, তাহা বুঝাইবার চেষ্টা করিয়াছি । আমাদিগের দেশের সাধারণ লোকের বিশ্বাস যে, ভারতবর্ষে মুসলমান-অধিকার স্থাপন হইতে, এবং প্রকারান্তরে তাহারই ফলে, সর্ববিষয়ে হিন্দুজাতির অধঃপতন ঘটিয়াছে । তাঁহারা মনে করেন যে, রাম, যুধিষ্ঠিরের কালের পরেই মুসলমান-রাজত্ব আরম্ভ হইয়াছিল । কিন্তু রামায়ণোক্ত ও মহাভারতবর্ণিত কালের পর বহুশত বৎসর গত হইলে যে মুসলমান-সংস্পর্শ ঘটিয়াছিল এবং সেই মধ্যবর্তী সুদীর্ঘ কালের মধ্যে, কুরুক্ষেত্রের মহাযুদ্ধে অলিয়কুল উৎসাদিত হইবার এবং তৎপরে বৌদ্ধধর্ম প্রচারিত ও বিধ্বস্ত হইবার ফলে, ভারতবাসীদিগের আচারব্যবহারে, মানসিকভাবে ও প্রবৃত্তিতে যে মৌলিক পরিবর্তন ঘটিয়াছিল, তাহা তাঁহারা চিন্তা করেন না । যাঁহারা সংস্কৃত ভারতীয় সাহিত্য ও ইতিহাস আলোচনা করিবেন, তাঁহারা বুঝিবেন যে, মুসলমানেরা এদেশে আসিয়াছিলেন বলিয়া হিন্দুর অধঃপতন হয় নাই, হিন্দুরা অধঃপতিত হইয়াছিলেন বলিয়াই মুসলমানেরা এ দেশে আসিতে ও স্থায়ী ভাবে বসিতে পারিয়াছিলেন । ভারতবর্ষের প্রাকৃতিক সৌন্দর্য্য, ভারতবর্ষের ঐশ্বর্য্য ও উর্বরতা, এবং ভারতবর্ষের শিল্পজাত দ্রব্য, স্মরণাতীত কাল হইতে, বিজেতৃগণকে আকৃষ্ট করিয়া আসিতেছে । পারশুরাজ দরায়ুস হইতে সিকন্দর, সিলিউকস, কাসিম, সবুজগীন, মামুদ প্রভৃতি বহু বৈদেশিক বীর, ভিন্ন ভিন্ন সময়ে, ভারত-

বর্ষকে উপদ্রুত করিয়াছিলেন। শক ও হুণদিগের আক্রমণ নিত্য নৈমিত্তিক ব্যাপার হইয়া দাঁড়াইয়াছিল। কিন্তু মিতাচারে অভ্যস্ত, সবল দেহে রোগের ঞায় তাঁহাদিগের আক্রমণ হিন্দুর জীবনীশক্তিকে বিনষ্ট করিতে পারে নাই। অমিতাচারে ভগ্ন দেহে রোগের ন্যায় বর্তমান কাব্যে আলোচ্য আক্রমণ সেই শক্তিকে একবারে নষ্ট না করুক, নষ্টপ্রায় করিয়াছিল।

সাধারণতঃ সামরিক শক্তির ন্যূনতার জন্যই একটা জাতি অপর একটা জাতির নিকট পরাজয় স্বীকারে বাধ্য হন। কিন্তু যখন দেখিতে পাওয়া যায় যে, অসংখ্য লোক মুষ্টিমেয় লোকের অধীন হইয়া সুদীর্ঘকাল অতিবাহন করেন, তখন মনে হয়, কেবল সামরিক দৌর্বল্য নয়, তাহার পশ্চাতে পরাজিত জাতির অন্যবিধ দুর্বলতা বিद्यমান আছে এবং তাহাই তাঁহাদিগের দুর্দশার প্রকৃত কারণ। এই শেষোক্ত দুর্বলতাই পরাজিত জাতিকে উদ্বোগী ও দৃঢ়প্রতিজ্ঞ হইতে অক্ষম করে; ব্যক্তিগত সুখস্বার্থের জন্ত জাতিগত সুখ, স্বার্থ বলি দিতে প্রণোদিত করে; এবং আত্মমর্যাদায় উদাসীন করিয়া অপमानে ও লাঞ্ছনায় অভ্যস্ত করিয়া তুলে। এই দুর্বলতার মূল কোথায় আমার কাব্যে আমি তাহা নির্দেশ করিয়াছি।

রাষ্ট্রীয় দুর্বলতার সঙ্গে জাতীয় নৈতিক দুর্বলতাই যে ভারতবর্ষে মুসলমান-অধিকার স্থাপনের কারণ তাহা আমরা, ক্রমে, বুঝিতে পারিতেছি। পুণ্ড্র্যপাদ, মহামহোপাধ্যায় শ্রীযুক্ত হরপ্রসাদ শাস্ত্রী মহাশয় মুসলমান-আক্রমণ বৌদ্ধ-দুর্নীতির ও অসদাচারের প্রায়শ্চিত্ত বলিয়া নির্দেশ করিয়াছেন। তিনি লিখিয়াছেন, “এক একবার মনে হয়, তিন চারি শত বৎসর ধরিয়া, বৌদ্ধেরা, ইন্দ্ৰিয়ামুক্ত, কুক্ষ্মাণ্ডিত ও ভূত প্রেতের উপাসক হইয়া যে, নিজেও অধঃপাতে গিয়াছিল এবং দেশটাকেও সূদ্ধ অধঃপাতে দিয়াছিল, মুসলমানদের আক্রমণ তাহারই প্রায়শ্চিত্ত। বিধাতা, যেন, তাহাদের পাপের ভার সহ্য করিতে না পারিয়া, তাহাদিগকে সমূলে উচ্ছেদ করিবার জন্ত, মুসলমানদের এদেশে পাঠাইয়াছিলেন।” * কিন্তু বৌদ্ধগণ যে যে অপরাধে অপরাধী ছিলেন, হিন্দুগণ যে তাহাদের মধ্যে কোনওটা হইতে নিষ্পৃক্ত ছিলেন না, তাহার প্রমাণের অভাব নাই। † শ্রীযুক্ত শাস্ত্রী মহাশয়ের ভাষায় বলিতে হইলে “ঘৃণিত উপাসনা, বিষ্ঠা, মূত্র ভক্ষণ করিয়া

* নারায়ণ, আশ্বিন ১৩২২।

† তান্ত্রিকগণের প্রামাণিক শাস্ত্র কুলার্ণব, গুপ্তসাধনতন্ত্র প্রভৃতি বৌদ্ধতন্ত্র নহে।

সিদ্ধি লাভের চেষ্টা, ভূত, প্রেত পূজা করিয়া বুজরুক হইবার চেষ্টা এবং উৎকট ইন্দ্রিয়সক্তি” প্রভৃতি বিষয়ে হিন্দু এবং বৌদ্ধ উভয়ের মধ্যে তুল্য প্রতিদ্বন্দ্বিতা ছিল বলিয়াই ধারণা হয়। কে কাহার শিক্ষক তৎসম্বন্ধে মতভেদ আছে। পরস্পরের সম্বন্ধে যাহাই হউক, কোন কোন স্থলে, ছাত্র শিক্ষককে পশ্চাদ্বর্তী করিয়াছিলেন, ইহা অসম্ভব নয়। বিধাতা যদি শাস্তি দিবার জন্তই পাঠাইয়া থাকেন, তবে কেবল বৌদ্ধদিগকে শাস্তি দিবার জন্ত নয়; হিন্দু, বৌদ্ধ উভয়কেই শাস্তি দিবার জন্ত মুসলমানকে পাঠাইয়াছিলেন। এ সম্বন্ধে বৌদ্ধদিগের যাহা ধারণা তাহা স্মরণ রাখা আমাদের কর্তব্য। সুপরিচিত বৌদ্ধধর্ম-প্রচারক আঙ্গরিকা ধর্মপাল বলেন;—

“For a thousand years the people of India forgot the true Dharma and their neglect to walk in the path of Virtue was punished by the invasion of India, for the first time in the history of India, by the Moslems.” *

এক দিকে হিন্দু, অপর দিকে মুসলমান উভয়ের পেষণে অপেক্ষাকৃত ন্যূন-সংখ্যক বৌদ্ধগণ বিচূর্ণ হইয়াছিলেন; তাদৃশ কারণের অভাবে সংখ্যাধিক হিন্দু-গণ হন নাই। এ সম্বন্ধে অভিজ্ঞ ব্যক্তিগণের অভিপ্রায় এইরূপ:—

Buddhism has almost entirely disappeared from the land of its birth. Even before the Musalman invasion the steady pressure of Brahmanism had relaxed its hold on the people, while the persecution of the Hindu rulers reduced the number of its followers. One favourite device was to institute debates on the rival merits of the two religions, death being the penalty of defeat; when the Judge was a Hindu prince the verdict was a foregone conclusion. “Many of the chief princes” says the Sankor-Vijoy, “who professed the wicked doctrines of the Buddhist and jain religions were vanquished in scholarly controversies. Their heads were then cut off with axes, thrown in mortars and ground to powder by pestles”. The intolerant fury of the Musalman invasion destroyed the monasteries which were the chief centres of the

* The Bengalee, January 18, 1917.

faith, while the monks were either slain or sought refuge in and beyond the Himalayas. Such a clean sweep was made at Bihar, for instance, that when the rude Musalman conqueror sought for some one to explain to him the contents of the great monastic library, not a single man could be found who could do so. *

মহামহোপাধ্যায় শাস্ত্রী মহাশয়ের ন্যায় রায় বাহাদুর স্বর্গীয় রাজেন্দ্রচন্দ্র শাস্ত্রী মহাশয় হিন্দুজাতির শক্তিক্ষয়ের “একাধিক কারণের” মধ্যে “রাজ-প্রজাসাধারণ ব্যভিচার” এক “প্রধান কারণ” বলিয়া নির্দেশ করিয়াছেন। তিনি বলেন, “মৌর্যবংশের পতনের পর হইতেই ভারতে রাজশক্তির বিলোপ আরম্ভ হয় ও উপর্যুপরি রাজবিপ্লব ও বৈদেশিক আক্রমণে উত্তর ভারত বিপ্লুত হইয়া পড়ে। এই শক্তিক্ষয় একাধিক কারণে সংঘটিত হইয়াছিল সন্দেহ নাই। তবে রাজপ্রজাসাধারণ-ব্যভিচারই যে ইহার এক প্রধান কারণ তাহা নিম্নলিখিত বর্ণনা হইতে প্রতিভাত হইবে।” † ইহার পর শাস্ত্রী মহাশয় ব্যাৎসায়ন প্রণীত কামশাস্ত্রের পারদারিক অধিকরণ অবলম্বনে তৎকাল-প্রচলিত যে সকল প্রচ্ছন্ন ও প্রকাশ্য ব্যভিচার-রীতির উল্লেখ করিয়াছেন, তাহা আলোচনা করিলে আমাদের অধঃপতনের কারণ বুঝিতে কালব্যাজ হয় না। ‡

উভয় শাস্ত্রী মহাশয় তাঁহাদিগের প্রবন্ধ সম্বন্ধে যাহা বলা আবশ্যিক তাহাই মাত্র বলিয়াছেন; অপ্রাসঙ্গিক বোধে অপর কোন কারণ উল্লেখ করেন নাই। হিন্দুসমাজতত্ত্বজ্ঞ স্বর্গীয় ভূদেব মুখোপাধ্যায় মহাশয় হিন্দুজাতির পতনের আর একটি কারণ নির্দেশ করিয়াছেন। তিনি বলেন, “হিন্দুর স্বধর্ম্মবিদ্বেষরূপ পাপের প্রায়শ্চিত্তের জন্যই বিধাতা মুসলমানকে শাস্তারূপে এদেশে পাঠাইয়াছিলেন। হিন্দু তাহার নিম্ন শ্রেণীকে অস্ত্যজ বর্ণ নাম দিয়া পশুর অপেক্ষাও অধিক ঘৃণা করিয়াছে। একজন ডোম বা মেথর উঠান দিয়া গেলে গোবরজল ছড়া দেওয়া হয়, একটি ছাগল আসিয়া তথায় মলত্যাগ করিলেও শুধু ঝাড়ু দিলেই চলে।

* O'Malley's Bengal, Bihar, and Orissa, Sikkim, p. 216.

† “মধ্যযুগে ভারতে সামাজিক জীবন” সাহিত্য-সংহিতা, বৈশাখ ১৩২১।

‡ সপ্তদশ সর্গের পাদটীকা দেখুন।

অথচ হিন্দুর পরম পবিত্র শাস্ত্র বলেন, সর্বঘণ্টে নারায়ণ আছেন, এবং বিদ্যা-
বিনয়-সম্পন্ন ব্রাহ্মণে এবং স্বপাকে সমদর্শন করিতে হয়। আধুনিক কালের
সাধারণ হিন্দু অস্ত্যাজের সুখে, দুঃখে, শিক্ষায়, দীক্ষায় উদাসীন। ব্যবহারক্ষেত্রে
হিন্দুর এই স্বধর্মবিষেযের জন্ত ভগবান, তাঁহার অসীম কৃপায়, পৃথিবীর মধ্যে
সর্বাপেক্ষা স্বধর্মপ্রেমিক জাতিকে—মুসলমানকে—শাস্তা ও শিক্ষকরূপে ভারতে
প্রেরণ করেন।” *

মনস্বী বিবেকানন্দ স্বতন্ত্র একটা কারণ নির্দেশ করিয়াছেন। তিনি বলেন,
ভারতবাসীদিগের সর্ববিধ জ্ঞান যে সম্প্রদায় বিশেষের মধ্যে আবদ্ধ ছিল এবং
তাঁহারা যে অপর সম্প্রদায়ের মধ্যে সেই জ্ঞান প্রচার করিতে উদাসীন, স্থল-
বিশেষে, পরিপন্থী ছিলেন, ইহাই ভারতবর্ষের রাজনৈতিক পতনের কারণ। “So
this accumulated culture of ages of which the Brahman has
been the trustee, he must now give to the people at large
and it was because he did not give it to the people that
Mahammadan invasion was possible. It was because he did
not open the treasury to the people from the beginning that,
for a thousand years, we have been trodden under the heels
of every one who chose to come to India.” †

এইরূপ বিভিন্ন ব্যক্তি বিভিন্ন কারণ নির্দেশ করিয়াছেন। ইহার প্রত্যেকটীরই
মূলে সত্য নিহিত আছে। এই সকল কারণ উল্লেখের সঙ্গে আমাকে এতদতিরিক্ত
কারণও নির্দেশ করিতে হইয়াছে। আমি দেখাইয়াছি যে, ধর্মগত ও প্রদেশগত
পার্থক্যের জন্ত ভারতবাসীগণ সম্মিলিত হইয়া কার্য্য করিতে অক্ষম ছিলেন;
উদাসীন্য, অজ্ঞতা ও অদূরদর্শিতাবশতঃ ভারতীয় জনসাধারণ মুসলমান আক্র-
মণের পরিণাম বুঝিতেন না; উত্তর ভারতের দুইটা সর্বশ্রেষ্ঠ রাজ্য, পারিবারিক
কারণে, বিচ্ছিন্ন ও বিকলমান হইয়া বিজেতার পথ সুগম করিয়াছিল; তাহার
উপর হিন্দুগণ উদ্যোগিতায়, দৃঢ় প্রতিজ্ঞতায়, সামরিক আয়োজনে ও শিক্ষায়, কূট
রাজনীতিতে এবং সমর-কৌশলে প্রতিদ্বন্দ্বীদিগের অপেক্ষা পশ্চাৎবর্তী ছিলেন। ‡

* এডুকেশন গেজেট ২২এ বৈশাখ ১৩২৩।

† Swami Bibekananda's Works Mayavati Memorial Edition
Part III. P. 653.

‡ রামায়ণ-মহাভারতের যুদ্ধ-বর্ণনা-পাঠে অস্ত্যস্ত হিন্দুর নিকট মুসলমান অপেক্ষা হিন্দু

এই সকল কারণেই, বীর্যো, সাহসে ও বুদ্ধিমত্তায় হীন না হইলেও, তাঁহাদিগের পতন ঘটয়াছিল। উপরিউক্ত কারণগুলির মধ্যে যেটি মুখ্য এবং আমার কাব্যের বর্ণনায় আমি তাহা বিস্তৃত ভাবে আলোচনা করিয়াছি; গৌণ কারণগুলি নির্দেশ করিয়াই নিরস্ত হইয়াছি।

আমার পাঠকগণ জিজ্ঞাসা করিতে পারেন যে, যে সামরিক শিক্ষার অভাব এবং অসদাচার জাতীয় পতনের কারণ বলিয়া নির্দিষ্ট হইয়াছে, তাহা ত পৃথীরাজে লক্ষিত হয় না; তবে তাঁহার পতন হইল কেন? ইহার উত্তর প্রথমতঃ এই যে, কাহারও পতন একটীমাত্র কারণে ঘটে না; কারণ-বিশেষের অভাব হইলেও অপর কারণসমূহের সমবায় কার্যের উৎপত্তি হইতে পারে। দ্বিতীয়তঃ এই যে, মনুষ্য কেবল নিজের কার্যের ফলভোগী নহেন; সামাজিক জীবরূপে তাঁহাকে অন্তর্কৃত কার্যের জ্ঞান ও দণ্ডপুরস্কারের অংশভাগী হইতে হয়। পৃথীরাজ, স্বয়ং বীর ও নিশ্চলচরিত্র হইলেও, যে সমাজে জন্মগ্রহণ করিয়াছিলেন,

সামরিক শিক্ষায় নিকৃষ্ট ছিলেন, এ কথা অস্বীকার এবং তৎক্ষণ অনাস্থাযোগ্য বোধ হইতে পারে। কিন্তু, সামরিক শিক্ষা বলিলে কেবল গদা বা তরবারী-সঞ্চালন এবং শর-নিক্ষেপ-কৌশল বুঝায় না; যুদ্ধার্থ আয়োজন, যুদ্ধোপকরণ, সেনাসম্মিলন, আক্রমণ ও আত্মরক্ষা প্রভৃতি নানা বিষয়গণী শিক্ষা বুঝায়। এই সকল বিষয়ে হিন্দু যে নিকৃষ্ট ছিলেন, খ্রীষ্টীয় অষ্টম শতাব্দী হইতে অষ্টাদশ শতাব্দী পর্যন্ত—কাসিমের আলোর-জয় হইতে আহম্মদ সা আকালির পাণিপথ-জয় পর্যন্ত—হিন্দু-মুসলমানের জয়, পরাজয় গণনা করিলে তাহা অস্বীকার করিবার উপায় থাকে না। তবে এ কথা সত্য বটে যে, হিন্দুরা, পরাজিত হইলেও, মুসলমানকে সুদীর্ঘকাল প্রবল বাধা দিতে পারিয়াছিলেন এবং যখন পৃথীরাজ, প্রতাপ বা শিবাজীর স্থায় প্রতিভাশালী বীর হিন্দুর নেতা হইয়াছেন, তখন তাঁহারা, মধ্যে মধ্যে, মুসলমানকে পরাজিতও করিয়াছেন। কিন্তু হিন্দু জনসাধারণের, বিশেষতঃ নিম্নশ্রেণীর মধ্যে, সামরিক শিক্ষার প্রচার ও উৎকর্ষ না হওয়ার তাঁহাদিগের সাহস ও বীর্য যে পরশক্তি-প্রতিরোধে সম্যক কৃতকার্য হয় নাই, তাহা অবিশ্বাস করিলে চলিবে না। মুসলমান কপটতার বলে প্রত্যেক স্থলে জয়ী হইয়াছেন, এই প্রচলিত বিশ্বাস একবারেই ভ্রমাত্মক। সামরিক শিক্ষায় ও তৎকালাবিকৃত যুদ্ধোপকরণে মুসলমান শ্রেষ্ঠ ছিলেন বলিয়াই সংখ্যাধিক হিন্দুকে পুনঃ পুনঃ পরাজয় করিয়াছিলেন। সিদ্ধবিজয়কালে যুবক কাসিম দুর্গ-প্রাচীর ভঙ্গের জন্ত যে বিপুল যন্ত্রসমূহ সঙ্গে আনিয়াছিলেন পাঁচশত যোদ্ধাকে তাহা পরিচালন করিতে হইত বলিয়া উল্লেখ দেখা যায়। *The youthful Mahammad Kasim advanced into Sind to claim damages for a Sinhalese-ship seized off the coast of Debal (probably the modern Karachi). Kasim himself went overland; but the great war-engines, Catapults, requiring five hundred men to work them were transported by sea. Memoirs of the Asiatic Society of Bengal—J. Hornell, On Indian Boat-designs.* হিন্দুদিগের ইহার প্রতিরোধ-সমর্থ কোন দল ছিল, এরূপ প্রমাণ নাই।

তাহারই পাপের প্রায়শ্চিত্তস্বরূপ বলি অর্পিত হইয়াছিলেন। * তাঁহার ঋণ আরও কতজন যে বলি অর্পিত হইয়াছেন বা হইতেছেন, কে তাহা গণনা করিতে

* আমরা এই মতের উল্লেখ করিয়া ভারতবর্ষে যে সমালোচনা হইয়াছিল, প্রয়োজন বোধে আমি তাহার প্রতিবাদ করিয়াছিলাম। ঐতিহাসিক সত্য নির্ধারণ করে এই প্রতিবাদ আমি এ স্থলে প্রকাশ করা আবশ্যিক বোধ করিতেছি। আমার প্রতিবাদ ভারতবর্ষে প্রকাশিত না হওয়ায়, পরে, নব্যভারতে প্রকাশিত হইয়াছিল। সম্পাদককে লিখিত সেই প্রতিবাদ এই ;—

“ভাদ্র সংখ্যার ভারতবর্ষে আমার রচিত পৃথীরাজ মহাকাব্যের সমালোচনা পাঠ করিলাম। এই সমালোচনার জন্ত আমার ধন্যবাদ অবগত হইবেন। আপনার অভিমত সম্বন্ধে আমার কোনও বক্তব্য নাই; কিন্তু গ্রন্থের উপপাদ্য বিষয় সম্বন্ধে আপনি যে ঐতিহাসিক তত্ত্ব প্রকাশিত করিয়াছেন, তৎসম্বন্ধে আমার কিছু বক্তব্য আছে। আপনার পত্রে তাহা প্রকাশিত করিলে বাধিত হইব।

আমি আমার কাব্যের ভূমিকায় লিখিয়াছি, “পৃথীরাজ স্বয়ং বীর ও নির্মল-চরিত্র হইলেও যে সমাজে জন্মগ্রহণ করিয়াছিলেন, তাহারই পাপের প্রায়শ্চিত্ত স্বরূপ বলি অর্পিত হইয়াছিলেন।” আপনি এই মতের উল্লেখ করিয়া লিখিয়াছেন যে “বাস্তবিক পৃথীরাজকে অন্তের কৃতাপরাধের প্রায়শ্চিত্ত করিতে হইয়াছিল বা তাঁহার নিজের চরিত্রগত কোন দোষের জন্ত তাঁহার অধঃপতন ঘটিয়াছিল সে কথা এস্থলে বিচার্য্য নহে।”

কিন্তু ইহার পরই আপনি কর্ণেল টড্ প্রণীত রাজস্থানের ইতিহাস হইতে দুইটি অংশ উদ্ধৃত করিয়াছেন। তাহা হইতে পৃথীরাজের অধঃপতন যে তাঁহারই ব্যবহারের বা অনুর্তিত কার্যের ফল পাঠকের মনে এরূপ সংস্কার হওয়া অসম্ভব নয়; এইজন্য এই উদ্ধৃত অংশ দুইটির ঐতিহাসিক মূল্য নির্ধারণ আবশ্যিক। রাজস্থান হইতে আপনার উদ্ধৃত অংশ দুইটি এই :—

(১) The prince of Chitore (Samarsi) was again constrained to use his buckler in defence of Delhi and its prince whose arrogance and successful ambition, followed by disgraceful inactivity, invited invasion with every presage of success.

(২) Samarsi reads his brother-in-law an indignant lecture on his unprincely inactivity.

ইহাতে পৃথীরাজের দুইটি দোষের উল্লেখ আছে। প্রথম arrogance অর্থাৎ উদ্ধতা, দ্বিতীয় inactivity অর্থাৎ নিরুদ্যোগিতা বা উদাস্য। পৃথীরাজ কিরূপ স্থলে বা কাহার সহিত ব্যবহারে উদ্ধতা arrogance দেখাইয়াছিলেন, টড্ এখানে তাহার উল্লেখ করেন নাই। কিন্তু পৃথীরাজের কথা প্রসঙ্গে অন্তত তিনি ঠিক এই arrogance শব্দটি ব্যবহার করিয়াছেন। সে স্থল এই—

“Six invasions by Shahabuddin occurred ere he succeeded. He had been often defeated and twice taken prisoner by the Hindu Sovereign of Delhi who with a lofty and blind arrogance of the Rajput character set him at liberty.” (Translation of the Royal Asiatic Society of Great Britain and Ireland Vol, I. Pages 147-8 quoted at page 155 of Ajmer Historical & Descriptive by Har Bilas Sarda, B. A.)

পারে ? হিন্দুজাতির জ্ঞানাজ্ঞানকৃত পাপের শাস্তির জন্তু বিধাতা যে দণ্ড প্রয়োগ করিয়াছিলেন, তাহা প্রতিহত করিবার শক্তি, পৃথীরাজের হউক বা অপর কাহারও হউক, পুরুষকারের আয়ত্ত ছিল না। যে ঘটনাসমবাস্ত্রে পৃথীরাজ পরাজিত হইয়াছিলেন, তাহা আলোচনা করিলে পাঠক ইহার প্রমাণ প্রাপ্ত হইবেন।

ইহার ভাবার্থ এই যে, “সাহাবুদ্দীন ঘোরী ছয়বার নিফল আক্রমণের পর কৃতকার্য হইয়াছিলেন। তিনি পুনঃ পুনঃ যুদ্ধে পরাজিত এবং দুইবার বন্দী হইয়াছিলেন। কিন্তু রাজপুতদিগের প্রকৃতিগত lofty and blind arrogance বশতঃ দিল্লীর (পৃথীরাজ) তাঁহাকে মুক্তি দিয়াছিলেন।

ভীত, পলায়িত এবং আহত শত্রুকে অভয়দান ভারতীয় বীরপুরুষদিগের চিরাভ্যস্ত। সুতরাং পৃথীরাজ যদি সাহাবুদ্দীন ঘোরীকে মুক্তি দিয়া থাকেন তবে তাহা তাঁহার arrogance বা ঔদ্ধত্যের ফল নয় (chivalrous spirit-এর), বীরোচিত উদারতার ফল। এই উদারতার পরিণাম যাহাই হউক, ইহাকে উদারতা না ঔদ্ধত্য বলিব ?

পৃথীরাজের দ্বিতীয় দোষ inactivity বা উদাস্য। যিনি সাহাবুদ্দীন ঘোরীর স্তায় মহাবীরকে (সমকালবর্তী মুসলমান ঐতিহাসিক যাহাকে Haider of the time সিংহবিক্রান্ত and Second Rustom বলিয়াছেন) ছয়বার পরাজিত করিয়াছিলেন, তাঁহার অন্তিম পরাজয় তাঁহার inactivity বা উদাস্যের ফল, না পুনঃ পুনঃ আক্রমণজনিত বলহ্রয়ের ফল ?

প্রামাণিক ইতিহাসলেখকগণ পৃথীরাজের এই পরাজয়ের কারণ যাহা নির্দেশ করিয়াছেন তাহা নিম্নে উদ্ধৃত হইতেছে:—

আকবর নামায় আবুল ফাজল লিখিয়াছেন;—“Prithwiraj hurriedly collected together only a small number of troops and with these he marched out to attack the Sultan. But the heroes of Hindustan had all perished in the manner described above : besides Jaichand, who had been his ally, was now in league with his enemy. Another of his vassals, the Haoli Rao Hamir turned traitor and joined the Sultan. Prithwiraj was defeated and taken prisoner and was killed” (Ajmer Historical and Descriptive Pages 155-56.)

ঐতিহাসিক W. W. Hunter এই মতের সমর্থন করিয়া এইরূপ লিখিয়াছেন,—These Rujput States formed the natural break-waters against invaders from the northwest. But their feuds are said to have left the king of Delhi and Ajmeer, then under one Chouhan overlord, only sixty-four out of his one hundred and eight warrior Chiefs”. Indian Empire p. 299.

স্বয়ং কর্ণেল টড্‌ও এ সম্বন্ধে এইরূপ লিখিয়াছেন,—“Jealousy and revenge rendered the princes of Palun, Kanouj, Dhar and the other minor Courts indifferent spectators of a contest destined to overthrow them all (Rajasthan Vol. 1. p. 276.)

ইহার পরও কি বলা সম্ভব হইবে যে, পৃথীরাজের পতন, অংশতঃ, তাঁহার arrogance এবং inactivityর ফল ? প্রকৃত কথা এই যে, ধর্মপ্রচার ও লুণ্ঠনপ্রয়াসী মুসলমান স্বতঃই ভারতবর্ষ আক্রমণ করিয়াছিলেন, কাহারও arroganceএর জন্তু করেন নাই। পৃথীরাজ

পৃথ্বীরাজ ঐতিহাসিক ব্যক্তি হইলেও তাঁহার সংস্কৃত ইতিহাসোচিত বিবরণ অধিক পাওয়া যায় না। হিন্দী ভাষায় পৃথ্বীরাজের সভাসদ, চন্দ বরদাই-প্রণীত পৃথ্বীরাজরাসো নামে একখানি সুরহৎ গ্রন্থ আছে; কিন্তু, কাব্যংশে যাহাই হউক, ইতিহাসরূপে ইহার মূল্য অতি সামান্য। আধুনিক আবিষ্কৃত শিলালিপি ও মুদ্রা-প্রভৃতি হইতে ইহার অনেক কথা বিচারাসহ হইয়া দাঁড়াইয়াছে। অপর হিন্দু লেখক ও মুসলমান ঐতিহাসিকদিগের উক্তির সহিত ইহার সামঞ্জস্য নাই। তাহার উপর দেবতা, অপ্সরা, কবন্ধ, ডাকিনী প্রভৃতির সমাবেশ এবং অতিরঞ্জন-প্রিয়তায় ইহার লৌকিকতা বিলুপ্ত হইয়াছে। ইহার অনেক বিবরণ পরস্পর বিরোধী; স্থলে স্থলে ইহার রুচি নিতান্ত অমার্জিত, অস্বাভাবিক এবং গ্রন্থোক্ত ব্যক্তিগণের হীনতাকারক। প্রতিভাবান লেখকের রচিত হইলেও এরূপ হইবার কারণ এই যে, অধুনা প্রচলিত গ্রন্থ আছোপাস্ত চাঁদবরদাইএর লিখিত নয়; বহুজনের হস্তক্ষেপে ইহা বর্তমান বিকৃত ও বীভৎস আকার গ্রহণ করিয়াছে। মূলগ্রন্থ তিন চার হাজার মাত্র শ্লোকে সম্পূর্ণ হইয়াছিল বলিয়া শুনিতে পাওয়া যায়। কিন্তু অধুনা প্রচারিত গ্রন্থে লক্ষাধিক শ্লোক দৃষ্ট হয়। * তাঁদের পুত্রপৌত্রগণ নিজেদের ইচ্ছামত ইহার পরিবর্তন করিয়া-

স্বজাতীয়গণের সাহায্য প্রাপ্ত না হইয়াই পরাজিত হইয়াছিলেন; নিজের inactivityর জন্য পরাজিত হন নাই।

এখানে বলা আবশ্যিক যে পৃথ্বীরাজ কর্তৃক সাহাবুদ্দীনের ছয়বার পরাজয় কোন মুসলমান ইতিহাসে দেখিতে পাওয়া যায় না। পৃথ্বীরাজরাসোতে ইহার উল্লেখ আছে। কিন্তু এই ছয়বার পরাজয় এরূপভাবে এবং এরূপ অবস্থায় ঘটিয়াছিল বলিয়া বর্ণিত হইয়াছে যে তাহা বিশ্বাসযোগ্য নহে। এইজন্য আমার কাব্যে আমি তাহা উল্লেখ করি নাই। যাহা হিন্দু মুসলমান উভয়েরই স্বীকৃত তাহাই উল্লেখ করিয়াছি। কি জন্য টড পৃথ্বীরাজ সম্বন্ধে arrogance ও inactivity এই দুইটি দোষ আরোপ করিতে প্রণোদিত হইয়াছিলেন, পৃথ্বীরাজরাসো-পাঠকের শব্দে তাহা নির্ধারণ করা কঠিন নয়। কিন্তু সে অবাস্তব প্রমাণ এ স্থলে নিস্প্রয়োজন।

উপসংহারে নিবেদন এই যে, কাহারও অধঃপতন যদি তাঁহার arrogance বা inactivityর জন্য হয় তবে স্বভাবতঃ তাঁহার প্রতি সহানুভূতির ও শ্রদ্ধার হ্রাস হয়। স্বদেশ ও স্বধর্ম রক্ষার জন্য প্রাণদান করিয়া পৃথ্বীরাজ হিন্দুমাত্রেরই নমস্য হইয়াছেন। প্রকৃত ইতিহাসের দিকে দৃষ্টি না করিয়া যদি তাঁহার প্রতি সহানুভূতির ও শ্রদ্ধার হ্রাস হইতে পারে, এরূপ মত প্রচারিত হয়, তাহা দোষাবহ হইবে। এই জন্যই আমার যাহা বক্তব্য তাহা আপনাকে জানাইলাম। ইতি।

* According to the tradition current among the descendants of Candt Nagore, the extent of Cand's original Prithwiraj Rasau was about three or four thousand slokas. Cand did not live to complete the work.

Bardic Chronicles by Mahamahopadhyaya Hara Prasad Sastry P. 26.

ছেন। স্থলে স্থলে তাঁহারা এরূপ আশ্চর্যকৃত হইয়াছেন যে, কাব্যের নামে পৃথীরাজকে পশ্চাতে রাখিয়া, নিজেদের পূর্বপুরুষ কবিকেই অগ্রস্থান করিবার প্রয়াস পাইয়াছেন।* এরূপ অবস্থায় সমকালবর্তী লেখকের রচিত বলি ইহার উক্তি গ্রহণীয় ও আস্থায়োগ্য এরূপ মনে করিবার কারণ নাই। তথাপি পৃথীরাজ সম্বন্ধে কোন কথা লিখিতে হইলে উত্তরকালবর্তীদিগকে পৃথীরাজ রাসোর সাহায্য গ্রহণ না করিলে চলে না। আমাকেও করিতে হইয়াছে কিন্তু আমি, স্থলে স্থলে, স্বাভাব্য অবলম্বনে বাধ্য হইয়াছি। পৃথীরাজ সম্বন্ধে রাজস্থানের ইতিহাসলেখক টডের উক্তি প্রধানতঃ পৃথীরাজরাসো অবলম্বনে লিখিত। পৃথীরাজরাসোর হিন্দী ছর্কোধ্য বলিয়া আমি, প্রয়োজন মত, টডের উক্তির মর্ম্মানুবাদ পাদটীকায় উদ্ধৃত করিয়াছি।

পৃথীরাজ-বিজয় নামক একখানি ক্ষুদ্র সংস্কৃত কাব্যে পৃথীরাজের কথা কিঞ্চিৎ বর্ণিত হইয়াছে। এই কাব্যখানি কাশ্মীরে পাওয়া গিয়াছিল এবং সমস্ত ভারতবর্ষের মধ্যে সেই একখানি গ্রন্থই ছিল। তাহা হইতে এক্ষণে কোন কোন পুস্তকালয়ে অনুলিপি করা হইয়াছে। ইহার অনেক কথার সহিত, এমন কি পৃথীরাজের পরিচয় সম্বন্ধেও, পৃথীরাজরাসোর সামঞ্জস্য নাই। কেহ কেহ পৃথীরাজ-বিজয়ের কথায় আস্থা স্থাপন করেন। কিন্তু সমস্ত ভারতবর্ষে যে গ্রন্থ একখানি মাত্র পাওয়া গিয়াছে, তাহা যে কখন সমাজে আদৃত বা পরিগৃহীত হয় নাই, তাহা স্বীকার করিতেই হইবে। আমি ইহার উক্তি অনুসরণ করা সম্ভবত বোধ করি নাই।

মুসলমান লেখকগণ মহম্মদবোরীর সহিত যুদ্ধ ব্যতীত পৃথীরাজ সম্বন্ধীয় অপর কথা লিখেন নাই। তাঁহাদিগের বর্ণিত ঘটনার সহিত বহু স্থলে পৃথীরাজরাসোর বিশিষ্ট পার্থক্য আছে। পৃথীরাজরাসোতে আছে যে, পৃথীরাজ, বন্দীরূপে গজনীতে নীত হইবার পর, অন্ধাবস্থায় মহম্মদ বোরীকে শরবিদ্ধ করিয়া বধ করিয়াছিলেন এবং সঙ্গে সঙ্গে তাঁহার অমুচরগণের হস্তে নিহত হইয়াছিলেন। তবকাৎ-ই-নাসিরী নামক প্রামাণিক মুসলমান ইতিহাসে আছে যে, পৃথীরাজ দ্বিতীয় তরায়ণের যুদ্ধের পর ধৃত এবং সঙ্গে সঙ্গে নরকে প্রেরিত হন।

*)

* কিন্তু তাঁদের মৃত্যুর পর Additions were made by descendants until Akbar's time enlarging the work to 125000 verses.

ইতিহাসিক ফেরিস্তা বলেন যে, পৃথ্বীরাজের মৃত্যুর বছরদিন পরে, মহম্মদ ঘোরী করদিগের হস্তে নিহত হইয়াছিলেন। পৃথ্বীরাজরাসোতে আছে যে, মহম্মদ ঘোরী পৃথ্বীরাজ কর্তৃক সাত সাত বার পরাজিত হইয়াছিলেন এবং একাধিক বার বন্দীরূপে দিল্লীতে আনীত হইবার পর নিজস্বদানে মুক্তিলাভ করিয়াছিলেন। * তবকাৎ-ই-নাসিরী-প্রণেতা মিন্‌হাজ ও ফেরিস্তা দুইবার যুদ্ধের ও একবার পরাজয়ের উল্লেখ করিয়াছেন, নিজস্ব সম্বন্ধে কোন কথাই বলেন নাই। পর এক মুসলমান লেখক পরাজয়ের উল্লেখ মাত্র করেন নাই। † এইরূপ ঐতিহ্যের মধ্যে সত্য নির্ণয় কঠিন। ইতিহাসোক্ত ঘটনা সম্বন্ধে যাহা সামঞ্জস্যপূর্ণ। সঙ্গত বলিয়া বোধ হইয়াছে, আমি তাহাই গ্রহণ করিয়াছি।

পৃথ্বীরাজের পতনের ইতিহাস সমগ্র হিন্দুজাতিরই পতনের ইতিহাস। কিন্তু ই পতনের কারণ কি, তাহা হিন্দু, মুসলমান কেহই আলোচনা করেন নাই। কেহই বলিয়াছে যে, বৈদেশিক আক্রমণ হিন্দুজাতির পক্ষে নূতন নয়। কিন্তু সেই কল আক্রমণের ফল স্থায়ী হয় নাই। কালবৈশাখীর তায় তাহা ভারতবর্ষের পর দিয়া প্রবলবেগে বহিয়া গিয়াছিল; কিন্তু ঝটিকা শেষে প্রকৃতি আবার ভাবিক শাস্তমূর্ত্তি ধারণ করিয়াছিল। পৃথ্বীরাজের পরাজয় হইতে হিন্দুজাতির পতন ঘটিয়াছে, তাহার পর আর প্রকৃত উত্থান হয় নাই। কেবল মহাপ্রাণ রাজী, হিন্দুর অন্তর্নিহিত শক্তি যে লোপ পায় নাই, মহারাষ্ট্রে তাহার আংশিক মাণ দেখাইয়াছেন। যে যে কারণে এই পতন ঘটিয়াছিল তাহা আলোচনা রিলেই বুঝিতে পারা যাইবে যে, প্রকৃতির নিয়মে যাহা সর্বত্র ঘটিতেছে, ভারত-র্ষও তাহাই ঘটয়াছিল। এই পতনের প্রধান কারণ ভারতবর্ষে রাজবাহ্য। ভারতবর্ষের দুর্ভাগ্য যে, এখানে কোনও মহারাজ্য-স্থাপনের উদ্যম স্থায়ী হয় নাই। ই একবার যাহা হইয়াছিল, তাহা দুই এক পুরুষ না যাইতে যাইতে বিধ্বস্ত হইয়াছিল। যাহারা অতুল্যপ্রতাপ, সার্বভৌম বলিয়া পরিগণিত ছিলেন, তাঁহারাও

* The Hindu writers state that this was the seventh time the Sultan invaded India, in all of which he had been defeated.

Tabakat-i-Nasiri, Foot-note P. 466.

† Next season Sultan Maizzuddin made another expedition into India and killed Raja Pithaura in a single action.

Rauzatn T. Tahirin, Elliot's History of India, Vol. VI.
P. 198.

প্রকৃত প্রস্তাবে একেশ্বর ছিলেন না। মিগাস্থিনিস উল্লেখ করিয়াছেন যে, প্রবল-প্রতাপ চন্দ্রগুপ্তের সময়েও ভারতবর্ষে একশত খণ্ডরাজ্য ছিল। এই রাজবাহুল্য কোন জাতির সমগ্র শক্তিকে একই কেন্দ্রে আনিয়া দুর্জয় করিতে পারে না; প্রত্যুত পরস্পরের মধ্যে বিরোধ উৎপাদন করিয়া বলক্ষয় করে। এই রাজবাহুল্যের ত্রায়, ভারতবর্ষে ধর্মবাহুল্য এবং ভাষাবাহুল্যও ইহার পরাধীনতার এক একটি বিশিষ্ট কারণ। এই বৃহৎ দেশে এক একটা নদী বা পর্বত এক একটা প্রদেশকে সম্পূর্ণ পৃথক করিয়া রাখিয়াছে। তখন গমনাগমনের পথ ছিল না; এক প্রদেশবাসী অপর প্রদেশবাসীর ভাষা বুঝিত না; একই জাতিভুক্ত হইলেও পরস্পরের মধ্যে আদান প্রদান করিত না; পরস্পরের সুখ দুঃখে মিলিত হইত না। তাহার উপর ধর্মভেদ জন্ত মনোবাদের কারণ যথেষ্টই ছিল। হিন্দু, বৌদ্ধ পরস্পরের উপর সন্তুষ্ট ছিলেন না। কখনও কখনও উভয় সম্প্রদায়ের মিলনের কথা শুনিতে পাওয়া যায় বটে, কিন্তু অধিকাংশ স্থলে বন্ধমূল বিবাদই স্রুত হয়। মগধের পালবংশীয় রাজগণ বৌদ্ধ এবং বঙ্গদেশের সেনবংশীয় রাজগণ হিন্দু ছিলেন। তাঁহাদিগের মধ্যে সদ্ভাব ছিল না। গোড়ের রাজা শশাঙ্ক বিদ্রোহবশতঃ বোধিক্রম উৎপাটন এবং বৌদ্ধ সত্যারাম ধ্বংস করিয়াছিলেন। ব্রাহ্মণেরা বৌদ্ধ সম্রাট হর্ষবর্দ্ধনকে হত্যা করিবার চেষ্টা করিয়াছিলেন বলিয়া উল্লেখ দেখা যায়। কেবল মূলধর্মসম্প্রদায়ের মধ্যে বিরোধ নহে; তাহাদিগের নিজ নিজ শাখা প্রশাখার মধ্যেও বিরোধের অভাব ছিল না। শৈব, বৈষ্ণব ও শাক্ত পরস্পরকে এবং মহাযানপন্থানুযায়ী বৌদ্ধগণ হীনযানগামীদিগকে নিকৃষ্ট ধর্মাবলম্বী বলিয়া ঘৃণা করিতেন। এই ঘৃণা বা বিদ্বেষ অনেক সময়ে রক্তপাতে পর্যবেসিত হইত। রাজভেদ, ধর্মভেদ, ভাষাভেদ—তবে মিলন করিবে কে? প্রস্তরগণ্ড যতক্ষণ মসলা দিয়া বাঁধা থাকে, ততক্ষণই তাহারা প্রাচীররূপে নদীস্রোতকে রুদ্ধ করে; কিন্তু যে মুহূর্তে মসলাগুলি গলিয়া বা খসিয়া যায়, তখনই, অবরোধিকা শক্তি হারাইয়া এবং স্রোতের বলে চালিত হইয়া, তাহারা রেণুশেষ হইয়া যায়। এক রাজা, এক ধর্ম এবং এক ভাষারূপ বন্ধন-মসলার অভাবে ভারতবাসী হিন্দুগণ, বলবুদ্ধিতে নিকৃষ্ট না হইলেও, রেণুশেষ হইয়াছেন।

রাজবাহুল্যের কথা পূর্বেই বলিয়াছি। রাজগণের প্রকৃতি সম্বন্ধে কিছু বলা আবশ্যিক। ভারতবর্ষের প্রাচীন ক্ষত্রিয়বর্ণ লুপ্ত হইয়াছেন বলিয়াই সাধারণের সংস্কার। কিন্তু মুসলমান-আক্রমণের পূর্বে হইতেই আর একটা জাতি আসিয়া

ঠাহাদিগের স্থান অধিকার করিয়াছিলেন। ইঁহারা রাজপুত্র বা রাজপুত বলিয়া পরিচিত। ইঁহাদের উৎপত্তিসম্বন্ধে মতভেদ আছে। কিন্তু যেকোনো উৎপন্ন হউন, ইঁহারা আপনাদিগকে সেই প্রাচীন ক্ষত্রিয়-বংশোদ্ভূত বলিয়া নিঃসন্দেহে বিশ্বাস করিতেন এবং লোকের নিকটও তাহা প্রচার করিতেন। কেহ আপনাকে ঐরামচন্দ্রের, কেহ বা অর্জুনের বংশোদ্ভূত বলিতেন। ঠাহাদিগের কার্যকলাপেও ক্ষত্রিয়োচিত দোষ, গুণ লক্ষিত হইত। পরস্পরের প্রতি বৈরাচরণ, জিগীষা, ইক্ষিয়পরতন্ত্রতা প্রভৃতি দোষের সঙ্গে দেব ব্রাহ্মণ-ভক্তি, উদারতা, বীরোচিত সাহস ও রণপাণ্ডিত্য এবং প্রজাবাৎসল্য প্রভৃতি গুণ ঠাহাদের প্রকৃতিতে বর্তমান ছিল। এই রাজপুতগণই, মুসলমান-অভিযানকালে, ভারতবর্ষের কতকগুলি প্রধান রাজ্যের অধীশ্বর ছিলেন। দিল্লীতে তোমর, আজমীরে চৌহান, কনোজে রাঠোর, মালাবে পরমার, মিবারে গিহেলাট, গুজরাটে চালুক্য, মহোবায় চান্দেল, দাক্ষিণাত্যের স্বারসমুদ্রে বল্লাল এবং দেবগিরিতে যাদববংশীয় রাজপুতগণ রাজত্ব করিতেন। প্রাচীন ক্ষত্রিয় রাজাদিগের আচার, ব্যবহার ইঁহাদিগের আদর্শ ছিল। ইঁহাদিগের কন্যারা স্বয়ংবরা হইতেন; যজ্ঞান্তে ইঁহারাও সার্কভৌম বা রাজচক্রবর্তী উপাধি লইতেন। এই সকল অশুষ্ঠান, অনেক সময়, রক্তপাত এবং বংশানুক্রমিক শত্রুতা ব্যতীত সম্পন্ন হইত না। স্বয়ংবরের সঙ্গে বলপূর্বক কন্যাগ্রহণ-প্রথাও বহুল প্রচলিত ছিল; তদুপলক্ষ্যে এবং উত্তরাধিকারস্বত্ব লইয়া যে বিবাদ ঘটত, তাহা এক একটা রাজ্যের ধ্বংসের কারণ হইত। পূর্বে বলিয়াছি যে, রাজশক্তি, প্রধানতঃ, রাজপুতদিগেরই হস্তে ছিল। ঠাহাদের এইরূপ বিবাদের ফলে হিন্দুগণ মুসলমানকে সম্মিলিতভাবে বাধা দিতে পারেন নাই। অধিকাংশস্থলেই, এক একজন যাহা পারিয়াছেন, তাহা করিয়াছেন। কিন্তু তাহাতে ফল হয় নাই। ঐতিহাসিক হর্টার সাহেব লিখিয়াছেন যে, পৃথ্বীরাজের ১০৮ জন মিত্র-রাজের মধ্যে ৬৪ জন যাত্র ঠাহাকে সাহায্য করিতে অগ্রসর হইয়াছিলেন।

প্রজাসাধারণের অবস্থা আলোচনা করিলেও এই পতনের কারণ অনুমিত হইবে। যজ্ঞ, যাজন এবং অধ্যাপন তখনও ব্রাহ্মণদিগের প্রধান বৃত্তি ছিল। আলোররাজ দাহির এবং তাদৃশ ছই একজন ব্রাহ্মণ নরপতি মুসলমানদিগের বিরুদ্ধে সাহসের সহিত অস্ত্র ধারণ করিয়াছিলেন বটে; কিন্তু সেরূপ উদাহরণ অধিক দেখিতে পাওয়া যায় না। অধিকাংশ ব্রাহ্মণই অস্ত্র-ধারণে অসক্ত ও অক্ষম ছিলেন; যুদ্ধ রাজপুতেরই কার্য্য এবং ব্যবসায় বলিয়া পরিগণিত ছিল। তদিতর

জাতিগণ আপনাদিগের কৌলিক ব্যবসায়, কৃষিকর্ম বা বণিগ্ৰুত্তি অবলম্বনে জীবন যাপন করিতেন। রাজার প্রয়োজনে, সময়ে সময়ে, ইহারা অস্ত্রধারণে বাধ্য হইতেন ; কিন্তু উপযুক্ত শিক্ষার অভাবে তাঁহাদিগের সাহস বা শৌর্য্য সম্যক্ কার্য্যকর হইত না। তাহার উপর অগণ্য অস্ত্যজ ও অস্পৃশ্য জাতি একবারেই পরিত্যক্ত ছিল। তাহাদিগের সাহস, বল ও রাজভক্তির উপযুক্ত ব্যবহার হইত না। স্মৃতরাং যুদ্ধকালে আত্মরক্ষার বা শত্রুজয়ের জন্ত দেশব্যাপী উদ্যম কখনও হয় নাই। নানা কারণে অধিকাংশ লোকই যুদ্ধকালে নিশ্চেষ্ট থাকিতেন। যুষ্টিমের বৈদেশিক আসিয়া যে, একাধিকবার, ভারতবর্ষের বিভিন্ন প্রদেশে রাজ্যস্থাপনে সর্মথ হইয়াছেন, জনসাধারণের অজ্ঞতা, ঔদাসীন্য় এবং অমিলনই তাহার কারণ।

আমরা এ পর্য্যন্ত যে যে কারণ নির্দেশ করিয়াছি, তাহা সমস্তই বস্তুগত বা পার্থিব। ইহাদিগের পশ্চাতে বস্তুসম্বন্ধহীন, অপার্থিব প্রবল কারণও বিদ্যমান ছিল। যাহারা ভগবানের অস্তিত্বে বিশ্বাস করেন, তাঁহারা ইহাও বিশ্বাস করেন যে, এই জগৎ কেবল ভৌতিক শক্তি দ্বারা পরিচালিত হইতেছে না ; ভৌতিক শক্তির অন্তরালে এক অদৃশ্য, আধ্যাত্মিক মহাশক্তি ইহা শাসন ও সংরক্ষণ করিতেছে। হিন্দুজাতি, এক সময়, ধর্ম্মের উচ্চ আদর্শ লাভ করিয়াও, ক্রমশঃ, ধর্ম্মভ্রষ্ট ও আচারভ্রষ্ট হইয়াছিলেন। হিন্দু ও বৌদ্ধের পরস্পর প্রতিদ্বন্দ্বিতার জন্য, এবং লোক রঞ্জন-প্রিয়তার ও দলপুষ্টির অনুরোধে, অতি বীভৎস ও কুৎসিত আচারসমূহ ধর্ম্মের অঙ্গ বলিয়া উভয় ধর্ম্মে প্রবেশ করিয়াছিল। তাহার উপর স্বার্থপরতার, ঘেমে এবং ইন্দ্রিয়সেবানুরক্তিতে সমাজ জর্জরিত হইয়া উঠিয়াছিল। যে দেশে সীতা ও সাবিত্রী জন্মগ্রহণ করিয়াছিলেন, সে দেশে নারী পতিহত্যা এবং যে দেশে রামচন্দ্র ও ভীষ্ম আবির্ভূত হইয়াছিলেন, সে দেশে পুত্র পিতৃহত্যা করিতে কুণ্ঠিত হইত না। স্বর্ণময়ী সীতা-প্রতিকৃতি যে দেশে পতিব্রতার সম্মান রক্ষা করিয়াছিল, সে দেশে এক একজন রাজা শত শত পত্নী এবং প্রকাশ্য উপপত্নী গ্রহণ করিতে সঙ্কুচিত হইতেন না। 'বিষ্ণাবিনয়সম্পন্নে ব্রাহ্মণে, গবি, হস্তিনি, শুনি চৈব স্বপাকে চ পণ্ডিতাঃ সমদর্শিনঃ' এই মহাবাক্যের স্থলে 'দুঃশীলোহপি দ্বিজঃ পূজ্যো ন শূদ্রো গুণবানপি' এই নীচ উপদেশ পরিগৃহীত হইয়াছিল। 'মাতৃৎ পরদারেষু' এই মহোপদেশ গ্রহণীয় না হইয়া দরিদ্রা পরপ্তী 'বচনমাত্ৰসিদ্ধা', কার্য্যতঃ, ইহারই পরিচয় পাওয়া যাইতেছিল।

সুতরাং এদেশের পতন নিবারণ করে কাহার সাধ্য? সৰ্বশক্তিমান্ ও ন্যায়বান্ বিধাতার বিচারে বাহা হওয়া সম্ভব, হিন্দুজাতির সম্বন্ধে তাহাই হইয়াছে।

কাহারো ভারতবর্ষের ইতিহাসে অভিজ্ঞ নহেন, তাঁহাদিগের জন্য কাব্যোক্ত কালে ও তাহার অব্যবহিত পূর্বে ভারতবর্ষে মুসলমান-অধিকার কিরূপে প্রসারিত হইয়াছিল, তাহা সংক্ষেপে উল্লেখ করিলে, বোধ হয়, অপ্রাসঙ্গিক হইবে না। মুসলমানধর্মপ্রচারক হজরৎ মহম্মদ ৬৩২ খ্রীষ্টাব্দে পরলোক গমন করেন। তাঁহার জীবনকালেই ধর্মবিস্তারের ও সেই সঙ্গে রাজ্যবিস্তারের জন্য তাঁহার শিষ্যগণের বাসনা জন্মিয়াছিল। ভারতবর্ষ, স্বীয় ঐশ্বর্যের ও সৌন্দর্যের জন্য, চিরদিনই, সর্বজাতির লালসা উৎপাদন করিয়া আসিতেছে। মহম্মদের মৃত্যুর পর, পাঁচ বৎসর গত হইতে না হইতে, আরবগণ, জলপথে আসিয়া, ভারতবর্ষের সমুদ্র-তটবর্তী পশ্চিম প্রদেশ আক্রমণ করিতে আরম্ভ করেন। কিন্তু এই সকল আক্রমণের ফল স্থায়ী হয় নাই। অবশেষে, খলিফা ওয়ালিদের সময়ে, পারস্যের শাসনকর্তা তাঁহার জামাতা মহম্মদ কাশিমকে ভারতবর্ষ বিজয়ের জন্য প্রেরণ করেন। কাশিম, তরুণবয়স্ক হইলেও, বুদ্ধিকৌশলে ও বলবীর্যে অসাধারণ পুরুষ ছিলেন। তিনি মাকরাণ ও বেলুচিস্থানের মধ্য দিয়া ভারতবর্ষে প্রবেশ করেন। হিন্দুগণ, প্রভূত সাহস ও বিক্রম প্রদর্শন করিয়াও, তাঁহার আক্রমণ নিবারণে সমর্থ হন নাই।

৭১২ খ্রীষ্টাব্দে সিন্ধুদেশের অন্যতম অধিপতি বীরবর দাহির কাশিমের সহিত যুদ্ধে নিহত হন এবং সমুদ্রতট হইতে মুল্তান পর্যন্ত সমস্ত প্রদেশ মুসলমানদিগের অধিকৃত হয়। কিন্তু তাঁহাদিগের এই অভিযানের ফল স্থায়ী হয় নাই। কাশিমের মৃত্যুর পর মুসলমান-প্রভুত্ব ক্রমে ক্ষীণ হইতে থাকে এবং বিজিত হিন্দুগণ পুনর্বার আপনাদিগের স্বাধীনতা লাভ করেন। এইরূপে প্রায় আড়াই শত বৎসর গত হইলে আবার ভারতবর্ষে মুসলমান অভিযান আরম্ভ হয়। খ্রীষ্টীয় দশম শতাব্দীর শেষ ভাগে সবুজগীন নামে এক দৃঢ়চেতা মুসলমান বীর গজনীর সিংহাসনে অধিকৃত ছিলেন। তিনি লাহোর প্রদেশের অধিপতি রাজা জয়পালকে পরাস্ত করেন এবং পেশওয়ার ও তাহার আসন্নবর্তী প্রদেশ অধিকারভুক্ত করিয়া লন। সুপ্রসিদ্ধ সুলতান মামুদ ইহারই পুত্র। ইনি অষ্টাদশবার ভারতবর্ষ আক্রমণ করিয়াছিলেন; কিন্তু ভারতবর্ষে স্থায়ী ভাবে রাজত্ব করিবার জন্য কোনও চেষ্টা করেন নাই। প্রতিমাধ্বংস, বিজিত নগর

ও দেবমন্দির লুণ্ঠন এবং পঞ্চনদ প্রদেশের কিয়দংশ অধিকার করিয়াই তিনি পরিতৃপ্ত হইয়াছিলেন। ১০৩০ খ্রীষ্টাব্দে মামুদের মৃত্যু হয় এবং তাঁহার মৃত্যুর পর, শতবর্ষ গত হইতে না হইতে, তাহার বংশধরগণ, ক্রমে, দুর্বল ও অবসন্ন হইয়া পড়েন। এই সময়ে গজনী ও হিরাট উভয়ের মধ্যস্থলে ঘোর নামে একটি পার্শ্বত্যা রাজ্য ছিল। খ্রীষ্টীয় ষাটশ শতাব্দীর মধ্যভাগে ঘোররাজ গজনী অধিকার করেন। ঘোরের অধিবাসী বলিয়া এই রাজবংশ ইতিহাসে ঘোরী নামে পরিচিত। ঘোরী বংশে গিয়াসুদ্দীন ও মইজুদ্দীন নামে দুই সহোদর ছিলেন। জ্যেষ্ঠ গিয়াসুদ্দীন নামে রাজা ছিলেন, কিন্তু আধিপত্য কনিষ্ঠ মইজুদ্দীনেরই হস্তে ছিল। এই মইজুদ্দীনই ইতিহাসে মহম্মদ ঘোরী নামে সুবিদিত। তিনি মামুদের ন্যায় বহুবার ভারতবর্ষ আক্রমণ করিয়াছিলেন এবং তাঁহারই প্রতিনিধি কুৎবুদ্দিন ভারতবর্ষে, প্রকৃত প্রস্তাবে, মুসলমান-সাম্রাজ্য প্রতিষ্ঠা করিয়াছিলেন। ১১৭৬ খ্রীষ্টাব্দে মহম্মদ ঘোরী প্রথম ভারতবর্ষ আক্রমণ করেন, এবং ক্রমশঃ রাজ্যবিস্তারে প্রবৃত্ত হন। পঞ্জাব প্রদেশ অধিকার করিয়া আর্যাবর্তে প্রবেশের উদ্দেশ্যে করিলে পৃথ্বীরাজের সহিত তাঁহার বিরোধ উপস্থিত হয়। তাহার পর যাহা ঘটয়াছিল, পাঠক এই কাব্য হইতেই তাহা অবগত হইতে পারিবেন। ১১৯১ খ্রীষ্টাব্দের ২৯এ জানুয়ারী হইতে ১১৯৩ খ্রীষ্টাব্দের ২৬এ ডিসেম্বর পর্যন্ত কিয়দধিক আড়াই বৎসরের মধ্যে তরাইয়ের উভয় যুদ্ধ, তবরহিন্দ-অবরোধ ইত্যাদি সংঘটিত হইয়াছিল।*

ইতিহাসের উপর প্রতিষ্ঠিত হইলেও আমি এই কাব্যে প্রয়োজনানুরূপ মনঃকল্পিত ঘটনা এবং চরিত্র প্রবর্তন করিয়াছি। কাব্যোক্ত প্রধান পাত্র, পাত্রীদিগের মধ্যে রাজগুরু তুঙ্গাচার্য্য এবং তম্বোপাসিকা মেঘা কল্পিত; অপর সকলেই ঐতিহাসিক। মহম্মদ ঘোরীর সেনাপতি ও কর্মচারীদিগের মধ্যে কুৎবুদ্দীনের ও বক্তারের নাম বাঙ্গালী পাঠকদিগের সুপরিচিত বলিয়া তাঁহাদিগকে কাব্যের পাত্ররূপে গ্রহণ করিয়াছি। বর্ণনীর বিষয় চিত্তাকর্ষক করিবার জন্য কল্পিত ঘটনার সমাবেশ করিতে হইয়াছে; কিন্তু কুত্রাপি ইতিহাসোক্ত ঘটনার বিকৃতি করি নাই। পৌর্কপাধ্য সম্বন্ধে যে ঘটনা বেরূপ সন্নিবেশ করা সম্ভবত বোধ হইয়াছে, তাহা সেইরূপ করিয়াছি।

* মুসলমান-অন্ধের সহিত খ্রীষ্টীয় অন্ধের তুলনার, ঐতিহাসিক Vincent Smith এর মতানুসারে, এই সময় নির্ধারণ করা হইয়াছে।

কি রাষ্ট্রীয় ঘটনা, কি সামাজিক আচার, ব্যবহার, কি ঐতিহাসিক তত্ত্ব প্রামাণিক গ্রন্থসমূহে যাহা পাইয়াছি, তাহাই কাব্যোচিত বর্ণে চিত্রিত করিয়াছি। যাহাতে হিন্দু, মুসলমান বা বৌদ্ধ কোনও শ্রেণীর পাঠক ব্যথিত হইতে পারেন, মনঃক্লান্ত একরূপ কোনও কথা বলি নাই। কোন অপ্রীতিকর প্রসঙ্গ থাকিলে পাঠক, ঐতিহাসিক সত্যের অনুরোধে, তাহা ক্ষমাযোগ্য বিবেচনা করিবেন। সুপরিচিত বিষয় ব্যতীত অগ্ৰত্ব সমর্থক মূল, পাদটীকাকারে, উদ্ধৃত করিয়াছি। এই পাদটীকা একটু বিস্তৃত হইয়াছে; কিন্তু আশা করি, তত্ত্বাভ্যাসী পাঠকের নিকট তাহা অপ্রাসঙ্গিক বা বিরক্তিকজনক বোধ হইবে না। এ দেশে ইতিহাসের প্রচার থাকিলে একরূপ বহুল পাদটীকার প্রয়োজন হইত না। সাধারণ পাঠক, পাঠিকা সেগুলি ত্যাগ করিতে পারেন; তাহাতে রসভঙ্গের আশঙ্কা নাই।

পৃথীরাজ পাঠ করিয়া যদি কোন হিন্দু আমাদের জাতীয় অধঃপতনের কারণ অনুসন্ধান ও প্রতিবিধানের উপায় অবলম্বনে প্রবৃত্ত হন, তাহা হইলে, আমি শ্রম সার্থক জ্ঞান করিব। কবিতা-রস-বিতরণ এই কাব্যের গৌণ উদ্দেশ্য; মুখ্য উদ্দেশ্য নহে। যাহা হইবার তাহা ত হইয়া গিয়াছে; কিন্তু, প্রতিকারের পথ দেখিলে, প্রকৃতির নিয়ম অনুসারে, পতনের পর উত্থান অবশ্যই আরম্ভ হইবে।

পৃথীরাজরচনার আমি যে সাহায্য লাভ করিয়াছি, গ্রন্থপ্রকাশকালে কৃতজ্ঞ চিন্তে তাহা স্মরণ করিতেছি। পুস্তকসংগ্রহে, স্থানীয় তত্ত্বানুসন্ধান, গ্রন্থের ভাষা ও ভাবের উৎকর্ষসাধনে আমার কোন কোন হিতৈষী বন্ধু আমাকে পরামর্শ দান ও সাহায্য করিয়া উপকৃত করিয়াছেন। তাঁহাদিগের মধ্যে দুই একজনের নাম প্রকাশ্যভাবে উল্লেখ করা আমি অবশ্যকর্তব্য বলিয়া বিবেচনা করি। আমার প্রিয়তম ছাত্র, শ্রীমান্ প্রফুল্লনাথ ঠাকুর ইহার জন্ত বহু ছুপ্রাপ্য ও দুর্মূল্য পুস্তক ক্রয় করিয়াছেন। তাঁহার সম্বন্ধে কোন কথা বলা সঙ্কোচের বিষয় হইলেও, কর্তব্যানুরোধে, আমি ইহা উল্লেখ করিতে বাধ্য হইলাম। সহদয় ও সুরসিক কবি শ্রীযুক্ত রসময় লাহা, এই গ্রন্থের পাণ্ডুলিপি আত্মোপাস্ত শ্রবণের পর এবং দ্বিতীয় সংস্করণকালে, প্রফ দেখিবার সময়, আমাকে যে সং-পরামর্শ দিয়াছিলেন, তাহার ফলে কাব্যের বহু উৎকর্ষ সাধিত হইয়াছে। আমি সেক্ষত্ৰ তাঁহার নিকট হৃদয়ত কৃতজ্ঞতা প্রকাশ করিতেছি। আজমীরের ইতিহাস-লেখক, সুপণ্ডিত শ্রীযুক্ত হরবিলাস সান্দা ও দিল্লীপ্রবাসী, পুরাতত্ত্ব-প্রিয় শ্রীযুক্ত সরোজননাথ বাগুচি, সাক্ষাৎ পরিচয় না থাকিলেও, আজমীর

ও দিল্লী-সম্বন্ধীয় সংবাদদানে ও চিত্রসংগ্রহ-কার্যে সাহায্য করিয়া, আমার পক্ষ উপকৃত করিয়াছেন। সারদা মহাশয়ের উৎকৃষ্ট গ্রন্থ হইতে আমি আজমীর সম্বন্ধে বহু উপাদান প্রাপ্ত হইয়াছি, এবং যথাস্থলে তাহা উল্লেখ করিয়াছি। কল্পিত চিত্রগুলি সুনিপুণ শিল্পী শ্রীযুক্ত সুরেন্দ্রনাথ দাসের অঙ্কিত। তাঁহার চিত্র আমার কল্পনা পরিস্ফুটনে যে সাহায্য করিয়াছে, তজ্জন্ত আমি তাঁহাকে আন্তরিক ধন্যবাদ দিতেছি।

উপসংহারকালে আমার নিবেদন এই যে, কাব্যরচনার প্রবৃত্ত হইলেও আমি যে ইতিহাস অবলম্বনে কাব্য লিখিতেছি, তাহা আমি যেমন বিশ্বাস্ত হই নাই, আমি যে কাব্য লিখিয়াছি, ইতিহাস লিখি নাই, আশা করি, আমার পাঠক-বর্গও, তেমনি, সে কথা বিশ্বাস্ত হইবেন না। মন্দিরনির্মাতা স্থপতির স্থায় আমি ইতিহাসরূপ ধনি হইতে প্রস্তরখণ্ড সংগ্রহ করিয়াছি। কিন্তু সেগুলিকে উপযুক্ত আকারদান ও যথাস্থানে সন্নিবেশ সম্বন্ধে আমি নিজের উদ্দেশ্য স্মরণ রাখিয়াই অগ্রসর হইয়াছি। আমার পাঠক, পাঠিকা যদি স্মরণ রাখেন যে, ঐতিহাসিক সত্যনির্ধারণ চাঁদ কবির এবং কবিতারসবিতরণ মুসলমান ঐতিহাসিকদিগের চিন্তার বিষয় ছিল না, তাহা হইলে আমার উদ্দেশ্য ও অবলম্বিত উপায়, উভয়ই, তাঁহাদিগের নিকট প্রতিভাত হইবে। ইতি—

চৈত্র, ১৩২২।
কলিকাতা।

শ্রীযোগীন্দ্রনাথ বসু ।

তৃতীয় ও চতুর্থ সংস্করণ সম্বন্ধে নিবেদন।

পৃথ্বীরাজ যে বঙ্গীয় কৃতবিদ্য-সমাজে প্রতিষ্ঠানাত করিয়াছে, তজ্জন্য আমি সর্বমঙ্গলময়কে কৃতজ্ঞচিত্তে স্মরণ করি। তিনি করুন, যেন এই গ্রন্থের উদ্দেশ্য সিদ্ধ হয়; আমরা, আমাদের কার্যের ফলাফল বুঝিয়া, ভবিষ্যৎ সম্বন্ধে সতর্ক হই। কলিকাতাস্থ সাহিত্যসেবক-সমিতির সভ্যগণ এই গ্রন্থের প্রথম শ্রোতা; তাঁহারা আমার বিশিষ্ট ধন্যবাদের পাত্র। তাঁহাদিগের প্রশংসা ও উৎসাহবাক্য এক্ষণে বহু সাহিত্যমন্দিরে প্রতিধ্বনিত হইতেছে। আমি তাঁহাদিগের এবং নানা স্থান হইতে যাহারা পত্র লিখিয়া আমাকে উৎসাহিত করিয়াছেন, সেই সকল ব্যক্তির নিকট কৃতজ্ঞতা জ্ঞাপন করি।

দ্বিতীয় সংস্করণকালে গ্রন্থখানি সম্বর্ধিত ও আত্মোপাস্ত সম্বর্ধিত হইয়াছিল। তাহার পর নূতন কিছু পরিবর্তনের প্রয়োজন হইবে, আমার এরূপ বিশ্বাস ছিল না। কিন্তু এক্ষণে দেখিতেছি, জীবিত লেখকের গ্রন্থে প্রত্যেক সংস্করণেই স্বল্পাধিক পরিবর্তন অবশ্যস্বাভাবী। এই পরিবর্তনের পরিমাণ লেখকের মানসিক অবস্থার উপর নির্ভর করে। যে অবস্থায় বর্তমান সংস্করণের সংশোধন ও সংযে জন হইয়াছে, তাহা বলিলে, বোধ হয়, অপ্রাসঙ্গিক হইবে না। তৃতীয় সংস্করণ যন্ত্রস্থ করিবার পূর্বে আমি, রোগাবসানে, স্বাস্থ্যলাভের জন্ত, ভাগলপুর জিলার অন্তর্গত সুপোলে গমন করিয়াছিলাম। সুপোল, সাধারণের নিকট স্বাস্থ্য-বাস বলিয়া সুপরিচিত না হইলেও, শাতঋতুতে প্রকৃতই স্বাস্থ্যকর। আমি এখানে, কয়েকমাস অবস্থিতি করিয়া, প্রভূত উপকার লাভ করিয়াছিলাম। সে উপকার স্বাস্থ্যোন্নতিতেই পর্যাবসিত হয় নাই। সুপোলের নির্মল জল এবং বিশুদ্ধ বায়ুর গুণে যেমন আমার জীর্ণ দেহে নূতন রক্তকণিকা গঠিত হইয়াছিল, ইহার প্রাকৃতিক দৃশ্যও তেমনি আমার শুকহৃদয়ে নবরস সঞ্চার করিয়াছিল। সুপোল নেপাল-রাষ্ট্রের সীমা পর্যন্ত প্রসারিত। সমতল ভূমির সহিত বন্ধুর ভূমির এবং গ্রাম্য তরুলতার সহিত পার্কৃত্য উদ্ভিদের এখানে সম্মিলন হইয়াছে। হিমাচল ইহার উত্তরে বিরাট্ মূর্তিতে দণ্ডায়মান। দেবদর্শনের ন্যায় তাঁহার দর্শনলাভ সর্বদা সুলভ না হইলেও তাঁহার সান্নিধ্য চিত্তকে ভাববিষ্ট করে। সুপোলের মহাকাশ (rain trees) বর্ষণবৃক্ষসমূহ, ঘনশ্যাম আশ্রুকুঞ্জ, ছায়াসেবিত রাজপথ এবং যোজনব্যাপী প্রাস্তর ভাবুকের পক্ষে শ্রীতি ও অনুরাগের সহিত স্মরণীয়। প্রাতঃকালে, যখন, আমি ইহার নির্জন প্রাস্তরপথে ভ্রমণ করিতাম, তখন, ইহার নীরব গান্ধীর্ষ্যে আমার হৃদয় সংসারের কোলাহল বিশ্বৃত ও অননুভূতপূর্ব আনন্দরসে অভিষিক্ত হইত। প্রভাত-সমীরণ, কখনও, প্রস্ফুটিত সর্ষপকুম্বের তীব্র মধুগন্ধ, কখনও আশ্রমুকুলের কাষায় সৌরভ বহন করিয়া, সুমন্দ হিল্লোলে, আমার শরীর স্নিগ্ধ এবং নাসিকা মোদিত করিত। ঘুঘুর অশ্রান্ত-করণ সঙ্গীত, পাপিয়ার গগনপ্রাবী স্বরতরঙ্গ আমার কর্ণে সুধা ঢালিয়া দিত এবং স্বভাবচপল খঞ্জন পক্ষীগুলি তাহাদিগের চকিত নৃত্যে আমার নয়ন পরিতৃপ্ত করিত। বসন্তসমাগমে ইহার আপাদমঞ্জরিত, ভ্রমর-নিসেবিত, মকরন্দস্রাবী আশ্রিতকুলির, যে শোভা দেখিয়াছিলাম তাহা এ জীবনে বিশ্বৃত হইতে পারিব না। আমি অতৃপ্তনয়নে সে শোভা দর্শন করিতাম; আমার হৃদয় কবিত্বময় হইয়া উঠিত। তদবস্থায় বর্তমান

অতীতে এবং পরিদৃশ্যমান ধ্যানগম্যে পরিণত হইত। আমি, ভাবাবেশে, গৃহে আসিয়া, যখন, আমার কাব্য পাঠ করিতে বসিতাম, তখন অনেক অপূর্ণতা দর্শন করিতাম; নূতন কথা সন্নিবেশ, তখন, অবশ্যকর্তব্য বলিয়া আমার বোধ হইত। বর্তমান সংস্করণের নবসংযোজিত অংশগুলি, প্রধানতঃ, আমার সুপোল-বাসেরই ফল। আমার বিশ্বাস, তাহার দ্বারা আমার কাব্যের উপযোগিতা বর্দ্ধিত হইয়াছে। যাহাদিগের সহৃদয়তাগুণে আমার সুপোলবাস সুখাবহ ও সার্থক হইয়াছিল, আমি তাঁহাদিগের নিকট কৃতজ্ঞতা প্রকাশ করি।

পৃথীরাজ পাঠ করিয়া কোন কোন সহৃদয় ব্যক্তি আমাকে জিজ্ঞাসা করিয়াছিলেন যে, ‘এই বহুদোষদুষ্ট আমাদিগের জাতির কি উত্থানের আশা নাই?’ এ প্রশ্নের উত্তর আমি আমার কাব্যের সর্বশেষ পংক্তিতে দিয়াছি।

“প্রায়শ্চিত্ত অস্তে দুঃখ, দৈন্য হ’বে দূর।”

যে সকল দোষের জন্য আমাদের পতন হইয়াছিল, তাহা পরিত্যাগ করিলে যে আবার আমাদের উত্থান হইতে পারে, মহাপ্রাণ শিবাজী মহারাষ্ট্রে ইহার আংশিক প্রমাণ দিয়াছেন। পৃথীরাজ পাঠের পর আমি পাঠককে আমার রচিত শিবাজী মহাকাব্য পাঠ করিতে অনুরোধ করি। উভয় কাব্য পাঠ না করিলে আমার কাব্যরচনার উদ্দেশ্য পাঠকের হৃদয়ঙ্গম হইবে না।

নূতন সংযোজনবশতঃ তৃতীয় সংস্করণ প্রথম সংস্করণ হইতে ৫০ পৃষ্ঠা বাড়িয়াছে। তাহাতে, কয়েকখানি নূতন চিত্র সন্নিবেশ করাতে এবং কাগজের মূল্য ও ছাপার খরচ পূর্বাপেক্ষা অধিক হওয়াতে, ব্যয় বহুপরিমাণে বৃদ্ধি পাইয়াছে। সেই জন্য, অনিচ্ছাসত্ত্বেও, পুস্তকের মূল্য বৃদ্ধি করিতে হইল। আশা করি, অবস্থা বিচারে, সাধারণে তাহা অসঙ্গত জ্ঞান করিবেন না।

তৃতীয় সংস্করণের স্থায় বর্তমান চতুর্থ সংস্করণেও স্থানে স্থানে সংশোধন ও সংযোজন করা হইল। তৃতীয় সংস্করণে অনেকগুলি মুদ্রণ-ভ্রম ঘটিয়াছিল; এবার, যথাশক্তি, তাহা পরিহারের চেষ্টা করিয়াছি। যদি এবারেও কোন ভ্রম দৃষ্ট হয়, পাঠক, আমাদের মুদ্রায়ন্ত্রের অবস্থা বিবেচনায়, ক্ষমা করিবেন। ইতি

কলিকাতা ৩৫ এ গুয়াবাগান লেন

তৃতীয় সংস্করণ ভাদ্র ১৩২৭

চতুর্থ সংস্করণ ভাদ্র ১৩৩০।

শ্রীযোগীন্দ্রনাথ বসু

বিষয়-নিরূপণ

গ্রন্থাত্মক :-

মহাশূন্য—সপ্তর্ষিমণ্ডল—সপ্তর্ষি ও দেবী অরুন্ধতী—বিশ্বাশ্রুতি—
ভারতবর্ষের আধ্যাত্মিক ও নৈতিকপতন সম্বন্ধে বিশিষ্টবাক্য—অরুন্ধতীবাক্য—
মরীচিবাক্য—সপ্তর্ষির মর্ত্যলোকে আগমনসঙ্কল্প—দৈববাণী—প্রায়শ্চিত্তভাবে
পাপমোচনের অসম্ভবত্ব—কালপ্রতীক্ষা । ১—৬ পৃষ্ঠা ।

প্রথম সর্গ—পৃথীরাজের দিল্লীলাভ :-

শরৎপ্রভাতে যমুনাতীর—অভিষেকোদ্দেশ্যে দিল্লীনগরীর শোভা—
নগরবাসিগণের আয়োজন ও আনন্দ—দিল্লীখর অনঙ্গপালের সভা—অনঙ্গ-
পালের কণ্ঠাঘরের পরিচয়—অনঙ্গপালের বদরিকাশ্রমে গমনের সঙ্কল্প—
অনঙ্গপাল ও পৃথীরাজ—অনঙ্গপালের পৃথীরাজকে রাজ্যদান—অনঙ্গপালের
জ্যেষ্ঠা কন্যা সুন্দরীর আকস্মিক আবির্ভাব—সুন্দরীর অনঙ্গপালের প্রতি
রোষবাক্য—অনঙ্গপালের কন্যাকে সান্ত্বনাদান—সুন্দরীর প্রত্যুত্তর ও
পৃথীরাজকে অমুযোগ—সুন্দরীর সভাত্যাগ—সভাসদৃগণের উদ্বেগ—
পৃথীরাজের আশ্বাসবাক্য । ৭—১৬ পৃষ্ঠা ।

দ্বিতীয় সর্গ—মহম্মদ ঘোরীর মন্ত্রণা :-

কল্পনাদেবীর নিকট কবির প্রার্থনা—গজনীনগরী—মহম্মদ ঘোরী ও
উঁহার অমাত্যগণ—মহম্মদ ঘোরীর দূতমুখে ভারতবর্ষের অবস্থা শ্রবণ—
প্রথম দূতের ভারতবর্ষের সম্পদ ও শোভাবর্ণন—দ্বিতীয় দূতের ভারতবাসী-
দিগের ধর্ম ও আচার, ব্যবহার বর্ণন—তৃতীয় দূতের ভারতবাসিগণের প্রকৃতি
ও যুদ্ধনৈপুণ্য বর্ণন—কুৎবুদ্দীনের পরামর্শদান—মৈমুদ্দীনের পরামর্শদান—
হামজবীর পরামর্শদান—মহম্মদ ঘোরীর ভারতবর্ষে রাজ্যস্থাপনসঙ্কল্প ।

১৭—৩৭ পৃষ্ঠা ।

তৃতীয় সর্গ—সংযুক্তার উপবন-বিহার :-

উপবনস্থিতা সংযুক্তা ও সখীগণ—সংযুক্তার রূপ, গুণ—সংযুক্তার
আকস্মিক বিবাদ—সংযুক্তাকে অন্যমনস্ক করিবার জন্য জয়চন্দ্রের আদেশ—

ভাট চাঁদ বরদাইএর আগমন ও সঙ্গীতের বিষয় নির্বাচনার্থ প্রার্থনা—
হিন্দুগীরগণ সম্বন্ধে সখীগণের খেদোক্তি - সংযুক্তার উক্তি—চাঁদের মহোবাযুক
গান—বীর আলহ ও উদালের পরিচয়—পৃথীরাজের বীরত্ব ও মহত্ববর্ণন—
সংযুক্তার প্রতি সখী শ্রিয়ব্রতার উক্তি। ৩৮- ৫১ পৃষ্ঠা।

চতুর্থ সর্গ—রাজসূয় ও স্বয়ংবরোদ্যোগ :-

সায়ংকালে গঙ্গাতীরস্থ কনোজনগরীর শোভা রাজসূয় ও স্বয়ংবর
সম্বন্ধে নাগরিকগণের উক্তি, প্রত্যুক্তি—বৌদ্ধ ও রাজপুত নাগরিকদ্বয়ের
বাদানুবদ—রাজগুরু তুঙ্গাচার্যের আশ্রম—তুঙ্গাচার্যের পরিচয় - দেবী
শুভকরী—তুঙ্গাচার্যের আশ্রমে জয়চন্দ্র ও রাজ্ঞী—তুঙ্গাচার্যের জয়চন্দ্রকে
যুদ্ধোদ্যোগের কারণ জিজ্ঞাসা—জয়চন্দ্রের প্রত্যুত্তর—তুঙ্গাচার্যের জয়চন্দ্রকে
বিবাদে নিরস্ত হইবার জন্ত পদামর্শদান—মুসলমানদিগের বীরত্ব ও মহত্বদ
যোীর যুদ্ধোদ্যোগ বর্ণন—জয়চন্দ্রের গর্বেক্তি—তুঙ্গাচার্যের জয়চন্দ্রকে
তাঁহার ভ্রম-প্রদর্শন—তুঙ্গাচার্যের বাক্যে রাজ্ঞীর উক্তি—তুঙ্গাচার্যের সংযুক্তার
সম্বন্ধে প্রশ্ন—জয়চন্দ্রের উত্তর—তুঙ্গাচার্যের উপদেশ। ৫২—৭৭ পৃষ্ঠা।

পঞ্চম সর্গ—পৃথীরাজের সঙ্কল্প :-

সায়ংকালীন দৃশ্য—বিরামোস্থানে পৃথীরাজ, গোবিন্দ ও চাঁদবরদাই—
পৃথীরাজের চাঁদকে কনোজের সংবাদ-জিজ্ঞাসা—চাঁদের রাজসূয় বজ্ঞের
উদ্যোগ বর্ণন এবং জয়চন্দ্রের পৃথীরাজকে অপমানিত করিবার চেষ্টায় কোভ-
প্রকাশ পৃথীরাজের চাঁদকে সান্ত্বনাদান ও সংযুক্তার সংবাদ-জিজ্ঞাসা—
চাঁদের প্রত্যুত্তর—চাঁদকে বিদায়দানান্তে পৃথীরাজের গোবিন্দের সহিত
কথোপকথন—পৃথীরাজের ও সংযুক্তার পরস্পরের প্রতি অনুরাগ উল্লেখ—
পৃথীরাজের আক্ষেপ—গোবিন্দের সান্ত্বনা-বাক্য ও সংযুক্তালাভে যুক্তিদান
—পৃথীরাজের স্বয়ংবর-গমনে সঙ্কল্প। ৭৮—৯৫ পৃষ্ঠা।

ষষ্ঠ সর্গ—সংযুক্তার-স্বয়ংবর :-

স্বয়ংবরপ্রভাতে কনোজনগরী—গঙ্গাবক্ষে সুসজ্জিত তরুণী ও রাজপথে
অপরিচিত সৈনিকদল—স্বয়ংবরসভা—সভাদর্শনোৎসুক নরনারীগণ—সভাস্থিত
জয়চন্দ্র—পাণ্ডুরাজ্যের আগমন ও তাঁহাকে সভার বহির্দেশে থাকিবার
জন্ত জয়চন্দ্রের সন্মতিদান -স্বয়ংবরনিমন্ত্রিত রাজগণ—সংযুক্তার সভার

পৃথীরাজের কথোপকথন—সংযুক্তার পূজায় ব্যাধাত—পৃথীরাজ ও সংযুক্তার
শেষ বিদায়—পৃথীরাজের যুদ্ধক্ষেত্রে গমন—মহম্মদ ঘোরীর পত্র—পত্র সম্বন্ধে
সমরসিংহ ও গোবিন্দের কথোপকথন—সেনাপতির পিশাচসিদ্ধা নারীর
আগমন বর্ণন ও দক্ষিণাকালী পূজার্থ আদেশ গ্রহণ—পূজার আয়োজন—
রণক্ষেত্রে শিবিরস্থ পৃথীরাজ ও রণক্ষেত্রের দৃশ্য—পৃথীরাজের চিন্তা—মহম্মদ
ঘোরীর অতিক্রম আক্রমণ—হিন্দু সৈনিকগণের বাধা দান—মুসলমান
সৈনিকদিগের পলায়নচ্ছল—তদর্শনে গোবিন্দের উক্তি—দ্বাদশ সহস্র মুসলমান
অশ্বরোহীর আকস্মিক আগমন—গোবিন্দের জম্মুপতি নরসিংহের সহিত
যুদ্ধার্থ গমন—পৃথীরাজের বীরত্ব—পৃথীরাজের গতন। ২৯৭--৩৩২ পৃষ্ঠা।

উনবিংশ সর্গ—সংযুক্তার চিতারোহণ :-

তরাঙ্গণ ও দিল্লীর অর্ধপথস্থিত প্রাস্তর—অশ্বখমূলকুলে কুটীর—আহত
পৃথীরাজ ও তুঙ্গাচার্য—পৃথীরাজের জন্ত কৃষকনারীর দুগ্ধসহ আগমন—কৃষক-
নারীকে পৃথীরাজের অঙ্গুরীদানের আদেশ—কৃষকনারীর রাজভক্তি—পৃথী-
রাজের তুঙ্গাচার্যকে যুদ্ধসংবাদ-জিজ্ঞাসা—তুঙ্গাচার্যের প্রত্যুত্তর—পৃথীরাজের
ক্ষতে তুঙ্গাচার্যের ঔষধদান—তুঙ্গাচার্যের নিকট পৃথীরাজের অন্তিম নিবেদন
—তুঙ্গাচার্যের ঔষধ-আম্বষণে গমন—প্রত্যাগমনানন্তর ভগ্নকুটীর ও মৃত
প্রহরীদিগকে দর্শন—বিজয়ী তুর্ক অশ্বরোহী ও শব্বাহিনী কাপালিকা—তুঙ্গা-
চার্যের দিল্লী অভিমুখে গমন—পরাজয়সংবাদে দিল্লীর অবস্থা—রায় পিথোরার
পূর্ব ও বর্তমান অবস্থা—অস্তঃপুরে সংযুক্তা ও পৃথা—প্রহরীর আগমন ও
শ্মশানে পৃথীরাজের দেহ পিশাচী কর্তৃক ভক্ষণ সম্ভাবনা বর্ণন—সংযুক্তা
ও পৃথার শ্মশানে গমন—মহাশ্মশান—সংযুক্তার পিশাচীর নিকট হইতে
পৃথীরাজের দেহ উদ্ধারের চেষ্টা—পিশাচীর পরিচয়—পিশাচীর সংযুক্তাকে
চিতোরোহণের জন্ত প্রবৃত্তিদান—পৃথার পিশাচীর সহিত সমরসিংহের
দেহাশ্বেষণ গমন—শ্মশানভূমিতে একাকিনী সংযুক্তার কাতরতা—তুঙ্গাচার্যের
আগমন ও সংযুক্তার প্রতি উক্তি—সংযুক্তার চিতারোহণ-সকল—পৃথীরাজের
দেহসংস্কার—সংযুক্তার চিতারোহণ—তুঙ্গাচার্যের ভগবৎসমীপে প্রার্থনা।

চিত্র-সূচী ।

| বিষয় | পৃষ্ঠা । |
|---|----------------|
| ১ । পৃথীরাজের দিল্লীলাভ (ত্রিবর্ণ) | প্রারম্ভপত্র । |
| ২ । মামুদের সমাধি ও স্তম্ভ এবং গজনীনগরীর বহির্দৃশ্য | ১৯ পৃষ্ঠা |
| ৩ । দেবী শুভকণী (ত্রিবর্ণ) | ৬০ ,, |
| ৪ । আনাসাগর, তটে মোগল-বিহারভবন | ৮৭ ,, |
| ৫ । শ্মশানে মেঘা ও বস্ত্রকার খিলিজী (ত্রিবর্ণ) | ১৪২ ,, |
| ৬ । আজমীর বর্তমান-দৃশ্য | ১৪৭ ,, |
| ৭ । চৌহান-রাজসভা | ১৬৪ ,, |
| ৮ । পুষ্পমালা-রচনাব্যাপ্ততা সংযুক্তা (ত্রিবর্ণ) | ১৯৫ ,, |
| ৯ । তারাগিরি | ২০৫ ,, |
| ১০ । তারাগড়-দুর্গদ্বার | ৩০০ ,, |
| ১১ । রায়পিথোরাস্থিত ধ্বংসাবশেষ | ৩৪২ ,, |



মহাশূন্য—সীমাহীন, অন্তহীন দেশ :—
নাহি সেথা অধঃ, উর্ক, উত্তর, দক্ষিণ ;
নাহি চন্দ্র, নাহি সূর্য্য ; নাহি সেথা বায়ু ;
কম্পহীন, স্পন্দহীন প্রসারিত ব্যোম ;
নিঃশব্দ, গস্তীর, স্থির । সপ্তর্ষিমণ্ডল,
অখণ্ডিত, জ্যোতির্ময় বৃত্তের আকারে,
আবেষ্টিয়া ক্রবতারা, সেথা, অবিরাম,
ভ্রমিতেছে মহাবেগে । অনাহত নাদ,
ব্রহ্মাণ্ড করিয়া পূর্ণ, ও ও-ও-ও-ও-মু
উঠে তাহে অমুকণ ; শুভে বিশ্বাসী,
আনন্দে, বিস্ময়ে, ত্রাসে মুগ্ধ, স্তব্ধ হ'য়ে ।

বসি' সে মণ্ডল মাঝে সপ্ত মহাধাষি,
মরীচি, পুলহ, অত্রি, পুলস্ত্য, অজিতা,
ক্রতু, তথা, মূর্ত্তিমান্ ব্রহ্মজ্ঞানরূপী
বশিষ্ঠ, না জানি, সবে কোন্ মহাধ্যানে
মগ্ন, বাহুজ্ঞানশূন্য । বিশাল শরীর,
আতপ্তকাঞ্চনকাস্তি, প্রশস্ত ললাট,
স্ফার বন্ধঃস্থল, প্রীতিপ্রসন্ন বদন ।
আপিঙ্গল জটাজাল পড়েছে হৃদয়ে
স্থল, সমুন্নত বক্ষঃ ; বর্ষ আশুযুগ
পদ্মাসনে ; অকমোদে স্তম্ভ পাণিধর ।

বামে বশিষ্ঠের বসি', ধ্যানস্থির তনু,
পতিপদে লগ্নদৃষ্টি, দেবী অরুন্ধতী,
মূর্ত্তিমতী তপঃসিদ্ধি যেন ব্রহ্মর্ষির ।

কতক্ষণে সপ্তকণ্ঠে ফুটিল নিনাদ ;
“জয় বিশ্বাত্মন্ ! জয় মঙ্গলস্বরূপ !
অভয়-করণ-নেত্রে চাহ মর্ত্ত্যপানে ;
কাঁদে মর্ত্ত্যবাসী জীর্ণ পাপে, তাপে, ক্রেশে
নীরবিলা সপ্তকণ্ঠ । সে গস্তীর নাদ,
স্পন্দিত করিয়া ব্যোম, ধ্বনিল অমনি ;
“জয় বিশ্বাত্মন্ ! জয় মঙ্গলস্বরূপ !”
বজ্ররবে মেঘস্তরে উঠিল সে ধ্বনি,
“জয় বিশ্বাত্মন্ ! জয় মঙ্গলস্বরূপ !”
মর্ত্ত্যালোকে উঠে ধ্বনি পর্বতকন্দরে,
“জয় বিশ্বাত্মন্ ! জয় মঙ্গলস্বরূপ !”
উঠে সিদ্ধুবক্ষে ভীম তরঙ্গসজ্জাতে,
“জয় বিশ্বাত্মন্ ! জয় মঙ্গলস্বরূপ !”
ভক্তহৃদে পশি', শেষে, হয় প্রধ্বনিত,
“জয় বিশ্বাত্মন্ ! জয় মঙ্গলস্বরূপ !”

স্তব্ধ পুনঃ ঋষিলোক । মধুর বচনে
কহিলা বশিষ্ঠদেব ;—

“হের, আৰ্য্যগণ !
ব্রহ্মাবর্ত্ত বলি' যা'র খ্যাতি মর্ত্ত্যালোকে ;
দেব-ঋষি-প্রিয়দেশ ; দানে, যজ্ঞে, ব্রতে
নিরুপম ধরাধামে ; জ্ঞানে সমুজ্জ্বল ;
কি দুর্দশা আজি তা'র ; জাতিধর্ম্মদেষে
জর্জরিত ; ভ্রাতৃত্বদে ছিন্ন, বিখণ্ডিত ।

না পারি, দেখিতে আর ; ইচ্ছা হয় মনে,
 অবতারি' মর্ত্যলোকে, প্রচারি আবার
 ভারতে সে মহাধর্ম, আদর্শ যাহার,
 পুত্র, পতি, ভ্রাতা, সখা, রাজা, প্রভুরূপে,
 পরিস্ফুট রামচন্দ্রে । যে ধর্মের গুণে
 ব্রাহ্মণ, চণ্ডাল, ঋক্ষ, রাক্ষস, বানর
 বন্ধ হ'ল সমভাবে । ব্যথা পাই মনে,
 ভাবি যবে, রামচন্দ্র জন্মিলা যে দেশে,
 পুত্র সেথা পিতৃহন্তা * ! আর্য্যসুতগণ
 ভুলিয়াছে ধর্মকর্ম, শিখাইব পুনঃ ।”

নীরব ব্রহ্মর্ষি । তবে দেবী অরুন্ধতী
 কহিলা সম্বোধি' সবে ;—

“নম আর্য্যগণ !

ব্যথিত হৃদয় মম নিরখি' নয়নে

ভারতনারীর দশা । যে দেশে জানকী,

* মধ্যযুগে ভারতের বহু রাজপুত্র রাজ্যলোভে পিতৃহত্যা করিয়াছিলেন । এইজন্য
 গাণক্য তাঁহার অর্থশাস্ত্রে “কর্কটকসমধর্মাণো হি জনকভক্ষ্যা রাজপুত্রাঃ” বলিয়া উল্লেখ
 করিয়াছেন । অধর্মের একরূপ প্রাবল্য হইয়াছিল যে, মাতার শব্দ্যয়, প্রজ্ঞারভাবে অবস্থিত
 পুত্র, শয়নার্থী পিতাকে হত্যা করিতে কুণ্ঠিত হইত না । হর্ষচরিতের বহু উচ্ছ্বাসে লিখিত
 আছে যে, “মাতৃশয়নীর-তুলিকাতল-নিবরণচ তনরোহন্তং তনরমভিবেক্তুকামস্য দধুস্য করবা-
 ধপতেরভবন্ত্যবে ।”

স্বর্গীয় রায় রাজেন্দ্রচন্দ্র শাস্ত্রী বাহাদুর “মধ্যযুগে ভারতের সামাজিক অবস্থা” নামক
 বইকে লিখিয়াছেন যে, “এই যুগে শক্তিশালী ব্যক্তিমাত্রেরই হৃদয়ে বিবম রাজ্যলালসা জাগরুক
 হইয়া উঠে । রাজ্যের পর রাজ্য, বংশের পর বংশ এই লালসা-বহ্নিতে তন্দ্রীভূত
 । অবিবাস, নিজ স্ত্রী, পুত্র, আত্মীয়, মন্ত্রী প্রভৃতির প্রতি অবিবাস, রাজসীতির উপদেশের
 সীভূত হইয়া পড়ে । রাজপুত্রগণ এতই চূর্ণলিত ও রাজ্যকাঙ্ক্ষ হইয়া উঠেন যে, তাঁহাদের ভয়ে
 জনগণকে সর্বদাই ব্যতিব্যস্ত হইয়া থাকিতে হইত ।” সাহিত্যসংহিতা বৈশাখ ১৩২১ ।

পৃথীরাজের অপিতামহ (কাহারও কাহারও মতে তাঁহার পিতামহ) আর্ণোরাজকে তাঁহার
 পুত্রদেব হত্যা করিয়াছিলেন বলিয়া উল্লেখ আছে । Arnoraj was murdered by
 his son Jugdeva some time between 1150 and 1151 A D.

Ajmer Historical and Descriptive by Har Bilas Sarda
 Page : 53.

উপেক্ষিয়া অযোধ্যার ভোগসুখ যত,
 আদরে লইলা শিরে বনবাস-ক্লেশ,
 পরিতৃপ্তা পতিপ্রেমে ; ঠেলিলা চরণে
 লঙ্কার ঐশ্বর্য্য ; তুচ্ছ করিলা লাঞ্ছনা,
 নির্যাতন, নিৰ্বাসন ; সে দেশে এখন
 পত্নী পতিপ্রাণহন্ত্রী * ! পতন এ হ'তে
 কি হ'বে অধিক আর ? যা'ব মর্ত্যলোকে,
 শিখা'ব আবার যত ভারতনারীরে
 কি সাধনা, কিবা ব্রত সহধর্ম্মিণীর ।”

নীরব হইলা দেবী । বীণা সপ্তস্বর
 ঝঙ্কারি' থামিল যেন । ব্রহ্মর্ষি মরীচি,
 ঋষিজ্যেষ্ঠ, সম্বোধিয়া কহিলা দৌহারে ;—
 “শুন, আর্ষ্যে অরুদ্ধতি ! শুন, আর্ষ্য তুমি

* এই মধ্যযুগে রাজপুত্রগণেরও অপেক্ষা রাজমহিষীদিগের ব্যবহার অধিক শোচনীয় হইরাছিল। বহু রাজমহিষী, কামাঙ্কা ও লোভাঙ্কা হইয়া, পতিহত্যা করিয়াছিলেন। হর্ষ-চরিতের বহু উচ্ছ্বাস হইতে কম্বুজনের কথা উদ্ধৃত হইল ; “মধুমোদিতং মধুরকসংলিপ্তৈশ্চ-ল'জৈঃ স্ত্রীভ্যা পুত্ররাজ্যার্থং মহাসেনং কাশিরাজং জঘাম। যোগপরাগবিরসবর্ষিণাচ্চ মণিনুপুংসু বনভা সপত্নীকৃষা বৈরস্ত্যং রত্নিদেবন্ ; বেণীনিগুঢ়েন চ শঙ্ক্রেণ বিন্দুমতী বৃকিং বিদূরথন্ ; রসদিক্‌মধ্যেন চ মেখলামণিনা হংসবতী সৌবীরং বীরসেনন্ ; অদৃশ্যাগদলিপ্তবদনা চ বিবহারণী-গণ্ড্বপারমেন পৌরবী পৌরবেশ্বরন্ সোমকন্” ইত্যাদি।

হামলেটে ডেন্মার্কের রাজার বাদশ ব্যবহারের উল্লেখ আছে, হর্ষচরিতে তাহার অপরূপ একটা ঘটনারও উল্লেখ দেখা যায়। তাহাতে আছে যে, “বিবর্চুর্চুচিত-মকরন্দেন চ কর্ণেন্দী-বরণে দেবকী দেবরাসুরস্তা দেবসেনং সৌক্যন্” (জঘাম)।

রায় রাজেন্দ্রচন্দ্র শাস্ত্রী বাহাদুর এই প্রসঙ্গে লিখিয়াছেন, “রাজমহিষীদিগের এইরূপ ব্যবহারের জন্যই শাস্ত্রে লিখিত আছে যে, রাজা “হবিরত্নীপরিগুচ্ছাং দেবীং পশ্যেৎ” অর্থাৎ প্রথমতঃ বর্ষারসী অন্তঃপুরিকারা, পরীক্ষা করিরা, দেবীর পরিগুচ্ছা জ্ঞাপন করিলে রাজা তাহার সহিত সাক্ষাৎ করিবেন।”

সাহিত্যসংহিতা বৈশাখ ১৩২১ ।

মহুসংহিতার প্রামাণিক টীকাকার মেধাতিথি ও কুম্ভক ভট্ট, উভয়েই, রাজাসিঙ্গের পক্ষে যে রাজমহিষীগণের চর্য্যব্যহার হইতে আশ্রয় করা কর্তব্য তাহার সমর্থনের প্রসঙ্গ রাজমহিষীদিগের আচরিত বাসিহত্যার উদাহরণ প্রদর্শন করিয়াছেন। পৃথীরাজের সম্বন্ধে যে এই মহাপাপ বিরল হয় নাই, পাঠক, বখাছানে, তাহার প্রমাণ প্রাপ্ত হইবেন।

ব্রহ্মাভাস ।

বশিষ্ঠ ! গরিষ্ঠ জ্ঞানে । জানি মোরা সবে
জীবদুঃখে বিগলিত প্রাণ উভয়ের ;
তাই এ আনন্দধাম পরিহরি, দৌহে
চাহ মর্ত্যলোকবাস । তোমা দৌহা বিনা
শূন্য র'বে এ মণ্ডল ; যাইব সকলে ;
উদ্ধারিব আৰ্য্যস্তুতে একত্রত হ'য়ে ।”

“তথাস্তু তথাস্তু” বলি ঋষি পঞ্চজন
করিল। সম্মতি দান । সবার নয়নে
করণার অশ্রুবিन्दু হইল উদিত ;
বদনে উৎসাহ, স্ফূর্তি সঞ্চারি, দ্বিগুণ
উজ্জ্বল করিল কাস্তি । হেন কালে তথা
অপূর্ব আলোক এক হ'ল দীপ্যমান,
শত-সূর্য-বিনিন্দিত । অশরীরী বাণী,
সে আলোক হ'তে উঠি, মধুর, গম্ভীর,
পশিল সবার কর্ণে । কহিল সে বাণী ;—

“শুন, ঋষিগণ ! এই বিধির আদেশ ;
নহে কাল অনুকূল ভারত-উদ্ধারে ;
নিষ্ফল প্রয়াস তবে করিবে কি হেতু ?
অখণ্ড্য বিধান এই বিশ্ববিধাতার,
প্রায়শ্চিত্ত বিনা পাপ না হয় মোচন ।
অনাচারে, অত্যাচারে, ইন্দ্রিয়বিকারে,
জাতিধর্মঘেবে, ভ্রাস্ত বীরত্বাভিমানে,
শত শত বর্ষ হ'তে, যে পাতক-রাশি
হইয়াছে স্তূপীকৃত, প্রায়শ্চিত্ত-কাল
আসিয়াছে তাঁর এবে । দেখ তাবিঃ সবে,
দেশব্যাপী বিষবায়ু হইলে সঞ্চিত,

পৃথীরাজ ।

মহা ঝড় বিনা কভু নাহি হয় দূর ।
 সঘনে গরজে বজ্র, বহে ঝঞ্ঝাবায়ু ;
 উৎপাটিত হয় তরু, ছিন্ন হয় লতা ;
 ভাঙ্গে দেবালয়, ভাঙ্গে শৌণ্ডিক-বিপনি ;
 তপোবন, উপবন চূর্ণ হয় দুই ;
 বাল, বৃদ্ধ, সাধু, চোর মরে অবিভেদে ;
 কিন্তু পরিণামে হয় পরম কল্যাণ ;
 পূত হয় ব্যোম, বহে স্ননির্ম্মল বায়ু ;
 ধ্বংসশেষে নব সৃষ্টি বিধি বিধাতার ।
 জেনো স্থির, ঋষিগণ ! বিপ্লব মহান্
 যদি নাহি করে চূর্ণ, ভূমি-বিলুপ্তিত
 মোহান্ধ, মদান্ধ যত আৰ্য্যসুতগণে,
 জ্ঞাননেত্র যদি নাহি হয় উন্মীলিত
 কশাঘাতে তাহাদের, নূতন সমাজ,
 ভ্রাতৃত্বে সুদৃঢ়, ধর্ম্মে জাতিগর্ব্বহীন,
 উপেক্ষিতে, অনাদৃত্তে কর্তব্য-নিরত,
 না হ'বে গঠিত কভু । পুণ্য আৰ্য্যভূমি,
 বৈরাগ্যে, সংঘমে, প্রেমে অতুল ভূতলে,
 কখন (ও) না পাবে ধ্বংস ; কিন্তু শুক্তি তরে
 চাহি প্রায়শ্চিত্ত তা'র । শুন ভবিষ্যৎ,
 সমাগতপ্রায় কাল । ঘনীভূত অই
 পশ্চিমে অমোঘ মেঘ ; আসিছে ঝটিকা ;
 দেখ মর্ত্যপানে সবে ।”

নীলবিলা বাণী ।

পৃথীরাজ ।

প্রথম সর্গ ।

শরদে প্রসন্নকায়া, যেন স্থির মেঘচ্ছায়া,
যমুনা বহিছে ধীরে ধীরে ;
মধুর প্রভাত-বায় ঢেউগুলি ভেসে যায়,
কল কলে লোটে আসি' তাঁরে ।
ধবলিত করি' কূল ফুটিয়াছে কাশফুল,
তরঙ্গিত হৃদ্য সমীরণে ;
হরি' যুথী-জাতি-গন্ধ বহে বায়ু মন্দ মন্দ,
কেতকী-সৌরভ ছুটে বনে ।
পাষণ-রচিত কায়, তুঙ্গ গিরিশৃঙ্গ প্রায়,
পুরী কত শোভে নদীতটে ;
নবোদিত রবিকরে, মরি ! কিবা শোভা ধরে,
চিত্র সম নীলান্বর-পটে ।
অট্টালিকা-চূড়ে, চূড়ে বিচিত্র পতাকা উড়ে,
পূর্ণ কুস্ত শোভা পায় দ্বারে ;
কুসুম-পল্লব-হার শোভে, কিবা চমৎকার !
দ্বার-স্তম্ভে, গবাক্ষ-মাঝারে ।

ভূতলে বাসবকুম, শৌর্য্যে, বীর্য্যে নিরুপম,
 দিল্লীপতি শ্রীঅনঙ্গপাল
 বসেছেন সভামাঝে, সাজি সন্ন্যাসীর সাজে,
 কণ্ঠে ধৃত তুলসীর মাল ।

পরিত্যক্ত রাজবেশ, চূড়াবন্ধ শুক্কেশ,
 শোভে ভালে তিলক, চন্দন ;
 নাহি অঙ্গে অলঙ্কার, অঙ্গদ, মুকুট, হার,
 পরিধান গৈরিক বসন ।

অপূত্রক নরপতি করেছেন এই মতি,
 দৌহিত্রেরে সঁপি' সিংহাসন,
 বদরিকাশ্রমে গিয়া, ইচ্ছদেবে আরাধিয়া,
 করিবেন জীবন যাপন ।

বহু রূপ-গুণ-যুতা নৃপতির দুই সূতা,
 জ্যোষ্ঠা, তেজ-গর্বিতা সুন্দরী ;
 কনিষ্ঠা, কমলাবতী, স্নেহবতী, ভক্তিমতী,
 রূপে যেন স্বর্গ-বিদ্যাধরী ।

নরপতি কীর্ত্তিমান্ জ্যোষ্ঠারে করিলা দান
 কনোজের অধিরাজ-করে ;
 আজ্ মীর-পতির সনে কমলার শুভকণে
 বিবাহ দিলেন অতঃপরে ।

সুন্দরীর হ'ল সূত, রাজেন্দ্র-লক্ষণসূত,
 ত্রিপুরায়ী জয়চন্দ্র নাম ;
 বহুদিন পরে তা'র পুত্র হ'ল কমলার,
 পৃথীরাজ সর্বগুণধাম ।

* পৃথীরাজের এই পরিচর হুয়চলিত পৃথীরাজরাসো হইতে গৃহীত। পৃথীরাজবিজয়-
 নামক অপ্রচলিত সংস্কৃত কাব্যে বহু কথার বর্ণনা আছে ।

ল'য়ে পাত্রমিত্রগণে পৃথ্বরাজে সিংহাসনে
 বসাইতে করিয়া মন্ত্রণ,
 ডাকি' প্রজাগণ সবে, নরপতি মহোৎসবে
 করেছেন সভা আবাহন ।
 বামে বসি' নৃপতির পৃথ্বরাজ মহাবীর,
 রাজবেশ অঙ্গে পরিধান ;
 অপূর্ব মহিম-প্রভা উজ্জ্বল করেছে সভা,
 বীরবপু, করে ধমুর্নবাণ ।
 চম্পকনিন্দিত বর্ণ, বাহু, বক্ষ, নাসা, কর্ণ,
 সর্ব অঙ্গ, গঠিত সুন্দর ;
 সপ্রেম, প্রশান্ত দৃষ্টি করে যেন সুধাবৃষ্টি,
 শালপ্রাংশু, দৃঢ় কলেবর ।
 চন্দনের রেখা ভালৈ, কর্ণ শোভে পুষ্পমালা,
 অভিষেকে কান্তি নিরমল ;
 অনিমেঘে পৌরজন করে সবে দরশন,
 মন্ত্রমুগ্ধ, স্তব্ধ সভাতল ।
 ধরি' দৌহিত্রের কর কহিলেন দিল্লীশ্বর ;—
 “শুন. প্রাণাধিক পৃথ্বরাজ !
 করে তব প্রজাগণ করিলাম সমর্পণ,
 সিংহাসনে বোসো তুমি আজ ।
 যে সাম্রাজ্য পাণ্ডুবীর ধর্মপুত্র যুধিষ্ঠির,
 এক দিন করিলা শাসন, *
 আজ সে অমূল্য নিধি তোমায়ে দিলেন বিধি,
 সমাদরে করহ গ্রহণ ।

* প্রাচীন ইন্দ্রপ্রস্থই বর্তমান দিল্লী বলিয়া অনেকে বিশ্বাস করেন। দিল্লীর একাংশ, এখনও, “ইন্দ্রপৎ” বলিয়া সাধারণের নিকট পরিচিত।

কুটিল ক্রভঙ্গী করি' ধীরে ধীরে অগ্রসরি',
দাঁড়াইলা ভূনত-নয়নে ।

দিল্লীশ্বর-পদতলে প্রণমি' রমণী বলে,
চিত্রাৰ্পিত রহে সবে চেয়ে ।

“ক্ষম, পিতঃ মহারাজ ! আজ্ঞা বিনা সভামাক
আসিয়াছি, বড় ব্যথা পেয়ে ।

শুনিমু এ কি সংবাদ ? কি করিমু অপরাধ ?
না পারি বুঝিতে কোন্ দোষে,

জ্যেষ্ঠের না রাখি' মান, কনিষ্ঠেরে রাজ্যদান
করিলেন কি হেতু ? কি রোষে ?

রূপে, গুণে নিরূপম দৌহিত্র-উভয়ে সম,
কন্যা মোরা উভয়ে সমান ;

তবে পক্ষপাত হেন পিতঃ ! করিলেন কেন,
ন্যায়ধর্ম্য দিয়া বলিদান ?

যদি কিছু থাকে দোষ, মহারাজ ! ত্যজি' রোষ,
আজ্ঞা মোরে দি'ন একবার,

এই মহাশূল দিয়া, মর্ম্ম মোর বিদারিয়া
প্রায়শ্চিত্ত করিব তাহার ।”

এত বলি' বন্ধ'পরে শূল হানিবার তরে
নৃপসুতা উঠাইলা কর ;

হেরি ব্যস্ত নররায়, বাহু ধরি' ছুহিতায়
টানিয়া নিলেন বন্ধ'পর ।

কহিলা বদন চুমি' ;— “নহ সাপরাধা তুমি
কোন (ও) দোষে দোষী নহে জয় ;

প্রজার মঙ্গল তরে রাজ্য পৃথীরাজ-করে
সঁপিয়াছি, অবিচারে নয় ।

ছরস্তু তুরুকগণ, করিতেছে আয়োজন,
 আর্ঘ্যাবর্ত্ত আক্রমণ তরে ;
 বীর বিনা এ সময়, রাজ্যরক্ষা সাধ্য নয়,
 দেখ, বৎসে ! চিন্তিয়া অন্তরে ।

বিভাগ করিলে রাজ্য বলহানি অনিবার্ঘ্য,
 প্রজার জন্মিবে অসন্তোষ ;
 রাজকূলে জন্ম ল'য়ে, রাজ্ঞী, রাজমাতা হ'য়ে,
 রাজনীতি না বুঝিলে দোষ ।

মণি, মুক্তা মোর কাছে যা' কিছু সঞ্চিত আছে,
 জয়চন্দ্রে করিব প্রদান ;

কুবের-সম্পদ তুল্য, রাজ্য হ'তে গুরুমূল্য,
 নিরখিলে পাইবে প্রমাণ ।

যা'রে যাহা শোভা পায় ভাবি', বুঝি' দিব তায়,
 নাহি ইথে পক্ষপাত-লেশ ;

যথা বাণী তথা রমা, তোমরা উভয়ে সমা,
 ত্যজ, বৎসে ! অভিমান, দ্বেষ ।”

এত শুনি' নৃপসুতা কহিলেন রোষযুতা :—
 “বিস্মৃত কি হেতু, নৃপবর !

ভিক্ষুক, যাচক জন রাজদ্বারে চাহে ধন,
 পুত্র মম রাজরাজেশ্বর ।

প্রসন্ন শ্রীহরি-প্রিয়া রাজ্য যা'র বিভূষিয়া
 রেখেছেন বৈকুণ্ঠ সমান,

সে আসি' অর্থের তরে ভিক্ষাপাত্র ল'বে করে !
 কেন তা'রে হেন অপমান ?

কল্পকূলে জন্ম তা'র, থাকে যদি তরবার,
 ল'বে রাজ্য নিজ ভুজবলে,

সে আশা পূরিবে যবে, আবার আসিব, তবে,
কনোজে ফিরিয়া যাই চ'লে ।

পৃথ্বী ! তুমি পুত্রসম, মনে রেখো কথা মম,
অধর্ম্মে অর্জিত যেই ধন,
কভু নাহি ভোগ হয়, ভোজ্য, ভোক্তা সমুদয়
ধ্বংস পায় শাস্ত্রের বচন ।

এই অবিচার-ফলে যা'বে দিল্লী রসাতলে,
লুপ্ত হবে, তোমর, চৌহান ; *
যদি আমি কায়মনে পূজে থাকি নারায়ণে
বাক্য মোর না হইবে আন ।”

পিতৃপদে প্রণমিয়া, জনসঙ্ঘ বিদারিয়া,
এত বলি' যান নৃপবালী ;
সহসা চমকি' যেন লুকা'ল চপলা হেন,
ভেদ করি' ঘন মেঘমালা ।

সবে, মন্ত্রমুগ্ধপ্রায়, পরস্পর মুখ চায়,
ভাবে একি জাগ্রৎ-স্বপন ;
কেহ বলে—“বিধি বাম, এ কার্যের পরিণাম
শুভ নাহি হ'বে কদাচন ।”

ক্ষুব্ধ লোক সভামাঝ, নিরখিয়া পৃথ্বীরাজ
সম্বোধিয়া কহেন সবায় :—

“আজ এ আনন্দোৎসবে য়ান কেন হেরি সবে ?
শুভাশুভ বিধির ইচ্ছায় ।

দেখ ভাবি', বক্ষুগণ ! যাঁর রাজ্য, যাঁর ধন,
তিনি যদি করেন প্রদান,

প্রতিবাদ করিবার কার আছে অধিকার ?
 উচিত কি ঘেঁষ, অভিমান ?
 করি নাই কোন দোষ, অহেতুক এই রোষ ;
 পূজ্যা তিনি জননী সমান ;
 দেখায়ে গেছেন ভয়, চিত্ত তাহে ক্ষুব্ধ নয়,
 আশীর্ব্বাদ করিতেছি জ্ঞান ।
 কিন্তু ক্ষত্রিয়ের ধর্ম্ম, চৌহানের যোগ্য কর্ম্ম,
 ভুলিতে নারিব, বক্ষুগণ !
 মাতামহ-দত্ত রাজ্য অবিভক্ত, অবিভাজ্য
 রাখিব, আমার দৃঢ়পণ ।
 মন্ত্রিগণ ! শুন সবে, প্রচারহ ভেরী-রবে
 গ্রামে, গ্রামে আমার আদেশ ;
 ঋণদায়ে বন্দী যা'রা মুক্ত আজ হ'ল তা'রা ;
 দিল্লীরাজ্যে পণ্যশুদ্ধ* শেষ ।
 আছে যত তীর্থস্থান লক্ষ স্বর্ণমুদ্রা দান
 দীনে, দ্বিজে করিবে তথায় ;
 ব্যাধিগ্রস্ত বৃদ্ধ জন, মাতৃহীন শিশুগণ
 পয়স্বিনী গবী যেন পায় ।
 ভাবি' হিন্দু হতবল শুনেছি তুরুকদল
 করিতেছে যুদ্ধ আয়োজন ;
 বীরধর্ম্ম স্মরি' সবে লহ অসি, চর্ম্ম তবে
 চৌহান, তোমর যোদ্ধৃগণ !
 নাহি চিন্তা, নাহি ভয়, যতো ধর্ম্ম স্ততোজয়,
 মহোৎসবে রত হও সবে ;”

* বিক্রয় দ্রব্য একস্থান হইতে অপর স্থানে লইয়া যাইবার সময়, ঘাটিতে ঘাটিতে, এখনকার চুঙ্গীর মত কর আদার করা হইত। ইহাই পণ্যশুদ্ধ নামে অভিহিত হইয়াছে।

শুনি' রাজসভামাবে আবার ছন্দুভি বাজে,
 তুরী, ভেরী বাজে উচ্চরবে ।
 কলাবিৎ-কণ্ঠে গীত উঠে পুনঃ সুললিত,
 পুনঃ উঠে নৃপূর-বাঙ্গার ;
 সমস্ত্রমে পৌরজন আনি' মণি, মুক্তা, ধন
 রাজপদে দেয় উপহার ।
 ক্রমে, দিবা অবসান, রবি অস্তাচলে যান,
 যায় লোক নিজ নিজ ঘর ;
 “নাহি চিন্তা, নাহি ভয়” “জয় পৃথ্বীরাজ জয়”
 এই কথা কহি' পরম্পর ॥


দ্বিতীয় সর্গ ।

কল্পনে ! প্রসাদে তব কত কবিজন
হেরেছেন কত দৃশ্য, লোকে অগোচর,
আকাশে, পাতালে, তথা, স্বরগে, নরকে,
রাজার প্রাসাদ মাঝে, দীনের কুঠীরে ;
শত ধন্য তিনি, তুমি কৃপা কর যাঁরে ।
অকৃপা যাহারে তব, ভাগ্যহীন সেই
কবিকুলে, গন্ধহীন কুমুম যেমতি
অনাদৃত । দয়া, তবে, কর, দয়াময়ি !
শুনাও, অতীত স্মৃতি করি' সঙ্ঘীবিত,
ভারতের ভূতকথা । হ'ক জ্বালাময়ী
সে কাহিনী, তবু, দেবি ! করিয়া শ্রবণ,
বুঝি নিজে, বুঝাইব স্বদেশীয় জনে
কোন দোষে, কোন পাপে পতিত আমরা ;
কারণবিহনে কার্য্য না ঘটে সংসারে ।
শুনাও সে ইতিহাস মহাপতনের,
চূর্ণ যাহে, ভূমিকম্পে অট্টালিকা সম,
শত শত বর্ষব্যাপী সাম্রাজ্য হিন্দুর ।
অতীতের রুদ্ধদ্বার উন্মোচিয়া, দেবি !
দেখাও সমরক্ষেত্রে হিন্দুবীরগণ
স্বদেশ, স্বধর্ম্ম তরে হৃদয়শোণিত
কেমনে করিত দান । হিন্দুকুলনারী,
কেমনে, প্রফুল্ল মুখে, পতিপুত্রগণে,
সাজাইয়া বীর সাজে, পাঠা'ত সমরে ;

যুদ্ধান্তে কেমনে পুনঃ জয়মাল্য দিয়া
 লইত বরণ করি' । স্বভাব-কোমলা,
 তবু যুত পতিসনে, চিতাশয্যা'পরে,
 রক্ষি' পত্তি-শির ক্রোড়ে, বসিত কেমনে
 স্মিত-সমুজ্জ্বল-কান্তি । নিরাশ, নিজ্জীব
 যদিও এ জাতি, এবে, তবু সে কাহিনী
 শুনা'বে আশার গীত, উৎসাহ-অনল
 জ্বালিবে হৃদয়মাঝে ; এস, কৃপাগুণে ।

প্রসারিত গিরিবর যোজন-বিস্তৃত ;
 শিরে তা'র শোভা পায় গজনীনগরী,
 ভুবনবিখ্যাত পুরী ; ভূষিতে যাহারে
 কত দেবালয়, কত প্রাসাদ, কুটীর
 লুণ্ঠিত করিলা বীর সুল্তান মামুদ *
 লাঞ্ছিত, দলিত করি' ভারতসম্মানে ।
 চারিদিকে সুবেষ্টিত দুর্ভেদ্য প্রাচীর,
 পাষাণে নির্মিত কোথা, কোথা বা ইষ্টকে ।
 সগর্বে প্রহরী-সুস্ত, উচ্চ করি' শির,
 দাঁড়াইয়া স্থানে স্থানে । বন্ধা, নগ্ন গিরি,
 তুষার-ঝটিকাবশে শ্যামশোভাহীন,
 নিরন্তর রুদ্রমূর্তি । নিম্নে নগরীর
 প্রান্তর, কেদার শোভে, শশ্যগুচ্ছে ভরা,
 হরিৎ-সাগর সম । ছুটে গিরিস্রোত
 কল কল স্বনে কোথা ; তটদেশে তা'র
 সুরম্য উদ্যান 'রাজে পূর্ণ ফুলে, ফলে ।

* গজনীর অধিপতি পনামখাত বীর । ইনি অষ্টাদশ বার ভারতবর্ষ আক্রমণ করিয়া,
 বহু নগর, তীর্থ ও দেবমন্দির লুণ্ঠন করিয়াছিলেন । ইহার কাব্য, ভিন্ন ভিন্ন স্থলে, একাধিকবার
 বর্ণিত হইয়াছে ।



বামে মামুদের সমাধি,

দক্ষিণে মামুদ নির্মিত স্তম্ভ

নিম্নে গজনী নগরীর বহির্দৃশ্য।

পৃথীরাঙ্গ ১৯ পৃষ্ঠা।

সুবিশাল স্তম্ভদ্বয়, ইচ্ছকরচিত,
সর্বধ্বংসী কালে গর্বে উপহাস করি',
মামুদবংশের কীর্তি প্রচারিছে লোকে,
দাঁড়িয়ে অটল ভাবে । * অদূরে পুরীর
বিরাজে রঞ্জাগ্রাম ; যথা মামুদের
সমাধিমন্দির, শ্বেতপ্রস্তর-নির্মিত
কহিছে দর্শকে, যেন, নীরব ভাষায়
'জেতা, জিত ধূলিশেষ, বিধি বিধাতার' ।

প্রাচীর মাঝারে দুর্গ ; রাজহর্ম্য তা'য়
উঠেছে গগন ভেদি' । সে হর্ম্যের মাঝে
নিভৃত প্রকোষ্ঠ এক, শোভা-সজ্জাহীন ;
বসি' তাহে বীরবর মহম্মদ ঘোরী,
নিজ পাত্র, মিত্র লয়ে । দক্ষিণে কুতব †
নবীন যৌবন-কান্তি উজলিছে তনু,
উৎসাহে প্রদীপ্ত মুখ, বীর দর্পে ভরা ।
বামে বসি' হামজবী ‡ গম্ভীর মুরতি,

* এই দুইটি স্তম্ভের মধ্যে একটি মামুদের অপরটি তাঁহার পুত্র মসাতুদের নির্মিত বলিয়া
প্রসিদ্ধ । উভয়ই, এখনও, বর্তমান আছে ।

† ভারতের প্রথম মুসলমান সম্রাট সুলতান কুৎবুদ্দীন আইবক । ক্রীতদাস হইতে, ক্রমে,
শ্রুতি লাভ করিয়া, ইনি সেনাপতি, পরে মহম্মদ ঘোরীর প্রতিনিধি এবং তৎপরে স্বাধীন সম্রাট
ইয়াছিলেন । সাহস ও বলবীর্যের সঙ্গে প্রভুভক্তি, আশ্রিতবাৎসল্য এবং বদান্ততা প্রভৃতি
গুণে ইনি অলঙ্কৃত ছিলেন । ঐতিহাসিক ফেরিস্তা ইঁহার সম্বন্ধে লিখিয়াছেন :—

Kootbooddeen was of a brave and virtuous disposition ; open and
beral to his friends, courteous and affable to strangers. In the art of
ar and good government he was inferior to none, nor was he a mean
roficiant in literature.

Briggs' Ferista, Vol. I. PP. 189-190.

‡ Kowam-ool-moolk Humzvy মহম্মদ ঘোরীর অন্ততম প্রধান কর্মচারী ছিলেন ।
মুদ পরে ইঁহাকেই দূতরূপে আজমীরে পৃথ্বীরাজের নিকট প্রেরণ করিয়াছিলেন । He
(Mahomed Ghoory) despatched Kowam-ool.Mook Humzvy one of his

ললাটে চিন্তার রেখা । মধ্যে উভয়ের
সাধু ভক্ত মৈনুদ্দীন, † করে জপমালা,
বিলম্বিত শ্মশ্রুজাল স্পর্শে নাভিদেশ,
প্রশান্ত বদনকান্তি ! দাঁড়িয়ে অদূরে,
সম্মুখে বিনতশির, রাজদূতত্রয় ।

সম্বোধিয়া দূতগণে জিজ্ঞাসিলা ঘোরী,
মধুর গস্তীর ভাষে :—

“হিন্দুস্থান মাঝে
ছিলে সবে, এতদিন ; কি দেখিলে সেথা ?
কেমন সে দেশ বল ; সম্পদ, বিভব,
লোকের প্রকৃতি, ধর্ম, যা' কিছু দেখেছ,
বল বিস্তারিয়া সবে ; অগ্রে বল, আলি !”

principal chiefs, ambassador to Ajmeer, with a declaration of war, should the Indians refuse to embrace the true faith.

Briggs' Ferista, Vol I. P. 174.

তাজুল মাসির প্রণেতা হাসন নিজামী ইহাঁকে Hamza নামে অভিহিত করিয়াছেন এবং ইহাঁর প্রকৃতি সম্বন্ধে লিখিয়াছেন :—He had obtained distinction by the customs of embassy and the proprieties of missions, and his position in the service of the sublime court had met with approval and in the beauty of his moral character and the excellence of his endowments, the above mentioned person, in whose merits all concurred and from the flames of whose wisdom and the light of whose penetration abundant delight and perfect good fortune arose.

Elliot's History of India, Vol. II. PP. 212-13.

* ভারতবর্ষের অগ্রগণ্য মুসলমান সাধু। আজমীরে ইহাঁর যে সমাধি বর্তমান আছে, তাহা মুসলমানদিগের একটি প্রধান তীর্থে পরিণত হইয়াছে। মুস্তাকবুল তৌরারিক প্রণেতা বলেন যে ; Khaja Mainuddin chishti came with Sultan Shahabuddin when he invaded India again in 1192 A. D. ইহাঁর প্রকৃতি সম্বন্ধে লিখিত আছে যে ;—He is said to have passed days together in devotion and meditation. ** He never preached aggression, was a man of peace and good will towards all God's creatures. Ajiner Historical and descriptive PP. 90-91.

বর্ধের আদর্শ অনুযায়ী ভক্তিমান ও আচরণনিষ্ঠ হইলেও ইহাঁর রণদক্ষতার অভাব ছিল না। খানেশের অন্তর্গত নন্দুরবর ইনিই জয় করিয়াছিলেন বলিয়া উল্লেখ দেখা যায়।

Imperial Gazetteer, Vol. XVIII. P. 362.

সম্মুখে নোয়াঁয়ে শির, ভূমি স্পর্শ করি',
আরস্তিলা আলি ;—*

“কি কহিব, জাঁহাপনা !
অদ্ভুত, অপূর্ব দেশ । বিশ্বস্রষ্টা যেন
সৌন্দর্য্যে, মাধুর্য্যে তা'রে নিরূপম করি'
গ'ড়েছেন ধরাধামে । সুনীল আকাশ,
সমুজ্জ্বল, দিবাভাগে, তপন-কিরণে ;
জ্যোতির্ময়, নিশাকালে, নক্ষত্রনিকরে ;
দীপ্তিমান্ চন্দ্রালোকে । তুষার-ঝটিকা
না জানে সে দেশে কেহ । মধুর পবন
বহে সেথা সংবৎসর ; শ্রোতস্বতী যত
অমৃত-সলিলে পূর্ণ । তরুলতাগণ
ফলে, ফুলে শোভাময় । নাহি জানি নাম,
আস্বাদে, সৌরভে কিন্তু চিত্ত বিমোহিত ।
বিশাল সে দেশ ; কোথা গিরি সুমহান্,
গগনে তুলিয়া শির, আছে বিরাজিত ;
কোথা বনভূমি, পূর্ণ ভীষণ শ্রাপদে ;
কোথা রম্য উপবন, পুষ্প সুশোভিত,
মুখরিত বিহগের মধুর সঙ্গীতে ।
যোজন-যোজন-ব্যাপী ক্ষেত্র স্নিগ্ধ-শ্যাম
শোভে কোথা ; কোথা নদী বহে কল কলে
খনি-গর্ভে অন্বে মণি ; সাগরে মুকুতা ;
নারী সেথা নিরূপমা । সমৃদ্ধা নগরী ;
ফলে, শস্যে পূর্ণ পল্লী । কি ক'ব অধিক,
স্বর্গ স্বর্গ বলে লোক, স্বর্গ হিন্দুস্থান ।”
হাসিয়া কহিলা যোরা ;—

ললাটে চিত্তার রেখা । মধ্যে উভয়ের
সাধু ভক্ত মৈনুদ্দীন, * করে জপমালা,
বিলম্বিত শ্মশ্রুজাল স্পর্শে নাভিদেশ,
প্রশান্ত বদনকান্তি ! দাঁড়িয়ে অদূরে,
সম্মুখে বিনতশির, রাজদূতত্রয় ।

সম্বোধিয়া দূতগণে জিজ্ঞাসিলা ঘোরী,
মধুর গম্ভীর ভাবে :—

“হিন্দুস্থান মাঝে

ছিলে সবে, এতদিন ; কি দেখিলে সেথা ?
কেমন সে দেশ বল ; সম্পদ, বিভব,
লোকের প্রকৃতি, ধর্ম, যা' কিছু দেখেছ,
বল বিস্তারিয়া সবে ; অগ্রে বল, আলি !”

principal chiefs, ambassador to Ajmeer, with a declaration of war, should the Indians refuse to embrace the true faith.

Briggs' Ferista, Vol I. P. 174.

তাহুল মাসির প্রণেতা হাসন নিজামী ইহঁকে Hamza নামে অভিহিত করিয়াছেন এবং ইহঁার প্রকৃতি সম্বন্ধে লিখিয়াছেন :—He had obtained distinction by the customs of embassy and the proprieties of missions, and his position in the service of the sublime court had met with approval and in the beauty of his moral character and the excellence of his endowments, the above mentioned person, in whose merits all concurred and from the flames of whose wisdom and the light of whose penetration abundant delight and perfect good fortune arose.

Elliot's History of India, Vol. II. PP. 212-13.

* ভারতবর্ষের অগ্রগণ্য মুসলমান সাধু। আজমীরে ইহঁার যে সমাধি বর্তমান আছে, তাহা মুসলমানদিগের একটি প্রধান তীর্থে পরিণত হইয়াছে। মুতাকবুল তৌরারিক প্রণেতা বলেন যে ; Khaja Mainuddin chishti came with Sultan Shahabuddin when he invaded India again in 1192 A. D. ইহঁার প্রকৃতি সম্বন্ধে লিখিত আছে যে ;—He is said to have passed days together in devotion and meditation. * * He never preached aggression, was a man of peace and good will towards all God's creatures. Ajmer Historical and descriptive PP. 90-91.

স্বর্গের আদর্শ অনুযায়ী তপস্বী ও আগমনিত হইলেও ইহঁার রণসঙ্গতার অভাব ছিল না। খানেনের অন্তর্গত নন্দুরবর ইনিই ভ্রম করিয়াছিলেন বলিয়া উল্লেখ দেখা যায় ।

Imperial Gazetteer, Vol. XVIII. P. 362.

সম্মুখে নোয়ায়ে শির, ভূমি স্পর্শ করি',
আরস্তিলা আলি ;—

“কি কহিব, জাঁহাপনা !
অদ্ভুত, অপূর্ব দেশ । বিশ্বস্রষ্টা যেন
সৌন্দর্য্যে, মাধুর্য্যে তা'রে নিরুপম করি'
গ'ড়েছেন ধরাধামে । সুনীল আকাশ,
সমুজ্জ্বল, দিবাভাগে, তপন-কিরণে ;
জ্যোতির্ময়, নিশাকালে, নক্ষত্রনিকরে ;
দীপ্তিমান্ চন্দ্রালোকে । তুষার-ঝটিকা
না জানে সে দেশে কেহ । মধুর পবন
বহে সেথা সংবৎসর ; স্রোতস্বতী যত
অমৃত-সলিলে পূর্ণ । তরুলতাগণ
ফলে, ফুলে শোভাময় । নাহি জানি নাম,
আস্বাদে, সৌরভে কিন্তু চিত্ত বিমোহিত ।
বিশাল সে দেশ ; কোথা গিরি সুমহান্,
গগনে তুলিয়া শির, আছে বিরাজিত ;
কোথা বনভূমি, পূর্ণ ভীষণ শ্বাপদে ;
কোথা রম্য উপবন, পুষ্পে সুশোভিত,
মুখরিত বিহগের মধুর সঙ্গীতে ।
যোজন-যোজন-ব্যাপী ক্ষেত্র স্নিগ্ধ-শ্যাম
শোভে কোথা ; কোথা নদী বহে কল কলে
খনি-গর্ভে অগ্নে মণি ; সাগরে মুকুতা ;
নারী সেথা নিরুপমা । সমৃদ্ধা নগরী ;
ফলে, শস্যে পূর্ণ পল্লী । কি ক'ব অধিক,
স্বর্গ স্বর্গ বলে লোক, স্বর্গ হিন্দুস্থান ।”
হাসিয়া কহিলা যোরা ;—

“হেন স্বর্গ হ’তে
কেন, তবে, এলে ফিরি’ ?”

উত্তরিলে দূত ;—

“আসিলাম, জাঁহাপনা ! পথ দেখাইতে,
সঙ্গে পুনঃ যা’ব বলে ।”

কহিলেন ঘোরী ;—

“কহ, দূত ! কহ শুনি, কোন্ কোন্ স্থান
দেখিয়া এসেছ তুমি ।”

নিবেদিলে দূত ;—

“এসেছি হেরিয়া, প্রভো ! যমুনার তীরে
প্রাচীন নগরী দিল্লী, পূর্ণ ধনে, জনে ;
জয়স্তম্ভে, দেবালয়ে, সুরম্য প্রাসাদে
অনুপম ধরামাঝে । দেখেছি কনোজ,
অবস্থিত গঙ্গাতটে ; নানাদেশজাত
পণ্য-দ্রব্যে পরিপূর্ণ । দেখেছি আজমীর,
মরুসিন্ধু-বক্ষে রম্য, শ্যামদ্বীপসম
শোভাময় । হেরিয়াছি মথুরানগরী,
বারাণসী, পুণ্যতীর্থ উভয় হিন্দুর ;
আর(ও) কত শত স্থান । হিন্দুস্থানে গিয়া
এসেছি যা’ নিরখিয়া বর্ণিবার নয় ।”

“কি তুমি দেখেছ, এবে, বলহ, হানিফ !”
সম্বোধি’ দ্বিতীয় দূতে কহিলেন ঘোরী ;—
“কোন্ বেশে ছিলে সেথা ?”

উত্তরিলে দূত ;—

“মৌনী সন্ন্যাসীর বেশে । করেছি ভ্রমণ
তীর্থে তীর্থে, গ্রামে গ্রামে, নগরে, প্রান্তরে ;

দেখিয়াছি রাজা, প্রজা, ব্রাহ্মণ, শ্রমণ ।
 পশি' কভু যজ্ঞশালে, কভু দেবালয়ে,
 হেরিয়াছি ধর্ম, কর্ম, আচার হিন্দুর ;
 শুনিয়াছি শাস্ত্রপাঠ, হ্রীং, ক্লীং, ওঁ ।
 কিন্তু, জাঁহাপনা ! আমি না পারি বুঝিতে
 কেন বিশ্বস্রষ্টা, হেন মনোহর দেশে,
 এ হেন অধম জাতি করিলা সৃজন,
 ধর্মহীন, জ্ঞানহীন ! এক, অদ্বিতীয়
 ভুলি' পরমেশে আছে মূর্তিপূজা ল'য়ে ;
 অদ্ভুত তা'দের ধর্ম ; কেহ পূজে শিলা,
 কেহ নদী, কেহ তরু । কেহ অঁথি মুদি'
 করে মহাশূন্য ধ্যান । বিচিত্র তা'দের
 মনোভাব, পূজারীতি । কহে কোন জন,
 'অহিংসা পরমো ধর্মঃ' ; আবার কেহ বা
 নৃত্য করে নরবলি করিয়া প্রদান ।
 কেহ শাক্ত, কেহ শৈব, বৈষ্ণব কেহ বা ;
 কেহ পূজে বুদ্ধে, কেহ পূজে জিনদেবে ।
 নাহি হিতাহিত-জ্ঞান ; মুক্তিলাভ তরে
 কেহ ডুবে নদীজলে ; গিরিশৃঙ্গ হ'তে
 পড়ে কেহ লক্ষ দিয়া ; রথচক্র-তলে
 হয় কেহ নিষ্পেষিত ; বক্ষে বিঁধে শূল ;
 বিদারে রসনা বাণে । নির্মম নিষ্ঠুর ;
 পুত্রে দেয় ভাসাইয়া সাগরের জলে ;
 দক্ষ করে, অবিভেদে, মাতায়, স্ত্রীতে,
 বাঁধি' চিতাকাষ্ঠে, তা'র মৃত পতি সনে ;
 বাজায় দামামা, যদি করে আর্তনাদ ।

বলে তবে হিন্দু মোরা, কিন্তু পরম্পর
 জাতিধর্মঘেষে, নিত্য, রক্ত বিসংবাদে ;
 নাহি সখ্য, নাহি প্রেম । উচ্চবর্ণ, যদি,
 চামার, চণ্ডাল আদি হীনজাতি নরে
 'স্পর্শে কভু, স্নান করি' শুচি হয় তবে ।
 নহে বুদ্ধিহীন তা'রা ; তর্কে স্ত্রনিপুণ ;
 রচিয়াছে বহু গ্রন্থ । কিন্তু নাহি জানি,
 কেন হেন মজিদ্দাস্ত ! ব্যথিত অন্তর,
 হিন্দুর দুর্দশি হেরি' । সুলতান মামুদ,
 জাঙ্গি' দেবালয়, অর্ধ করিয়া হরণ,
 দণ্ডিলা বিধর্মিগণে । কিন্তু, জাঁহাপনা !
 ফলে নাই ফল তাহে । খামিলে ঝটিকা
 দাঁড়ায় যেমন তরু, পুনঃ, তুলি' শির,
 তেমনি উঠেছে হিন্দু । তীব্র শাস্তি বিনা
 না করিবে জ্ঞানলাভ । মস্‌লিম-সমাজে
 ধর্মিকের বন্ধু এক জাঁহাপনা বিনা
 এ অধর্ম, অন্যায় করিতে উচ্ছেদ
 না আছে অপর কেহ । কালক্ষেপ আর
 না হয় উচিত, প্রভো ! সঙ্কটে, বিপদে
 মস্‌লিমের বল যিনি, মহান্ ঈশ্বর,
 হ'বেন সহায় তিনি ।”

নীরবিলা দূত ।

যোয়ীর লম্বাটকেশ হইল কুঞ্চিত ।
 ত্যজি' মালা অঙ্গ, কিরি', কুতরের পানে
 চাহিলেন মৈনুদ্দীন । কহিলেন যোয়ী ;—
 “কি তুমি দেখেছ সেখা, বল, জাঁহান্দর ।”

কহিলা তৃতীয় দূত :—

“সত্য, জাঁহাপনা !

হিন্দুস্থানসম দেশ নাহি এ ধরায় ।
কিন্তু যে ফণীর শিরে থাকে মহামনি,
দস্ত তা'র বিষে ভরা । নিরখি' তা'দের
বলবীৰ্য্য, বুঝিয়াছি বীর হিন্দুজাতি ;
চূর্কর্ষ সমরক্ষেত্রে । বুঝিয়াছি আর(ও)
ধর্মপ্রাণ হিন্দু ; হ'ক ধর্ম তাহাদের
ভ্রমাক্ষক, তবু প্রাণ দিবে তা'র তরে ।
প্রজা সেথা রাজভক্ত ; রাজার আদেশে
অনলে, গরলে, জলে না ডরে মরিতে ।
আছে জাতিভেদ সত্য, কিন্তু হিন্দু নামে
এক সূত্রে বাঁধা সবে । না বুঝি', না ভাবি'
হিন্দুস্থান-আক্রমণ উপযুক্ত নয় ।
দেখিয়াছি হিন্দুস্থানে আছে তরু এক,
বটনামে ; মহা বাহু করিয়া বিস্তার,
আবরিয়া রাখে গ্রাম ; শাখা হ'তে তা'র
সূক্ষ্ম সূত্রসম মূল, পরশিয়া ভূমি,
ক্রমে হয় মহাতরু ; আকর্ষিয়া রস,
রহে সঞ্জীবিত, মূল বৃক্ষ ধ্বংস হ'লে ।
ভেমনি এ হিন্দুজাতি ধরে, জাঁহাপনা ।
অপূর্ব জীবনীশক্তি ; হ'ক মূলচ্ছেদ,
উৎপাটন, শাখা তবু রহিবে বাঁচিয়া ।*

* হিন্দুদের এই জীবনীশক্তি সম্বন্ধে এইরূপ লিখিত হইয়াছে :—

Even when the overlord or central authority was vanquished the separate groups and units had to be defeated in detail and each state applied a nucleus for subsequent revolt. The popular notion that

কি কাজ বিবাদে তবে হেন শত্রু সহ ?
কি ফল প্রতিমাভঙ্গে, লুণ্ঠনে, পীড়নে ?”

“শুন, দূত !”

জাঁহান্দরে কহিলেন ঘোরা ;—

“লভিয়াছ অভিজ্ঞতা, রহি’ হিন্দুস্থানে ;
পার কি বলিতে তুমি সমর-কৌশল
কিরূপ হিন্দুর ? অশ্ব, গজ, পদাতিক
শিক্ষিত কেমন ? অসি, শূল, ধনুর্বাণ
কোন্ অস্ত্রে পটু তা’রা ?”

উত্তরিলে দূত ; --

“নহি যোদ্ধা আমি, প্রভো ! বণিব তথাপি
দেখিয়াছি যাহা ; হিন্দু বলী গজবলে ।
সচল পর্বতসম গজযুথ যবে
হয় যুদ্ধে অগ্রসর, নাহি শক্তি কা’র(ও)
রোধিতে তা’দের বেগ ; প্রতিদ্বন্দ্বী সেনা
চূর্ণ হয় দণ্ডমাত্রে । দেখিয়াছি আর(ও)
শরক্ষেপে অদ্বিতীয় হিন্দু পদাতিক,
অব্যর্থ সন্ধানী সবে । বিশ্বাস আমার,
না পারিবে মুসলমান অঁটিতে হিন্দুরে
গজে, পদাতিক সৈন্যে । দ্বিতীয় রস্তম*
জাঁহাপনা ! করুন তা’ উচিত যা’ হয় ।”

India fell an easy prey to the Musalmans is opposed to the historical facts ** At no time was Islam triumphant throughout the whole of India. Hindu dynasties always ruled over large areas.

Hunter’s Indian Empire. PP. 322-23.

* রস্তম মুসলমানদিগের ভীম ছিলেন । মহম্মদ ঘোরীর অসাধারণ বলবীর্যের অন্য তথ্যকাৎ-ই-নাসিরী-প্রণেতা তাঁহাকে Haider (সিংহ) of the time and a second Rustom বলিয়াছেন । Page 460.

ইঙ্গিতে বিদায় করি' রাজদূতগণে
কহিলেন তবে ঘোরী ;—

“শুনিলে ত সবে,
যা কহিলা দূতগণ ? কিবা যুক্তি বল ।”

কহিলা কুতব ;—

“বীরভোগ্যা বসুন্ধরা
চিরদিন ঘোষে লোক । এ হেন সম্পদ,
এ সৌন্দর্য্য ভোগ যদি, পুরুষ হইয়া,
না করিনু, বৃথা জন্ম অবনীমণ্ডলে ।”

“সত্য ; কিন্তু শুনিলে ত”

কহিলেন ঘোরী ;—

“ছূর্কর্ষ সমরে হিন্দু ; না করি' বিচার,
উচিত কি যুদ্ধারম্ভ তাহাদের সনে ?”

কহিলা কুতব ;—

“প্রভো ! না করি' বিচার,
কখন(ও) কর্তব্য নয় ; কিন্তু, জাঁহাপনা !
দেখুন বারেক ভাবি', বালক কাসিম*
করেছিল জয় যবে এই হিন্দুগণে,
সাহস, শুরত্ব কোথা ছিল তাহাদের ?
অষ্টাদশ বার বীর সুলতান মাযুদ
লুণ্ঠিলা হিন্দুর দেশ, ভাঙ্গিলা মন্দির,
বিচূর্ণিলা সোমনাথ ; কোথা ছিল তবে
হিন্দুর বীরত্ব ? হিন্দু নহে বীর্য্যহীন,
সত্য ; কিন্তু অন্ধপ্রায় ভ্রমে, কুসংস্কারে ।

কাসিম দেবলপুরী আক্রমিলা যবে,
 ঘোষণা করিল হিন্দু ; মন্দিরচূড়ায়
 যাবৎ পতাকা এক রহিবে উড্ডীন,
 না পারিবে শত্রুসৈন্য প্রবেশিতে পুরে ।
 কৌশলী কাসিম, শুনি, 'ধ্বজা লক্ষ্য করি',
 হানিলা অস্ত্র অস্ত্র ; ছিঁড়িল পতাকা ;
 নিরাশা-পীড়িত হিন্দু হ'ল পরাজিত ।#
 ব্যবহারে শিশু তা'রা । আলোর ভূপতি,
 দাহির, দৈবজ্ঞে ডাকি' জিজ্ঞাসিলা তা'রে ;
 কোথা শুক্র গ্রহ এবে করিতেছে স্থিতি ?
 কি হ'বে যুদ্ধের ফল ?' দৈবজ্ঞ কহিল ;
 'সম্মুখে তোমার শুক্র, পশ্চাতে তা'দের,
 যুদ্ধে তা'রা হ'বে জয়ী ।' কহিলা ভূপতি ;
 'কর কিছু প্রতীকার ।' ডাকি স্বর্ণকারে
 শুক্রের স্তূর্ণ মূর্তি করা'য়ে নির্মাণ
 রাজার পশ্চাতে বাঁধি' অশ্বের পর্য্যাণে,
 দিল পাত্রমিজগণ ; কহিল বুঝা'য়ে ;—
 'পশ্চাতে যখন শুক্র যুদ্ধে হ'বে জয় ।'
 নির্বেদ্য দাহির, নাহি বুঝি' নিজ বল,
 পশিল সমরে ; যুঝি' সিংহের বিক্রমে

• দেবল সিংহের অস্ত্রগত । While Kasim was considering the difficulties
 opposed to him, he was informed by some of his prisoners that the safety
 of the place was believed to depend on the flag which was displayed
 on the tower of the temple. He directed his engines against that sacred
 standard, and at last succeeded in bringing it to the ground ; which occa-
 sioned so much dismay in the garrison as to cause the speedy fall of the
 place. * * The fall of the temple seems to have led to that of the town.
 Elphinstone's History of India. Cowell's Edition. P. 308.

মুসলমান-অসিঘাতে প্রাণ দিল শেষে । #
 জানে প্রাণ দিতে হিন্দু ; কিন্তু নাহি জানে
 শৃঙ্খলা, সমরনীতি ; স্বভাবে সরল ;
 দেখে দিন, দেখে ক্ষণ, শুভাশুভ যোগ ।
 নাহি বুঝে, ব্যাধি-বহ্নি-সমর সঙ্কটে,
 ক্ষণমাত্র কালক্ষেপে ঘটে সর্বনাশ ।
 না জানে পুরুষকার, দৈব, দৈব করি'
 নয়ন থাকিতে অন্ধ ; হুঁহুটে, হাঁচিতে,
 কাকশৃঙ্গালের রবে গণে পরমাদ ।
 অল্পে হয় বিশৃঙ্খল ; নায়ক অভাবে,
 ভাঙ্গি ব্যূহ, মেঘসম করে পলায়ন ।
 আস্থাহীন নিজবলে ; চিনে মাত্র রাজা ;
 নিরাশ, নিভর্জীব হয় রাজার পতনে ।
 দাহির, অনঙ্গপাল গ' হস্তী আরোহিয়া
 এসেছিল যুদ্ধে দৌড়ে ; তীক্ষ্ণ শরাঘাতে,
 কলস্ত কন্দুকে করী গেল পলাইয়া,
 বিধ্বস্ত বিপুল সেনা হইল নিমেঘে ।
 সুসিগাহি, আছে লেখা শাস্ত্রে তাহাদের,

> আলোর সিদ্ধেশের অন্তর্গত । Dahir then said to an astrologer, "I must
 t to-day ; tell me in what part of the heavens the planet Venus is
 calculate which of the two armies shall be successful, and what will
 he result." After the computation, the astrologer replied, "According
 he calculation the victory shall be to the Arab army, because Venus
 hind him and in front of you." Rai Dahir was angry on hearing this.
 astrologer then said, "Be not angered, but order an image of Venus
 e prepared of gold." It was made and fastened to his saddle-straps
 der that Venus might be behind him, and he might be victorious.

Chachnama Elliott's History of India, Vol. I, P. 169.

During the heat of the attack which was made on him, a fire-ball
 ck the Raja's elephant and the terrified animal threw its master off the

পৃথীরাঙ্গ ।

কিন্তু গোহগর্বে তা'রা না শুনিলে কথা
হ'বে যোগ্য শিক্ষা দিতে ; শিক্ষক যেমতি
শিক্ষা দেন দণ্ড দিয়া অশিষ্ট বালকে ।

কহিল যে জাঁহান্দর বীর হিন্দুজাতি,
চিন্তামাত্র নাহি তাহে । হ'ক শূর, বীর,
চূর্ণ হ'বে রেণু সম ; সহায় মোদের
নিজে সর্বশক্তিমান । কে রক্ষিল, বল,
সুলতান মামুদে, যবে, মরুভূমি মাঝে,
সোমনাথ-আক্রমণে ব্যথিতহৃদয়,
প্রতিহিংসাপর হিন্দু ভুলাইয়া তাঁ'রে
লইল বিপথে ? বীর, তৃষ্ণায় আকুল,
অবসন্ন, পথশ্রান্ত, কণ্ঠাগত-প্রাণ,
ডাকিলা কাতর হ'য়ে "রক্ষ, প্রভো" বলি' ।#

* After the army had marched all night and next day and the time had come round for the troops to halt although search was made for water, none was anywhere to be found. The Sultan directed that the Hindu guide should be brought before him. This was done, when the Hindu guide replied to the Sultan saying ; "I have devoted my life for the idol Somnath. and I have led you and your army to this desert, in any part of which water is not to be found, in order that you may all perish." The Sultan commanded that the Hindu should be despatched to hell, and that the troops should halt and take up their quarters for the night. He then waited until night had set in, after which he left the camp, and proceeded some distance from it aside. Then kneeling down and with his forehead to the ground he prayed devoutly and fervently unto the Most High for deliverance. After a watch of the night had passed, a mysterious light appeared in the horizon, and the Sultan gave orders for the troops to be put in motion, and to follow him in the direction of the light. When the day broke, the Almighty God had conducted the army of Islam to a place where there was water, and all the Musalmans were delivered safely out of this impending danger.

উপধর্মসেবী হিন্দু না পারিবে কছু
রোধিবারে সত্যধর্মসেবী মুসলমানে ।”
“সুসঙ্গত বটে কথা ।”

কহিলেন ঘোরী ;

“বল এবে, হামজবী ! অভিপ্রায় তব ।”

কহিলেন হামজবী ;—

“রাজরাজেশ্বর !

ধর্ম, অর্থ ভূমণ্ডলে প্রিয় মানবের ।
প্রশংসিত সেই, এই উভয়ের মাঝে,
একটীও আছে যা'র । মহাভাগ্যবান
সেই নর, দুই যেই পারে অর্জিবারে ।
ধর্ম, কর্ম, জ্ঞানে, বীর্যে জাঁহাপনা সম
আছে কেবা ভাগ্যবান ? * দেখুন চিন্তিয়া,
আক্রমিলে হিন্দুস্থান, বিধির কৃপায়,
উভয় হইবে লাভ । অর্থে অগণিত
পূর্ণ হ'বে রাজকোষ ; ততোধিক লাভ
হ'বে হিন্দুস্থানে সত্যধর্মের প্রচারে ।
কিন্তু এই মহাকার্য্য না হ'বে সাধিত
সাম্রাজ্য-প্রতিষ্ঠা বিনা ; লুণ্ঠনে, পীড়নে
না হইবে স্থায়িকল । সুল্তান মামুদ,
রাজা প্রজা লুণ্ঠি' সবে, আনিলা যে ধন,

* হিন্দুদিগের দৃষ্টিতে মুসলমানসম্রাজ্য যাহাই হউন, মুসলমানের নিকট তাঁহারা কিরূপ
কৃত হইতেন, তাহা স্মরণ রাখা আবশ্যিক ।

মহম্মদ ঘোরীর প্রকৃতি সম্বন্ধে ঐতিহাসিক কেয়েস্তা এইরূপ লিখিয়াছেন :—
ahammad Ghory bore the character of a just monarch, fearing God
d ever having the good of his subjects at heart. He paid good atten-
n to learned and devout men and was never deficient in serving them
the utmost of his power.

Briggs' Ferista, Vol. I. P. 187.

কোথা গেল ? স্বর্ণ, হীরা, মণি, মুক্তারাশি
 অশ্রুবিন্দু * সনে তাঁ'র গিয়াছে মিশিয়া,
 জলে জলবিশ্বপ্রায় ; চিহ্ন নাহি এবে ।
 ভাঙ্গিয়া যে দেবমূর্তি কি ফলেছে ফল ?
 ত্যজেছে কি মূর্তিপূজা হিন্দু নর, নারী ?
 বৃথা সেই অভিযান ; বিদ্যুতের জ্যোতি,
 তীব্রালোকে ক্ষণমাত্র উজলি' আকাশ,
 *বালসিয়া অঁখি, পাশ্বে ডুবায় অঁধারে
 চন্দ্রালোক মূছ, কিন্তু তম করে দূর ।
 ধর্ম্মে, অর্থে স্থায়ী ফল চাহি যদি মোরা,
 পুত্র পৌত্রক্রমে যদি চাহি সুখভোগ,
 স্থাপিতে হইবে রাজ্য হিন্দুস্থানমাঝে ;
 একবার বসি যদি উঠিব না আর ।”

“স্বযুক্তি, সুপরামর্শ !”

কহিলেন ঘোরী ;—

“নাহি অভিলাষ মোর, মামুদের সম,
 ঝটিকার বেগে পড়ি', ঝটিকার প্রায়,
 হ'তে পুনঃ অন্তর্হিত । বাঞ্ছা সংস্থাপিতে
 স্থায়ী রাজ্য হিন্দুস্থানে । কুতব ! তোমারে
 দিগু এ কার্যের ভার ; কর আয়োজন ;
 দেশ দেশান্তর হ'তে আনো সেনাদল ।
 শুনেছ ত জাঁহান্দর যা' কহিল এবে ?

* It is a well established fact, that two days before his death, he commanded all the gold and caskets of precious stones in his possession to be placed before him : when he beheld them he wept with regret, ordering em to be carried back to the treasury.

গজসৈন্যে, পদাতিকে হিন্দু বলবান ;
 কিন্তু নাহি চিন্তা তাহে । সুবিদিত ভব,
 রণক্ষেত্রে মস্তগজ ঘটায় বিপদ,
 শত্রুমিত্র উভয়ের ; পায় যদি ত্রাস,
 না মানে অক্ষুশ, করে উভে বিদলিত ।
 পদাতিক শ্রান্ত হয়, রণক্ষেত্রে যদি
 হয় দীর্ঘ, সুবিস্তৃত ; না পারে সহিতে
 দূরপর্যটন-ক্লেশ লৌহবর্ষভার ;
 চালনায় শ্লথগতি । অশ্ব আমাদের,
 পরিশ্রমী, দৃঢ়কায়, তুষ্ট অল্লাহারে ;
 উল্লসনে, সস্তরণে, গিরি-আরোহণে
 সুদক্ষ, অভ্যাসগুণে । অশ্ববলে মোরা
 গজ, পদাতিক দুই করিব বিজয় ।
 কর আয়োজন তুমি ; বুঝিলে সময়,
 শ্যেন যথা পড়ে গিয়া কপোতমাঝারে,
 পড়িব হিন্দুর দেশে । প্রকৃতি তা'দের
 বুঝেছি উত্তম আমি । বীরত্বে, বিক্রমে
 যোগ্য প্রতিদ্বন্দ্বী তা'রা ; ধরে বহুগুণ ।
 কিন্তু জাতি-জ্ঞাতি-বৈরে নিত্য-জর্জরিত,
 অশ্রু সত্যধর্ম হ'তে ; পতন তাদের
 অনিবার্য । শিলাখণ্ড, বাঁধা পরস্পর,
 রোধ করে স্রোতবেগ, তরঙ্গ উত্তাল ;
 কিন্তু অনাবদ্ধ হ'লে, উলটি' পালটি',
 হয়, ক্রমে, রেণুশেষ । হিন্দু বটে দৃঢ়
 বন্ধন না আছে কিন্তু তাহাদের মাঝে ।
 শত জাতি, শত ধর্ম, শত রাজ্য যথা

পৃথীরাজ ।

পরস্পর ধ্বংসে রত, কেমনে তথায়
বন্ধন, মিলন হ'বে ? কিন্তু মোরা সবে
একজাতি, একধর্মী, এক ভূপতির *
আজ্ঞাধীন ; মোরা যবে হ'ব অগ্রসর,
স্রোত-মুখে বালুসম যা'বে ভাসি' তা'রা ।

আর (ও) শুন গুঢ় কথা ; মুঢ় হিন্দুজাতি
গৃহচ্ছিন্ন প্রকাশিতে না হয় বিমুখ ।
চিরদিন এই রীতি শুনিতেছি আমি ;
যখন (ই) বিদেশী কেহ প্রবেশে ভারতে
স্বদেশ-স্বধর্মদ্রোহী হিন্দু কোন জন
আসি' পক্ষ লয় তা'র । সিকন্দর বীর
পশিলা পঞ্জাবে যবে, তক্ষশিলাপতি
অশ্ব, অর্থ, খাদ্য সনে শিবিরে তাঁহার
পাঠাইয়া দিল দূত † সুলতান মামুদে,
ল'য়ে অশ্বসৈন্য, দুষ্টি শিবানন্দ রায় ‡

* মহম্মদ ঘোরী, কাথ্যতঃ সম্পূর্ণ স্বাধীন হইলেও, তৎকাল পর্য্যন্ত, তাঁহার জ্যেষ্ঠ ভ্রাতাকে রাজা এবং আপনাকে তাঁহার অধীন সেনাপতি বলিয়া প্রচার করিতেন ।

† At Ohind Alexander was met by an embassy from Ambhi (Omphis), who had then succeeded to the throne of Taxila, the great city three marches beyond the Indus. The lately deceased king had met the invader in the previous year at Nikaia and tendered the submission of his kingdom. This tender was now renewed on behalf of his son by the embassy, and was supported by a contingent of 700 horse and the gift of valuable supplies comprising thirty elephants, 3000 fat oxen, more than 10000 sheep, and 200 talents of silver.

V. Smith's Early History of India, P. 60.

‡ এই শিবানন্দ রায়, বহুসংখ্যক অশ্বারোহী সহ মামুদের সৈন্যদলে প্রবেশ করিয়াছিল এবং তাঁহার মৃত্যুর পর গজনির অভ্যন্তরীণ বিরোধে লিপ্ত হইয়াছিল বলিয়া উল্লেখ দেখা যায় ।

A numerous body of Hindoo cavalry, under Sewand Rai, is stated to have taken part in the troubles at Ghazni, within two months after the Sultan's death ; whence it is obvious that he must, during his lifetime, have availed himself of the services of this class of his subjects.

Elphinstone's History of India, Cowell's Edition. P. 350.

করিল সাহায্য দান । প্রবেশিলে মোরা
 হিন্দুস্থানে, সাহায্যের না হ'বে অভাব ।
 জান সবে, হিন্দুস্থানে ঐশ্বর্য্যে, গৌরবে
 অগ্রগণ্য দিল্লী । আমি পেয়েছি সংবাদ,
 বিবাদের বিষবীজ হয়েছে রোপিত
 দিল্লীরাজ্যে । বৃদ্ধ রাজা গেলে তীর্থবাসে,
 বাধিবে বিবাদ ঘোর ভ্রাতায়, ভ্রাতায় ;
 একে করি' হস্তগত নাশিব অপরে ।
 দিল্লী যদি একবার হয় অধিকৃত,
 ইসলাম-প্রভুত্ব হ'বে স্থাপিত ভারতে ।”

নীরব হইলা ঘোরী । কহিলা কুতব ;—

“ধন্য জাঁহাপনা ধন্য ! প্রভুর আদেশে
 স্থাপিব বিজয়স্তম্ভ দিল্লীর মাঝারে,
 করিনু প্রতিজ্ঞা এই !”*

সহসা মস্জিদে

উচ্চে মোকীনের ডাক “আল্লা হো আক্বর”
 পশিল সবার কর্ণে । শশব্যস্ত হয়ে
 উঠিলেন সর্বজন, ভাঙ্গিল মন্ত্রণা । †

* স্থপতি কুতবমিনার হিন্দু অথবা মুসলমান কাহাদিগের দ্বারা নির্মিত, তৎসম্বন্ধে
 সন্দেহ আছে । যে মতই প্রকৃত হউক, কুতব তাঁহার নামে পরিচিত স্তম্ভ আমূল নির্মাণ করিয়া
 কুন, বা পূর্বনির্মিত স্তম্ভের যাবনিক আকার প্রদান করিয়া থাকুন, তাঁহার মুখে আরোপিত
 ঠাণ্ডা বোধ হয় অপ্রাসঙ্গিক হয় নাই ।

† এই সর্গে বক্তাদিগের মুখে যে সকল কথা আরোপ করা হইয়াছে, ভারতবর্ষসম্বন্ধে
 হাদিগের পক্ষে সেই সকল কথা বলা সম্ভবপর কি না, যদি কাহারও এইরূপ সন্দেহ হয়,
 ব, তাঁহাকে পৃথীরাজের শতাধিক বর্ষ পূর্ববর্তী মুসলমান-লেখক অলবিরগীর গ্রন্থ পাঠ করিতে
 । তাহাতে মুসলমানের হিন্দুজাতিসম্বন্ধে জানের ও অমুসলিমসম্বন্ধে বিশ্বাসজনক প্রমাণ আছে ।

তৃতীয় সর্গ ।

সংযুক্তাসুন্দরী, জয়চন্দ্র-সুতা,
বসি' উপবনে, সখীজনযুতা,
দেববালা, যেন, হ'য়ে স্বর্গচ্যুতা,
মরতে আসিয়া বিহরে ।

বনলতিকায় বসন্ত যেমন
সাজায়, পরা'য়ে ফুল-আভরণ,
তেমতি বালার দেহেতে যৌবন
সুখমা ঢেলেছে ছু'করে ।

সলাজ কটাক্ষ দিয়াছে নয়নে,
স্নিগ্ধ অরুণিমা কপোল-বরণে,
কটিতে ক্ষীণতা, পীনতা জঘনে,
মৃদুমন্দ গতি চরণে ।

শিরে কেশজাল চমরগঞ্জিত,
অঙ্গের বরণ কনক-লাঞ্জিত,
কমলকলিকা উরসে শোভিত,
মুকুতার ভাতি দশনে ।

নহে সে তরুণী, নহে সে বালিকা,
অর্ধক্ষুর্ট যেন কুসুমকলিকা,
গুরুজনপ্রিয়া, আশ্রিতপালিকা,
পরিমিত-মৃদুভাষিণী ।

দেবঘিজে বালা সদা ভক্তিমতী,
ললিত কলার অনুরাগবতী,
জ্ঞান-গরিমায় যেন সরস্বতী,
শ্রীতিময়ী, চারুহাসিনী ।

তৃতীয় সর্গ।

সে রূপমাধুরী করি' দরশন,
না ক্লান্ত কা'র(ও) চিত্তে হতাশন,
দেবী-প্রতিমায় নিরখি' যেমন

ভক্তিমুগ্ধ লোক রহিত

“রমার জনম ভীষণ সাগরে,
জনমিলা উমা পাষণের ঘরে,
তাই এ কুমারী”—সবে পরস্পরে

কনোজনিবাসী কহিত ।

ত্রিভুগতে তা'র নাহি ছিল পর,
স্নেহে সমবাঁধা পশু, পাখী, নর,
উপবনে শিখী, কুরঙ্গ-নিরুর .

নিরখিলে তা'রে নাচিত

ভৃঙ্গার ভরিয়া, সখীগণ সনে,
প্রবেশিত বালা যবে ফুলবনে,
পল্লব-সঙ্কেতে তরুলতাগণে,

তা'র(ই) করে জল যাচি

মা বাপের বালা বড় সোহাগিনী,
তাইবোনদের ক্রীড়ার সঙ্গিনী,
ব্যথিত অনেক সুস্থাপহারিণী,

দেবী নিরূপমা ভুতলে ।

কিন্তু সে কোমল হৃদয়ের মাঝে
কতভেদ-গর্ভ নিহুতে বিদ্যাজে,
হ'ত নতশির, ঘেরি' তা'রে লাজে,

কামুক কুরক সকলে ।

পিতার সহিত করী আরোহণে
প্রবেশিত যবে গহন কাননে,
সুতীক্ষ্ণ শায়ক যুড়ি' শরাসনে,

উৎসাহে বদন ভাতিত ।

নিরখি' আসিছে শাদ্দুল ভীষণ,
নেত্রে বহ্নিকণা, বিকট দশন,
দৃঢ় করে বাণ করিত ক্ষেপণ,

উল্লাসে হৃদয় মাতিত ।

আবার, যখন, বসি' দেবালয়ে,
রামায়ণ-কথা, পূতচিতা হয়ে,
শুনিত ; না জানি, কি ভাবি' হৃদয়ে,

বালার নয়ন ঝরিত ।

গভীর নিশীথে মৃতপতি সনে,
বসি' একাকিনী, সাবিত্রী কেমনে
কাটাইলা কাল, ভাবি' মনে মনে

আঁখি দু'টা জলে ভরিত ।

না ছিল ভাবনা, নাহি ছিল ভয়,
জীবন বালার সদানন্দময় ;
কিন্তু অকস্মাৎ কালমেঘোদয়

হয়েছে সুনীল গগনে ।

রাজপুরে সবে কহে পরস্পর,
'পৃথীরাজ সনে হইবে সমর,
ব্যস্ত, তাই, সদা কনোজাধীশ্বর

বিপুল বাহিনী গঠনে ।'

উঠে কোলাহল নগর মাঝার,
আসে সেনাদল কাতারে কাতার,
ব্যথিতা কুমারী ফেলে নেত্রাসার,
একাকিনী বসি' বিরলে ।

সখীগণ, আসি', বুঝাইয়া কয়,
“ক্ষত্রিয়কুমারি ! রণে কেন ভয় ?
কনোজের সেনা সমরে দুর্জয়,
কে আঁটিবে, বল, ভূতলে ?”

জয়, পরাজয় কুমারীর মন
চিন্তি', ক্ষণতরে, নহে উচাটন,
ভাবিত সরলা, কি হেতু এ রণ,
এ দারুণ দ্বেষ কি রোষে ?

দাতা যদি দেন ধন আপনার,
লইলে গ্রহীতা কিবা পাপ তা'র ?
পৃথীরাজে পিতা সমরে সংহার
চাহেন করিতে কি দোষে ?

সুধা'তে পিতারে সাহস না হয়,
জিহ্বাসিলে মাতা বিরস-হৃদয়,
সখীরা বুঝায় হ'বে রণজয়,
পীড়িতা কুমারী মরমে ।

পিতামহী, কভু, ডাকিয়া আদরে,
চিবুক ধরিয়া, ক'ন স্নেহভরে ;—
“সংযুক্ত ! কিহেতু আঁখি তোর ঝরে ?”
নিরুত্তরা বালা সরমে ।

পৃথ্বীরাজ ।

করিতে স্মৃত্যর চিত্ত বিনোদন
ব'লেছেন রাজা ;—‘শুন সখীগণ !
গীতবাঞ্ছা তোষ কুমারীর মন,
কলাবিৎ জনে লইয়া ।’

মিলি’, তাই, যত সখীগণ, আজ,
ব'সেছেন, রাজ-উপবন মাঝ,
পরা'য়ে বালারে কুসুমের সাজ,
সুসজ্জিতা সবে হইয়া ।

চম্পক-মুকুট শোভে শির'পরে,
মল্লিকার হার কণ্ঠে শোভা ধরে,
কেহ বা বকুল ল'য়ে থরে থরে
রচেছে বলয়, কঙ্কণে ।

কেহ নাচে, কেহ সুখে করে গান,
পিক সনে কেহ তুলে কুহুতান,
নবীন যৌবনে উল্লসিত প্রাণ,
রত সখী-চিত-তোষণে ।

কোন সখী কহে ;—“করিনু শ্রবণ
এসেছে নগরে ভাট একজন,
গীত, বাদ্যে তা'র জ্ঞান অতুলন,
অনুপম মর্ত্য্য-ভুবনে ।

অনুমতি হ'লে, রাজার কুমারি !
উপবনে তা'রে আনিবারে পারি,
ঘুটিবে তোমার নয়নের বারি
সুন্দরিত গীত শ্রবণে ।

জানে ইতিহাস, জানে সে পুরাণ,
রূপে, বেশে যেন রাগ মূর্তিমান,
ত্রিতন্ত্রী বীণায় তোলে যবে তান
পাষণেব তনু শিহবে ।

উঠায় মল্লারে জলদ-গর্জ্জন,
দীপকে কখনও জ্বালে ছতশন,
তোলে গুন্ গুন্ ভ্রমর-গুঞ্জন,
পিক সম কভু কুহরে ।”

আদেশিলা বালা আনিতে তাহায়,
শুনিয়া উল্লাসে সখীগণ ধায়,
অবিলম্বে ভাট, আসিয়া তথায়,
সসম্মমে নমি’ কহিল ;—

“কি গান গাইব, ভূপাল-নন্দিনি !
শুনা’ব কি কিছু পুরাণ-কাহিনী,
অথবা নূতন ? কহ, সুহাসিনি !”
বলি’ নতশিরে রহিল ;

সবে বলে ;—“গাও, গান পুরাতন,
পাণ্ডবের কথা, কিম্বা রামায়ণ,
কা’র কথা বল শুনা’বে নূতন,
ভারতে পুরুষ কে আছে ?

যবনের পদে নত হয়ে বা’রা
বিকা’য়েছে দেশ, পুরুষ কি তা’রা ?
হৃদশা তা’দের ভেবে হই সীরা,
আর্যের গৌরব গিয়াছে ।

কাশিম, মামুদ আসিল যখন,
পুণ্য আর্ঘ্যভূমি করিতে লুণ্ঠন,
পুরুষ এদেশে থাকিলে তখন

শিখা'তেন তাঁ'রা যবনে ।

বালাদিত্য আর যশোধর্ম্ম রায় *

শকহুগগণে একদিন, হায় !

দিয়াছিল শিক্ষা ; লুঠি তাঁ'রা পায়,

পলাইয়াছিল গহনে ।

চাহিনা নূতন, কর তুমি গান,

দ্বাপরে কেমনে পার্থ ধনুস্মান্,

যদুবীরগণে করি' শাস্তিদান,

লভিলা স্তম্ভদ্রারতনে ।”

কহে রাজসুতা ;—

“কি বলিলে আজ,

পুরুষ নাহি এ ভারতের মাঝ ?

হয় হেঁটমাথা, শুনে পাই লাজ,

আর্যের এ ঘোর পতনে ।

* The cruelty practised by Mihirgula became so unbearable that the native princes, under the leadership of Baladitya, king of Magadh, (the same as Narasinha Gupta) and Jasodorman, a Raja of Central India appear to have formed a confederacy against the foreign tyrant. About the year A. D. 528 they accomplished the delivery of their country from oppression by inflicting a decisive defeat on Mihirgula who was taken prisoner and would have forfeited his life deservedly, but for the magnanimity of Baladitya who spared the captive, and sent him to his home, in the north with all honour.

The Early History of India by V. Smith, P. 318.

যশোধর্ম্মদেবকেই উজ্জয়িনীপতি শকারি বিক্রমাদিত্য বলিয়া অনেকে নির্দেশ করেন। মিহির কুলের শাস্তির পর ভারতবর্ষ প্রায় ৫ শত বৎসর বৈদেশিক আক্রমণ হইতে রক্ষা পাইয়াছিল।

India enjoyed, so far as is known, almost complete immunity from foreign attack for nearly five centuries after the defeat of Mihirgula.

Ibid, P. 322.

গাও, ভাট ! তুমি করিয়া স্মরণ
তঁার কথা, এই ভারতে যে জন
পুরুষকেশরী ; করিলে শ্রবণ

মাতিবে পরাণ হরষে ।

কেমন তাঁহার সমরের রীতি,
সাহস, ঔদার্য্য কিবা রাজনীতি,
বিপদে অটল, কিম্বা পান ভীতি

সন্মিলিত অরি দরশে ।”

অমনি উঠিল বীণার নিঃস্বন,
দ্রিম্, দ্রিম্, দ্রিম্, কিম্, বন্ বন্,
ক্রমে উঠে গুরু গভীর গর্জ্জন,

শবদের প্রতি গমকে ।

না ফুটিতে বাণী, না উঠিতে গান,
উল্লাসে পূরিল কুমারীর প্রাণ,
কিবা সুসঙ্গতি ! কিবা লয় তান !

সখীগণ সব চমকে ।

ভুলিল বিহগ গীত আপনার,
মধুলোভে অলি না করে ঝঙ্কার,
কলাপীর নাহি কলাপ-প্রসার

স্তবধ, মুগধ শ্রবণে ।

কি যেন মদিরা বীণারবে ঝরে,
পরশে পরাণ মাতোয়ারা করে,
কত সুখ-স্মৃতি জাগায় অন্তরে,

প্রিয়জনে আনি' স্মরণে ।

“শুন, রাজসুত্রে” !

গাইল ভাট,

“ধু ধু ধু ধু করে আখোরি মাঠ,

নাহি তৃণ, তরু, নাহিক বাট,

চন্দেলেরা সেথা সেজেছে

অযুত তুরগ, শতেক হাতী,

আহির, রাঠোর বিবিধ জাতি,

রণরঙ্গে সবে এসেছে মাতি,

রাজাদেশে ভেরী বেজেছে ।

ভেঁা ভেঁা ভেঁা ভেঁা ভেঁা ভেঁা শিঙার রবে

চলে গন্ গন্ পদাতি সবে,

বহিছে নায়ক, “বিজয় হ’বে

চৌহান ভূপালে ধরিলে ।

লহ অসি, শূল, ধরহ বাণ,

রাজাদেশে কর জীবন দান,

চন্দেলের সবে রাখহ মান,

কি ভয় সমরে মরিলে

বাজে তুরী ভেরী, বাধিল রণ,

যুঝিছে চন্দেল চৌহানগণ,

তীর শন্ শন্, অসি বন্ বন্

আকাশ ভেদিয়া উঠিছে ।

ধরি’ সাপটিয়া ভীম মুদগর

চলে মদভরে বারণবর,

কাঁপে ধরা সহি’ পদের ভয় ;

অখারোহী আগে ছুটিছে ।

অসিঘাতে কা'র (ও) কাটিল শির,
কাহার (ও) বা বুকে বাজিল তীর,
ছিন্ন করপদ, কতই বীর

লুঠিছে পড়িয়া ভূতলে ।

‘মার্, মার্, মার্’ সেনানী হাঁকে,
‘ধর্, ধর্, ধর্’ নায়ক ডাকে,
নাহি দয়ালেশ, যে পায় যা'কে

শূলাঘাত করে সবলে ।

আলহা, উদাল দৌহার নাম #
চন্দেলরাজের বীর-প্রধান,
আকারে, প্রকারে দৈত্যপ্রমাণ,

আঁসিল দুজ'নে ছুটিয়া ।

পৃথীরাজ একা করেন রণ,
অশ্রু দিকে যত সেনানীগণ,
কহিল হেরিয়া “শুন, রাজন্ !

গর্ব তব দিব টুটিয়া ।”

বশোরাজ-সুত তা'রা ছু' তাই,
মল্লযুদ্ধে সম তা'দের নাই,
ললাটে লেপিত শ্মশানছাই,

দ্বীপিচর্মবাস পরিভ ।

পৃথ্বীরাজ।

ধৃত করে শূল অতি বিশাল,
রুদ্ররূপী যেন তাল, বেতাল,
ভূমে ফেলি' অসি, ছুড়িয়া ঢাল,

প্রমত্ত মহিষে ধরিত ।

নারী এক পটু তন্ত্র-সাধনে
পিয়াইলা স্তন বাল্যে দু'জনে,
রক্ষাকবচ বাঁধিয়া, গোপনে,

বীজমন্ত্র দিলা শ্রবণে ।

আকৃতি, প্রকৃতি হেরিয়া তা'র
লোকমুখে কথা হ'ল প্রচার,
অবধ্য নরের দু'টি কুমার

হইয়াছে শবসাধনে ।

অভিমাণে দৌহে রাজার'পর *
অস্ত্র ত্যজি ছিল আপন ঘর,
জননী কহিল, "ত্যজি সমর

রয়েছিস্ বল্ কেমনে ?

ছি ছি ধিক্ ধিক্ ! বৃথা জনম,
হয়ে রাজপুত এ কি করম !
ভুলিলি কি দৌহে বীর-ধরম ?

কি কাজ এ হেন জীবনে ?

* মাহোবাগতি পরিমল আলহার একটি গোটকীর প্রতি লোভ প্রদর্শন করিলে আলহা তাঁহা দিতে অসম্মত হন। সেই কোপে রাজা তাঁহাকে নির্যাসিত করিলে আলহা ও উদাল কনৌজপতির আশ্রয় গ্রহণ করেন। পরিমলের বিপদে সাহায্য করিতে অসম্মত হইলে আলহা ও উদালের জননী দেবলদেবী পুত্রদ্বিগকে বলিয়াছিলেন ;— Unworthy offspring ! the heart of the true Rajput dances with joy at the mere name of strife but ye, degenerate ! can not be sons of Jessraj.

মাতার আদেশে আসি' সমরে,
পৃথীরাজে দৌহে আঘাত করে ;
ব্যাকুল হইয়া ভূপের তরে

কত জন ছুটি' আসিল ।

ইঙ্গিতে নিষেধ করি' সবায়,
দাঁড়াইলা বীর অচলপ্রায়,
নিবারেন অসি অসির ঘায় ;

রক্তশ্রোতে তনু ভাসিল ।

একা দৌহা সহ অসম রণ,
তবু নহে ক্ষণ ব্যাকুল মন,
ঢালে বাজে অসি ঠ-ঠ-ঠ-ঠন,

কঠোর নিনাদ উঠিছে ।

নিকটে কখন, কখন (ও) দূরে,
দেখি দেখি, যেন, না দেখি শূরে,
কভু পড়ে অসি, কখন যূরে,

অরাতির বল টুটিছে ।

চিস্তি' ক্ষণ বীর সিংহসমান,
করিলেন বেগে লক্ষ্য প্রদান,
পুনঃ লক্ষ্য করি' দূরে প্রয়াণ,

ধমুক লইলা স্বকরে ।

গর্জিল উদাল ;—“থিক্ রাজন্ !
পলা'য়ে বাঁচিবে করেছ মন ?”
বুকে বাজে তীর শ-শ-শ-শন,

লুঠে তনু ধরা উপরে ।

পৃথ্বীৰাজ ।

লক্ষ্য দিয়া পড়ি' আলা যথায়
মুহূৰ্ত্তেকে আসি' দাঁড়া'ল রায়,
পলেকে দারুণ অসির ঘায়

লুঠাইলা শির ভূতলে ।

মরিল সেনানী, চন্দেলগণ
মেঘসম ধায় ত্যজিয়া রণ ;
রাজা পরিমলে * করি' বন্ধন

আনিল সৈনিক সকলে ।

হেরি' পৃথ্বীৰাজ, ধরিয়া করে,
বসাইলা তাঁয় আসন'পরে,
ত্রিয়মাণ হেরি' সাস্ত্রনা তরে

বুঝাইলা প্রিয় বচনে । •

“জয় জয় জয়” গভীর রবে
পৃথ্বীৰাজ-জয় ঘোষিল সবে,
তুলনা ভূপের নাহি এ ভবে,

পুরুষকেশরী ভুবনে ।

এ হেন বীরেরে করে বরণ,
নারীমাঝে সেই নারীরতন,
বিনা ত্রিপুরারি উমার মন

চাহে কি কখন অপরে ?

হরের ধনুক ভাজিলা যিনি,
জানকীর মন মোহিলা তিনি ;
খুঁজি' দেশ দেশ ধায় তটিনী

মিলিবারে মহাসাগরে ।”

* মহোৎসবপতি রাজা পরমর্ষিদেবের অপর নাম ।

নীরবিলা ভাট । খুলি' কণ্ঠহার,

আদরে কুমারী দিলা পুরস্কার ।

কহে সখীগণ ;—“ভারতমাকার

পৃথীরাজ(ই) পুরুষ বটে ।”*

প্রিয়সখী আসি' কাণে কাণে কয় ;—

“যদি, রাজসুতে ! স্বয়ংবর হয়,

পৃথীরাজে তুমি বরিও নিশ্চয়,

ঘটুক কপালে যা' ঘটে ।”†

The great battle, in which Prithiraj of Delhi defeated Parmal the great Chandel-ruler of Bundelkhand, is said to have taken place at a place called Akori in the Jalaun district.

I. Gazetteer, vol. XIV. P. 20.

আলহা উদালের বৃত্তান্ত অপ্রাকৃতিক কল্পনাজড়িত বলিয়া আমি পৃথীরাজরাসোর
করি নাই, আমার কাব্যের উপযোগী করিয়া রচনা করিয়াছি। পৃথীরাজরাসোতে
য, উদাল যুদ্ধে নিহত হইলে তাহার কবর পৃথীরাজের সৈন্ত-সঙ্গে প্রবৃত্ত হইয়াছিল এবং
শাখ, রণক্ষেত্রে আবির্ভূত হইয়া, আলহাকে লইয়া অন্তর্হিত হইয়াছিলেন। ইহা
আলহা এখনও জীবিত আছেন, এই প্রবাদের উৎপত্তি হইয়াছে। এই দুই বীর
রর বিক্রমে পরাজিত ও নিহত হইয়াছিলেন, এইটুকু মাত্র ঐতিহাসিক সত্য বলিয়া
।। আলহা ও উদালের বীরত্বের আখ্যান হিন্দুস্থানে কাব্যে ও সঙ্গীতে বহু-প্রচলিত ।

চতুর্থ সর্গ ।

প্রক্ষালি' কনৌজপুরী, * মস্কুরগমনে,
চলেছেন ভাগীরথী সিন্ধু-দরশনে ।
চারু হর্ম্যা, উপবন, প্রাসাদ, মন্দির
শোভিত করিয়া আছে তটিনীর তীর ।
দিবামেষ ; অস্তাচলগামী দিনকর ;
মুদুপদে আসে সক্ষ্যা মুরতি ধূসর ।
ধাতুময় গৃহচূড়া সাক্ষ্য রবি-করে
অনলের ছটা যেন বিকীরণ করে ।
সক্ষ্যা হেরি' বক, হংস, জলচরগণ,
পুলিনে উঠিয়া, করে পক্ষ বিধূনন ।
সারস, সদলে ফিরি', নীড়মুখে ধায় ;
আর্ক্তস্বরে চক্রবাক সঙ্গিনীরে চায় ।

* কনৌজ উত্তরপশ্চিমাঞ্চলের করকাবাদ জিলায় গঙ্গার দক্ষিণ তটে অবস্থিত । পূর্ব-
কালে ইহা উত্তর ভারতের একটা পরাক্রান্ত ও বহুবিস্তৃত রাজ্য ছিল । ইহার রাজধানী শোভা-
সমৃদ্ধিতে ও ঐশ্বর্যে অতুলনীয় ছিল বলিয়া মুসলমান ঐতিহাসিকগণ উল্লেখ করিয়াছেন ।

He (Mahmood) there saw a city which raised its head to the skies,
and which in strength and beauty might boast of being unrivalled.

Briggs' Ferista, Vol. I. P. 57.

কনৌজ সম্বন্ধে এই ঐতিহাসিক বিবরণ স্মরণ রাখা আবশ্যিক ।—The Ancient town at
Kanauj (Kanyakubja) on the Ganges, which was selected by Harsha as
his Capital, was converted into a magnificent, wealthy, and well-fortified
city, nearly four miles long and a mile broad, furnished with numerous
lofty buildings, and adorned with many tanks and gardens. * * * The
inhabitants were more or less equally divided in their allegiance to
Hinduism and Buddhism. The city, after enduring many vicissitudes,
was finally destroyed by Sher Shah in the sixteenth century. It is now
represented by a petty Muhammadan country-town and miles of shape-
less mounds which serve as a quarry for rail-way ballast.

The Oxford History of India by V. A. Smith, P. 167.

একে একে দীপাবলী ফুটে গৃহমাঝে ;
 প্রসারিত ধূপগন্ধ ; শব্দ, ঘণ্টা বাজে ।
 উঠে তারা ; শূনিকরে তটিনীর জল,
 গলিত স্তব্বর্ণসম, করে ঝলমল ।
 কুসুম-স্বাস ধীরে করিয়া বহন
 পুলকিত করে চিত সাক্ষ্যসমীরণ ।
 গঙ্গাতীরে আসে লোক পূজা, পাঠ তরে ;
 হৃষ্টচিত্তে নানা কথা আলাপন করে ।

কৌতুকে নগরবাসী কহে পরস্পর ;—

“রাজসুতা সংযুক্তার হ’বে স্বয়ংবর ।
 দেশে দেশে গেছে ভাট ল’য়ে নিমন্ত্রণ,
 আসিবেন ভারতের শ্রেষ্ঠ রাজগণ ।”

কেহ বলে ;—

“রাজসুতা রূপে নিরূপমা,
 বৈকুণ্ঠ ত্যজিয়া যেন অবতীর্ণা রমা ।
 ধরাতলে নাহি নারী তাঁহার সমান,
 না জানি লভিবে তাঁ’রে কোন্ ভাগ্যবান্ ।”

কেহ বলে ;—

“হ’বে এক বিশাল ব্যাপার,
 হয় নাই কলিযুগে তুল্য কিছু তা’র
 স্থান নাহি হ’বে এই কনোজনগরে,
 বস্ত্রাবাসে র’বে কেহ, কেহ নৌকা’পরে ।
 পর্বতপ্রমাণ দ্রব্য রাজভূত্যগণ
 রাখিতেছে, দেখিলাম, করি’ আয়োজন ।
 ভোজ্যে, বস্ত্রে পরিপূর্ণ করেছে ভাণ্ডার,
 করিয়াছে অস্ত্রে, শস্ত্রে পূর্ণ অস্ত্রাগার ।”

কেহ কহে ;—

“শুধু যদি হ’ত স্বয়ংবর,
নির্বিবন্ধে হইত কার্য্য, না থাকিত ডর ।
কিন্তু রাজসূয় হ’বে স্বয়ংবর সনে,
কি জানি কি ঘটে, ভাবি’, চিন্তা হয় মনে ।”

আর জন কহে ;—

“চিন্তা কেন অকারণ ?
বাধা দিবে রাজকার্য্যে কে আছে এমন ?
সেনা, অর্থ নৃপতির গণনা না হয় ;
সুসিদ্ধ হইবে কার্য্য, জেনো সুনিশ্চয় ।”

অন্য বলে ;—

“ভবিষ্যৎ অবিজ্ঞাত, ভাই !
শুনেছি সংবাদ গুঢ়, চিন্তা আছে তাই ।
আছেন ভূপতি যত ভারত ভিতর,
আসিবেন, শুনিয়াছি, বিনা দিল্লীশ্বর ।
রাজসূয়ে নিমন্ত্রণ করিলে স্বীকার
দিল্লীর প্রাধান্য, তবে, না রহিবে আর ।
কহিতেছে নগরের, তাই, বিজ্ঞজনে,
সুসিদ্ধ এ যজ্ঞ তবে হইবে কেমনে ।
যাজ্ঞিকের প্রতিদ্বন্দ্বী রাজা যদি রয়,
‘সিদ্ধ রাজসূয়’ ইহা শাস্ত্রে নাহি কয় ।”

কেহ বলে ;—

“এ সংবাদ জানেন ভূপতি,
করেছেন প্রতীকারে উচিত যুক্তি ।
প্রতিমূর্ত্তি গড়াইয়া দিল্লীর রাজার
রাখিবেন, নগরের যথা সিংহদ্বার ;

দিবেন প্রহরবেশ ; বেত্র র'বে করে ;
নিরথিবে সর্বজন পশিতে নগরে !
না আসেন দিল্লীশ্বর পেয়ে নিমন্ত্রণ,
যেমন গরব, শাস্তি হইবে তেমন ।”

শুনিয়া অপর কহে ;—

• “সম্মানিত জনে
অপমান হেন, ভাল নাহি লাগে মনে ।
হয়ত হইবে, ইথে, যুদ্ধ সংঘটন ;
বহু প্রাণী ধ্বংস হ'বে, ক্ষয় বহুধন ।
সাধারণ রাজা ন'ন দিল্লী-অধিপতি,
তাঁ'র সনে যুদ্ধে নাহি অল্পে অব্যাহতি ।
আজ্ঞাবর্তী আছে তাঁ'র অসংখ্য চৌহান,
বীর তা'রা, মহাযুদ্ধে দিবে সবে প্রাণ ।
লুণ্ঠনে, পীড়নে দেশ হ'বে ছারখার,
দারিদ্র্য, দুর্ভিক্ষ হ'বে পরিণাম তা'র ।
হিংসা, ঘেঁষ, রক্তপাত অনুচিত কাজ,
বলেছেন আমাদের বুদ্ধ ধর্ম্মরাজ ।”*

শুনি' নাগরিক এক মহাক্রোধে কয় ;—

“বৌদ্ধ তুমি, যুদ্ধে তাই পাইতেছ ভয় ।
তোমাদের উপদেশে গেল যশ, মান ;
কাপুরুষ হ'ল যত ভারত-সম্মান ।
‘অহিংসা অহিংসা’ এই প্রচারি' ধরম
পুরুষেরে করিয়াছ নারীর অধম ।

* কনোজ এক সময়ে বৌদ্ধধর্ম্মের একটি প্রধান কেন্দ্র ছিল । চীন পরিব্রাজক ইয়ুয়ান চোয়াঙ, খৃষ্টীয় সপ্তম শতাব্দীতে লিখিয়া গিয়াছেন ;—“নগরের দক্ষিণাংশে ও গঙ্গার ধারে তিনটি সজ্জারাম, তন্মধ্যে মণিমাণিক্য-বিভূষিত বুদ্ধমূর্ত্তি আছে । বহুদূর হইতে যাত্রীগণ এখানে পূজা করিতে আসেন ।”

তা না হ'লে তোমাদের সহধর্ম্মীগণ
 কাশিমের পদ কেন করিবে লেহন ?
 রক্ষিবারে আর্ধ্যধর্ম্ম, দেশের সম্মান,
 দাহির ব্রাহ্মণ, তবু, যুদ্ধে দিলা প্রাণ ।
 তোমরা অধম বৌদ্ধ, আত্মরক্ষা তরে,
 পত্নীকে সঁপিলে তাঁ'র বিধর্ম্মীর করে ।*
 ভাবিলে সে কথা, হায় ! বুক ফেটে যায়,
 ধিক্ বুদ্ধে ! ধিক্ বৌদ্ধে ! ধিকার তোমায় !
 অসিঘাতে, রক্তপাতে এত যদি ডর,
 মাথায় সিন্দূর পর, নাসায় বেশর !†
 রাজপুত হ'তে যদি বুঝিতে অন্তরে,
 কি আনন্দ দাঁড়াইলে অসি, চর্ম্ম করে !
 'অহিংসা অহিংসা' বলি' কর যে চীৎকার,
 কোথায় অহিংসা. খুঁজে বল ত্রিসংসার ।

* দাহিরের মৃত্যুর পর মুণ্ডিতশীর্ষ, পীতবসনধারী কতকগুলি ব্যক্তি আসিয়া কাশিমের দিকট বসিয়াছিল ;—“O faithful Noble, our king was a Brahman ; you have killed him, and have taken his country. *** As now the almighty God has given this country into your possession, we have come submissively to you, just Lord ! to know what may be your orders for us.” Muhammad Kassim began to think and said, “By my soul and head they are good and faithful people. I give them protection but on this condition that they bring hither the dependents of Dahir, wherever they may be.” Thereupon they brought out Ladi (the wife of Dahir.) P. 181.

Chach Nama Elliot's History of india, Vol. I. P. 182.

এই মুণ্ডিতশীর্ষ, পীতবসনধারী ব্যক্তিদিগকে মুসলমান ঐতিহাসিক, জম্ববনতঃ, ব্রাহ্মণ বলিয়া নির্দেশ করিয়াছেন । কিন্তু ইহারা যে বৌদ্ধ সন্ন্যাসী ছিল, তাহার আভ্যন্তরীণ প্রমাণ তাহার গ্রন্থেই পাওয়া যায় । সিন্ধুদেশস্থ বৌদ্ধ সন্ন্যাসীদিগের ব্যবহারসম্বন্ধে বহুপূর্বে হইতে বেলাগ কুখ্যাতি আছে, তাহাতে তাহাদিগের দ্বারা দাহিরের পত্নীকে কাশিমের হস্তে সমর্পণ, অসম্ভব মনে হয় না । চীন পরিব্রাজক ইয়ুয়ান চোয়াঙ, এই সকল সন্ন্যাসীদিগের সম্বন্ধে লিখিয়াছিলেন ;—
 Idle fellows, given over to self-indulgence and debauchery.”

V. Smith's Early History of India, P. 354.

† বেশর, হিন্দুহানে সুপ্রচলিত, মোলকহাবীর আভরণ ।

পতনের মারে পক্ষী, পক্ষী মারে ব্যাধ :
 প্রাণীতে প্রাণীতে, দেখ, নিত্য বিসংবাদ।
 মরি কিম্বা মরি এই ক্ষত্রিয়ের রীতি,
 তোমরা শিখাও কিনা কাপুরুষ-নীতি !
 পাপ বৌদ্ধধর্ম যদি না হ'ত প্রচার,
 ভারতে প্রবেশে হেন শক্তি হ'ত কা'র ?
 লোলিত দেহের মাংস, দস্ত বিগলিত,
 শ্লেষ্মা, কফ নাসা, নেত্রে সদা প্রবাহিত।
 চলিতে শক্তি নাই, দেহ কম্পমান,
 মল, মূত্রে লিপ্ত হ'য়ে শয্যা শয়ান ;
 এইরূপে মৃত্যু হ'লে বুঝি বড় সুখ ?
 মুক্তকচ্ছ ! * তুমি আর দেখা'ওনা মুখ।”

বৌদ্ধ নাগরিক কহে ;—

“কাস্ত হও, ভাই !

রাঠোরের বীর্য মোর অবিদিত নাই।
 মামুদ কনোজপুরী আক্রমিল যবে,
 ক্ষত্রবীর হ'য়ে কেন নত হ'লে সবে ? †
 পার নাই অসি, শূল দেখাইতে তা'রে,
 পত্নী, পুত্র ল'য়ে যবে লুঠাইলে দ্বারে ?

* বৌদ্ধধর্মের সম্প্রদায়বিশেষ ; বস্ত্র পরিধানের রীতি হইতে, সম্ভবতঃ তাঁহারা এই ব্যঙ্গ-
 রক উপাধি লাভ করিয়াছিলেন।

† The Indian prince of this rich city (Kunowj) was Koowar Roy. He affected great state and splendour, but, being thus unexpectedly invaded, had not time to put himself in a posture of defence, or to collect his troops. Terrified by the great force, and the formidable appearance of the invaders, he resolved to sue for peace ; and accordingly, going out with his family to the camp, he submitted himself to Sooltan Mahmood.

বৃথা বীর্য তোমাদের, বৃথা অহঙ্কার !
 শোভা হেতু মাত্র করে ধর তরবার ।
 নিন্দা ত করিলে তুমি বৌদ্ধধর্ম্মিগণে,
 কিন্তু এই কথা স্থির রাখিও স্মরণে ।
 বৌদ্ধ শিক্ষা, দীক্ষা যদি না হ'ত প্রচার,
 রাজপুত্র নর-মাংস করিত আহার ।
 তোমাদের জাতিবৈর, রণ-কণ্ডুয়ন
 বৌদ্ধ শিক্ষা কথঞ্চিৎ করেছে দমন ।
 অপবাদে, নির্ঘাতনে রহিয়া অটল
 কত তত্ত্ব প্রচারিছে বৌদ্ধভিক্ষুদল ।
 দর্শনে, বিজ্ঞানে, শিল্পে, শাস্ত্রে, সদাচারে
 বৌদ্ধের অঙ্গুলি-চিহ্ন পা'বে দেখিবারে ।
 পশু, পাখী, কীট, নর স্মৃথে থা'ক সবে,
 বৌদ্ধ বিনা হেন শিক্ষা কে দিয়াছে কবে ?*
 সে কথা বারেক কভু নাহি ভাবো মনে,
 অকারণ নিন্দা কর বন্দনীয় জনে ।
 আছি মোরা অহিংসক বৌদ্ধ জন কত,
 আমাদের' পরে দর্প তোমাদের যত ।
 পৃথীরাজ বৌদ্ধ ন'ন ; বাধে যদি রণ,
 চৌহান কেমন বীর বুঝিবে তখন ।”

উত্তেজিত রাজপুত্র, খুলি' তরবার,
 কহে ;—

“এই বলিতেছি সন্মুখে সবার ;

* The Buddhist teaching was superior to that of the rival religions in the prominence it gave to the happiness of all creatures as the main object of morality.

চতুর্থ সর্গ ।

রণক্ষেত্রে চৌহানের সঙ্গে দেখা হ'লে
তর্পণ করিব তাঁ'র রক্ত-গঙ্গা-জলে ।

বলিলে যে বড় বীর দিল্লীর ঈশ্বর,
পরীক্ষা হইবে তাঁ'র বাধিলে সমর ।

মহারাজ জয়চন্দ্র ন'ন পরিমল,*

চূর্ণ করিবেন দুষ্টি চৌহানের বল ।

রাঠোরের মুষ্টি ধরে কেমন কৃপাণ

নিরখিবে রণক্ষেত্রে গর্বিবত চৌহান ।”

এইরূপ মহাতর্ক হয় পরস্পর,

রাজদ্বারে ঘণ্টা পড়ে দ্বিতীয় প্রহর ।

ক্রমে স্তব্ধ, জনহীন জাহ্নবীর তীর ;

শূন্য ঘাট, শূন্য বাট, নিঃশব্দ মন্দির ।

নদীগর্ভ হ'তে এক মহাকায় বট

উঠিয়াছে এক দিকে, শিরে দীর্ঘ জট ।

পর্ণশালা কতগুলি শোভে তাঁ'র তলে ;

চারিদিকে তরুরাজী পূর্ণ ফুলে, ফলে ।

তথা হ'তে শ্রুত হয় নর-কণ্ঠস্বর,

দীপ এক জ্বলে সেই আশ্রম ভিতর ।

রাজগুরু তুঙ্গাচার্য্য, ইন্দ্ৰদেবী ল'য়ে,

করেন তথায় বাস, সর্বব্যাগী হ'য়ে ।

নাহি তাঁ'র পত্নী, পুত্র, নাহি ধন, জন ;

কার্য্য তাঁ'র জনসেবা, তীর্থ-পর্যটন ।

শাস্ত্রবিৎ, ভাষাবিৎ, অদ্বিতীয় জ্ঞানে ;

ত্রিকালজ্ঞ বলি' তাঁ'রে সর্বলোকে জানে ।

বিরাগ, বিদ্বেষ তাঁ'র চিত্তে অগোচর,

সর্বজীবে সমদৃষ্টি, নাহি আত্ম, পর।
 অস্পৃশ্য, অন্ত্যজ যা'রে সবে ঘৃণা করে,
 হেন জনে বক্ষে গুরু ধরেন আদরে।
 করুণায় নেত্র দুটা করে ছল ছল,
 প্রসন্ন বদন, সদা স্মিত-সমুজ্জ্বল।
 বয়োগুণে গুরুকেশ শোভে শির'পরে,
 কিন্তু যৌবনের স্ফূর্তি বিরাজে অন্তরে।
 গভীর চিন্তার রেখা ললাটে অঙ্কিত,
 ক্ষীণ গৌর তনু, যেন কাঞ্চনে রচিত।
 কনোজ, আজমীর, দিল্লী গুরু সবাকার,
 তথাপি সম্বলমাত্র কোপীন তাঁহার।
 দেবী শুভঙ্করী তাঁ'র আশ্রমে স্থাপিত ;
 শ্যামা, সুবদনা, কৃষ্ণমর্শ্বরে রচিত।
 ভারতভূমির মূর্তি নিরখিয়া ধ্যানে
 স্থাপন করিলা গুরু ক্ষোদিয়া পাষাণে।
 নিজ করে অঙ্গরাগে করি' সুশোভন
 পরাইলা যথাযোগ্য বসন, ভূষণ।
 হিমাদ্রি-মুকুট তাঁ'র শিরে শোভা ধরে,
 ভাগীরথী-হার বক্ষে বলমল করে।
 বিদ্যাটবী, কটিদেশে, কাঞ্চী শোভা পায়,
 সোণার কমল লঙ্কা শ্রীপদে লুঠায়।
 এক হস্তে প্রাণরূপী শস্যগুচ্ছে ধরা,
 অন্য হস্তে ঘট, ক্ষীরসম নীরে ভরা।
 মলয়জে লিপ্ত অঙ্গ, নীলাঙ্গ নয়ন,
 মাতৃভাব-প্রকাশক প্রসন্ন বদন।
 হেরি' সে পবিত্র মূর্তি প্রশান্ত, গভীর

চতুর্থ সর্গ ।

রাজা, প্রজা, হিন্দু, বৌদ্ধ হ'ন নতশির ।
নানাদেশ হ'তে লোক পূজে আসি' তাঁয়,
যা'র যে কামনা লভি' গৃহে ফিরি' যায় ।

ফিরেছেন গুরু, করি' তীর্থপর্যটন,
এসেছেন জয়চন্দ্র বন্দিতে চরণ ;
মহিষী আছেন সাথে । স্বতন্ত্র আসনে
কুটীরের দ্বারদেশে আসীন দু'জনে ।
রক্ষক, প্রহরী দূরে দাঁড়াইয়া সবে,
পরস্পর কহে কথা অতি মৃদুরবে ।
আচার্য্য, আরাতি-পূজা করি' সমাপন,
হয়েছেন ধ্যানমগ্ন, হ'ল বহুক্ষণ ।
দীপালোক পড়ি, তাঁ'র মুখের উপরে
প্রশান্ত, পবিত্র কান্তি প্রকাশিত করে ।
স্থির, অবিচল দেহ ; নাহি মুখে ভাষ ;
নয়নে নিমেষ নাই ; নাসায় নিঃশ্বাস ।
কিন্তু তাঁ'র নেত্র হ'তে ধারা অবিরল,
প্রবাহিত হ'য়ে, করে সিক্ত গগুতল ।
বিস্মিত নৃপতি হেরি' ; নেত্রে মহিষীর,
নিরখিয়া, ঝরিতেছে বিন্দু বিন্দু নীর ।

কতক্ষণ পরে গুরু, উন্মীলি' নয়ন,
কহিলেন ;—

“জয়চন্দ্র ! করি'মু শ্রবণ
সেনাগণ ব্যস্ত তব যুদ্ধ-আয়োজনে ;
ছিলাম প্রবাসে ; বৎস ! যুদ্ধ কা'র সনে
আবার কনোজপুরী করিতে লুণ্ঠন
আসিছে কি অর্থলোভী চরিত্ত বন ?

কিন্মা কোন প্রতিবাসী দ্বন্দ্বী নৃপবর
আসিতেছে তব সনে করিতে সমর ?
বল, বৎস ! দেশব্যাপী এই আয়োজন
করি'ছ কি হেতু ? কা'র সনে হ'বে রণ ?”

“কি আর কহিব, দেব !”

কহিলা নৃমণি ;—

“আছি মর্স্মাহত হ'য়ে, শুনুন আপনি ।
নহে এই আয়োজন রোধিতে যবনে,
না আছে বিরোধ অন্য প্রতিবাসী সনে ।
দেবের প্রসাদে মোর সর্বত্র বিজয় ;
রাঠোরের তরবারী সবে করে ভয় ।
সবে বলে, ‘আর্য্যাবর্তে রাঠোর প্রধান,
প্রতিদ্বন্দ্বী মাত্র তা'র গর্বিত চৌহান ।
যুদ্ধ হ'বে দিল্লীশ্বর পৃথীরাজ সনে,
তাই সেনাগণ মম রত আয়োজনে ।”

কহিলেন গুরু ;—

“কি বা অপরাধ তা'র ?
করেছে সে কোনরূপ ক্ষতি কি তোমার ?
প্রজার অনিষ্ট কিছু ? তব শত্রু সনে
দিয়াছে কি যোগ ? বল, তব মিত্রগণে
করেছে কি অপমান ? কিবা তা'র দোষ ?
কি হেতু বিবাদ ? এত মর্স্মাস্তিক রোধ ?”

উত্তরিলো রুক্মশ্বরে কনোজ-ভূপতি ;—

“কি শক্তি তাহার, দেব ! করে মোর ক্ষতি ?
প্রজার অনিষ্টে যদি হ'ত অগ্রসর
উপযুক্ত শাস্তি তা'র পাইত পারমর ।

করে নাই ক্ষতি, কিন্তু তাহার(ই) কারণে
রাঠোরসম্রম লুপ্ত ভারতভুবনে ।

উপযুক্ত শিক্ষা তা'রে না করিলে দান,
না র'বে গৌরব মোর, না থাকিবে মান ।”

কহিলেন গুরু ;—

“বৎস ! বল বিবরিয়া,
লুপ্ত যশ, মান তব কিসের লাগিয়া ।
করে নাই ক্ষতি যদি কোন(ও) পৃথ্বীরাজ
এত ক্রোধ তা'র প্রতি কেন তব আজ ?”

উত্তরিলো জয়চন্দ্র ;—

“ক্ষত্রিয়ের মান
ক্ষতি হ'তে বড় ; তুচ্ছ তা'র কাছে প্রাণ ।
মাতামহ, বসি' দিল্লী-রাজসভাতলে,
বলেছেন ;— দিখু রাজ্য সমর্থ, সবলে ।
অধম ভিক্ষুক প্রায় গণি' মোরে মনে
চাহিলেন তুষ্টিবারে অর্থ-বিতরণে ।
এর চেয়ে কিবা, দেব ! হ'বে অপমান ?
রাঠোর দুর্বল হ'ল, সবল চৌহান ?
জননীর উপরোধ করিয়া স্মরণ
করি নাই, এতদিন, কৃপাণ গ্রহণ ।
তা' না হ'লে চৌহানের হৃদয়-শোণিত
যমুনার নীলজল করিত লোহিত ।
রাঠোরসমাজ, কিন্তু, মর্মান্বিত প্রায়,
কে সবল, কে দুর্বল, দেখাইতে চায়,
হলে, বলে । তাই, দেব ! করেছি মন্ত্রণ,
রাজসূয় মহাযজ্ঞ করি' উদ্‌ঘাপন,

ল'ব সার্বভৌমপদ । ভারতমাতার
 কলিযুগে রাজসূয় হয় নাই আর ।
 পৃথ্বীরাজ যজ্ঞে যদি লয় নিমন্ত্রণ,
 কৌশলে উদ্দেশ্য মোর হইবে সাধন ।
 রাঠোরপ্রাধান্য যদি করে সে স্বীকার,
 না রহিবে তা'র প্রতি বিদ্বেষ আমার ।
 কিন্তু শুনি লোকমুখে, দক্ষ ঈর্ষানলে,
 না আসিবে দুরাচার রাজসূয়-স্থলে ।
 প্রতিদ্বন্দ্বিরূপে মোর যজ্ঞ-উদ্যাপনে
 দিবে বাধা ; তাই, আমি ভাবিয়াছি মনে,
 দ্বারপাল-মূর্ত্তি তা'র করা'য়ে গঠন
 বেত্র-করে সভাস্থলে করিব স্থাপন ।
 হেরি' তা'রে অশ্রু দুষ্টি লভিবেক বোধ,
 শক্তি থাকে, আসিয়া, সে ল'বে প্রতিশোধ ।
 বিনা প্রতিবাদে যদি সহে অপমান,
 কে দুর্বল, কে সবল হইবে প্রমাণ ।
 করিলাম শ্রীচরণে সব নিবেদন ;
 দোষ, গুণ আপনার বিচারে এখন ।”

কহিলেন গুরু ;—

“দোষ না দেখি তোমার,
 দোষ তাঁ'র, রাজপুত্র সৃজিত যাঁহার ।
 হেন অভিমানী জাতি নাহি এ ধরায়,
 ধরে তরবারি, তাই, কথায় কথায় ।
 কহিলা অনঙ্গপাল 'বীর পৃথ্বীরাজ',
 অমনি পরিলে তুমি সমরের সাজ ?
 অন্যে তাঁ'রে প্রশংসিলে তা'র কিবা দোষ ?

কেন তাহে এ জিয়াংসা, কেন এত রোষ ?
 বিশেষতঃ এই ঘোর সঙ্কট-সময়
 ভ্রাতৃভেদ, জাতিবৈর উচিত কি হয় ?
 গিয়াছিনু হিঙ্গলাজে * তীর্থ-পর্যটনে,
 শুনিয়া সংবাদ এক শাস্তি নাই মনে ।
 ভারতে তুর্কের রাজ্য করিতে স্থাপন
 করি'ছে মঙ্গদঘোরী মহা আয়োজন ।
 যথা, যথা যবনের আছে অধিকার,
 চর-মুখে এই বার্তা করেছে প্রচার ।
 যুদ্ধ লাগি' হিন্দুস্থানে যাইবে যে জন,
 পা'বে জাইগীর, পা'বে মণি-মুক্তাধন,
 পা'বে মনোরমা দাসী । ধর্ম্মাচার্য্য যা'রা,
 গ্রামে গ্রামে এই কথা প্রচারি'ছে তা'রা ;—
 'কাফেরের সঙ্গে যুদ্ধে মৃত্যু যদি হয়,
 অপর-শোভিত স্বর্গ লাভিবে নিশ্চয় ।' †
 ধর্ম্মাঙ্ক, লালসা-মত্ত, তুর্ক সেনাগণ
 আসিতেছে দলবদ্ধ তরফু যেমন ।
 পাইয়াছে জয়লাভে রক্তের আশ্বাদ,
 ফিরিবে না, না পাইলে শিরে দণ্ডাঘাত !

* বেলুচিস্থানের অন্তর্গত না বেলা প্রদেশে অবস্থিত । ইহার অবস্থানসম্বন্ধে এইরূপ
 বর্ণিত আছে ;—“সিন্ধুনের মোহানা হইতে ৮০ মাইল পশ্চিমে ও আরব সমুদ্র হইতে ১১ মাইল
 দূরে ** গিরিমালায় প্রান্তভাগে হিঙ্গলাজ অবস্থিত । গিরির শিরোভাগে একটা ভীষণ
 শৈলী মন্দির আছে । এই দেবীর অন্ত এই স্থান হিন্দুদিগের নিকট মহাপীঠস্থান বলিয়া পূজিত ।
 যানে দেবীর ব্রহ্মরত্ন পতিত হয় ।”

বিশ্বকোষ, ২২ খণ্ড, ৫৯১ পৃষ্ঠা ।

† “and theirs shall be the Hours (Arabic Hur) with large dark eyes,
 and pearls hidden in their shells, in recompense for labours past.

Suratu'l Waqiah (lvi) 39 Hughes' Dictionary of Islam, P. 449.

কি দুর্ধর্ষ বীর জাতি এই মুসলমান *
 হয় নাই আমাদের এখন(ও) সে জ্ঞান ।
 আছে দোষ সত্য ; কিন্তু, ইফসিকি তরে,
 বাধা, বিঘ্ন, মৃত্যু তা'রা কিছু নাহি ডরে ।
 সাগরতরঙ্গ, যথা, যুগযুগান্তর,
 সবলে আঘাতি' শিলারোধের উপর,
 অবশেষে ভাঙ্গে তা'য় ; মুসলমানগণ,
 তেমতি, জানিও, বৎস ! করিয়াছে পণ
 হিন্দুর সাম্রাজ্য-ধ্বংসে । বর্ষ পঞ্চশত
 আসিতেছে দলে দলে, তরঙ্গের মত,
 আরব, ঈরাণী, তুর্ক । এক জন মরে,
 শত জন স্থান তা'র অধিকার করে ।
 তরঙ্গবিস্কুল সিন্ধু, তুঙ্গ মহীধর
 দেয় পথ মুসল্মানে হেরি অগ্রসর ।
 নিত্য অব্যাহত-গতি দাবানলপ্রায়,
 স্পর্শে রাজ্য, রাজ্য, ধর্ম ভস্ম হ'য়ে যায় ।
 অটলপ্রতিজ্ঞ তা'রা । এ জাতির মনে
 অনায়াস-লভ্য জয় ভাবিও না মনে ।
 আপনার ধর্ম তা'রা দৃঢ় আস্থাবান,
 ভাবে নেতা আমাদের সর্বশক্তিমান ।
 সঙ্কটে, বিপদে তাই নাহি পায় ডর ;

* আমরা এক্ষণে মুসলমানদিগকে আমাদেরই ন্যায় হতবীর্ঘ্য ও নিরুদ্যম দেখিতেছি ।
 কিন্তু ভারতবিজেতা কাশিম, মামুদ, মহম্মদঘোরী, কুত্বুদ্দিন, বাবর প্রভৃতি মুসলমান বীর
 দৃঢ়তা, সাহস, উদ্বোধিতা প্রভৃতি গুণে এক একজন অস্বীকার্য পুরুষ ছিলেন । সের সার
 নিকট পরাজয় হইতে সাধারণে দিল্লীখর হমায়ুনকে দুর্বল ও ভীক বলিয়া মনে করেন,
 কিন্তু দুর্গম চম্পানীর গিরিছর্গের পর্বতগায়ে কীলক প্রোথিত করিয়া যে তিন শত ছঃসাহসী
 বীর দুর্গ অধিকার করিয়াছিলেন, এই হমায়ুন তাহাদের অন্যতম ছিলেন ।

Elphinstone's History of India, Cowell's Edition, P. 443.

হাস্যমুখে, মৃত্যুপথে হয় অগ্রসর ।
 শুনেছ কি সোমনাথ করিতে লুণ্ঠন
 করিলা মামুদ পূর্বের কি স্মৃদুঢ় পণ ?
 দূর পথ, মরু মাঝে নাহি তৃণ, জল,
 ধূ ধূ ধূ ধূ করে শুষ্ক বালুকা কেবল ।
 ঢালেন মার্ত্তণ্ড সেথা প্রথর কিরণ,
 সোঁ সোঁ সোঁ সোঁ রবে বহে উত্তপ্ত পবন ।
 বিশুদ্ধ কঙ্কাল, পড়ি', হেথায় সেথায়,
 পথিকের পরিণাম নীরবে দেখায় ।
 মামুদ, অকুতোভয়, করি' দৃঢ়পণ,
 বিংশতি সহস্র উষ্ট্র করি' আহরণ,
 পৃষ্ঠে তা'র খাণ্ড, জল, তাম্বু, অস্ত্র ল'য়ে
 সে দুর্গম মরুপথে চলিলা নির্ভয়ে ।
 সোমনাথে আসি' যবে উপনীত বীর,
 মন্দির-রক্ষক এক, হইয়া বাহির,
 কহিল চীৎকার করি' ; — 'এস না, যবন !
 এ পুরী করেন রক্ষা দেব ত্রিলোচন ।
 প্রাণের মমতা থাকে যাও ফিরি দেশ,
 দেবতার কোপে কেন হ'বে ভস্মশেষ ।'
 মামুদ, সে বৃথা দস্ত না করি' শ্রবণ,
 প্রবেশিলা পুরে, করি' প্রাচীর লঙ্ঘন ।
 রক্ষক, পূজক, মিলি', ঘোড় করি' কর,
 কহিল কাঁদিয়া 'রক্ষ, প্রভো দিগম্বর ।'
 কিন্তু না হইলা তুষ্ট দেব আশুতোষ ;
 হেরি' বহু পাপ প্রভু প্রকাশিলা রোষ ।
 আপন প্রভার দেব করি' সম্বরণ

রহিলেন জড়মূর্ত্তি করি' প্রকটন ।
 পরিণাম হ'ল যাহা বিদিত তোমার।
 সেই মুসলমান জাতি আসি'ছে আবার ।*
 কিন্তু মামুদের মত লুণ্ঠনে কেবল
 তৃপ্ত না হইবে, এবে, যবনের দল ।
 শুনি' আয়োজন মোর শক্কা হয় মনে,
 চাহে তা'রা চিরস্থায়ী রাজ্য-সংস্থাপনে ।
 পুত্র-পৌত্র-ক্রমে হেথা করিবেক বাস ;
 রাজা হয়ে র'বে তা'রা, মোরা হ'ব দাস ।
 উদ্দেশ্য তা'দের, বৎস ! সিদ্ধ যদি হয়,
 অস্তিত্ব মোদের, ক্রমে, যুচিবে নিশ্চয় ।
 না থাকিবে জাতি, ধর্ম্ম, গৌরব, সম্মান ;
 লুণ্ঠ হ'বে বেদ, বিধি, দর্শন, বিজ্ঞান ।
 দাসত্ব-শৃঙ্খল করি' পরিধান গলে
 লুণ্ঠিত হইতে হ'বে জেতু-পদতলে ।
 কে পারে বর্ণিতে হেন কত দিন ষা'কে,
 বুদ্ধি, বীর্য্য, মনুষ্যত্ব ক্রমে লোপ পা'বে ।
 নিঃসহায়া বিধবার সর্বস্ব যেমন
 অধিকার করি' বসে বলী দুর্ঘট জন ;
 তেমতি, হয়ত, কেহ, আসি' তা'র পর,
 বসিবে স্থাপিয়া রাজ্য ভারত ভিতর ।
 এইরূপ যুগ যুগ চলি' যদি যায়,
 উদ্ধারের পথ আর রহিবে কি, হায় !
অভ্যস্ত দাসত্বে, দাস্য হ'বে প্রিয়জ্ঞান ;

* Briggs' Ferista, Vol. I. PP 68.—74 দেখুন । সুবিদিত বলিয়া মূল উদ্ধৃত হইল না ।

না রহিবে বোধ আত্মমৰ্যাদা, সম্মান ।
 জন্মাবধি বাস যা'র নিবিড় আঁধারে,
 সে যথা না দিবালোকে চাহে আসিবারে ;
 তেমতি সমুপ্ত হিন্দু র'বে হয়ে দাস,
 মা করিবে স্বাধীনতা লভিতে প্রয়াস ।
 পদাঘাতে ভুলুণ্ডিত, মর্শ্ব জর জর,
 উঠিয়া দাঁড়ায় দাস ঘোড় করি' কর ।
 তিরস্কারে, পুরস্কারে অবিচল মন,
 শ্রাবতি, প্রভুর পদ করে সে লেহন ।
 দাস বংশপরম্পরা, দাসী জায়া, মাতা,
 হিন্দুর ললাটে এই লিখেছেন খাতা ।
 দ্বেষ, বৈর, অভিমান করি' পরিহার
 স্বজাতির পরিণাম ভাবো একবার ।
 অধিক কি ক'ব আর, দেখহ দু'জনে,
 দেবী শুভঙ্করী অই সজল নয়নে
 রহেছেন চাহি যেন । এ হেন সময়
 অভিমানে প্রাত্তভেদ উপযুক্ত নয় ।”

নীরবিলা গুরু । রাজা, মহিষী দু'জন
 একদৃষ্টিে রহিলেন চাহি' বহুক্ষণ ।
 প্রতিমার নেত্র হ'তে বিন্দু বিন্দু নীর,
 বোধ হ'ল, উভয়ের, হই'ছে বাহির ।
 ভক্তিরে মহারাণী, লুটিয়া ভূতলে,
 করিলেন প্রণিপাত, ‘ক্ষম, গো মা !’ ব'লে ।

কহিলেন জয়চন্দ্র ;—

“দেবের প্রসাদে,
 [হি শ্রয় যবনের সহিত বিবাদে .।.

সিফুনদ অতিক্রম করিলে যখন,
দেশে, পুনঃ, ফিরি' নাহি যা'বে একজন ।
করিল মামুদ পূর্বে যত অত্যাচার,
এইবার প্রতিশোধ লইব তাহার ।”

নীরবিলা রাজা । গুরু মধুর বচনে
কহিলেন ;—

“শুন, বৎস ! বৃথা আশ্ফালনে
নাহি ফল । রিপুবীর্য্য না করি' বিচার
এ হেন প্রতীতি নহে উচিত তোমার ;
বিজ্ঞ তুমি । কৃপবাসী মণ্ডুকনিচয়
ভাবে বিশ্ব কৃপটুকু ; আর কিছু নয় ।
তেমতি আমরা যত ভারত-সন্তান,
ভাবি, এ ভারত বিনা নাহি অন্য স্থান ।
সত্যতা, ভ্যতা, নীতি, ধর্ম্ম, ব্যবহারে,
ঘোষি, ‘আমরাই শ্রেষ্ঠ ধরনী মাঝারে’ । *
অন্য দেশ, অন্য জাতি আছে কত শত,
কেহ শ্রেষ্ঠ, কেহ গুণে আমাদের(ই) মত ।
তা' সবার গুণ মোরা দেখিতে না পাই,
নিজেদের দোষ যাহা খুঁজিতে না চাই ।
অজ্ঞতায় অন্ধ, করি' বৃথা অহঙ্কার,
আপনার পদে হানি আপনি কুঠার ।
শিখি নাই অপরের সমর-কৌশল,
বুঝি নাহি অপরের অস্ত্র-বাহুবল ।

* এতদেশ-প্রসূতস্য সকাশাদগ্রহণনঃ ।

স্বং স্বং চরিত্রং শিকেরন্ পৃথিব্যাং সর্বমানবাঃ ॥ মনুসংহিতা।

তাই, যুগে যুগে, আসি' বৈদেশিকগণ
 করিয়াছে পদাঘাত, লুঠিয়াছে ধন । *
 বীরত্বে, সাহসে কিম্বা শারীরিক বলে
 না ছিলেন ন্যূন পুরু । সমরকৌশলে
 কিন্তু তাঁ'রে পরাজিয়া বীর সিকন্দর
 স্থাপিলা যবনরাজ্য আর্য্যবন্ধ'পর । †
 রাজা জয়পাল, ‡ তথা নরেন্দ্র দাহির
 না ছিলা বিক্রমহীন এই দুই বীর ।
 তবু কেন পরাজিত হইলা সমরে,
 দেখেছ কি, একবার, বিচারি' অন্তরে ?
 মুসল্মান হ'তে হিন্দু বীর্য্যে ন্যূন নয়,
 কিন্তু বীর্য্যমাত্রে লভ্য নহে যুদ্ধজয় ।
 শৃঙ্খলায়, দৃঢ়তায়, ধৈর্য্যে, আয়োজনে
 শ্রেষ্ঠ যা'রা, জয়লাভ করে তা'রা রণে ।
 আমাদের সৈন্য, শুনি' আদেশ রাজার,
 লাঙ্গল ছাড়িয়া আসি' ধরে তরবার ।

* মহম্মদ ঘোরীর পূর্বে দরায়ুস, সিকন্দর, সিলিউকস, কাসিম, সবুজগীন, মামুদ প্রভৃতি বৈদেশিক বীরগণ বহুবার স্মরণীয় আক্রমণ করিয়াছিলেন । শকহুগদিগের আক্রমণ যে কতবার ঘটনাছিল, তাহার সংখ্যা নাই ।

† What it (Alexander's force) lacked in numbers was compensated for by its perfect mobility and the genius of its general.

V. Smith's Early History of India, P. 95.

Looked at merely from the soldier's point of view, the achievements wrought in that brief space of time are marvellous and incomparable. The strategy, tactics, and organisations of the operations give the reader of the story the impression that in all these matters perfection was attained.

Ibid, P. 111.

‡ জয়পাল লাহোর প্রদেশের অধিপতি । মামুদের নিকট পরাজিত হইয়া ইনি কোভে অগ্নিপ্রবেশ করিয়াছিলেন । ইহার সম্বন্ধে স্বতন্ত্র পাদটীকা দেখুন । দাহিরের পরিচয় পাঠক পূর্বেই পাইয়াছেন ।

যে অশ্ব গৃহের কার্যে পৃষ্ঠে ভার বয়,
 সেই অশ্ব রণক্ষেত্রে অগ্রসর হয় ।
 কুঠার, খনিজ, যষ্টি সম্মুখে যা' পায়,
 তাই ল'য়ে মহোৎসাহে যুদ্ধ-আশে ধায় ।
 জয়লাভে হয় তা'রা প্রদীপ্ত অনল,
 পরাজয়ে হয়, ক্ষণে, তুষার-শীতল ।
 অনভ্যস্ত রণক্ষেত্রে, শস্ত্র-ব্যবহারে,
 মাত্র "জয়-মহারাজ" অভ্যস্ত চীৎকারে ।
 এ হেন সৈনিক, হেন রণসজ্জা ল'য়ে
 কেমনে করি'ছ আশা বল যুদ্ধজয়ে ?
 হট্টের জনতা লয়ে সমর কি চলে ?
 ঘটে কি বিজয় শুধু সংখ্যাধিক্য হ'লে ?
 জয় অস্ত্রবলে, কিপ্র সৈন্য-সঞ্চালনে ;
 নহে ধ্বংসপ্রত্যায়, তুরী-ভেরী-স্বনে ।
 বিশেষতঃ তুর্ক সাদী সমরে দুর্জয়,
 গজ, পদাতিক তা'র সমকক্ষ নয় ।
 শত তুর্ক অশ্বারোহী, হেরেছি সমরে,
 সহস্র পদাতি, ক্ষণে, বিচূর্ণিত করে ।
 রোধিতে তা' সবে তব কিবা আছে বল,
 দেখ ভাবি ; বৃথা দস্তে না হইবে ফল ।*

* এ সম্বন্ধে অতিজ্ঞ ঐতিহাসিকগণের মত এইরূপ—

Time after time enormous hosts, formed of the contingents supplied by innumerable Rajas, and supported by the delusive strength of elephants, were easily routed by quite small bodies of vigorous western soldiers, fighting under one undivided command and trusting chiefly to well-armed mobile cavalry. Alexander, Mohammed of Ghor, Babar, Ahmad Shah Durrani and other capable commanders, all used essentially the same tactics by which they secured decisive victories against Hindu armies of almost incredible numbers. The ancient Hindu military system

সত্য বটে, দৈব যদি হ'ন অনুকূল,
 পর্বত বিচূর্ণ করে ঈষিকার মূল ।
 কিন্তু, বৎস ! স্বজাতির স্মরি' ব্যবহার,
 বল, দৈববলে আশা আছে কি তোমার ?
 পাপাচারে আমাদের পাছে চক্রধর
 হ'ন প্রতিকূল, মোর চিন্তা নিরস্তুর ।
 কাব্যের কল্পনা, আৰ্য্য-বীর্য্য-কথা লয়ে
 থাকিও না, বৎস ! যেন ভ্রাস্ত, মুগ্ধ হয়ে ।
 ব্রহ্ম-অস্ত্র, পাশুপত নাহি পা'বে আর,
 রণস্থলে দেখা নাহি পা'বে দেবতার ।
 নাহি সত্য, ত্রেতা ; এবে সুযুগ্ত অমর ;
 দৈবে পূজি', কর আত্মপৌরুষে নির্ভর ।
 পদব্রজে হিঙ্গলাজে করিয়া গমন,
 ঘোরীর দুর্গম রাজ্যে করেছি ভ্রমণ ।
 বুঝিয়াছি যবনের ধর্ম্ম, রাজনীতি,
 দেখিয়াছি তাহাদের সমরের রীতি ।
 ব্যুহসমিবেশে, তথা, বাহিনী-চালনে,
 আক্রমণে, নিজক্রমণে, পশ্চাৎ-ধাবনে
 দক্ষ তা'রা । দৃঢ়পণে, ক্রিপ্রকারিতায়
 শ্রেষ্ঠ আমাদের হ'তে ; নেতার আঙ্কায়

based on the formal rules of old world scriptures, was good enough for use as between one Indian nation and another, but almost invariably broke down when pitted against the onslaughts of hardy casteless horsemen from the west, who cared nothing for the shastras. The Hindu defenders of their country, although fully equal to their assailants in courage and contempt of death, were distinctly inferior in the art of war and for this reason lost their independence. The Indian caste-system is unfavourable to military efficiency as against foreign foe.

Oxford History of India by Vincent A. Smith, P. 220.

চলে যুদ্ধসম । অস্ত্রে, রণ-তুরঙ্গমে
বহুগুণে শ্রেষ্ঠ ; বৎস ! পড়িও না ভ্রমে
শত্রুরে উপেক্ষা করি' । চলিবে না আর,
রণে মুফ্যামুষ্টি, হল-মুসল-প্রহার । *

গুরু আমি তব, মোর শুন উপদেশ,
ভুলে যাও অভিমান, জিঘাংসা, বিদ্বেষ ।
সন্মিলিত হও বীর পৃথ্বীরাজ সনে,
শিখাও সংগ্রাম-নীতি মিলি' দুই জনে
রাঠোর-চৌহান-দলে । যদি হতাশন
মিলে বায়ু সনে, তা'রে কে করে দমন ?
ঝটিকার বেগ যথা রোধে মহীধর,
তেমতি দাঁড়াও দৌহে বন্ধপরিকর ।
প্রতিপদে যবনেরে বাধা করি' দান,
দাও বলি স্মৃথ, স্বার্থ, বলি দাও প্রাণ ।
নিরখিয়া যবনের হুক বিদিত,
হিন্দুধ্ব ধূলায় নয়, শিলায় গঠিত ।
রুদ্ধ হ'ক তুরকের পূর্বমুখী গতি,
মগধ, মিথিলা, বঙ্গ পা'ক অব্যাহতি ।
শত্রুকরগতপ্রায় জন্মভূমি যা'র,
সাজে কি এ তুচ্ছ ঘেষ, অভিমান তা'র ?
কি লাঞ্ছনা পরসেবা বুঝিবে তখন,
দাসত্বশৃঙ্খল কণ্ঠ পীড়িবে যখন ।
আত্মীয়-কলহে যদি তৃপ্তি এত হয়,
করিও পশ্চাতে । এবে, উপযুক্ত নয় ।

* বলরাম যুদ্ধে হল ও মুসল ব্যবহার করিতেন এবং তাহার দ্বারাই শত্রুর অধ্বা হইরা-
ছিলেন বলিরা বর্ণিত আছে ।

হিন্দু হ'ক, বৌদ্ধ হ'ক, চণ্ডাল, ব্রাহ্মণ
এ সময় রক্ষা নাই বিনা সন্মিলন ।
যথা প্রিয়শিষ্য তুমি, তথা পৃথ্বীরাজ,
ভেদ নাহি হেরি আমি উভয়ের মাঝ ।
কিন্তু স্পর্ষবাদে, বৎস ! করিও না রোষ,
তোমারই হেরি আমি সমধিক দোষ ।
যোগ্যতর যদি তা'রে কহে কোন(ও) জন,
কি দোষ তাহার ? কোপ কেন অকারণ ?
কনোজ-সদৃশ দিল্লী নহে কি প্রাচীন ?
পাণ্ডবের রাজধানী, কিসে বল হীন ?
রাঠোর-প্রাধান্য মানি' লইবে চৌহান,
এ ছুরাশা কেন তুমি মনে দিলে স্থান ?
দিল্লীশ্বরে অপমান করি' অকারণ
চাহ জ্বালাইতে সর্বগ্রাসী হতাশন ?
কি করিলা যুদ্ধিষ্ঠির পড়ে না কি মনে ?
সমাপিলা যজ্ঞ, তুষ্টি' রাজা দুর্ঘোষনে ।
অগ্রে যদি হ'ত কুরুক্ষেত্র-আয়োজন,
তা' হ'লে কি হ'ত রাজসূয়-উদ্‌যাপন ?
যাব' আমি, পৃথ্বীরাজে কহিব বুঝিয়ে,
গুরু আমি, দুই হাতে ধরিব ছু'ভায়ে ।
ভ্রাতৃত্বেদে কভু কার(ও) হয় নাই হিত.
উভয়ে পাইবে ধ্বংস, জানিও নিশ্চিত ।”

স্তুক গুরু । জয়চন্দ্র রহিলা নীরবে ;
হেরি' মহিষীরে গুরু কহিলেন তবে ;—

“কেন, মা ! নীরব তুমি ? সতী বিনা আর
বুঝা'তে পড়িবে, বল, শক্তি আছে কার ?

এসেছে হিন্দুর মহা সঙ্কটসময়,
হিন্দুনারী মৌনে র'বে, উপযুক্ত নয় ।”
কহিলা মহিষী ;—

“আমি বুদ্ধিহীনা নারী ;
রাজধর্ম, রাষ্ট্রনীতি কি বুঝিতে পারি ?
কেমনে বুঝা'ব তাঁ'রে ? অন্য জ্ঞান নাই ;
যা' করেন মহারাজ, জানি ভাল তাই !
একটা জিজ্ঞাস্য মাত্র আছে শ্রীচরণে,
কহিতেছি , ক্ষমা মোরে করুন দু'জনে ।
রাজসূয়-অস্ত্রে, যবে হ'বে স্বয়ংবর,
পা'বে ত সংযুক্তা তাঁ'র যোগ্য প্রাণেশ্বর ?
সুখী ত হইবে বাছা ? এই মাত্র চাই ;
অন্য যা' ঘটুক, মোর কথা তাহে নাই ।”

হাসিয়া কহিলা গুরু ;—

“শুন, রাজেশ্রাণি !
কি ঘটবে ভবিষ্যতে নাহি আমি জানি ।
করুন মঙ্গল তাঁ'র দেবী শুভঙ্করী,
পা'ক মনোমত বর সংযুক্তাসুন্দরী ;
করি এই আশীর্বাদ । কিন্তু দুইজন
বল মোরে, বুঝেছ কি সংযুক্তার মন ?
কা'রে ভালবাসে বালা ?”

কহিলা নৃপতি ;—

“কি ফল বুঝিয়া, দেব ! সংযুক্তার মতি ?
বালিকা সে, পূর্বরাগ না জানে কেমন,
ক্রীড়ারসে, পূজাপাঠে কাটায় জীবন
আসিবেন বহু নৃপ স্বয়ংবরস্থলে,

যা'রে ইচ্ছা, বরমাল্য দিবে তা'র গলে ।
না পারি বুঝিতে হয় পর্য্যাকুল মন,
মোর আশ্রামত পাত্র করিবে বরণ ।
স্বভাবে সুশীলা, আছে সুবিদিত তা'র,
পিতার তৃপ্তিতে তৃপ্তি হয় দেবতার ।”

কহিলেন গুরু ;—

“তুমি নাহি চেন তা'রে ;

দিবে না সে মাল্য কভু অপর কাহারে,
বিনা তা'র মনোমতে । তুষার-শীতল
বহির্দেশ তা'র, কিন্তু স্তূতীর অনল
আছে অস্তুরীন প্রাণে । তুমি তা'র পিতা,
সে অনলে দক্ষ নাহি করিও চুহিতা ।
পারে সে আদেশে তব অর্পিতে জীবন,
কিন্তু হীনজনে নাহি করিবে বরণ ।
জানিছেন দেবী, হ'বে কি মে পরিণাম
কার্যের তোমার । এবে গত মধ্যাহ্ন
রজনীর ; আগরণে কেন আর ক্লেশ ?
যাও কিরি' গৃহে, ভুলি' অভিমান, ঘেষ ।
স্বদেশ, সুধর্ম্য বাঞ্ছা থাকে রক্ষিবার,
এক পস্থা প্রেম, নাহি অশ্রু পস্থা আ
প্রণমিয়া রাজা, রাণী গুরুর চরণে
ফিরিলেন পুরে পুনঃ শিবিকারোহণে

পঞ্চম সর্গ ।

সমাপিয়া রাজকাজ,
অপরাত্নে, পৃথীরাজ
বসেছেন বিরাম-উদ্যানে ;

চারিদিকে মনোলোভা
ধরেছে অপূর্ব শোভা
প্রকৃতি দিবস-অবসানে ।

পশ্চিমে ডুবি'ছে রবি,
আরক্ত-কাঞ্চন ছবি,
নভঃপ্রান্তে কিরণের ঘটা ;

আরঞ্জিয়া মেঘস্তর
ছড়ায়েছে রবিকর,
নীল, পীত, লোহিতের ছটা ।

নতোন্নত শ্যামক্ষেত্র
হেরি' তৃপ্ত হয় নেত্র,
গ্রামপার্শ্বে সহকার-কুঞ্জ ;

কোথা প্রলম্বিত-জট
শোভে মহাকায় বট,
পলাশ, বাবুল পুঞ্জ, পুঞ্জ ।

উড়ায়ে পথের ধূলি
ফিরে ধেনুবৎসগুলি,
গোষ্ঠ হ'তে গ্রাম অভিমুখে ;

পঞ্চম সর্গ ।

কুপ হ'তে তুলি' জল
ফিরে কুলবালাদল,

পরম্পর কথা কহি' স্মখে ।

আশ্রয়-পাদপে আসি'
কত সুমধুর-ভাষী

বিহগ তুলিছে কলরব ;

দাঁড়া'য়ে যমুনাঙ্গলে,

কোথাও বা, বিপ্রদলে

উচ্চে পড়ি'ছেন সঙ্ক্যা-স্তব ।

গন্ধ ঢালি' সমীরণে

ফুল ফুটে উপবনে,

নভোমাঝে উঠে তারাদল ;

পূর্বদিকে পরকাশ,

ক্রমে, চন্দ্রমার হাস,

জ্যোতির্শয় যমুনার জল ।

দূরে, দেবালয় মাঝে,

সঘনে ছন্দুভি বাজে,

সমারক সঙ্ক্যার আরতি ;

শ্রবণে পশিল শব্দ,

নৃপতি রহেন স্তব্ধ,

পূজাশেষে করেন প্রণতি ।

পার্শ্বে বসি' নৃপতির

দিব্যকান্তি, মহাবীর

গোবিন্দ, ভূপের সহোদর ; #

তির ইতিহাসে এই নাম সবচে পাবিকা দেখা যায় । তবকাৎ-ই নাসিরীর অনুবাদক
লিখিয়াছেন ;—All the Mahammadan historians and three Hindu

বামে, নতশির হ'য়ে,

দাঁড়াইয়া সবিনয়ে

রাজভট্ট চাঁদ কবিবর । *

চিন্তাফুলে নররাজ

ভাবেন হৃদয় মাঝ,

কি করি এ সঙ্কটসময়ে ;

চৌহানের যশোমান

করিব কি বলিদান,

এত দিনে, রাঠোরের ভয়ে ?

কি ভাবিবে প্রজাগণ,

কি বলিবে বন্ধুজন,

ক্যাপুরুষ খণিবে আমার ;

গৌরব, বিক্রম, বল,

সব ধাববে রসাতল ;

হেঁবিধাতঃ ! এ কি হ'ল দায়

যদি করি হানাহানি

মরিবে অসংখ্য প্রাণী,

বৃথা কাজে হ'বে বলক্ষয় ;

দুর্ধর্ষ তুরুকগণ

করে যদি আক্রমণ,

নিশ্চিত ঘটিবে পরাজয় ।

chronicles agree in the statement that this person, styled Gobind by some and Khandi by others, was Pithora's (Prithwiraja's) brother and that he was present in both battles and killed in the last. Footnote, p. 460.

* হুৎসিন্ধু পৃথীরাজরাসো-প্রণেতা মহাকবি চন্দ্র বরদাই। পৃথীরাজের অন্ততম সত্যসদ্ব, হুৎসিন্ধু এবং রাজকবি ।

যদি, উদাসীন হয়ে,
থাকি অপমান সয়ে,
সংযুক্তার মনে হ'বে জ্ঞান,

বুঝি কোন অপরাধে
আমি তা'র চিরসাথে
না করিনু যোগা

রহেছে সে কাশ্মীর
নির্ম্মম, নিষ্ঠুর হয়ে,
আমি যদি ভুলে থাকি তা'র

বিষয় যোগা
শুকারে করিয়া
হিন্দুগণের

আরাধ্য দেবতা সম
যে প্রতিমা নিরুপম
সংগোপনে করেছি পূজন,

শিরে করি' দণ্ডাঘাত
কোন্ প্রাণে ভূমিসাৎ
করিব তা' থাকিতে জীবন ।

বিধির বিধান যাহা
অবশ্য ঘটিবে তাহা,
কা'র শক্তি রোধ করে তা'য় ;

দেখি, কিবা কহে চাঁদ,
আনি' দেয় কি সংবাদ ;
গোবিন্দের বুঝি অভিপ্রায় ।

পৃথ্বীরাজ ।

এত ভাবি' কবিবরে

স্বাধী' যধুর স্বরে

নরপতি কহেন হাসিয়া ;—

কাজেই কাজে

কাজেই কাজে

কাজেই কাজে আসিলে সাধিয়া ?

কাজেই কাজে

কাজেই কাজে

কাজেই কাজে হবে স্বয়ংবর ?

কাজেই কাজে

কাজেই কাজে

কাজেই কাজে ভিতর ?”

কাজেই কাজে কর'—

কাজেই কাজে কর' !

কাজেই কাজে থাকুন কুশলে

সংগ্রামে বিজয় হ'ক,

প্রজাগণ সুখে র'ক,

কীর্তিকথা রটুক ভূতলে ।

কানোজপুরীতে গিয়া

এসেছি যা' নিরখিয়া

রাজপদে করিব জ্ঞাপন ;

মিলি' যুবরাজ সনে,

যুক্তি করি', সংগোপনে,

করুন কর্তব্য নির্ধারণ ।

পেয়ে রাজ-নিমন্ত্রণ,

হেরিলাম, নৃপগণ

সমাগত কনোজের মাঝে ;

কেহ যজ্ঞ-আয়োজনে,

কেহ ভোজ্য-বিতরণে,

নিয়োজিত এক, এক কাহ্নে ।

অনাগত দিল্লীশ্বর,

শুনি' ইহা নৃপবর

মুক্তি তব করি' নিরমাণ

রেখেছেন ধারম্মশে,

সাজায়ে প্রহরিশে,

করে যত্র করিয়া প্রদান ।

উল্লাসে রাঠোর যত

ব্যঙ্গ করিতেছে কত,

কি তা'র বর্ণিব, নরেশ্বর !

নিদারুণ শেল সম

বি'ধিয়াছে কর্ণ মম,

বিদারিত করি'ছে অন্তর ।”

হাসি' কন নরপতি ;—

“কেন এত লঘুমতি

হ'লে, চাঁদ ! প্রাচীন বয়সে ?

পুরুষ ত বলি তাঁ'র,

অবিচল রাখে যাঁ'র

স্বতি, নিন্দা, বিবাদ, হরষে ।

করি' মোর অপমান

যদি তাঁর বাড়ে মান

বাড়ুক, কি ক্ষতি মোর তা'য় ?

অন্য যা' সংবাদ আছে

রল, এবে, মোর কাছে

বা'ব কি না বিবাহ-সভায় ।

দেখেছ কি সংযুক্তায় ?

কি বলেছে সে তোমায় ?

মোর কথা বলেছ কি তা'রে ?

সখী তা'র প্রিয়তমা

বড় মোর অনুষ্ঠতা,

বল, সে কি বলেছে তোমারে ?”

ভাট সবিনয়ে বলে ;—

“মহারাজ ! আঁখিজলে,

সংযুক্তা ভাসিছে নিশিদিন ;

কৃষ্ণপক্ষে শশী সম

সে সৌন্দর্য্য নিরুপম,

হেরিলাম, হইয়াছে ক্ষীণ ।

তুষিতে স্ততার মন

গীত-বাণ-আয়োজন

ভূপতির আছিল আদেশ ;

স্বযোগ বুঝিয়া আমি,

শুন, পাণ্ডুরাজ্য-স্বামী !

রাজপুরে করিনু প্রবেশ ।

বীণায় তুলিয়া তান

গাইলু সমরগান,

চান্দেলরাজের পরাজয় ;

খুলি' নিজ কণ্ঠহার

দিল। বালা পুরস্কার,

গান শুনি' প্রফুল্লহৃদয় ।

দেখাইতে, মহারাজ !

সে হার এনেছি আজ” ;

শুনি' ভূপ লইয়া আদরে

অনিমেঘে বহুক্ষণ

করি' তাহা বিলোকন

রাখিলেন হৃদয় উপরে ।

ভাট পুনঃ নমি' কয় ;—

“বুঝিয়াছি সুনিশ্চয়

তোমাগত সংযুক্তার মন ;

মোর কাছে বার বার

বলিয়াছে সখী তা'র

স্বয়ংবরে করিতে গমন ।

লক্ষ্মী চা'ন নারায়ণে,

ত্রিনয়নী ত্রিনয়নে,

তাই বালা চাহে আপনারে ;

নিজ বলাবল গণি'

করুন তা', নৃপমণি !

যাহা হয় উচিত বিচারে ।”

ভাটেরে বিদায় করি’

গোবিন্দের কর ধরি’,

কহিলেন তবে পৃথীরাজ :—

“সখা, মন্ত্রী, তুমি ভাই !

বিচারিয়া বল তা’ই,

এ সঙ্কটে কি কর্তব্য আজ ।

কৈশোর হইতে প্রাণ

তা’রে যে করেছি দান,

জানো তুমি ; অন্তে জ্ঞাত নয় ।

সরলা, বিমুগ্ধচিতা,

প্রেমলাভে পুলকিতা,

সেও মোরে সঁপেছে হৃদয় ।

দিন, মাস, বর্ষ কত

নীরবে হই’ছে গত,

তা’র(ই) কথা সদা জাগে মনে ;

মুদিত নয়ন মাঝে

সে মুরতি যেন ’রাজে,

বাণী হয় ধ্বনিত শ্রবণে ।

রোমাঞ্চিত হয়ে কায়

তা’র(ই) পরশন চায়,

ধ্যানে চিত্ত মুগ্ধ, স্তব্ধ রয় ;

তা’র(ই) অধিষ্ঠানে যেন

ধরণী মোহিনী হেন,

নারীতে দেবীত্ব জ্ঞান হয় ।



মনে হয় তা'র(ই) হাস
 করে উষা পরকাশ,
 জ্যোৎস্না তা'র অঙ্গের বরণ ;
 সে লাবণ্য ঢল ঢল
 বিকাশে কুসুম-দল,
 লভি' শ্বাস সুরভি পবন ।
 ভাই ! তব পড়ে মনে,
 পূজা-যজ্ঞ-নিমন্ত্রণে
 আজমীরে আসিত সে যবে,
 কি অমৃত-পারাবারে
 ভুবিভাম হেরি' তা'রে ;
 যেত দিন কি আনন্দোৎসবে ।
 লয়ে তা'রে তরী'পরে
 কভু আনাসরোবরে *
 করিভাম আনন্দে বিহার ;
 তুলি' মৃদু কল কল
 নাচিত সরসী-জল,
 উন্মিমালা করিয়া বিস্তার ।
 হরি' বনফুলগন্ধ,
 সঙ্ক্যানিল, মন্দ মন্দ,
 কাঁপাইত অলক তাহার ;
 জ্যোছনা পড়িত মুখে,
 নিরখি', নিরখি' স্মখে
 তৃপ্তি মনে না হ'ত আমার ।

* হিত প্রসিদ্ধ আনাসাগর । পৃথীরাজের পিতামহ, কাহারও কাহারও মতে
 রাজী একটি গিরিশ্রোতকে আবদ্ধ করিয়া সরোবরে পরিণত করিয়াছিলেন ।

কভু তা'র ধরি' কর,
তুলি' তারাগিরি'পর, *
ফুলে ভরি' দিতাম আঁচল ;

কভু শিলাতলে বসি',
ধরি' ধনু, লয়ে অসি,
দেখা'তাম সমর-কৌশল ।

অব্যর্থ আমার শর †
হেরি,' মোর ধরি' কর,
কখন সে কহিত হাসিয়া ;

যেন তা'র স্বয়ংবরে
বিনা লক্ষ্যভেদ করে
কেহ তা'রে না ল'ন আসিয়া ।

অরুণ-উদয় সনে
আসি, কভু, উপবনে
পূজা হেতু তুলিত সে ফুল ;

ললিতে আলাপি' তান
গাইত বন্দনা-গান,
শুনি', ছুটি, যেতাম আকুল ।

উত্তরকালে এই আনাসাগর মোগল বাদসাহদিগের প্রিয় বিহারক্ষেত্র হইয়াছিল। সাহজহানের নির্মিত খেতপ্রস্তুতময় প্রাসাদ এখনও ইহার কূলে বর্তমান আছে। জ্যোৎস্নালোকে আনাসাগর অতি মনোহারিণী স্তম্ভি ধারণ করে। সুপ্রসিদ্ধ কেন (Gaine) সাহেব ইহাকে ভারতবর্ষের মধ্যে 'one of the loveliest tanks' বলিয়া উল্লেখ করিয়াছেন।

* আজমীরের স্বনামখ্যাত তারাগড়শৈল। ইহার উপর অবস্থিত চৌহানদিগের নির্মিত দুর্গ এখনও বর্তমান আছে।

† পৃথীরাজের শরচালনার এরূপ অসাধারণ দক্ষতা ছিল যে, কেবল, শব্দমাত্র শুনিয়া তিনি লক্ষ্যভেদ করিতে পারিতেন বলিয়া প্রসিদ্ধি আছে।

গত কত দিন, ভাই !

ভুলিতে ত পারি নাই

কিশোরীর সেই রূপরাশি ;

অঙ্গে সেই নীল বাস,

স্নানমুক্ত কেশপাশ,

মুখপানে চাহি' যুঁহু হাসি ।

তখন না ছিল রোষ,

নাহি ছিল অসন্তোষ,

মাতৃস্নেহ, তাই, কতবার,

উভয়েরে সম্বোধিয়া,

কহিতেন শুনাইয়া,

'যোগ্য মোরা দৌহে দৌহাকার ।'

দিল্লী লয়ে হ'ল বাদ,

যুঁচে গেল সব সাধ,

না হইল বাসনা পূরণ ;

কিন্তু একসূত্র দিয়া

বাঁধা আছে দুই ছিয়া ;

অচ্ছেদ্য সে অদৃশ্য বন্ধন ।

চিনি আমি ভাল তা'রে

বরিবে না অন্য কা'রে

দেহে বালা থাকিতে জীবন ;

চির ব্রহ্মচর্য্য লয়ে

র'বে সে অনুঢ়া হয়ে,

বুদ্ধত্বতা ভিক্ষুণী যেমন ।

শুনিলে ত সব, ভাই !

কর্তব্য যা', বল তা'ই,

বিচারিয়া যুক্তি কর দান ;

এক দিকে বলক্ষয়,

সন্মিলিত শত্রু-ভয়,

অন্য দিকে প্রেম, সুখ, মান ।”

নীরবিলা নরপতি ;

গোবিন্দ, করিয়া নতি,

কহিলেন ;—কি চিন্তা, নৃমণি !

তুমি গোবিন্দের ধর্ম্য,

তুমি তীর্থ, পুণ্য কর্ম্য,

তব বাক্য ইচ্ছমন্ত্র গণি ।

কর তুমি আজ্ঞা দান,

লইব ছুঁচের প্রাণ,

কনোজ করিয়া আক্রমণ ;

তব প্রতিমূর্তি যথা

কাঁটি' শির, স্থাপি' তথা,

বলিরূপে করিব অর্পণ ।

যজ্ঞ করি' লগু ভগু

রাঠোরেরে দিব দগু,

সংযুক্তারে আনিব ধরিয়া ;

কি ভাবনা, মহীপাল !

তাঁ'রে লয়ে সুখে কাল

ষাপিবেন, বিবাহ করিয়া ।

থাকুন দাহিমী সতী,
শশিব্রতা, ইন্দ্রাবতী #

যোগ্যা পত্নী সংযুক্তা তোমার ;

রাধা বিনা ঘনশ্যাম
কে না জানে শূন্যবাম,

থাকুন সহস্র গোপী তাঁ'র ?”

ধরিয়৷ ভ্রাতার করে

পৃথীরাজ স্নেহভরে

কহিলেন ;—“তুমি মহাবীর,

এ তব অসাধ্য নয়,

কনোজ করিতে জয়

পারো তুমি ; কিন্তু হও স্থির ।

আমারে প্রহরিবেশে

রাখি' যদি দ্বারদেশে

হয় তাঁ'র গৌরব প্রচার,

হ'ক্ ; কিবা ক্ষতি তা'য় ?

মানীর না মান যায়,

প্রতিমূর্ত্তি লাঙ্ঘিলে তাহার ।

সংযুক্তা আমার তরে

আছে সত্য প্রাণ ধরে,

কিন্তু আমি আত্ম-সুখ তরে,

॥ করি' বলক্ষয়

দ্য, ধর্ম সমুদয়

দিব শেষে তুর্কের কি করে ?

পৃথ্বীরাজ ।

জানেন অন্তরযামী,
কি নৈরাশ্যে, ভাই ! আমি
কহিতেছি এ কথা তোমায় ;

স্বযুক্তি এখন যাহা
ভাবি', বুঝি' বল তাহা,
তুমি মোর ভরসা, সহায় ।

শুনিতেছি তুর্ক-চরে
জয়চন্দ্র ঈর্ষাতরে
করেছেন কনোজে আহ্বান ;

আছে গুপ্ত অভিসন্ধি,
আমারে করিয়া বন্দী,
ঘোরীরে করিতে দিল্লী দান ।

দারুণ সন্তাপে যদি
মোরা দৌহে নিরবধি
দক্ষ হই, ক্ষতি নাহি তায় ;

থাকুক হিন্দুর মান,
রক্ষা পা'ক হিন্দুস্থান,
চাহি, সত্য, কহিনু তোমায় ।”

গোবিন্দ গস্তীর স্বরে
জিজ্ঞাসিলা নৃপবরে,
“কি আজ্ঞা হইল, দাদা ! আজ ?

রাঠোর-তুরুক্-ভয়ে
দিল্লীশ্বর ভীত হয়ে
তাজিবেন ক্ষত্রিয়ের কাজ ?

খর যদি বৃষ সনে
সন্ধি করি' সংগোপনে
যুঝিবারে করে অভিলাষ,
তা' হ'লে কি পশুরাজ
ভুলি' যান নিজ কাজ ?
ফেলি' দেন আপনার গ্রাস ?

সত্য বটে মাল্যদান
হয় নাই ; কিন্তু প্রাণ
বিনিময়ে বাঁধা দৌহাকার ;

বুঝেছে সংযুক্তাসতী,
তুমি মাত্র তা'র পতি,
মানস-মহিষী সে তোমার ।

তবে, দাদা ! তুমি তা'রে
কোন্ ধর্ম অনুসারে
বল, এবে, থাকিবে ভুলিয়া ?

রুক্মিণী ডাকিলা যবে
মারায়ণ, বল, তবে,
ছিলেন কি বিস্মৃত হইয়া ?

দি নিজ অপমান
যে তব তুচ্ছজ্ঞান,
প্রজাগণে কিন্তু, বল, বীর !

মর্থ, সবল হয়ে,
ধা অপমান সয়ে,
উচিত কি করা নতশির ?

বিচারিয়া দেখ মনে,
যদি সংযুক্তার সনে
পরিণয় হয় অন্য ক'র,

নব মিত্র, নব বল
লভিবে রাঠোর খল,
অধিক প্রতাপ হ'বে তা'র ।

চৌহানের অপমান
সদা সে করি'ছে ধ্যান,
রক্ষু, পেলে না ভুলিবে কভু ;

রাজসূয়-অবসানে
প্রচারিবে হিন্দুস্থানে,
মোরা দাস, সে মোদের প্রভু ।

তুমি জ্ঞানী, নৃপবর !
সব তব স্মগোচর,
আমি কিরা বুঝা'ব তোমায় ?

রাঠোরের বীরগর্ব
যদি নাহি হয় খর্ব
চৌহানের বাঁচা হ'বে দায় ।”

গোবিন্দেরে বন্ধ'পর
ধরি' হর্ষে নৃপবর
কহিলেন করি' আলিঙ্গন ;—

“তব বাক্য সত্য, বীর !
করিলাম মনে স্থির,
স্বয়ংবরে করিব গমন ।

মনোমত সেনা লয়ে

থাকহ প্রস্তুত হয়ে,

ছদ্মবেশে যাইব দু'জনে

যুক্তি ভাবিয়াছি বাহা,

কহিব তোমারে তাহা,

যথাকালে, অতি সংগোপনে ।”

“যে আজ্ঞা, নৃমণি” ! বলি’

গোবিন্দ গেলেন চলি,’

পৃথীরাজ যান নিজস্থান ।

উচ্চে সিংহদ্বার ’পরে

“জয় পৃথীরাজ” স্মরে

বাজে বাঁশী ইমনকল্যাণ ।

ষষ্ঠ সর্গ ।

এখন (৩) অরুণ-রাগ পূরব আকাশ
করে নাই আরঞ্জিত ; তরুকুঞ্জ হ'তে
উঠে নাই বিহগের কলকণ্ঠ-ধ্বনি ;
বহেনি প্রভাতানিল, জাহ্নবী-সলিলে
স্নানস্নিগ্ধ । সুপ্তোখিত, মুখরিত তবু
বিশাল কনোজপুরী । গৃহে, পথে, ঘাটে
উঠিতেছে কলরব । বর্তি শত শত,
সহস্র সহস্র দীপ জ্বলে নানাস্থানে ;
প্রবুদ্ধ নগরবাসী প্রহর-বিগমে
রাজসুতা সংযুক্তার হ'বে স্বয়ংবর ;
ব্যস্ত তাই পৌরজন । রাজপুরী মাঝে
বাজিছে মঙ্গলবাদ্য । দাস, দাসী যত,
সুসজ্জিত নববেশে, প্রফুল্ল অন্তরে,
রত নিজ নিজ কার্যে । হু, প্রহরী,
শূল, অসি, গদা করে, দাঁড়াই'ছে আসি'
আপন আপন স্থানে । চলে রাজপথে
অশ্ব, গজ, পদাতিক । বাড়ি'ছে জনতা
আলোক-সঞ্চার সনে । ক্রমে দিনমণি,
লোহিতচন্দন-লিপ্ত, স্নাত কলেবর,
হেরিতে কোঁতুক, শির তুলিলা আকাশে ।

বিশ্বয়ে নগরবাসী হেরিলা প্রভাতে
সুসজ্জিতা তরী এক, রাজহংসাকৃতি,
ভাসি'ছে জাহ্নবী-বক্ষে । কারুকার্যময়

শোভে কক্ষ, তরী মাঝে । কোষের বসন
 যবনিকাকারে তা'র প্রলম্বিত দ্বারে ;
 ঝালরে মুকুতাপাঁতি । তরঙ্গ-কম্পনে
 উঠি'ছে, পড়ি'ছে তরী, নাচে যেন সুখে ।
 লোহিত পতাকা এক ত্রিশূল-অঙ্কিত
 উড়ে সে তরনী-শিরে । দৃঢ় কলেবর
 বহিঃবাহক তাহে পঞ্চাশৎ জন
 বসি' নিজ নিজ স্থানে । মধুর সঙ্গীত
 উঠে সে তরনী হ'তে । সুবেশা কিঙ্করী,
 ব্যঞ্জন লইয়া করে, আছে দাঁড়াইয়া ;
 মালা লয়ে আছে দাসী । শয্যা উর্নাময়
 প্রসারিত কক্ষ মাঝে । দিব্য উপাধান,
 তাম্বূলকরক, পুষ্প, অগুরু, চন্দন,
 প্রসাধন-দ্রব্য কত—নির্ম্মল মুকুর,
 কঙ্কতিকা, গোরোচনা, অলঙ্কার আদি
 রহিয়াছে, যথা স্থানে, যতনে সজ্জিত ।

বিচিত্র পতাকাধারী শত অশ্বারোহী,
 সহস্র পদাতি সহ, গজাতীর হ'তে
 স্বয়ংবর-সভা যথা, পথের ছ'পাশে,
 দাঁড়াইয়া স্থির ভাবে । ভীম কলেবর,
 লৌহবর্ষায়ত দেহ, দীর্ঘ শূল করে,
 পৃষ্ঠে যুগ্ম তুণ, স্কন্ধে বিলম্বিত ধনু ;
 উষ্ণীষ কাঞ্চনময় ঝালসয়ে অঁাধি।

তরুণতপন-করে ; চমকে চপলা

প্রলম্বিত, কোষযুক্ত কৃপাণ-ফলকে ।

কা'র এ তরনী, কা'র এ হেম সৈনিক,

সবিস্ময়ে, পুরবাসী কহে পরস্পরে ।
জিজ্ঞাসিলে কেহ মাত্র পায় প্রত্যাশুর,
অবোধ্য ভাষায় ; কহে 'মালায়ালায়ম
বলে লোক ;—'আসিয়াছে রাজ-নিমন্ত্রণে
আসমুদ্র হিমাচল ; কেবা চিনে কা'রে ?'

প্রাসাদ-সম্মুখে শোভে সমতল ভূমি,
শ্যাম শম্পাবৃত ; তাহে স্তম্ভ দারুময়,
কুসুমে, পল্লবে, ফলে আপাদভূষিত,
দাঁড়াইয়া শ্রেণীবদ্ধ ; শিরে চন্দ্রাতপ
খচিত কাঞ্চন-সূত্রে । চন্দ্রাতপ হ'তে
সুবর্ণ-শৃঙ্খলে বাঁধা স্ফটিক-আধারে
শোভে গুচ্ছ গুচ্ছ ফুল, সন্তঃপ্রস্ফুটিত,
সৌরভে পূরিয়া সতীর্ণ নিম্নদেশে তা'র
সুবিভক্ত, সুবিগ্ৰস্ত রেখাকারে পথ
রহিয়াছে প্রসারিত ; সলিল-সেচনে
স্নিগ্ধ, ধূলিকণাশূন্য । পথের দু'পাশে,
চারুচিত্রময়, দিব্য আস্তরণ 'পরে,
সম অন্তরালে, রত্নকাঞ্চনে খচিত
শোভি'ছে আসনশ্রেণী । সুবেশ কিঙ্কর
দাঁড়া'য়ে আসন পার্শ্বে । কা'র(ও) করে শোভে
সুবর্ণ-ভূঙ্গার, পূর্ণ শীতল সলিলে
কপূরবাসিত । কেহ ধরেছে ব্যজন,
রচিত ময়ূরপুচ্ছে ; ধবল চামর
লয়ে দাঁড়াইয়া কেহ ; উষীর, চন্দন
কা'র(ও) হস্তে স্বর্ণপাত্রে । প্রতি চতুস্পথে,

* গাওয়ানজোর অর্থাৎ বর্তমান মাদুরা, চিনাভেলি প্রকৃতি দাক্ষিণাত্যস্থিত এদেশের ভাষা ।

পুড়ে ধূপদানে ধূপ ; কস্তুরী, চন্দন
রক্ষিত সুবর্ণাধারে । ঘিরি' সভাস্থল
অশারোহী, পদাতিক বেড়ায় নীরবে ।
বৈতালিক গায় গীত ; উঠে বেদধ্বনি ;
বাজে বেণু, বাজে বীণা, মধুর নিকণে ।

অসংখ্য দর্শক, নানাদেশসমাগত,
শুনি' স্বয়ংবর-বার্তা, পরিজন সহ,
দাঁড়াইয়া বহির্ভাগে । অট্টালিকা-চূড়ে,
তরুস্কন্ধে, বাতায়নে, রথগজ 'পরে
নিবিড় জনতা । দেহ ঘর্ষাস্ত আতপে,
অশ্ব-খুরোখিত ধূলি শ্বাস করে রোধ,
সৈনিক-প্রহরী বেত্র হানে পৃষ্ঠদেশে,
তবু কোতূহলী লোক, অনিমেষ অঁখি,
নিরখিতে বধুবর । পথপার্শ্বে কোথা,
বাজিছে বাদিত্র, নাচে নর্তক, নর্তকী ;
যুঝে মল্ল মল্ল সনে । কোথা যাটুকর
দেখাই'ছে ইন্দ্রজাল । তরুতলে কোথা,
সাজাইয়া দেবমূর্তি, আসীন সন্ন্যাসী,
শিরে জটা, অঙ্গে ভস্ম, তুলি' শব্দধ্বনি ।
সুবিপুল ছত্রতলে, গস্তীর মুরতি,
ভূর্জ-ত্বকে লেখা স্থল গ্রন্থ উন্মোচিয়া,
অঁকি রাশিচক্র, কোথা, গণি'ছে জ্যোতিষী ।
মোদক-শর্করা-শঙ্কু-তাম্বুল-বিক্রেতা
বসিয়াছে নানা স্থানে । কোথা পল্লীনারী,
হরিদ্রারঞ্জিত বাসে সমাবৃত-দেহ,
সিন্দূর-লেপিত-ভাল, কাংসুভূষা করে,

ক্রোড়ে স্তম্ভপায়ী শিশু, ধূলিপূর্ণ পদ,
 দলবন্ধা, হরগৌরী-বিবাহ-সঙ্গীত
 গাই'ছে স্মৃতির স্বরে । অনাথ, আতুর,
 উপেক্ষিয়া প্রহরীর ভ্রভঙ্গী কঠোর,
 অন্ন, বস্ত্র তরে ডাকে 'জয় মহারাজ' ;
 'মণিপদ্মে হুম্' বলি' ছুটে ভিক্ষুদল,
 করে দারুণ পাত্র । গজের বৃংহিত,
 তুরগের হ্রেষাধ্বনি, ঢকাভেরীরব,
 নরকণ্ঠস্বর সনে হলে সন্মিলিত,
 ক্ষুরসিঙ্কুরোল সম পশি'ছে শ্রবণে ।

সভামধ্যস্থলে শোভে মঞ্চ শিলাময় ;
 আসীন সে মঞ্চপরে, দিব্য সিংহাসনে,
 মহারাজ জয়চন্দ্র সার্বভৌম-বেশে ;
 গলে পুষ্পমাল্য, যজ্ঞ-বিভূতি ললাটে,
 বর্তুল মুকুতা-মালা শোভে বক্ষঃস্থলে,
 মাণিক্য-কিরীট শিরে, রাজদণ্ড করে ।
 দক্ষিণে ভূপের, বসি' স্বতন্ত্র আসনে,
 রাজগুরু তুঙ্গাচার্য্য, প্রশান্ত মুরতি ;
 পাত্র, মিত্র, সভাসদ ঘিরিয়া চৌদিকে ।

একে একে ভট্টগণ জানাই'ছে আসি'
 সমাগত কোন্ রাজা । মধুর বচনে
 কহি'ছেন মহারাজ নিরুপিত স্থানে
 বসাইতে প্রতিজনে । হেনকালে দূত
 কহিল অসিয়া এক ;—

“প্রণিপাত, দেব !

এসেছেন ঘারদেশে পাণ্ডুরাজ্যেশ্বর,

কোথায় আসন তাঁর ? কহিলেন তিনি ;—
 ‘আসিয়াছি যোদ্ধ্বেশে ; বেশ-বিশ্বাসের
 পাই নাই অবকাশ দূর পর্য্যটনে ;
 নাহি ইচ্ছা প্রবেশিতে সভার মাঝারে ;
 রহিব এখানে, যদি হয় অনুমতি ।”

কুণ্ডিতললাট ভূপ জিজ্ঞাসিলা ধীরে ;—
 “পাণ্ডুরাজ্যেশ্বর ! ভট্ট ! পাণ্ডুরাজ্য কোথা ?”
 বিনয়ে কহিল ভট্ট ;—

“আছে, মহারাজ !
 চের, চোল, পাণ্ডুরাজ্য সুদূর দক্ষিণে ।
 কিন্তু হীন ক্ষত্র তা’রা ; আদান, প্রদান
 নাহি তাহাদের সাথে ; প্রভুর যা’ রুচি ।”

“হীন ক্ষত্র ?”

সবিস্ময়ে কহিলা নৃমণি ;—
 “কিবা প্রয়োজন তবে আনি’ সভা মাঝে ?
 থাকুন বাহিরে, তাঁ’র যথা অভিরুচি ;
 কহিও, সাক্ষাৎ হবে স্বয়ংবর পরে ।”
 বিদায় লইলা দূত । সমাগত, ক্রমে,
 মালব, গুর্জর, সিন্ধু, সুরাষ্ট্র, কাশ্মীর
 নানা দেশ হ’তে যত ক্ষত্র নরপতি ;
 কেহ অশ্বে, কেহ গজে, কেহ রথোপরে ;
 সজে ভূত্য, পরিজন । আদরে সবারে
 বসাই’ছে ষথাস্থানে পাত্রমিত্রগণ ।
 কেহ বা তরুণ যুবা, সুরূপ, সুন্দর ;
 পঞ্চাশোর্দ্ধ, সুপ্রবীণ কোন কোন(ও) জন ;
 কেহ বা সপ্ততিপর, শিরে শুরুকেশ,

দস্ত বিগলিত ; কিন্তু ঘোচেনি লালসা,
এসেছেন বরবেশে । কষিত কাঞ্চন-
বর্ণ কা'র(ও) ; কেহ কৃষ্ণ, পিঙ্গল কেহ বা ;
স্থূল, সূক্ষ্ম, হ্রস্ব, দীর্ঘ নানা দেহধারী ।

শতরূপ বেশ, ভূষা ; শোভে কার(ও) শিরে
বিশাল উষ্ণীষ, স্থূল রথচক্র সম ;
টোপর কাহার(ও) মাথে । মল্লবেশে কেহ
পরেছেন বীরধটা, দেহ অনাবৃত ;
কেহ বা যবনবেশী । উত্তরীয় কার(ও)
বাঁধা কটিদেশে, কার(ও) স্কন্ধে প্রলম্বিত ।
কুণ্ডল শোভি'ছে কর্ণে, কর্ণে রত্নমালা,
অঙ্গদে, বলয়ে যুগ্ম বাহু বিভূষিত ।
কৌষেয় বসনে, মণি-মুক্তার আলোকে
ঝলসিত সভাস্থল । ভাবে পুরবাসী,
আবার ছাপর যুগ এসেছে ধরায় ;
তাই হেন মহাযজ্ঞ, হেন স্বয়ংবর ।
ধন্য ধন্য মহারাজ । স্বর্গে সুরপতি,
মর্ত্যে জয়চন্দ্র মাত্র তুল্য পরম্পর ।

যবনিকা-অস্তুরালে, রমণীসমাজে,
নিরখিয়া রাজগণে, আকারে, ইঞ্জিতে
চলিয়াছে নানা কথা । উঠি'ছে কোথাও
স্ববিরে ধিকার, পরিহাস ঘটোদরে,
নাসিকা-কুঞ্চন হেরি' মসীবর্ণ জনে,
স্মিতস্মিত্ত বাণী লক্ষি' রূপবান্ শূরে ।

সমাগত শুভক্ষণ ; অস্তঃপুর হ'তে
নির্নাদিল শত শব্দ । প্রীকণ্ঠসম্ভব

‘উলু-লু’ মঙ্গলধ্বনি, পূর্ণ করি’ পুরী,
 পশিল সবার কর্ণে । স্ববর্ণ-শিবিকা,
 কুসুম-পল্লাবাস্তৃত,—মুকুতার মালা
 ছলিছে ঝালর তাহে, ঝলসিয়া আঁখি,—
 বাহিরিল ধীরে ধীরে । পশ্চাতে তাহার,
 শূল করে, ভীমমূর্তি দৌবারিকদ্বয় ।
 শিবিকার এক পার্শ্বে সখী প্রিয়ত্রতা
 ব্যঞ্জন লইয়া করে । স্বর্ণপাত্রে লয়ে
 দধি, দুর্বা, পুষ্পমালা, অক্ষত, চন্দন
 দাসী এক, অন্য পার্শ্বে, চলে সাথে সাথে ।
 বসি’ সে শিবিকামাঝে সংযুক্তাসুন্দরী
 সাজি’ স্বয়ংবরবেশে । সে রূপ-মাধুরী
 কেমনে বর্ণিছে কবি । পূর্ণচন্দ্র সম
 শোভিছে বদনকান্তি, স্নিগ্ধ আভাময়ী ;
 বিশাল, স্ননীল নেত্র ; প্রবালনিন্দিত
 শোভে চারু ওষ্ঠাধর ; বন্ধ পীনোন্নত ;
 ক্ষীণ কটিদেশ ; তনু ললিত, স্তম্ভাম ।
 কাঞ্চনে, রতনে, পুষ্পে সে বর মুরতি
 বিগুণ শোভি’ছে এবে । অরুণ-বরুণ
 কোষেয় বসন অঙ্গে ; মাণিক্য-কুণ্ডল
 ঝলসি’ ছলি’ছে কর্ণে ; কর্ণে মুক্তামালা,
 যুধিকার হার সনে ; হীরক-বলয়
 উজলি’ছে করযুগ ; মঞ্জীর চরণে ।

সভামধ্যস্থলে, বখা, স্বর্ণসিংহাসনে,
 বিরাজিত অরুচন্দ্র, শিবিকাবাহক
 আসি’ দাঁড়াইল তথা ! সন্ত্রমে কুমারী

নামিলা শিবিকা হ'তে মঞ্চের সম্মুখে ;
 অচলা চপলা যেন পশিলা সভায় ।
 সহস্র সহস্র নেত্র, নির্নিমেষ হয়ে,
 আবদ্ধ হইল ক্রমে কুমারীর দেহে ;
 স্পন্দিল সহস্র বক্ষ ; রোমাঞ্চ উঠিল
 দেহে দেহে ; তীব্রতর বহিল নিঃশ্বাস ।

অগ্রসরি' রাজসুতা নামিলা প্রথমে
 গুরু তুঙ্গাচার্য্য-পদে । কহিলেন গুরু ;—
 “লভ মনোমত পতি, সংযুক্তাসুন্দরি !”
 নামিলা কুমারী পরে জনকের পদে ;
 কহিলেন জয়চন্দ্র গদগদ ভাষে ;—
 “লভ, প্রাণাধিকে ! লভ যোগ্য পতি ত্বব ।”

নিশ্চল, নিঃশব্দ সভা । পিতার আদেশে
 দাঁড়াইলা উঠি' বালা মঞ্চের উপরে,
 নিরখিতে সভাস্থল । হেরিলা সুন্দরী,
 যত দূর চলে দৃষ্টি, শ্রেণী শ্রেণী পরে,
 উপবিষ্ট নৃপগণ । ঘিরি' চতুর্দিকে
 অগণ্য দর্শকবৃন্দ ; দাঁড়াইয়া দূরে
 অশ্ব, গজ, পদাতিক ; নাহি জানি কত ।

উৎসুক নয়নে বালা হেরিলা চৌদিকে ;
 আতঙ্কে কাঁপিল বক্ষ, টলিল চরণ ;
 কিন্তু, ক্রণপরে, চাহি' সভা-দ্বারপানে
 আনন্দে ভাঙিল মুখ, উদিল অধরে
 মধুর হাস্যের রেখা । স্থির পদক্ষেপে
 নামি' মঞ্চ হ'তে বালা, পূর্বমুখী হয়ে,
 প্রণমিলা, করযোড়ে, ইষ্টদেব-পদে ।

নিরখিয়া কুমারীরে আগতা সভায়
 আকারে, ইঙ্গিতে যত বিবাহার্থী ভূপ
 প্রকাশিলা মনোভাব ; গুণ যাহা যাঁর
 দেখাইতে ব্যগ্র সবে । মল্ল-বীর কেহ
 স্কন্ধ, বক্ষ, বাহুযুগ চন্দন-চর্চিত
 আশ্ফালিয়া, মুহুমুহ, বসিলা গৌরবে ।
 অসিযুদ্ধে পটু বীর, অর্দ্ধ মুক্ত করি,
 রাখিলা পিধানে অসি । কাকপক্ষ সম
 সূচারু কুস্তল কেহ অঙ্গুলি-মার্জ্জনে
 মসৃণ করিলা শিরে । কোন মহামতি,
 দীর্ঘ গুম্ফ, বিনাইয়া দীপশিখাকারে,
 মুকুর লইয়া, যত্নে, লাগিলা হেরিতে,
 হরষে আন্দোলি' শির । বসন, ভূষণ,
 কিরীট, অঙ্গদ, হার যাঁ'র যা' সুন্দর,
 করিলেন সুবিম্বস্ত । আবার কেহ বা,
 পাছে শুরুকেশ পড়ে নয়নে বালার,
 তাই, অতি সাবধানে, টানিয়া উষ্ণীষ,
 আবরিলা কর্ণমূল । বয়োগুণে যিনি
 কুঞ্জপৃষ্ঠ, নতদেহ, তিনিও, আবেগে,
 বসিলেন ঋজু হ'য়ে সিংহাসন'পরে ।

সম্মমে নমিয়া ভূপে, কুমারীর পাশে,
 আসি' দাঁড়াইল ভট্ট । বয়সে প্রবীণ,
 তবু ঋজুদীর্ঘকায় ; হেমদণ্ড করে,
 কণ্ঠে রক্তাক্ষের মাল্য, স্বর্ণসূত্রে গাঁথা,
 পরিধান পীতবাস, চন্দন ললাটে ।

সঙ্গে লয়ে কুমারীরে অগ্রসরি' ভাট

দাঁড়াইল আসি, বথা কনক-আসনে
 বসি' রাজপুত্র এক ; কহিল বিনয়ে ;—
 “সম্মুখে তোমার হের, স্চাচরুহাসিনি !
 জন্মুরাজপুত্র এই, পাণিপ্রার্থী তব । *
 দান, ব্রত করে লোক স্বর্গলাভ তরে ;
 কিন্তু স্বেচ্ছালভ্য তব হ'বে স্বর্গবাস,
 বরিলে এ রাজসুতে । সৌন্দর্য্যে, শোভায়
 ভূস্বর্গ বলিয়া যা'র খ্যাতি মর্ত্যালোকে,
 সে কাশ্মীর অবিভিন্ন জন্মুরাজ্য হ'তে ।
 হেরিবে মানবী হয়ে স্বরগের শোভা ;
 তটিনী রজতস্রোতা, ক্ষেত্র চিরশ্যাম,
 নিৰ্ঝর মুকুতাশ্রাবী, তুঙ্গ মহীধর,
 সম্ভ্রিত বিচিত্র বর্ণে আলোক-সম্পাতে,
 জুড়াইবে অংশি তব । অনাদরে তথা
 জনমে যে ফুল, শৈলে, প্রাস্তরে, পুলিনে,
 দুর্লভ তা' রাজোচ্চানে । কমল-সুরভি
 বহে সেথা স্নিগ্ধানিল । সুধাসম স্বাদু
 জনমে বিবিধ ফল । নর, নারী যত
 দিব্যমূর্তি, দেবলোকে গঙ্করব যেমতি ।
 তীক্ষ্ণবুদ্ধি জন্মুরাজ, রাজনীতি-গুণে,
 করেছেন বশীভূত গজনী-অধীশে ; †

* জন্মু একশে বর্তমান কাশ্মীররাজ্যের একটি বিভাগ । কাশ্মীররাজ দীতকালে জন্মুতে বাস করেন । কাশ্মীর ও জন্মু একাধিকবার স যুদ্ধ ও বিতর্ক হইয়াছে ।

† He (Norsingh Dew, the son of Bijay Dew) was presented to the Sultan through Hasaini-Khormil, and received with honour. The Raja's son and his agent were dismissed with honorary robes, and the town of Sialkot, together with the fort, was entrusted to the care of the Rajah. The Tabakat-i Nasiri, P. 454.

উত্তরকালে এই নরসিংহ দেব, কসোজ-রাজের সহিত মিলিত হইয়া, উরায়ণের দ্বিতীয় যুদ্ধে মহম্মদ ঘোরীকে সাহায্য করিয়াছিলেন । ৩২৮ পৃষ্ঠার পাদটীকা দেখুন ।

নাহি বহিঃশত্রুভয় । নিশ্চিন্ত হইয়া
উভয়ে রহিবে সুখে । শারদ নিশায়
পুষ্পিত যুধিকা-কুঞ্জে করিবে বিহার,
শচী স্থলোচনা যথা দেবেশ্বের সনে
নন্দনকানন মাঝে । দেখ বিচারিয়া ।”

বুঝি’ কুমারীর মন, ত্যজি’ জন্মুরাজে,
চলিল সম্মুখে শুটু, উপবিষ্ট যথা
গুর্জরের অধিপতি ; কহিল সম্বোধি ;—

“হের, চারুনেত্রে ! এই সম্মুখে তোমার
সেই বীর্ঘ্যবান্ ভূপ, নিজে জলনিধি,
বিশাল পরিখারূপে, রম্য রাজ্য বাঁ’র
রক্ষি’ছেন দিবানিশি । দুর্ধর্ষ সমরে
গুর্জর-ভূপতিগণ । ইন্দ্রজাল-বলে
বলী ভূপ সিদ্ধরাজ প্রতিঘন্থী নৃপে
আনিলা পিঞ্জরে ভরি’ ; তাই, কোন ভূপ
না করে সাহস যুদ্ধে গুর্জরের সনে ;
নিঃশঙ্ক রহিবে তুমি । কহে সর্বজন,
‘বাগিজ্যে লক্ষ্মীর বাস’ ; সত্য লোকমাতা
বিরাজেন মূর্ত্তিমতী গুর্জরের মাঝে ।
দেশ দেশান্তর হ’তে স্বার্থবাহগণ
আনে সেথা পণ্যদ্রব্য । যখন বা’ রুচি,
অশনে, বসনে, যানে, বিলাসভবনে,
লভিবে তা’ ; দেখ, এবে, বিচারিয়া চিতে ।”

* Gujrat owed its greatness partly to the wealth which flowed in through the seaports of Broach and Cambay and partly to the long reign of four sovereigns. * * Siddharaj (A. D. 1093—1143) was the most celebrated of his race, and a great magician. He waged a twelve years war against the Ponwars, and carried about their King in a cage.

চাহিয়া সখীর পানে কহিলা কুমারী ;—
“চল অশ্রু কোথা ।”

ভট্ট চলিল, যথায়,
নৃপতিকুমার এক বসি নতশিরে ।
কহিল মধুর ভাষে ;—

“শুন, ব্রতশীলে !
বিখ্যাত চান্দেল-কুল রাজপুতমাঝে ;
গিরিদুর্গ কালিঞ্জর, অধুষ্য শক্রর,
যে কুলের পরাক্রম করিছে প্রচার ;
বীরের আশ্রয় যাঁরা,* শিল্পীর সূহৃৎ,
নিত্য ধর্মকর্মের রত । যে বংশের কথা,
গগনে তুলিয়া শির, দেবালয় শত
ঘোষণা করি'ছে লোকে । সে বংশ-ললাম
এই রাজপুত্র, শূনি' রূপ, গুণ তব,
সমাগত পাণিপ্রার্থী । ভক্তিমতী তুমি
দেবদ্বিজে, দেবালয় চিরপ্রিয় তব ।
শত শত শিল্পী, গুণে দেবশিল্পী সম,
সেবে এই রাজকূলে । ইচ্ছা থাকে তব
প্রতিষ্ঠিতে দেবালয়, অমুকুল পতি
না পা'বে এমন আর ; দেখ ভাবি' মনে ।”†
নীরব রহিলা বালা । বুঝি অভিপ্রায়,
আবার চলিল ভট্ট ; নিরখিয়া বামে

* প্রসিদ্ধ বীর আলহা এবং উদাল ই'হাদিগেরই আশ্রিত ছিলেন ।

† The chandels laid the foundation of their fortune by the capture of Mahoba in Hamirpur (circa A. D. 831) and of the strong fort of Kalinjar in A. D. 925. They were famous not only for their exploits, but for the great group of temples which they erected at khajraho, one of the finest examples of Rajput architecture in existence.

ব্যাকুল, সতৃষ্ণনেত্র রাজসুতে এক
দাঁড়াইল পুরোভাগে ; কহিল সম্বোধি' ;—

“কম অপরাধ মম, রাজেন্দ্র-নন্দিনি !
নিবেদিব গুঢ় কথা । কহে কবিজন :—
কোমল নারীর প্রাণ ; চাহে পরিণয়ে
অনন্ত, অশ্রান্ত প্রেম । যদি, বরাননে !
চাহ হেন প্রেম, তুমি করহ বরণ
এই নৃপসুতে, কচ্ছবাহ-বংশোদ্ভূত ।
প্রেমিক এ রাজবংশ ; জনক ইঁহার,
“বর-নৃপ” বলি' য়ার খ্যাতি ভূমণ্ডলে,
রহি,' অনুদিন, নব মহিষীর সমে,
প্রমোদকঙ্কের মাঝে, হারাইয়াছিল
রাজ্য, ধন ; প্রিয়াসঙ্গ না ত্যজিল তবু ;
এ হেন অপূর্বপ্রেম দুর্লভ এ ভবে ।
পিতৃগুণ লভে পুত্র ; যদি, সুহাসিনি !
চাহ অবিচ্ছেদ প্রেম, ইনি যোগ্য তব ।”

ঈষৎ হাস্তের ভাতি বালার অধরে
হ'ল প্রস্ফুটিত । হেরি' আনন্দসলিলে
ডুবিল সে নৃপসুত ; কিন্তু ক্রণপরে,
শুনিল কহি'ছে' ভট্টে সখী প্রিয়ব্রতা ;
“চল ভট্ট ! এই পথে ; বাড়িতেছে বেলা ।”

* The kachwahas built the fort of Gwalior in the ninth century and held Gwalior and Nardar till A. D. 1129 when Tajakaron the “bride-room prince” for love of the fair Maroni, devoted a whole year to his honeymoon, and his nephew a Parihar, usurped the throne in his absence.

যথায়, সভার প্রান্তে, জনতার মাঝে,
 ঘরপালবেশী নিজ প্রতিমূর্তি-পাশে,
 উপবিষ্ট পৃথীরাজ, আসিলা কুমারী।
 ছদ্মবেশে নৃপবর ; দীর্ঘজটা শিরে,
 শ্মশ্রু-বিমণ্ডিতমুখ, গলে গুঞ্জমালা,
 শব্দের কুণ্ডল কর্ণে। আয়স কঙ্ককে
 সমাবৃত বাহু, বক্ষ ; লৌহ শিরজ্ঞাণ
 শোভিত উষ্ণীষ পরে। তুল্য বেশধারী
 গোবিন্দ, নৃপের পার্শ্বে, শিলামূর্তি সম,
 দাঁড়াইয়া অসি করে। বামে উভয়ের
 ধবল তুরঙ্গ এক, মহাবলবান্,
 চাহি' প্রভুমুখ পানে, ত্রেষাধ্বনি করি,
 মুহূর্নুহু খুরাঘাত করি'ছে ভূতলে।

নিরখিয়া কুমারীরে আগতা সম্মুখে
 গোবিন্দ, নৃপের কর্ণে অক্ষুট ভাষায়,

কহিলা ;—“বিলম্বে দাদা ! কিবা প্রয়োজন ?
 ধরি' কর, অশ্রুপৃষ্ঠে তুলুন বধূরে।”

“তিষ্ঠ, ভাই ! যতক্ষণ,”

কহিলা নৃমণি ;—

“সংযুক্তা না করে মোরে বরণ সভায়,
 নাহি অধিকার মোর স্পর্শিতে তাহার
 পূতদেহ, পত্নীভাবে ; তিষ্ঠ ক্ষণকাল।”

চেনেনি অপরে নৃপে। কিন্তু সংযুক্তার
 উৎসুক, আকুল নেত্র চিনিয়া নিমেষে,
 রোমাঞ্চ তুলিল দেহে। চিত্রাঙ্গিতপ্রায়
 নিরখে বিস্ময়ে ভট্ট। সখীকর হ'তে

লয়ে অর্ঘ্য, লয়ে মাল্য নৃপতিনন্দিনী,
 পূজি দ্বারপাল-মূর্তি, অর্ঘ্য সমর্পিয়া;
 কণ্ঠে পরাইয়া মাল্য, নমিলা সম্ভ্রমে ।
 অমনি সহস্র কণ্ঠে উঠিল নিনাদ,
 'জয় পৃথীরাজ জয়,' চমকিল সভা ।
 আতঙ্কে, বিস্ময়ে লোক নিরখিলা তবে,
 পাণ্ডুরাজ্যেশ্বর, ধরি' সংযুক্তার কর,
 তুলি' অশ্ব 'পরে তাঁরে, পার্শ্বে বসাইয়া,
 কশাঘাত করি' বাজী দিলা ছুটাইয়া
 গঙ্গাতীর পানে । ক্ষণ রহি' চমকিত
 উত্তোলিল মহাশূল শিবিকারক্ষক
 প্রহরী; সহসা, কিন্তু অড়ীভূত বাহু
 হইল আতঙ্কে, ভাবি' কি জানি সে শূল
 বিদ্ধ করে কুমারীর স্নকোমল তনু ।
 না হ'তে মুহূর্ত্ত গত, হায়! অভাগার
 ধৃতশূল হস্ত, ছিন্ন অসির আঘাতে,
 পড়িল ভূতলে, করি' স্তম্ভিত দর্শকে ।
 ভাঙ্গিল চমক । ষত রাঠোর-সৈনিক,
 ক্রুদ্ধ, ক্রুদ্ধ, মর্দ্যাহত, সিংহনাদ করি',
 ধাইল পশ্চাতে । কিন্তু চৌহান-পদাতি,
 দুর্ভেদ্য প্রাচীর সম, নত করি' শূল,
 দাঁড়াইল মধ্যপথে । অগ্রে সবাকার
 গোবিন্দ, মাঝে যথা দলে নলবন,
 দলিতে লাগিলা তথা রাঠোর-সৈনিকে ।
 আর্তনাদ, সিংহনাদ, রণভেরীরক
 পুরিল কনোকপুরী । উৎসব-কৌতুকে,

নৃত্য-গীত-বাদ্য-রঙ্গে রাঠোর-সৈনিক
 ছিল মত্ত, অশ্রমনা ; শাস্তি-রক্ষা তরে
 ছিল মাত্র শস্ত্রপাণি ; কিন্তু নাহি ছিল,
 অতর্কিত আক্রমণ নিবারণ তরে,
 সাজি' চতুরঙ্গ দলে । কোথায় নায়ক,
 কে করে আদেশ দান ? তথাপি নির্ভয়ে
 দাঁড়াইল আসি', ক্রমে, ব্যূহবদ্ধ হয়ে,
 ঘিরিয়া চৌহানগণে । শত্রুসংখ্যা হেরি'
 গোবিন্দ জলদমন্দ্রে বাজাইলা তুরী ।
 অযুত সৈনিক, সাদী, নিষাদী, পদাতি,
 ছদ্মবেশে নিমন্ত্রিত-রাজসৈন্যচ্ছলে,
 ছিল নানাস্থানে ; আসি', মুহূর্ত মাঝারে,
 দাঁড়াইল সুসজ্জিত ; দৃঢ়ব্রত সবে
 চৌহানের অপমান প্রতিশোধ তরে !
 বাধিল তুমুল রণ ; পথ, ঘাট, মাঠ
 রাঠোর-চৌহান-রক্তে হইল লোহিত ;
 হতাহতে পরিপূর্ণ হইল নগরী ।
 দিবা শেষ, সারানিশা চলিল সমর ;
 কত যে উভয় দলে মরিল সৈনিক,
 আত্মীয়, কুটুম্ব, বন্ধু হানি' পরস্পর,
 কে পারে গণিতে ? . দীপ্ত কন্দুক-নিষ্ক্ষেপে
 দন্ধ হ'ল নিমন্ত্রিত কত নৃপতির
 চারু বস্ত্রাবাস ; কত দর্শক, যাচক
 হ'ল বিমর্দিত অশ্ব-গজ-পদতলে ;
 উঠিল ক্রন্দনধ্বনি কত গৃহ হ'তে ।
 ধন্য শিক্কা গোবিন্দের ! দুর্বীর সংগ্রামে

চৌহান-সৈনিক রণে মথিল রাঠোরে ।
না পারি' সহিতে, শেষে, ভয়ে ভঙ্গ দিয়া,
খাইল কনোজ-সেনা । জয়ধ্বনি করি'
গোবিন্দ ফিরিলা হর্ষে দিল্লী অভিমুখে ।

হেথা পৃথীরাজ, অশ্বে লয়ে সংযুক্তারে,
আসিলেন গঙ্গাতীরে । রাঠোর-সৈনিক,
নৃপের পশ্চাতে ছুটি, আসি' বাধা দিতে,
অব্যর্থ শায়কে বহু ত্যজিল পরাণ,
অনলে পতঙ্গপ্রায় । কাতরা কুমারী
চাহিলা ভূপের পানে । সংবরিয়া শর,
সাস্ত্রনিয়া সংযুক্তায় করে ধরি' বীর
তুলিলেন তরী'পরে । অমনি ইঙ্গিতে
লৌহ-দৃঢ় শতবাহু আকর্ষিলা বলে
বহিত্র, ছুটিল তরী ঝটিকার বেগে ।
অনুকূল স্রোত, বায়ু হইল সহায়,
অদৃশ্য হইল তরী মুহূর্তের মাঝে ।*

* এই সর্গে বর্ণিত ঘটনা পৃথীরাজরাসোসম্মত নহে । অস্ফাল ভট্ট কবিদিগের কথিত
রণ হইতে প্রামাণিক ইতিহাসে বাহা উল্লিখিত আছে, :আসি তাহাই কাব্যোচিত বর্ণন
রাছি । ইতিহাসের বিবরণ এইরূপ :—

At such a feast (রাসসম্মত) all menial offices had to be filled by royal
sals ; and the Delhi-monarch was summoned as a gate-keeper, along
n the other princes of Hindustan. During the ceremony, the daughter
he king of Kanauj was nominally to make her Swayamvara or own
ice of a husband, a pageant survival of the reality in the Sanskrit
s. The Delhi-Raja loved the maiden, but he could not brook to stand
nother man's gate. As he did not arrive, the Kanauj king set up a
aking image of him at the door. When the princess entered the hall
ake her choice, she looked calmly round the circle of kings, then,
ping proudly past them to the door, threw her bridal garland over
neck of the ill-shapen image. Forthwith, says the story, the Delhi-
arch rushed in, sprang up with the princess on his horse and
opped off towards his northern capital.

W. W. Hunter's Indian Empire, P. 329.

কেহ বলে ;—“হে বিধাতঃ । বুক ফেটে যায়,
রাজসুতা হ’তে হ’ল এই সর্বনাশ !
দেখিয়াছি নিজে তিনি, বসি’ অশ্ব’পরে,
যোগা’য়ে দে’ছেন বাণ পৃথ্বীরাজ-করে ।”

সংযুক্তা মিলিতা সুখে পৃথ্বীরাজ সনে,
আকৈশোর-পুষ্ট আশা পূর্ণ দৌহাকার ;
মহোৎসবে উভয়ের কাল কেটে যায়,
বৎসর দিবস সম, দিন ক্ষণপ্রায় ।

এ সুখের, এ দুঃখের কিবা পরিণাম,
সর্ববজ্র ! অন্য নাহি জানে ;
মাতভ্রান্ত, তাং, এই রাঠোর, চৌহান
নাহি গণে ভাবী, শুধু হেরে বর্তমান ।

চল, হে পাঠক ! তবে, ত্যজি’ আৰ্যভূমি,
যাই পুনঃ ফিরি’ সেই গজনীনগরে,
নিরখি, সেথায় ঘোরী, লয়ে মন্ত্রিগণে
চূর্ণিতে হিন্দুরে রত কোন্ আয়োজনে ।

বসি’ সেই কক্ষমাঝে মহম্মদ ঘোরী ;
বামে তাঁ’র হামজবী, দক্ষিণে কুতব ;
কিন্তু নাহি নিজস্থানে বসি’ মৈনুদ্দীন,
দাঁড়া’য়ে তথায় এক যুবক নবীন ।

লক্ষি’ সে যুবকে, ঘোরী কহিলা কুতবে ;—
“এই কি সে বক্ত্রিয়ার ? * বাঁ’র কথা তুমি

* বক্ত্রবিজ্ঞতা মহম্মদ-ই-বক্ত্রিয়ার । ইনি সাধারণের নিকট বক্ত্রিয়ার খিলিজি নামে পরিচিত । মন্ত হস্তীর সহিত যুদ্ধে, বক্ত্রবিজ্ঞরে এবং ওদন্তপুরীর মহাবিহার-ধ্বংসে ইহার প্রকৃতির বিভিন্ন লক্ষণ সুব্যক্ত হইয়াছে । উত্তরকালে ইনি, কখনও, দিল্লীশরের সেনাপতিরূপে,

বলেছিলে ? দেখি, এঁর নবীন বয়স ;
আছে কি দূতের যোগ্য ধীরতা, সাহস ?”

কহিলা কুতব ;—

“সত্য অল্পবয়স ইনি,
কিন্তু দৃঢ়তায়, প্রভো ! চাতুর্যে, কৌশলে
সমতুল্য এ যুবার আছে অল্প জন,
প্রাণপণে রাজকার্য্য করিবে সাধন ।”

“উত্তম” কহিলা ঘোরী ;—

“পরীক্ষা করিতে
নাহি বাধা ; ক্ষমতার দিলে পরিচয়,
উন্নতি হইবে ক্রমে । বল, বক্ত্রিয়ার !
কোন্ কার্য্যে দক্ষ তুমি ? ল’বে কোন্ ভার ?”

কহিলেন বক্ত্রিয়ার ;—

“যে কার্য্যে প্রভুর
অভিরুচি, সেই কার্য্য করিব সাধন ;
রণে, দৌত্যে, চরকার্য্যে লভিয়াছি জ্ঞান,
শিখিয়াছি ভাষা, ইচ্ছা যাই হিন্দুস্থান ।”

ও বা স্বাধীনভাবে কার্য্য করিলেও, প্রথমে, গজনী রাজসভার কার্য্য আরম্ভ করিয়াছিলেন
ত আকৃতির জন্ত, উপরিহু কর্ত্তারীর প্রীতিভাজন হইতে না পারিয়া কার্য্য ত্যাগ করেন ।
১৫-ই নাসিরী গ্রন্থে এ সম্বন্ধে এইরূপ লিখিত আছে ;— He was a man impetuous,
surprising, intrepid, bold, sagacious and expert. He came from his
country to the court of Ghaznin and to the audience-hall of the dominion
of the Sultan Muizzuddin Muhammed e-Sam. In the Diwni Aarz
(Department of the Muster Master) because in the sight of the head of
the office, his outward appearance was humble and unprepossessing ;
a small stipend was assigned him. This he rejected, and he left
Ghaznin and came into Hindustan.

“শিথিয়াছ ভাষা ? অতি উত্তম সংবাদ ;”
কহিলেন ঘোরী ;—

“তবে হামজবী সনে
যাও হিন্দুস্থানে ; দৌহে র'বে সাথে সাথে ;
কার্যের সুসিদ্ধি জেন তোমাদের(ই) হাতে ।

পথ, ঘাট, অস্ত্রশালা, সৈনিক-নিবাস
দেখিবে সতর্ক হয়ে ; প্রকৃতি প্রজার,
রাজভক্তি ল'বে বুঝি' ; লুণ্ঠন, পীড়ন
নহে লক্ষ্য মম, চাহি রাজ্য-সংস্থাপন ।

ভেদনীতি আমাদের হইবে সহায় ;
হিন্দু, বৌদ্ধ মাঝে আছে তীব্র ঘেযানল ;
অনভ্যস্ত বৌদ্ধ রণে, অস্ত্র-ব্যবহারে,
মরিবে সহজে ; হিন্দু না রক্ষিবে তা'রে ।*

উচ্চবর্ণ জন কত মাত্র হিন্দুস্থানে ;
অস্ত্যজ, অস্পৃশ্য, শূদ্র শুনি অগণন ;
লাঞ্ছিত, দলিত এই নীচ জাতি যা'রা
বুদ্ধিহীন, বীর্যহীন মেঘসম তা'রা ।

* ওদন্তপুরীর মহাবিহারধ্বংসে বক্তিরার মহম্মদ ঘোরীর কথা সপ্রমাণ করিয়াছিলেন। বাহা তিনি দুর্গ ভাবিরা ধ্বংস করিয়াছিলেন, তাহা একটা বৌদ্ধ সঙ্ঘারাম ও বিজ্ঞানর মাত্র ছিল। ঐহাদিগকে মুসলমান ইতিহাসলেখক হিন্দু বলিয়া নির্দেশ করিয়াছেন, প্রকৃত প্রস্তাবে তাঁহারা বৌদ্ধ ছিলেন। মুসলমান ইতিহাসলেখক বলেন ;—He (Mahammad-i-Baktyar advanced to the gateway of the fortress of Bihar with two hundred horsemen in defensive armour and suddenly attacked the place. * * at which time Muhammad-i-Baktyar, by the force of his intrepidity threw himself into the postern of the gate-way of the place and they captured the fortress and acquired great booty. The greater number of the inhabitants of that place were Brahmans and the whole of those Brahmans had their heads shaven, and they were all slain. There were a great number of books there ; and when all these books came under the

না আছে দৃঢ়তা, ধৈর্য্য, না আছে সাহস,
শৃঙ্খলা, সমরনীতি না পারে বুঝিতে ;
পদাঘাতভয়ে আসি' অসি ধরে রণে ;
কি শক্তি তা'দের যুঝে আমাদের সনে ?

শাস্ত্র, বিধি হিন্দুগণ রচিয়াছে বহু ;
কিন্তু এই স্থল তব্ব ভাবে নাই তা'রা ;
দেহের প্রত্যঙ্গ যদি সবল না রয়,
সে দেহ বলিষ্ঠ, দৃঢ় কখন(ও) কি হয় ?

পক্ষু, জড়প্রায় রাখি' অসংখ্য মানবে
কেমনে সমাজবপু হ'বে বলবান্ ?
ভগ্ন যা'র মেরুদণ্ড হ'ক না সে বীর,
পারে কি দাঁড়া'তে কভু উচ্চ করি' শির ?

হ'ক দীন, হ'ক দাস তবু মুসলমান
জানে রাজা, মন্ত্রী হ'তে অধম সে নয় ;
প্রতিপদে হীন, নীচ করিয়া শ্রবণ
নহে ভাগ্যোৎসাহ, নহে সঙ্কুচিতমন ।

আজ যে দারিদ্র্য-বশে নীচকার্য্যে রত
অশ্বপাল, চর্ম্মকার, ভৃত্য, ভারবাহী ;
সে ও ভাবে যদি তা'র গুণ কিছু রয়,
রাজত্ব, মন্ত্রিত্ব তা'র অসম্ভব নয় ।

observation of the Musalmans they summoned a number of Hindus that they might give them information respecting the import of those books ; but the whole of the Hindus had been killed. On becoming acquainted with the contents of those books it was found that the whole of that fortress and city was a college and in the Hindu tongue, they call a college Bihar. The Tabakat-i Nasiri. P. 552.

নাগদার, বিক্রমশিলায়, সর্বত্র, মুসলমানগণ বৌদ্ধদিগের সম্বন্ধে এইরূপ আচরণ করিয়াছিলেন ।

পৃথীরাজ ।

বীর্য, বুদ্ধি নীচজনে মসলিম-সমাজে
করে উচ্চ ; আত্মদরে দৃশ্য তাই তা'রা ;
হিন্দুর যে নীচ, রহি' নীচ চিরদিন,
হতমান, স্বপ্নায়াসে হইবে অধীন ।

মুষ্টিমেয় উচ্চবর্ণ শাসে হিন্দুস্থান,
অন্য যা'রা রাজতন্ত্রে অস্ত, উদাসীন ;
কোথা পা'বে স্ফূর্তি তা'রা, কোথা পা'বে বল ?
পলা'বে সঙ্কটকালে ত্যজি' রণস্থল ।

আছে রাজপুতজাতি বটে বীর্যবান,
সন্মিলিত হ'লে তারা অজেয় সমরে ;
কিন্তু গ্রামে, গ্রামে তা'রা রাজা জনে, জনে,
সবে সার্বভৌম, হ'বে মিলন কেমনে ?

নাহি সখ্য, নাহি মৈত্রী রাজপুত মাঝে ;
অস্তে রুম্ব, হানে অসি বন্ধে পরস্পর ;
তথাপি দুর্ভয় এই রাজপুত-দল ;
বুনি' ল'বে তাহাদের কিবা বলাবল ।

যে যে শ্রেষ্ঠ রাজপুত আছে হিন্দুস্থানে ;
সৈন্য, অর্থ কা'র কত লইবে সংবাদ ;
পৃথীরাজ প্রতি দৃষ্টি রাখিবে সতত ;
সে হইলে জিত, অন্যে হ'বে পদানত ।

দিল্লীতে তোমরকুল ছিল রাজপদে,
মাতামহ-রাজ্য পেয়ে বসেছে চৌহান ;
আছে বাহু শিষ্টাচার চৌহানে, তোমরে,
কিন্তু মনোগত প্রীতি নাহি পরস্পরে ।

পৃথীরাজ নিজে ভদ্র, জ্ঞাতিগণ তা'র
কিন্তু মহাদর্পী ; শুনি, কাহ্নাই চৌহান
সভামধ্যে, ধৈর্য্যহীন হয়ে বিনাদোষে,
প্রতাপচালুক্যে বধ করিয়াছে রোষে ।*

ক্ষতিগ্রস্ত, ঈর্ষাপন্ন, লাঞ্ছিত, বিজিত,
বহুশত্রু চৌহানের আছে হিন্দুস্থানে ;
আক্রমিলে মোরা, তা'রা যদি সবে ভয়ে
নাহি দেয় যোগ, র'বে উদাসীন হয়ে ।

শত্রুর যে শত্রু তা'রে মিত্র ভাবি' মনে
পৃথীরাজ-শত্রু সনে হইবে মিলিত ;
উচ্চ, নীচ যে, যা' হ'ক, পুরুষ কি নারী,
যথাযোগ্য কার্য্যে সবে কোরো সহকারী ।

থাকে শত্রু রাজা, তা'র যাইবে সভায়,
থাকে শত্রু সাধু, তা'র যাইবে আশ্রমে ;
যাইবে শ্মশানে ; শুনি শত্রুধ্বংস তরে
ভ্রাস্ত হিন্দু শব লয়ে পূজা সেথা করে ।

পৃথীরাজ-শত্রু মাঝে শ্রেষ্ঠ দুই জন,
কনোজের রাজা আর জম্মু-অধিপতি ;
হয়েছে নৃসিংহদেও পদে মোর নত,
তুমি গিয়া জয়চন্দ্রে কোরো হস্তগত ।”

* কাহ্নাই পৃথীরাজের পিতৃব্য ছিলেন। চাঁদকবি তাঁহার প্রকৃতি অত্যন্ত উগ্র বলিয়া বর্ণন করিয়াছেন। আনহালওয়ারার অধিপতি জোলাভীমের পিতৃব্য সারঙ্গদেবের পুত্রগণ, স্বদেশ হইতে তাড়িত হইয়া, পৃথীরাজের আশ্রয় গ্রহণ করিয়াছিলেন। তাঁহাদিগের অন্ততম প্রতাপ চালুক্য, রাজসভায় বসিয়া, অন্তমনস্ক ভাবে, গোঁফে তা দিয়াছিলেন, এই অপরাধে কাহ্নাই চৌহান তাঁহাকে ও তাঁহার জ্ঞাতাদিগকে বধ করেন। পৃথীরাজ কাহ্নাইএর এই ব্যবহারে অসন্তুষ্ট হইয়া, পিতৃব্য হইলেও, তাঁহাকে চক্ষু বাঁধিয়া থাকিতে বাধ্য করিয়াছিলেন।

পৃথীরাজরাসো—কান্হাপটি সমর ।

নিজ পাপে ধ্বংস নিজে হ'বে হিন্দুজাতি,
উপলক্ষ্য মাত্র মোরা হস্তে বিধাতার ;
কাননমাঝারে তরু শুষ্ক, জীর্ণ রয়,
বিদ্যুৎপরশে, কালে, ভস্মীভূত হয় ।*

বুঝিলে ত ? রাজকার্য্য কোরো সাবধানে ।”
“হামজবী ! শুন এবে আদেশ আমার ;—
পৃথ্বীরাজ যথা, তথা, করিয়া গমন
কহিবে ইসলাম ধর্ম্ম করিতে গ্রহণ ।

সাধু মৈনুদ্দীন যাহা করিলা প্রস্তাব
নহে অসঙ্গত ; কিন্তু জানি আমি ভাল,
না ছাড়িবে নিজ ধর্ম্ম বীর পৃথ্বীরাজ,
আক্রমিব সেই ছলে, সিদ্ধ হ'বে কাজ ।”

* হিন্দু রমণীর এইরূপ ব্যবহার মুসলমান ঐতিহাসিকের বিদ্বেষকল্পিত বলিয়া মনে করিবার কারণ নাই। ঠিক এইরূপ না হউক, আরও কোন কোন হিন্দু রমণীর বিসদৃশ আচরণ ইহার যথার্থ্য সপ্রমাণ করে। গুজরাটের রাজা করণরায়ের মহিষী কমলা, আলাউদ্দীনের পত্নী হইয়া গ্রহণ করিয়া, যতদিন না আপনার পূর্ব স্বামীর ঔরসজাতা এবং বিবাহার্থ বাগদত্তা কস্তাটিকে কাড়িয়া আনিতে পারিয়াছিল, ততদিন সম্রাটকে উত্তেজিত করিতে ক্ষান্ত হয় নাই। বীরবর দাহিরের এক পত্নী কাসিমকে সতী-ধর্ম্ম বিক্রয় করিয়া হিন্দু বীরদিগকে মুসলমান জাতির অধীনতা গ্রহণে প্রলুব্ধ করিয়াছিল। চিতোররাধিপতি স্বদেশবৎসল রাণা সংগ্রাম সিংহের এক পত্নী বাবরের সহিত বড় যত্নে লিপ্ত হইয়াছিল বলিয়া উল্লেখ দেখা যায়। ঐতিহাসিক টড ইহার কারণ এইরূপ নির্দেশ করিয়াছেন ;—Polygamy is the fertile source of evil, moral and physical in the east. It is a relic of barbarism and primeval necessity affording a proof that ancient Asia is still young in knowledge. The desire of each wife that her offspring should wear a crown, is natural but they do not always wait the course of nature for the attainments of their wishes and the love of power too often furnishes instruments for any deeds however base. When we see shortly after the death of Sanga, the mother of his second son intriguing with Baber and bribing him with the surrender of Rinthumber the trophy of victory, the crown of the Malwa king to supplant the lawful heir, we can easily suppose she would not have scrupled to remove any other bar.

Tod's*History of Rajasthan, vol. I. P.P. 326-327.

“কুতব ! যুদ্ধের ভার তোমার উপর,
দেখো, যেন ক্রটি নাহি হয় আয়োজনে ;
নহে ইহা মামুদের মন্দির-লুণ্ঠন,
যুদ্ধ বীর সনে, ফল সাম্রাজ্যস্থাপন ।

বুঝ ভাবি' পাত্র, মিত্র, অমাত্যের মাঝে,
কোন কার্যে পটু কেবা ; অনুগামী সেনা
কা'র আছে কত ; রাজভক্তি কিবা কা'র ;
রণক্ষেত্রে, মন্ত্রগৃহে কিবা ব্যবহার ।

জীর্ণ অট্টালিকা 'পরে দেখিয়াছ তরু,
কেমন চালা'য়ে মূল, ভেদ করি' তা'য়,
নিষ্পেষিয়া লয় রস ; হিন্দুস্থানে গিয়া
ল'ব রস মোরা তা'র হৃদয়ে বসিয়া ।

বলেছিলু, উপযুক্ত হ'লে আয়োজন,
শ্যেন যথা পড়ে গিয়া কপোত মাঝারে,
পড়িব হিন্দুর দেশে ; এসেছে সময়,
কাল-ব্যাজ করা আর উপযুক্ত নয় ।

অধিকৃত আমাদের হয়েছে পঞ্জাব,
কর স্থির, কোন পথে যা'বে সেনাগণ ;
হিন্দু শ্রেষ্ঠ হস্তিবলে, মোরা তুরঙ্গমে,
রণক্ষেত্র নির্বাচনে পড়িও না ভ্রমে !”

উত্তরিলো তিন জন ; “দ্বিতীয় হারুণ
জাহাঁপনা ! হিন্দুস্থান লইব নিশ্চিত ।”
বিদায় করিয়া সবে, প্রফুল্ল অন্তরে,
চলিলেন মহম্মদ বিশ্বামের তরে

উত্তরিলে বক্ত্রিয়ার ;—

“প্রভুর আদেশ

শিরোধার্য্য ; কিন্তু শুনি মুসলমান প্রতি
দারুণ বিদ্বেষ, ঘৃণা হিন্দুদের মনে,
কি করিব, অকস্মাৎ বিরোধ-ঘটনে ?”

“নাহি চিন্তা,”

বক্ত্রিয়ারে কহিলেন ঘোরী ;—

“বলে যাহা সাধা নয় সাধিবে কোশলে ।
বিচারিলে ধর্ম্ম জয় নাহি হয় রণে ;
বিশেষতঃ কিবা ধর্ম্ম কাফেরের মনে ?”

ছুর্গম উচারগড় জান কি কোশলে
জয় করেছিনু আমি ? করিনু শ্রবণ,
রাজা, রাণী পরস্পর ঘৃণা করে মনে ;
শুনি' এক দাসী বাধ্য করিলাম ধনে ।

* বিধর্ম্মীর সহিত সত্য রক্ষা করা নিশ্চরোজন এই সংস্কার বহু মুসলমান বীরের চরিত্র কমলকম্পষ্ট করিয়াছে। বীরবর সের সার আদেশে রৈসিন ছুর্গে হিন্দুদিগকে হত্যা করা সম্বন্ধে মুসলমান ঐতিহাসিক এইরূপ লিখিয়াছেন ;—The siege was protracted for a length of time, and Poorunmul capitulated by which the garrison were permitted to march out with their arms and property. But Mirza Ruffeaooddin Sufvy, one of the learned men of that age, gave it as his opinion that it was by no means necessary to observe faith with infidels and recommended that the Rajputs should be attacked. Sher Shah having occupied the fort drew out the army and surrounding the followers of Poorunmul ordered his troops to cut them off. This brave hand, however, defended itself with such valour, that the deeds of Roostoom and Isfundyas might be deemed child's play, till not an individual of the Hindoos survived the horrid catastrophe.

Briggs' Ferista, Vol. II. P. 120.

হিন্দুগণও সত্যরক্ষাসম্বন্ধে সর্বত্র দোষমুক্ত নহেন। কিন্তু সে কথা উল্লেখ এখানে অপ্রাসঙ্গিক হইবে।

তা'র হাতে প্রেমলিপি দি'নু পাঠাইয়া,
দেখাইয়া অনুরাগ লিখি'নু রাণীরে,
যদি সে রাজারে বধি' খুলে দুর্গদ্বার,
করিব তাহারে মুখ্য মহিষী আমার ।

প্রত্যুত্তরে হতভাগী লিখিল আশায় ;—
'প্রবীণা হয়েছি আমি ; বিবাহের সাধ
নাহি মোর ; আছে কিন্তু ষোড়শী তনয়া,
বিবাহ করেন যদি প্রকাশিয়া দয়া,

সম্পদ, বিভব মোর যাহা কিছু আছে
থাকে যদি নিরাপদ, সপ্তাহ ভিতর,
বধিব রাজারে ।' আমি করি'নু স্বীকার :
পতিরে সে কালসর্পী করিল সংহার ।*

* Mahomed in the year 1176 led an army towards Mooltan, and having subdued that province marched to Oocha (It was at this place that Alexander was so severely wounded after scaling the walls, and where he so narrowly escaped with his life (Quint. Curt. lib IX, cap IV. V). The Raja was besieged in his fort : but Mahomed Ghoozy finding it would be difficult to reduce the place sent a private message to the Raja's wife, promising to marry her if she would deliver up her husband. The base woman returned for answer that she was rather too old herself to think of matrimony ; but that she had a beautiful and young daughter, whom if he would promise to espouse and leave her in free possession of her wealth, she would in a few days remove the Raja. Mahomed Ghoozy accepted the proposal and this princess, in a few days, found means to assassinate her husband, and to open the gates to the enemy.

এই মাতার ও কস্তার পরিণাম কি হইয়াছিল, তাহাও উল্লিখিত আছে :—

Mahomed only partly performed his promise by marrying the daughter upon her embracing the true faith ; but he made no scruple to depart from his engagements with the mother ; for instead of trusting her with the country, he sent her to Ghizay, where she afterwards died of sorrow and disappointment. Nor did the daughter long survive, for in the space of two years she also fell a victim to grief.

Briggs' Ferista, Vol. II. PP. 169-170.

অষ্টম সর্গ ।

“কৃতার্থ কৃতার্থ আমি তোমারে লভিয়া, প্রিয়ে !”
সংযুক্তার কর ধরি’ कहিলেন পৃথীরাজ,
উপবন-গৃহে বসি’ । উন্মুক্ত গবাক্ষ দিয়ে
জ্যোছনা পশিতেছিল বিরাম-প্রকোষ্ঠ মাঝ ।

যমুনা বহিতেছিল প্রাসাদের পাদমূলে ;
কে গাইতেছিল গান দূরে, তটিনীর তীরে ;
মলয় ভ্রমিতেছিল গন্ধ লাগি’ ফুলে ফুলে ;
আনন্দে নাচিতেছিল শশিবিন্দু নীল নীরে ।

“যে স্বর্গ লভেছি আমি তোমারে হৃদয়ে ধরি,
জানি না সে জীবনের কোন্ সুকৃতির ফল ;
রোগ, শোক, দুঃখজ্বালা কিছু আর নাহি ডরি,
হাসিতে উজল, প্রিয়ে ! হইয়াছে অঁখিজল ।

পৃথিবী নন্দন সন ; ভবন বৈকুণ্ঠধাম ;
লুপ্ত পুরাতন, বিশ্ব পরেছে নূতন সাজ ;
রাজ-ধর্ম্ম ঋষি-ধর্ম্ম আগে নাহি জানিতাম ;
অন্ন, জল সুধাপূর্ণ ; মানব দেবতা আজ ;

সেই দিন, সেই দিন দিবানিশি পড়ে মনে,
না লয়ে প্রণাম মোর যেদিন জনক তব
বিদায় করিলা মোরে ; ডাকি’ তুমি সংগোপনে
কহিলে, ‘তোমারি আমি জীবনে মরণে র’ব’ ;—

‘না হয় হ’বেনা দেখা, ক্ষতি কিবা বল তা’র’,
ব’লেছিলে, ‘প্রাণে প্রাণে হয় যদি বিনিময়!

কেবা দরশন চাহে, কেবা পরশন চায়,
সেই ত মিলন, সেই অপার্থিব পরিণয় ।’

অনুকূল বিধি, তাই, পাইয়াছি তোমাধনে,
যত দেখি, বাড়ে সাধ আর(ও) দেখি ; তৃপ্তি নাই ।
কি বলিব নাহি পারি বলিতে যা’ সাধ মনে,
কৃতার্থ, কৃতার্থ আমি, এই বলিবারে চাই ।

কিন্তু, প্রাণাধিকে ! তুমি বল মোরে একবার,
সুধাইব ভাবিয়াছি, সুধাইনি এত দিন,
মিটেনি কি সাধ তব ? কেন বারে অশ্রুধার ?
আনন্দের মাঝে চিত্ত কেন হেরি স্ফূর্তিহীন ?”

উত্তর করিলা সতী, ধরিয়া পতির কর,
মুকুলিত অঁখি দু’টি, কণ্ঠে গদ গদ ভাষ ;
“কমা কোরো অধীনীরে, কি বলিব, প্রাণেশ্বর !
ভগ্ন হয়ে আছে প্রাণ, মিটে নাই অভিলাষ ।”

“কি বলিলে ?”

জিজ্ঞাসিলা কোতূহলী পৃথ্বীরাজ ;
“আজ এ নূতন কথা কি এক শুনালে, প্রিয়ে ?
মিটে নাই কোন্ আশা ? বল মোরে, বল আজ,
মিটা’ব তা’ কহিতেছি, আমার এ প্রাণ দিয়ে ।”

কহিলা বিনয়ে সতী ;—

“শুন, তবে প্রাণেশ্বর !

তোমাতে লভিব পতি, বড় মনে ছিল সাধ,
কিন্তু আর(ও) সাধ ছিল, সাজ হ’লে স্বয়ংবর,
গিতা করিবেন দান ; ঘটয়াছে তাহে বাদ ।

মিটিয়াছে আধ আশা, আধ আশা মিটে নাই,
 লভিয়াছি পতিপ্রেম, পিতৃস্নেহ-বিসর্জনে ;
 দিবা নিশি প্রাণ মোর কেঁদে কেঁদে উঠে তাই,
 পুণ্যে করিয়াছি পাপ, শাস্তি তাই নাহি মনে ।

কত বাসিতেন ভাল আমারে যে পিতা মম,
 কি আর বলিব ? ভাবি অঁখি মোর ভাসে জলে ;
 ছিন্দু হৃদয়ের ধন, নয়নের মণি সম,
 ডাকিতেন নিদ্রাবেশে 'সংযুক্তা, সংযুক্তা' বলে ।

আমি না বাসিলে কাছে রহিতেন অর্দ্ধাহারে,
 আমি না রচিলে শয্যা রহিতেন অনিদ্রায়,
 পাত্র, মিত্র পরামর্শ যা' কিছু দিন না তাঁরে,
 কহিতেন ;—'জিজ্ঞাসিয়া এস কেহ সংযুক্তায় ।'

না জানি কতই ব্যথা পিতা পেয়েছেন মনে ;
 দেবতা আমার তুমি, লুকাইতে সাধ নাই ;
 সদা ভয়, অবিনীত, অকৃতজ্ঞ আচরণে
 বিধাতার কোপাবেশে, পাছে, কোন(ও) শাস্তি পাই

কিন্তু স্বাধীনতা মোর নাহি ছিল, প্রাণেশ্বর !
 আমি যাঁ'র, আপনারে করিয়াছি তাঁ'রে দান ;
 বলিয়াছিলেন পিতা, 'লভ, বৎসে ! যোগ্য বর'
 পালিয়াছি আজ্ঞা তাঁ'র, তবু কেন কাঁদে প্রাণ !

কি বলিব, কি দশায় রয়েছেন মা আমার,
 সেবিকা ছিলাম আমি, ছিন্দু স্ত্রী, সহচরী ;
 কহিতেন মোর কাছে দুঃখ, সুখ যত তাঁর,
 ভৎসনা করিলে পিতা, কাঁদিতেন গলা ধরি ।

শুভক্ষরী মায়ে যবে পূজিবারে দুইজনে
যাইতাম, ভক্তিভরে, অর্ঘ্য দিয়া মা আমার
কহিতেন ;—‘পারি যেন আসিতে ও শ্রীচরণে,
জামাতা, স্নাতারে লয়ে বিবাহান্তে সংযুক্তার ।’

বড় সাধ ছিল তাঁ’র, আমারে তোমার বামে
বসায়ে, ডাকিয়া যত অন্তঃপুরনারীগণে,
কহিবেন ;—‘দেখ সবে, দেখ মোর সীতারামে ;
কিন্তু আজ মোর তরে শাস্তি তাঁ’র নাহি মনে ।

আমি যে কৈশোর হ’তে ছিনু তোমাগত প্রাণ,
জানিত তা’ প্রিয়ব্রতা, জানিতেন মা আমার,
না জানিত অন্য কেহ ; সহি’ পিতা অপমান,
নানা ছলে মায়ে, এবে, করিছেন তিরস্কার ।

দিবানিশি বুক মা’র ভাসিতেছে অ’খি-জলে,
কহে লোক আসি’ মোরে ; হে মম হৃদয়নিধি !
ভাবিলে সে কথা প্রাণ পুড়ে যেন দাবানলে ;
এত সুখে এত দুখ কি হেতু দিলেন বিধি ?

ভাবি কভু, দৌহে মিলি’, কনোজনগরে গিয়া,
যা’ ইচ্ছা করুন পিতা পদাঘাত, অপমান,
করজোড়ে দুইজনে বলি তাঁ’রে বুঝাইয়া ;
‘ক্ষমুন ক্ষমুন, পিতঃ ! শ্রীচরণে দি’ন স্থান ।’

আবার কখন ভাবি, একা আমি সেথা যাই,
মায়ে, ঝিয়ে, দৌহে মিলি,’ পড়ি তাঁ’র শ্রীচরণে ;
যা’ কিছু বলিতে পারি বুঝাইয়া বলি তাই,
কি জানি কি ঘটে ভাবি’ সাহস না হয় মনে ।”

নীলব হইলা সতী । হেরিলেন পৃথীরাঙ্গ,
 নলিন-নয়ন হ'তে অশ্রু করে দরদর ;
 'অমনি আদরে টানি,' লইয়া হৃদয়মাঝ,
 'মুছায়ে নয়ন, চুম্ব দিলেন কপোল 'পর ।

কহিলেন ;—“প্রাণাধিকে ! কর দুঃখ সংবরণ
 শরসম অশ্রু তব বিঁধি'ছে আমার প্রাণ ;
 লজ্জিবারে বিধিলিপি পারে বল কোন্ জন ?
 তা' না হ'লে মাতামহ-দত্ত কেন ল'ব দান ?

শত দিল্লী এক দিকে, সত্য কহি, প্রাণেশ্বর !
 অশ্রু দিকে তুমি । করি' পাতার কুটীরে বাস,
 মধ্যাহ্নে শাকান্ন খেয়ে, জীর্ণ বস্ত্র অঙ্গে পরি,'
 তোমা ল'য়ে তৃপ্ত মোর হ'ত সব অভিলাষ ।

কিন্তু নাহি গতি এবে ; যদি দিল্লী দিতে চাই
 না ল'বেন পিতা তব ; চেন তুমি ভাল তাঁরে ।
 কি করিলে মিটে বাদ উপায় না ভেবে পাই,
 গুরুদেবে তাঁ'র কাছে পাঠায়েছি বারে বারে ।

গিতার সদৃশ মোর তোমার জনক যিনি,
 করিলেও পদাঘাত আশীর্বাদ ভাবি' ল'ব ;
 কিন্তু, প্রিয়ে ! কনোজের অধীশ্বর যথা তিনি,
 আমি তথা দিল্লীশ্বর, কেমনে বিস্মৃত হ'ব ?

সমগ্র চৌহানকুল চেয়ে আছে মোর পানে ;
 জানে তা'রা শৌর্যে, বীর্যে তাহাদের সম নাই ;
 আমি হ'লে নত, তা'রা কিন্তু হ'বে অপমানে ;
 কি বলিবে পাত্র, মিত্র, গোবিন্দ প্রাণের ভাই ।

শুনি, প্রিয়ে ! পিতা তব মোরে দণ্ডিবার ভরে
করি'ছেন আয়োজন, মিলি' জন্মুপতি সনে ;
দূত মম রাজ্যে তাঁ'র হেরিয়াছে তুর্ক-চরে,
এ সময়ে যাই যদি কি ভাবিবে লোকে মনে ।

ঘোষিবে রাঠোরগণ, করি' মোরে উপহাস,
অশুগ্রহপ্রার্থী আমি হইয়াছি প্রাণভয়ে ;
বিকিয়েছি স্বাধীনতা কনোজের হয়ে দাস ;
কেমনে এ অপবাদ স'ব দিল্লীপতি হয়ে ?

একা তোমা ছাড়ি' দিতে সাহস না হয় মনে,
অভিমাণে পিতা তব শিলা সম নিরদয়,
ব্যথিবেন প্রাণ তব নিন্দি' মোরে কুবচনে ;
হয় ত আবার হ'বে সতীলীলা-অভিনয় ।

রাঠোর-দুহিতা মাত্র নহ তুমি এবে আর,
চৌহানের রাণী তুমি, তুমি দিল্লী-অধীশ্বরী ;
তুল্য তব দুই পক্ষ ; বল তুমি দোষ কা'র,
করিব তা', যা' বলিবে, প্রেয়সি ! বিচার করি' ।”

নীরব রহিলা সতী, বাক্যহীন পৃথ্বীরাজ ;
অঁখি বারে উভয়ের, ভাষা নাহি ফুটে আর ।
চির দিন এই দেখি নিখিল ব্রহ্মাণ্ড-মাঝ,
স্বখে দুঃখ, দুঃখে স্বখ বিধি বিশ্ব-বিধাতার ।

নবম সর্গ ।

ভাদ্র-অমানিশা,

তিমির ভীষণা,

এসেছে ধরণীতলে ;

লুপ্ত গ্রহ, তারা,

ঢেকেছে আকাশ

ধূস্রবর্ণ মেঘদলে ।

থাকিয়া থাকিয়া

চমকে দামিনী,

বায়ু বহে শন্ শন্ ;

বজ্ররবে ঘন

কাঁপে গৃহ-দ্বার,

শব্দ তুলি' ঝন্ ঝন্ ।

অবিরল ধারে

বর্ষে কড়ু মেঘ,

স্তব্ধ কড়ু ঋণতরে ;

কাণায় কাণায়

ভরেছে ষমুনা,

স্রোত বহে বেগভরে ।

না হ'তে প্রহর

শূন্য রাজপথ,

রুদ্ধ গৃহস্থের দ্বার ;

না কলে অনল,

নির্বাণিত দীপ,

ঘনীভূত অন্ধকার ।

কিছুদিন হ'তে
প্রচার দিল্লীতে
কে যেন, নিশীথ হ'লে,
আঘাতিয়া বন্ধ,
ধায় রাজপথে,
'আয় আয় আয়' বলে ।

অটু অটু হাসি
হাসিয়া কখন(ও)
মহাবেগে ধায় ছুটি' ;

শুনিলে সে হাসি
নিদ্রিত যে জন
চমকিয়া বসে উঠি' ।

মানব কি প্রেত
নাহি বুঝে কেহ,
মূর্ত্তি অতি ভয়ঙ্করী ;

ধাইলে পশ্চাতে
মিলায় অঁধারে,
বিকট চীৎকার করি' ।

শবের কন্ডায়
ঢাকা অধোদেশ,
কণ্ঠে গাঁথা অস্থিমাল ;

দীর্ঘ, স্কুল জটা
পৃষ্ঠে বিলম্বিত,
সঙ্গে চলে ফেরুপাল ।

আনাভিলম্বিত

সুবিপুল স্তন

। গতিবেগে ঘন দোলে ;

কটিতে কিঙ্কিনী

বাজে পদক্ষেপে,

টুন্সু ঠুন্সু বুন্সু বোলে ।

কঙ্কলে, সিন্দূরে

বিলেপিত মুখ,

। "। নয়নে স্ফুলিঙ্গ বারে :

বিলোল রসনা

করে লক্ লক্,

কৃপাণ দক্ষিণ করে ।

বিদ্যৎ-প্রভায়

কেহ যদি কভু

। হেরে তা'রে একবার,

মূর্চ্ছিত হইয়া

পড়ে ভূমিতলে,

। বাক্য নাহি স্ফুরে আর ।

নগর-প্রহরী

যদি, কোন দিন,

পথে তা'রে দেখা পায়,

নত করি' অসি,

নমি' করযোড়ে,

অন্য পথে চলি' যায় ।

পরিত্যক্ত গৃহে,

জীর্ণ দেবালয়ে,

কিংবা কোন তরুতলে,

বসি' একাকিনী

করে আর্তনাদ,

'আয় তোরা আয়' বলে ।

নাহি বুঝে কেহ,

কা'রে ডাকে ভীমা.

কা'র তরে করে শোক ;

হতপুত্রা কেহ

হয়েছে পিশাচী,

' পরম্পর কহে লোক !

ক্রভঙ্গী করিয়া

রাজপুরী পানে

চাহি' কহে বার বার ;—

“আসিছে শমন,

থাকো থাকো থাকো,

দিন কত সুখে আর ।”

যমুনার তটে

বিকট শ্মশান,

অবিরাম চিত্তা বলে ;

অস্থিতস্থে ঢাকা,

শিবা-সমাকুল,

সেই দিকে ভীমা চলে ।

দূর হ'তে তা'র
 শুনি' কণ্ঠস্বর
 'আয় আয় আয় আয়'

অর্দ্ধদক্ষ শব
 ফেলি' শববাহী
 ভয়ে পলাইয়া যায় ।

শ্রোতে ভাসমান
 মৃত পশু তুলি'
 খড়্গে খণ্ড খণ্ড করি'
 পালিত জম্বুকে,
 ডাকি' নাম ধরি'
 ভোজ্যরূপে দিল ধরি' ।*

গলিত দেহের
 ছুর্গন্ধ বিকট,
 ঝর ঝর ক্লেদ ঝরে,
 অবিকৃত মুখ,
 অস্ত্র নিষ্কাশিয়া
 পিশাচী কর্তন করে ।

চিতাকাষ্ঠ জ্বালি',
 এদিক্ ওদিক্
 করি' মুহু অন্বেষণ
 অস্থিখণ্ড আনি',
 উলটি' পালটি',
 কহে ;—করি' নিরীক্ষণ ;

* অনেক সম্রাসী এখনও শূরাল পালন করিয়া 'শিবাবলি' প্রদান করিয়া থাকেন ।

“ছিলি তোরা বীর,

এ অস্থি কখন(ও)

তোদের দেহের নয় ;

মোর স্তন্যে যা'রা

বর্ধিত তা'দের

অস্থি কি এমন হয় ?

কতই শ্মশান

দেখিলাম খুঁজি'

মিলিল না কোথা, হায় !

মেঘের অস্থিতে

মাতঙ্গের দেহ

গঠন কি করা যায় ?

অস্থিগুলি যদি

পেতাম তোদের

বাঁচা'তাম মন্ত্রবলে ;

পাপিষ্ঠ চৌহান

ভস্ম করি,' তাই,

ফেলিয়াছে নদীজলে ।”

এত বলি' ভীমা,

আঘাতি' মলাট,

আঘাতিয়া বক্ষ'পর,

লাগিল কাঁদিতে ;

বহি' গণ্ডতল

অশ্রু' বরে দর দর ।

নরমুণ্ড আনি'

সাজায়ে আসন

বসিয়া তাহার 'পরে

'আয় দু'টী ভাই !

আয় আয় বলি',

পুনঃ, ডাকে উচ্চৈঃস্বরে ।

ধরি' দুই হাতে

স্তন আপনার

কহে ; - "তোরা কোথা, বাপ !

একবার এসে

টান্ মুখ দিয়ে

ঘুচুক মনের তাপ ।

কত জ্বালা সয়ে

জননী তোদের

মানুষ করিল যবে,

নিঠুর সস্তান !

ছুঃখিনী মায়েরে

ছাড়িতে কি হয় তবে ?"

রহি' স্তন কণ,

জটা আপনার

আকর্ষিয়া রোষভরে,

কহে ;—"দোষ নাই,

তোদের ভ, বাছা !

বীর বা'রা রণে মরে ।

কপট সংগ্রামে

যে নিষ্ঠুর শঠ

হরেছে তোদের প্রাণ,

দেখিব সে ধরে

কত পরমায়ু

কা'র বলে বলীয়ান্ ।

পেয়েছে সে রাজ্য,

পেয়েছে প্রেয়সী,

আছে বড় মনসুখে ;

নহে দিন দূর,

জ্বলিবে আশুন

‘ছ’জনার পোড়া মুখে ।

শমনের দূত

আসিয়া নিকটে,

বেড়াইছে ঘুরে ঘুরে ;

এইবার তা'রে

দেখাইব পথ,

প্রবেশ করুক পুরে ।”

চাহি নভঃপামে,

করজোড় করি’,

সজল নয়নে কর ;—

‘শ্মশান-কালিকে !

এস, মা আমার;

‘কেন হেন নিরদয় ?

কাল মেঘরূপে

অই যে আকাশে

উড়ে তব কেশরাশি ;

ঘন ঘর্ ঘর্

অই যে অশনি

ঘোষে তব অটুহাসি ।

নররক্তদানে

এতদিন তোমা'

করিনু যে আরাধন ;

কি ফল ফলিল ?

গ্রাসিলে আমার

হৃদয়ের ছুঁটা ধন !

অস্তুরযামিনি !

অস্তুরের ব্যথা

দেখ বুঝি একবার ;

পুরাও বাসনা,

নিজ মুণ্ড কাটি'

দিব পদে উপহার ।

বেতাল, ভৈরব,

ডাকিনী, পিশাচ,

ভূত, প্রেত, দানাদল ;

যে আছিস্ যেথা

আয় রে সকলে,

তাজি' শূন্য, জল, স্থল ।

প্রতিজ্ঞা আমার,
কহিতেছি, শোন,
পূরণ হইবে যবে,

খর্পর ভরিয়া
হৃদয়-শোণিত
পিয়াব পিয়াব তবে !”

শ্মশানেব প্রান্তে,
আদেশে বাজার
অনাথ মৃতের তরে

শুক কাষ্ঠরাশি
ছিল স্তূপীকৃত ;
আনি’ তাহা ধরে ধরে,

আপনার মনে
সাজাইয়া চিতা,
পিশাচী ডাকিয়া কয় ;

“হয়েছে, হয়েছে,
না না, হয় নাই,
দু’জনার যোগ্য নয় ।”

পুনঃ কাষ্ঠ আনি’
সাজায় আবার,
কহে পুনঃ মৃদুস্বরে ;

“পাগল কি আমি ?
সাজাতেছি চিতা
জীবিত জনের তরে ?”

এত বলি' ভীমা

'হাহা হাহা হাহা'

হাসিল বিকট হাসি

হেন কালে তথা

যুবা এক জন

'সম্মুখে দাঁড়া'ল আসি' ।

বীরত্ব-ব্যঞ্জক

সুগঠিত দেহ,

কৃপাণ দক্ষিণ করে ;

বর্তি বাম হাতে

জ্বলি' দপ্ দপ্

শ্মশানের তম হরে ।

নাহি ভীতিলেশ,

কৌতূহলী হয়ে

করে শুধু নিরীক্ষণ ;

ভাবে মনে মনে,

'হিন্দুস্থানে হেন

আছে আর কত জন।'

কহিল পিশাচী ;—

“এসেছিস্ তুই ?

সাহস ত দেখি বেশ !

তা' না হলে কেন

স্পর্ক হ'বে মনে

আসিতে হিন্দুর দেশ ।

ধর, এই ভস্ম,
আনু নদী হ'তে
অঞ্জলি ভরিয়া জল,
কেন মোর পিছে
বেড়াস্ ঘুরিয়া ?
কি চা'স্ জানিতে বল্ ।”

কহিল যুবক ;—
“ত্রিকালজ্ঞা তুমি,
বল ক'বে হ'বে জয় ;”

পিশাচী কহিল ;—
“হ'বে ভবিষ্যতে,
এখন কিছুতে নয় ।

নিজে বৃহস্পতি
কেন্দ্রস্থিত তা'র,
আছে বহু সুখভোগ ;

সিদ্ধি সর্ব কার্যে,
যাবৎ না ঘটে
প্রতিকূল গ্রহযোগ ।

কনোজনগরে
গিয়া একবার
দেখে আয় সাবধানে ;

কোন্ কোন্ গ্রহ
কোথা করে স্থিতি,
গোধূলির অবসানে ।

কহিস্ আসিয়া,
করিব গণনা

যুদ্ধজয় কবে হ'বে,

যা চলি' এখন"

এত বলি' ভীমা

ডাকে 'আয় আয়' রবে ।

কহিল যুবক ;—

"প্রহেলিকা বলি'

কেন ভুলাইতে চাও ?

বিদেশী পথিকে

সরল যে পথ

তা'ই দেখাইয়া দাও ।

শত্রু যে তোমার,

আমার সে শত্রু,

বলেছি ত বার বার ;

কহে শুনি লোক,

অজ্ঞেয় সে রণে ;

কিসে এত শক্তি তা'র ?

কহিল পিশাচী ;—

"আছে তারাগড়ে

দেবী এক শিলাময়ী,

চৌহান-স্থাপিতা ;

প্রসাদে তাঁহার

সমরে সে বিশ্বজয়ী ।"

যুবক কহিল ;—

“কিবা কহে শাস্ত্র ?

দেহ গেলে যায় প্রাণ ;

ভাসিলে প্রতিমা

থাকে কি তাহাতে

দেবতার অধিষ্ঠান ?”

ক্রভঙ্গী করিয়া

কহিল পিশাচী ;—

“দূর দূর, ছুরাচার !

ভাসিবি প্রতিমা ?

বন্ধদেশে তোর

হানিব এ তরবার ।”

সহসা আসিল,

ঝম্ ঝম্ ঝম্

মুষলধারায় জল ;

নিবিল আলোক,

গভীর অঁধারে

* ডুবিল শ্মশানভল ।

শ্রোতে ক্ষতমূল

তট-তরু এক

সশব্দে পড়িল জলে ;

পূরিল শ্মশান

চকিত ফেরর

কর্ণভেদী কোলাহলে ।

কহিল পিশাচী ;—

“অই আসে তা’রা,

শিবা করে আহবান ;

যা’ চলি,’ যা’ চলি,’

থাকিস্ না হেথা,

কি হেতু হারা’বি প্রাণ ?”

“চলিলাম এবে,

দেখা দিও পুনঃ”

এত বলি’ যুবা যায় ;

শুনে দূর হ’তে

কে যেন ডাকিছে,

‘আয় আয় আয় আয় ।’

দশম সর্গ ।

বিপুল সাগর-বারি বিদারি' যেমন
সিন্ধুচর মহানাগ জাগায় শরীর, *
তেমতি বালুকাসিন্ধু করি' বিদারিত
বিরাজে অর্কবলিগিরি রাজোয়ারাদেশে,
ব্যাপি' শতক্রোশাধিক । কোথা বক্রদেহ,
ঝঞ্জু কোথা, কোন স্থলে কুণ্ডলিতপ্রায়,
কোথা মগ্ন, অবিদূরে ভাসমান পুনঃ ।
শিরোমণি রূপে তা'র শোভে আজমীর,
শৈল-কিরীটিনী পুরী ; যুগ যুগাবধি,
একাধারে ধর্ম্যে, কর্ম্যে অতুল ভারতে ।

এই আজমীর-বন্ধে ভক্তিসরোরূপী
বিরাজিছে তীর্থরাজ সুধন্য পুষ্কর ;
দেশ দেশান্তর হ'তে, ব্যাকুলহৃদয়,
আসে যথা নর, নারী প্রক্ষালন তরে
কায়মনোগত পাপ । এই তীর্থতটে
আচরিলে মহাতপ, ব্রহ্মজ্ঞান আশে,
প্রত্যক্ষ পুরুষকার বিশ্বামিত্র ঋষি,
পুণ্যে, পাপে, জীবনের উত্থানে, পতনে
শিক্ষা দিয়া নরকূলে ইন্দ্রিয়-বিজয়,
ইচ্ছসিদ্ধি সাধ্য, যদি রহে দৃঢ়পণ । †

* সিন্ধুচর এই মহানাগ একে কিংবদন্তী মাত্রে পধ্যবসিত হইয়াছে । প্রাচীন নাবিক-
গণ বর্ণনা স্মরণ করিয়া এই উপমাটী প্রদত্ত হইয়াছে ।

† বিশ্বামিত্রোহপি ধর্ম্মায়া কুরোন্তেপে মহাতপাঃ ।
পুষ্করেষু, নরশ্রেষ্ঠ ! দশ বর্ষ শতানিচ । বালকাণ্ডম্ ।

এই আজমীর মাঝে, নাগশৈল' পরে,*
 আচরিলে তপ সেই মহাপ্রাণ ঋষি
 অগস্ত্য, স্বেচ্ছায় যিনি, ত্যজি' চিরতরে
 স্বদেশ, স্বজাতি, প্রাণ করিলে অর্পণ
 উদ্ধারিতে উপেক্ষিত অনার্য্য-সম্মানে ;
 রচি' শাস্ত্র, সৃজি' বিধি, নবীন জীবন
 সঞ্চারিলে দাক্ষিণাত্যে † প্রশাস্ত, সুন্দর
 এখন(ও) আশ্রম তাঁ'র বিরাজিছে হেথা ।

এই আজমীর মাঝে রাজা ভর্তৃহরি,
 জর্জরিত মনস্তাপে, করি' বিসর্জন

* রাজস্থানের ইতিহাসলেখক টড্ সাহেব আজমীরস্থিত নাগপাহাড় সম্বন্ধে এইরূপ লিখিয়াছেন ;—The serpent rock is also famed as being one of the places where the wandering Bhartrihari, prince of Oojein, lived for years in penitential devotion ; and the slab which served as a seat to this Royal saint has become one of the objects of veneration* * There are many beautiful spots about the serpent-mount, which, as it abounds in springs has, from the earliest times, been the resort of Hindu sages, whose caves and hermitages are yet pointed out. * * One of the latter, issuing from a fissure in the rock, is sacred to the Muni Agastya.

Rajasthan, Vol. I. p. 817.

† Tradition refers the commencement of literature in the Tamil country to the Brahman saint Agastya, the mythical apostle of the Deccan. The oldest Tamil grammar, the Tolkappiyam, is ascribed to one of his pupils.

I. Gazetteer Vol. II. P. 434.

আজমীরস্থিত অগস্ত্যাশ্রম বা অগস্ত্যজী সেখানকার একটি উল্লেখযোগ্য দ্রষ্টব্য স্থান । ভারতবর্ষে আরও কোন কোন স্থান মহর্ষি অগস্ত্যের সহিত সংসৃষ্ট আছে । দাক্ষিণাত্যের অগস্ত্যমন্ডলের সহ্য পর্বতের (পশ্চিম ঘাটশ্রেণী) একটি শৃঙ্গে মহর্ষি, এখনও, অদৃশ্যভাবে, বাস করিতেছেন বলিয়া প্রসিদ্ধি আছে ।

The orthodox believe that the sage Agastya Maharshi, regarded by modern scholars as the pioneer of modern civilization in Southern India, and the name-father of the hill, still lives on the peak as a yogi in pious seclusion.

I. Gazetteer Vol. V- P. 71.

সাম্রাজ্য, সম্ভ্রম, সুখ, কাটাইলা কাল
চীর, কমণ্ডলু লয়ে । “শতক” তাঁহার
এখনও মধুর রসে তৃপ্ত করে নরে ।*

এই আজমীর মাঝে দয়ানন্দস্বামী,
কন্স্মিষ্ঠ, নির্ভীক ঋষি, ব্যথিত-হৃদয়,
নিরখিয়া আৰ্য্যস্মৃতে বেদমার্গ হ’তে
পরিভ্রষ্ট, দৃঢ়পণে, ভ্রমি’ দেশে দেশে,
লাঞ্ছনা, গঞ্জনা, স্তুতি তুল্য উপেক্ষিয়া,
প্রচারিয়া বেদধর্ম, লভিলা বিশ্রাম ।

কিন্তু তপঃক্ষেত্র মাত্র নহে আজমীর,
প্রকৃতির রম্যোদ্যান ; ভূধরে, নিব্বরে
নিরন্তর চিন্তহারী । পার্শ্বে নগরীর
দাঁড়াইয়া নাগশৈল ; শ্যাম শোভাময়,
মুখরিত বিহগের মধুর সঙ্গীতে ;
সুমন্দ সমীরে স্নিগ্ধ ; বরষা-সঞ্চারে
ঝঙ্কত নিব্বর-রবে । অদূরে পুরীর
নীলগিরি, রত্নগিরি, গিরি স্বর্ণচূড়
প্রাচীর আকারে বেড়ি’ রক্ষিছে পুঙ্করে ।
মাতৃবক্ষে স্তন সম অমৃত-পূরিত
নগরীর মধ্যে শোভে রম্য হৃদয়,

* সংস্কৃত সাহিত্যে সুপরিচিত নীতিশতক ও বৈরাগ্যশতক প্রণেতা ভর্তৃহরি সৰ্বদে জন-
বাহা বলে, খ্যাতনামা অধ্যাপক C. H. Tawney তাঁহার Two centuries of Bharti-
নামক পুস্তকের উপক্রমণিকায় তাহা এইরূপ লিপিবদ্ধ করিয়াছেন ;—He is said to
been the brother of the celebrated Vikramaditya, who reigned at
Ayini, the capital of Avanti or Malwa, about the year 56 before
st. On discovering the faithlessness of his wife Anangasena he
me disgusted with the world, abdicated in favour of his brother
amaditya, and retired to the forest.

ই জনশ্রুতির ঐতিহাসিকতা সৰ্বদে মতভেদ আছে ।

আনাসরোবর তথা বিশাল সাগর,
চৌহানের পুণ্যকীর্তি । শিরে নগরীর
বিরাজিত তারাগিরি ; দুর্ভেদ্য প্রাকারে
পরিবৃত দুর্গ যা'র উচ্ছে তুলি' শির,
করে উপহাস দর্পী অরাতি-সৈনিকে ।

এই আজমীর তরে মহাযুদ্ধ কত
হিন্দু মুসলমানে, তথা মোগল পাঠানে,
রাজপুতে রাজপুতে, মার্হাঠা ইংরাজে,
ঘটিয়াছে যুগে যুগে * । প্রতি গিরি, নদী,
প্রতি শিলা, প্রতি রেণু কহিছে ইহার
গৌরব-কাহিনী কত, মন্মবিঘাতিনী
পাপ-পুণ্যময়ী কথা । রাজ-নিকেতন
হইয়াছে পান্থশালা ; হিন্দু দেবালয়
ধরেছে মসজিদ-মূর্তি । সর্বধ্বংসী কাল,
অতীতের চিহ্নগুলি মুছি' একে একে,
জানাইছে আধিপত্য । হে পাঠক ! যদি
তপঃক্ষেত্রে রণক্ষেত্রে চাহ দেখিবারে,
এস, মোয় সাথে, যাই আজমীর মাঝে ।

চৌহানের রাজপুরী শোভে আজমীরে,
দুর্ভেদ্য প্রাচীরে ঘেরা । শিলাময় পথ,
কোথাও বন্ধুর, কোথা চারু সমতল,
বেড়িয়া নগরী, খায় সে পুরীর পানে ।

* History tells us that from the twelfth to the nineteenth century, Ajmer has not only been the cynosure of all eyes, but has always adorned the brow of the victor in the race for the political supremacy in India. The possession of Ajmer by a power is the index to its political predominance in Upper India.

Ajmer. Historical and Descriptive, P. 147.

বিশেষ বিবরণঃসম্বন্ধে I. Gazetteer Vol. V. ১৪০-৪১-৪২ পৃষ্ঠা দ্রষ্টব্য ।

সুবিশাল সিংহদ্বার ; অসিশূলধারী
 ভ্রমে তথা পদাতিক । পুরীর মাঝারে
 অস্ত্রঃপুর, দেবালয়, বিরাম-উদ্যান,
 হস্তিশালা, অশ্বশালা, কোষ, অস্ত্রাগার
 বিরাজিছে যথাস্থানে । কোথা প্রেক্ষাগৃহে
 নর্তক, নর্তকী নাচে ; কোথা মল্লশালে
 ধূলি-ধূসরিত-দেহ যুবে মল্লদল ;
 কোথা দেবালয়ে উঠে বেদপাঠ-ধ্বনি ;
 সজীব সতত পুরী স্ফূর্তি, বল, সুখে ।

সে পুরীর মাঝে শোভে পাষণরচিত
 বিশাল প্রকোষ্ঠ এক । কারুকার্যময়
 উচ্চ স্তম্ভ, সারি সারি, বিরাজিছে তাহে,
 শিরোদেশে বহি' ছাদ । গত কতকাল ;
 কত ঝঞ্ঝাবাত, কত বরষার ধারা
 কত বংশধ্বংস, কত রাষ্ট্রীয় বিপ্লব
 সহি' সে প্রকোষ্ঠ আজ(ও) আছে দাঁড়াইয়া,
 গৌরবে, গান্ধীর্ঘ্যে করি' বিন্মিত দর্শকে । *

* আজমীরের সুপ্রসিদ্ধ আড়াই দিনকা ঝোঁপড়া পৃথীরাজের পিতামহ (কাহারও কাহারও
 ন তে জ্যেষ্ঠ পিতৃব্য) বিশালদেবের বা বিগ্রহরাজের নির্মিত । বিজ্ঞেতৃগণের আদেশে ইহার
 আকার এক্ষণে পরিবর্তিত হইয়াছে নাত্র । আজমীরের ইতিহাসলেখক এ সম্বন্ধে এইরূপ বলেন ;

— In its conception and execution, this building was a fit monument of
 the reign of Visaldeva. As a work it was an exquisite ornament of
 the capital of his empire. * * "For gorgeous prodigality of ornament,
 beautiful richness of tracery, delicate sharpness of finish, laborious
 accuracy of workmanship, endless variety of detail, all of which are due
 to the Hindu masons, this building", says General Cunningham, "may
 justly vie with the noblest buildings which the world has yet produced *"

* The name Adhai dinka Jhonpra was given to it as fakirs began to
 assemble here * * * to observe the Urs anniversary of the death of their
 leader Panjaba Shah which lasted for two and half days.

Ajmer Historical and Descriptive, pp. 68-69.

"ঐবিগ্রহরাজদেবেন কারিতমারতমসিঃ" কোদিত একধারি শিলালিপি, কিছু দিন হইল,
 ইহার মধ্যে আবিষ্কৃত হইয়াছে ।

বিশাল সে কক্ষ, রাজসভা নৃপতির ;
মধ্যস্থলে শোভে বেদী ; বেদীর উপরে
স্বর্ণময় সিংহাসন খচিত রতনে ।

প্রসারিত সভাতলে দিব্য আস্তরণ ;
তদুপরি পাত্র, মিত্র, অমাত্যের স্থান ।
দূরপ্রান্তে বিরাজিত আয়স বেঞ্চনী,
বিচারার্থী জন আসি' দাঁড়ায় সেখানে ।

জনপূর্ণ সভা আজ ! গজনী হইতে
এসেছে যবন-দূত লইয়া সংবাদ ;
তাই, সভাসদ-জন, উৎসুক হৃদয়ে,
হয়েছেন সমবেত । সিংহাসন 'পরে
উপবিষ্ট পৃথ্বীরাজ । মহিমমণ্ডিত,
প্রশান্ত, গস্তীর মূর্তি উজলিছে সভা ;
শিরে ঠাকু শ্বেতচ্ছত্র ; ধবল চামর
দোলায় কিঙ্কর পার্শ্বে । দক্ষিণে ভূপের
রাজগুরু ভূঙ্গাচার্য্য বসি' দিব্যাসনে ;
রাজমন্ত্রী, সেনাপতি, সাক্ষিবিগ্রহিক,
ন্যায়াধীশ উপবিষ্ট নিজ নিজ স্থানে ;
সসম্মমে পৌরজন দাঁড়ায়ে অদূরে ।

অনাবৃত কক্ষতলে, ভূপের সম্মুখে,
দাঁড়াইয়া দূতগণ । দৃঢ় কলেবর,
সুতপ্ত কাঞ্চন বর্ণ ; শ্মশ্রু-বিমণ্ডিত
বদনে দৃঢ়তা, গর্ব বাহিরিছে ফুটি' ;
নিবিড় কুঞ্চিত কেশ শোভে শিরোদেশে ;
বিশাল প্রোঙ্কল নেত্র ; উন্নত নাসিকা ।
সুদীর্ঘ উষ্ণীষ শিরে ; বন্ধ কটিদেশে

করবাল সারসনে ; দীর্ঘ শূল করে ;
লোমজ কণ্ঠকে বীরবপু সমাবৃত ।

সর্ব্ব অগ্রে হামজবী, * গস্তীর মুরতি,
সম্ভ্রমে নমিয়া ভূপে, ভূমি স্পর্শ করি,
কহিলা বিনীত ভাষে ;—

“গজনীর পতি,
প্রতাপে তপন, বীর মহম্মদ ঘোরী
প্রভু আমাদের, তিনি হ'ন দীর্ঘজীবী ।
আদেশে তাঁহার মোরা আসিয়াছি হেথা,
কহিব কি প্রয়োজন হ'লে অনুমতি ।”

কহিলা দ্বিতাবী এক দূতের বারতা ;
উত্তরিল পৃথ্বীরাজ ;—

“বল, দূত ! তুমি
নির্ভয়ে সন্দেশ তব ; চিন্তা নাহি কোন(ও) ;
অবধ্য, অদণ্ড্য দূত ক্ষত্রিয়ের নীতি ।”

বিনয়ে কহিলা দূত :—

“সুবিদিত তব,
মহারাজ ! ধর্ম্মমাত্র অবনীমণ্ডলে
নিত্য, সত্য ; রাজ্য, ধন যাহা কিছু আর
অনিত্য, অসত্য, শূন্য মরীচিকা সম ।
হজরত মহম্মদ বলেছেন, তাই,
পৃথিবীতে সত্য ধর্ম্ম করিতে প্রচার,
নরের উদ্ধার হেতু । আরব, স্রাণ,

* ইহার সব্বন্ধে ২০ পৃষ্ঠার পাঠটীকা দেখুন ।
কেরিতা তরায়ণের প্রথম বুদ্ধের পর, দ্বিতীয় বুদ্ধের পূর্বে, দূত প্রেরণের কথা লিখিয়াছেন ।
বার তাদৃশ বুদ্ধের পর এরূপ মৌত্যা ও প্রস্তাব বাতাবিক কিনা সন্দেহজনক । “আমি,
ঐতি, প্রথম বুদ্ধের পূর্বেই তাহা উল্লেখ করিয়াছি ।

তাতার, তুরুক্, রুম, মিসর, কাবুল
 একে একে, সত্যধর্ম্য করেছে গ্রহণ ।
 শুধু হিন্দুস্থানবাসী, ডুবি' মহাভ্রমে,
 ভুলি' এক অধিতীয়, মহান্ ঈশ্বরে,
 আছে মূর্ত্তিপূজা লয়ে । মূর্ত্তিকা, পাষাণে
 নিজ করে গড়ি' মূর্ত্তি, মাগে তাঁ'র কাছে,
 পরিত্রাণ, অচেতনে চেতন বিচারি' ।
 সত্যধর্ম্যসেবী, বীর প্রভু আমাদের
 বলেছেন, তাই, এই ভ্রম করি' দূর,
 লইবারে সত্য ধর্ম্ম । অভিলাষ তাঁ'র
 “আল্লা হো আক্ববর” ধ্বনি উঠে হিন্দুস্থানে ।”

নীরব হইলা দূত ! “আল্লা হো আক্ববর”
 শ্রুতিমাত্র সভাজন অঙ্গুলি-প্রবেশে
 রোধিলা শ্রবণপথ । ভূঙ্গাচার্য্য শুধু
 রহিলেন অবিচল ! সম্বোধিয়া দূতে
 জিজ্ঞাসিলা ;—

“বল, দূত ! বল বুঝাইয়া,
 কে তিনি, যাঁহার নাম উচ্চারিলে তুমি ।”

“তিনি এক, অধিতীয়, মহান্ ঈশ্বর”
 উত্তর করিলা দূত । শুধাইলা গুরু ;—
 “কোথা অধিষ্ঠান তাঁ'র পার কি বলিতে ?”
 কহিলেন হামজবী ;—

“পুণ্য স্ফর্গলোকে ।”
 “মর্ত্ত্য কি ঈশ্বরশূন্য তবে ? কহ, দূত !”
 জিজ্ঞাসা করিলা গুরু । চাহি' মুখপানে

কহিলেন হামজবী ;—

“না না কভু নয় ;
স্বর্গে, মর্ত্যে, সর্বস্থানে, বিরাজিত তিনি ।”

উত্তরিলে শুনি' গুরু ;—

“হেন জ্ঞান লয়ে
বুঝিবারে হিন্দুধর্ম কেন কর ভ্রম ?
শিখেছ তোমরা যাহা বর্ষ পঞ্চশত,
যুগ যুগান্তর হ'তে শাস্ত্র আমাদের
প্রচার করিছে তাহা । তোমাদের(ই) মত
জ্ঞানে হিন্দু, তিনি এক, তিনি অদ্বিতীয় ;
নাহি তাঁ'র দেহ, রূপ । চাহ কি শুনিতে
কি বলে মোদের শাস্ত্র ? কহিতেছি, শুন ;—

‘যা কিছু জগতে এই হের স্পন্দমান
উদ্ভূত তা' ব্রহ্ম হ'তে, তিনি বিশ্বপ্রাণ ।
অশব্দ, অস্পর্শ তিনি, অরূপ, অবায় ;
রসহীন, গন্ধহীন, অনাদি, অক্ষয় ।’*

বুঝিলে কি, দূত ! এই শাস্ত্রের বচন ?
নাহি পূজি মোরা জড় পাষণ, মৃত্তিকা ;
পূজি সেই অদ্বিতীয়, অনাদি, অরূপে ।

বিস্ময়ে কহিলা দূত ;—

“এই শাস্ত্র যদি
তোমাদের, কেন তবে পূজ নদী, গিরি ?”

* যদিহে কিছু জগৎ সর্বং প্রাণ একতি নিঃসৃতম্,

অশব্দমস্পর্শমরূপমব্যয়ং তথারসং নিত্যমগন্ধবচ বৎ ।

এই শ্লোকগুলি কঠোপনিষদের তিন্ন তিন্ন বসী হইতে এবং অনুবাদটা এককারকৃত
কঠোপনিষদের অনুবাদ-পুস্তক হইতে গৃহীত ।

কহিলেন রাজগুরু ;—

“শুন আর বার
শাস্ত্র-বাক্য, হ’বে দূর ভ্রম তোমাদের ।”

‘তিনিই আকাশচারী দেবতা তপন,
অস্তরীক্ষবাসী তিনি দেব সমীরণ ।
অগ্নি তিনি, বেদী মধ্যে বসতি তাঁহার,
তিনি সোমরস, স্থিত কলসমাবার ।
নররূপে, দেবরূপে তিনি বিরাজিত,
কিবা যজ্ঞে, কিবা ব্যোমে তিনি প্রতিষ্ঠিত ।
মুকুতা, মকর তিনি সাগরের জলে,
তিনি ত্রীহি, যব, বাহা জন্মে ধরাতলে ।
তিনি নদী জলময়ী, পর্বতবাহিনী,
তিনি সত্য, সুমহানু, সর্বময় তিনি ।’

“তিনি সর্বময়, তাই, সর্বভূতে মোরা
হেরি তাঁ’র অধিষ্ঠান ; সাকারের মাঝে
পূজি সেই নিরাকারে । হিন্দু পৌত্তলিক
যে কহে, সে ভ্রান্ত ; নাহি বুঝে ধর্ম তা’র !”

দূতগণ মাঝে সেখ মদিনানিবাসী
ছিল, তথা, একজন, কঠোর মুরতি,
দৃঢ়কায় ; রুক্ষ ভাষে কহিলেন তিনি ;—

“ধর্ম্মাচার্য্য ! হিন্দুধর্ম্ম বুঝাইলে ভাল ;
কিন্তু আসিবার কালে, পৃথ্বীরাজের তীরে,
দেখিলাম, শত শত হিন্দু নরনারী
করিভেছে স্নান, মোক্ষলাভ-অভিলাষে ।

জলে, স্থলে, অগ্নিমধ্যে, আকাশে, অনিলে
 ব্যাপ্ত তিনি বলি' যদি পূজ সর্ব্বাধারে,
 কেন পুঙ্কের জল সুপবিত্র এত ?
 পুঙ্করে আছেন তিনি, নাহি বিশালায় ?*
 “উত্তম কহিলে, সেখ !”

উত্তরিল গুরু ;—

“বাদ বিনা সন্দেহের মীমাংসা না হয় ।
 দিতেছি উত্তর ; কিন্তু বল অগ্রে তুমি,
 সর্ব্বব্যাপী বলি' তাঁ'রে তোমরা সকলে
 জান যদি, কেন তবে পশ্চিমাস্য হয়ে
 কর আরাধনা ? সেখ ! সর্ব্বব্যাপী যিনি,
 আছেন পশ্চিমে, নাহি পূর্বে, দক্ষিণে ?
 কেন মক্কা তীর্থ তবে ? অধিষ্ঠান তাঁ'র
 সর্ব্বদেশে, সর্ব্বভূতে । শিলা মাত্র কাবা,†
 কি হেতু তোমরা, বল, স্পর্শিতে সে শিলা,
 মিলে যবে যাত্রিদল মক্কার মসজিদে,
 হও ঘর্ষসিক্ত, কর হৃদয় পরস্পরে ?
 শুনি, মুসলমান কহে, যত দিন কাবা
 ছিল স্বর্গে, ছিল শুভ্র তুষ্ককেন সম ।

* আজমীরস্থিত বিশাল সাগরের প্রস্রাবিত নাম বিশলা বা বিশালা ।

† Kabah Lit. a cube. The cube-like building in the centre of the mosque at Makkah which contains the Hajarul Aswad or the black stone. ** The block is an irregular oval, about seven inches in diameter, with an undulating surface, composed of about a dozen smaller stones of different shapes and sizes. ** Ibn Abbas relates that the prophet said, the black stone when it came down from Paradise was whiter than milk but that it has become black from the sins of those who have touched it. (Mishkat book XI. Ch. iv. pt. 2.)

Hughes' Dictionary of Islam. PP. 256-57.

কিন্তু মর্ত্যে আসি' কাবা হয়েছে মলিন
 পাপীর পরশে । সেখ ! বিবেচক তুমি ;
 বল, জড় শিলা ধরে কি হেন শক্তি
 যা'র গুণে পাপে হয় বর্ণভেদ তা'র ?
 কি হেতু জম্জম্ কূপ সুপবিত্র হেন, *
 কেন কটু, রোগপ্রসূ সলিল তাহার
 পানে মুসলমান ভাবে ধন্য আপনারে ?
 বল বিচারিয়া তুমি ; পাইলে উত্তর
 কহিব, কি হেতু হিন্দু পূজে নদী, গিরি ।”

নিরুত্তর দূতগণ । বিমুগ্ধ বিস্ময়ে
 সভাজন রহে চাহি' তুঙ্গাচার্য্যপানে ।
 নতশিরে হামজবী কহিলেন তবে ;—

“ধর্ম্মাচার্য্য ! বৃথা তর্কে নাহি প্রয়োজন ;
 নাহি আজ্ঞা সুল্তানের । জানাইব আমি
 বলেছেন প্রভু যাহা ; কর্তব্যনির্ণয়
 করিবেন হিন্দ্ররাজ । † আদেশে প্রভুর
 কোরাণ, কূপাণ আমি আনিয়াছি সাথে ;
 রাখিনু উভয় এই । লইলে কোরাণ
 মদিনানিবাসী এই সেখ মহামতি
 করিবেন দীক্ষা দান । লইলে কূপাণ

* মকাহিত সুপ্রসিদ্ধ কূপ, ইহার জল সবদে এইরূপ উল্লেখ দেখা যায় । Captain Burton says it is apt to cause diarrhoea and boils and I never saw a stranger drink it without a wry face. ** Religious men break their lanten-fast with it, apply it to their eyes to brighten vision, and imbibe a few drops at the hour of death * * everywhere the nauseous draught is highly meritorious in a religious point of view.

Hughes', Dictionary of Islam, P. 701.

† হিন্দুরাজ হিন্দুদিগের বা হিন্দুহানের রাজা ।

লক্ষ অশ্বারোহী, লক্ষ পদাতিক সহ,
ঘিরিবে আজমীর, দিল্লী ;—যথা অভিরুচি ।

শুনেছেন আমাদের প্রভু লোকমুখে,
দিল্লীর অসংখ্য শত্রু আছে হিন্দুস্থানে ।
তাই বলেছেন তিনি ; সত্যধর্ম যদি
ল'ন বীর পৃথীরাজ, কেশাগ্র তাঁহার
স্পর্শিতে কাহার(ও) কভু না হ'বে শক্তি ;
কোটি মুসলমান প্রাণ দিবে তাঁ'র তরে ।
স্বেচ্ছায় বিপক্ষগণে করি' পরাজয়
পালিবেন সুখে রাজ্য । প্রভু আমাদের
না চান অপর কিছু ; চাহেন কেবল,
সত্য ধর্মের দীক্ষা, তাঁ'র প্রভুত্বস্বীকার ।”

নীরব, নিশ্চেষ্ট সভা । সহস্র নয়ন
প্রোজ্জ্বল হইল কিন্তু । বামা কণ্ঠধ্বনি,
কঙ্কণ-শিঞ্জন সহ, পার্শ্ব-কক্ষ হ'তে
সুস্পর্ষ হইল শ্রুত । আকর্ষিয়া অসি
চাহিল চৌহানগণ সিংহাসন পানে ।

কহিলেন পৃথীরাজ ;—আষাঢ় প্রথমে
নবীন নীরদ যেন গর্জ্জ্বল গগনে ;—
“শুন, দূত ! লহ গ্রন্থ, দাও তরবারী ।
কহিও প্রভুরে তব, জন্মজন্মান্তরে
থাকে যদি পুণ্য, নর জন্মে হিন্দুকুলে ;
পারে বুঝিবারে হিন্দুধর্মের মহিমা ।
হেন ধর্ম ত্যাগ আমি করিব স্বেচ্ছায় !
ধিক মোরে ! শত ধিক এহেন প্রস্তাবে !
নাহি অভিলাষ মোর ধর্ম অপরের

নিন্দিবারে ; কিন্তু, দূত ! জানিও নিশ্চয়,
 কি শাস্তি, কি তৃপ্তি আছে হিন্দুর ধরমে,
 জগতের স্রষ্টা, পাতা, হর্তা, প্রভু যিনি,
 নাহি যাঁ'র নাম, রূপ, জাতি, লিঙ্গ, দেহ,
 বাক্যমন-অগোচর, চিৎস্বরূপে সেই
 আরাধিলে মাতৃভাবে, প্রাণপ্রিয়-রূপে,
 ভক্তিপ্রীতিপুষ্পদানে, কি আনন্দ, দূত !
 জানে হিন্দুমাত্র তাহা ; না বুঝে অপরে ।
 না ছাড়িব ধর্ম আমি । কহিলে যে, দূত
 আছে বহু শত্রু মোর, মিথ্যা তাহা নয় ।
 কিন্তু প্রাণাত্যয়ে আমি দণ্ডিতে হিন্দুরে
 না ডাকিব মুসল্মানে । মুষিক যত্বপি
 করে উপদ্রব, তবে, কোন্ গৃহী, বল,
 ডাকে কালসর্পে তা'র বিনাশের তরে ?
 এই ধনুর্বাণ, এই মহাখড়গ মোর
 অক্ষম কি শত্রুজয়ে ? তাই তুরুরকের
 লইব আশ্রয় আমি ? ব্যর্থ বাহুবল ।
 কহিলে যে তুমি, দূত ! প্রভু তোমাদের
 না চা'ন অপর কিছু, চাহেন কেবল
 প্রভুস্বীকার ; কিন্তু প্রভু পরের
 করে যে স্বীকার, কিবা রহে তা'র মাঝে ?
 কি পার্থক্য পরাধীনে পালিত বৃষভে ?
 করি রজ্জুবদ্ধ প্রভু চালায় উভয়ে ।
 মৃতক্ষণ র'বে শ্বাস, স্বধর্ম, স্বদেশ,
 স্বাধীনতা ছাড়িব না, ছাড়িব না কভু ।
 এই মোর জন্মভূমি, মাতৃস্বরূপিণী

রাজোয়ারা, সুখধাম, নন্দনসদৃশ
 আজমীর, দিব আমি তুরূকের করে ?
 পুণ্যতীর্থে, তপোবনে বৈকুণ্ঠ সদৃশ
 যে দেশ, সে দেশ আমি করিব অর্পণ
 শত্রুভয়ে ? নিজদেশে পরদাস হয়ে
 করিব জীবনপাত ? ধিক্ সে জীবনে !
 লইলাম তরবারী ; কহিও প্রভুরে,
 হইবে সাক্ষাৎ দৌহে সমর-প্রাঙ্গণে ।
 কিন্তু বৃথা রক্তপাতে, সৈনিক-বিনাশে
 কিবা প্রয়োজন ? থাকে সাহস যদ্যপি
 আশুন দৈরথ-যুদ্ধে । ধনুর্বাণ, অসি,
 গদা, শূল, যাহা ইচ্ছা, করুন গ্রহণ ;
 অশ্বে, গজে, পাদচারে, যথা অভিরুচি,
 প্রস্তুত সমরে আমি । হ'বে বিনির্গীত
 দণ্ডমাত্রে বলাবল, জয়, পরাজয় ।”

নীরব হইলা ভূপ । সভাসদগণ,
 সুদীর্ঘ নিশ্বাস ছাড়ি', ভুঞ্জিলা অন্তরে
 কি যেন অপূর্ব শাস্তি । তুঙ্গাচার্য্য, তবে,
 সম্বোধিয়া দূতগণে, কহিলেন পুনঃ ;—

“শুন, দূত ! কহ গিয়া প্রভুরে তোমার,
 পাপী, ধর্মী যাহা হ'ক, হিন্দুস্থানবাসী
 করে নাই ক্ষতি তাঁ'র । কেন অকারণে,
 বীর তিনি, অহিংসক জনে হিংসা করি',
 অর্জিবেন মহাপাপ ? আত্ম-বধনায়,
 ধর্মপ্রচারের নামে, অধর্মপ্রচার
 কেন চা'ন করিবারে ? চাহে মুসলমান

রাজ্য, ধন, দাস, দাসী, ভোগ্য ইন্দ্রিয়ের ;
 তবে বৃথা ধর্মযুদ্ধ কিহেতু ঘোষণা ?
 বুঝিয়াছে হিন্দু, ধর্ম নহে তোমাদের
 একমাত্র লক্ষ্য ; ধন, প্রিয়-ধর্ম হ'তে ।
 প্রচারিতে ধর্ম যদি থাকে অভিলাষ
 ত্যাগী ধর্ম্যাচার্যগণে কহ প্রেরিবারে ।
 সংযম, বৈরাগ্য যুগ্ম অস্ত্র লয়ে করে
 করুন সংগ্রাম তাঁ'রা পাপাচার সনে,
 ফলিবে সুফল তাহে । সাদী, পদাতিকে,
 অসি, শূলে ধর্ম, কভু, না হয় প্রচার ।
 পঞ্চবিংশ বর্ষাধিক সুল্তান মামুদ
 উৎপীড়িলা হিন্দুগণে ; পর্বতপ্রমাণ
 কাঞ্চন, মুকুতা, মণি করিলা লুণ্ঠন ;
 কিন্তু কয় মুষ্টি তা'র নিয়োজিলা তিনি
 প্রচারিতে সত্যধর্ম কুধর্মীর মাঝে ?
 অবিভেদে নর, নারী, বাল, বৃদ্ধ, যুবা
 বধিলা, বাঁধিলা লয়ে দাসত্ব-শৃঙ্খলে ।
 কিন্তু, দূত ! বল তুমি, বিতরিলা তিনি
 সত্য ধর্ম কয় জনে । ধর্ম জ্ঞানে, প্রেমে ;
 নহে রক্তপাতে ; নহে লুণ্ঠনে, ভঞ্জে ।

* মহম্মদ যোরী ভারতবর্ষ হইতে যে অপরিসীম অর্থ লুণ্ঠন করিয়া লইয়া গিয়াছিলেন মুসলমান ঐতিহাসিকের নিম্নোক্ত উক্তি তাহার প্রমাণ :—

The treasure this prince left behind him is almost incredible. We shall only mention as an instance of his wealth, that he had in diamonds alone 500 muns (400 Lbs weight) ; the result of nine expeditions into Hindoostan from each of which he returned laden with wealth, excepting on two occasions.

কহিও প্রভুরে তব, হিন্দু দিবে প্রাণ,
 কিন্তু না ছাড়িবে ধর্ম । ধর্ম-ব্যপদেশে
 কেন এ অধর্ম যুদ্ধে অভিলাষ তাঁ'র ?
 ন্যায়দণ্ডে চরাচর হই'ছে শাসিত ;
 করে যদি পাপ হিন্দু, বিধির বিধানে,
 অবশ্য পাইবে শাস্তি । কিন্তু মুসলমান,
 শাস্তি দিতে তা'রে, যদি করে পাপাচার,
 অধর্ম ধর্মের নামে, না পা'বে নিষ্কৃতি ।
 অদ্য হ'ক, কল্য হ'ক, হ'ক যুগ পরে,
 অধর্মের প্রায়শ্চিত্ত অবশ্য ঘটবে ।
 কোথা মামুদের অর্থ ? বংশধর তাঁ'র
 আছে কি রক্ষিতে নাম ? কোথা সেনাদল ?
 ছায়াবাজী সম শূন্যে গেছে মিলাইয়া ।
 লুপ্ত গজনবী-বংশ ; * হিমাচল সম,
 অটল, এখন(ও) হিন্দু রহেছে দাঁড়া'য়ে ;
 রহিবে, যাবৎ র'বে চন্দ্র, সূর্য্য, তারা ।
 এই অভিযান, এই লুণ্ঠন, পীড়ন
 অকাল-জলদ সম হ'বে অন্তর্হিত ;
 নিজ মহিমায় দীপ্ত দিবাকর প্রায়
 হিন্দুই বিরাজমান রহিবে ভারতে ।
 আরব, তাতার, তুর্ক, যে আসুক হেথা,
 সিন্ধুবক্ষে নিপতিত বৃষ্টি-বিন্দু সম,
 লুকাইবে ; হিন্দুস্থান র'বে হিন্দু-স্থান ।
 নির্ভয়ে কহিও দূত প্রভুরে আপন,

* The race of Sabuktigin expired with this prince, (Khusrou Malik 1186 A. D.) Elphinstone's History of India, P. 357.

বিনা দোষে বক্ষে কার(ও) হানিলে ছুরিকা
শতধারে পড়ে তাহা যাতকের বুক ;
পাতকের প্রায়শ্চিত্ত বিধি বিধাতার ।”†


সুত্ৰ রাজদূতগণ । ডাকি’ অনুচরে
কহিলেন পৃথ্বীরাজ ;—

“যোগ্য পানাহার

দাও লয়ে দূতগণে ; পুরস্কার-দানে
করি’ তৃপ্ত, দিও পরে বিদায় সবারে ।”

বাজিল মধ্যাহ্ন-ভেরী সিংহদ্বার হ’তে ;
ভঙ্গ হ’ল রাজসভা । সভাজন যত,
আনন্দে, গৌরবে, দর্পে নমি’ গুরুদেবে,
নমি’ রাজপদে, সবে ফিরিলা ভবনে ।

† মহম্মদ যোন্নীর সন্ধে এ কথা ব্যর্থ হয় নাই । গক্করদিগের হস্তে তিনি অতি নিষ্ঠুর
ভাবে নিহত হইয়াছিলেন । মুসলমান ইতিহাসলেখক বলেন ;—The Gukkurs * *
sheathed their daggers in the king’s body, which was afterwards found
to have been pierced by no fewer than twenty-two wounds.



আজমীর চৌহান-রাজসভা গৃহ

একাদশ সর্গ ।

ফল্গুৎ-সবঅবসানে আজমীর নগর
ধরিয়ছে অভিনব বেশ মনোহর ।
আবির-কুকুম-রাগ নাহি সেথা আর,
গোরোচনা, হরিদ্রার হেরি অধিকার ।
অশোক-কিংশুক-ফুলে না শোভে ভবন,
চম্পকে, কাঞ্চনপুষ্পে গৃহের শোভন ।
যবাকুর, পুষ্প, দূর্ব্বা লয়ে পুরনারী,
গৌরীপূজাব্যগ্রা, পথে ধান সারি সারি ।*
“হোলী হোলী” রবে কেহ নাহি করে গান,
নারী-কণ্ঠে শুনি স্নধু গৌরীগুণ-তান ।
হরগৌরী-প্রতিমূর্ত্তি করায় গঠন,
পরায়ী মনোমত বসন, ভূষণ,
অঙ্গনে স্থাপিত করি' চন্দ্রাতপ-তলে,
কুমারী, সখবা মিলি' পূজেন সকলে ।

* এই গৌরীপূজা আজমীরের একটি প্রধান উৎসব এবং এক্ষণে “গাঙ্গোর” নামে পরিচিত । আজমীরের ইতিবৃত্ত-লেখক এ সম্বন্ধে এইরূপ লিখিয়াছেন ;—a number of other festivals are observed in Ajmer amongst which the chief is that of Gangaur which with the two Tej festivals are peculiar to Rajputana. These three are in reality ladies' festivals. The Gangaur festival in honour of Goury, wife of Siva, is celebrated by the Rajputs and Mahajans. It celebrates the conjugal felicity of Hindu households, and all virgins and married women take part in it * * It begins * * seven days after the Holy * * The places are decorated and ladies assemble and sing. Four times the images are taken out to the public gardens and brought back accompanied by music.

Ajmer Historical and Descriptive P. 19.

নারীর উৎসব, সেথা, নাহি হেরি নর,
 নৃত্যগীতে, সর্বকাৰ্য্যে, নারী অগ্রসর ।
 স্বাধীনা, সঙ্কোচহীনা, নাহি ভয়, লাজ,
 যা'র যথা অভিরুচি পরেছেন সাজ ।
 নর্তকী, গায়িকা কেহ, কেহ বাজুকরী,
 অভিনয়ে কেহ দেবী, গন্ধৰ্ব্বী, কিম্বরী ।
 সমররঙ্গিনী কেহ, উগ্রচণ্ডা ভীমা,
 নাচেন তাণ্ডবে, নাহি কৌতুকের সীমা ।
 গৌরী-গুণ-গীতি মাত্র মুখে সবা কার,
 গৌরীলীলা অভিনয়ে আনন্দ অপার ।
 কেমনে ছিলেন গৌরী শঙ্করের ঘরে.
 কথাচ্ছলে, কোন নারী শুনান অপরে ।
 কেমনে হইলা দেবী পতিমোহাগিনী
 শুনান সঙ্গীতে তাহা কোন সীমন্তিনী ।
 দিব্য বস্ত্র, অলঙ্কার করি' পরিধান
 মূর্ত্তি লয়ে কভু সবে বহির্দেশে যান ।
 সঙ্গে চলে বাজুকর, ভৃত্য, পরিজন ;
 ভৈজ্য, বস্ত্র, নানারূপ হয় বিতরণ ।
 দেখাইয়া পথে, ঘাটে, রাজ-উপবনে
 ফিরি' পুনঃ ল'ন গৃহে দীপালোক সনে ।
 এইরূপে গৃহে, গৃহে গৌরীপূজা হয়,
 প্রাসাদ, কুটীর সম মহোৎসবময় ।

আজমীর মাঝে শোভে বিশালসাগর, *
 বিশালদেবের কীর্ত্তি, রম্য সরোবর ।

* This beautiful lake ** was in ancient time one of the most notable features of Ajmer. It is an artificial lake oblong in shape built by the Emperor Visaldev. ** It is about two and a half miles in circumference.

দৃঢ়গাঁথা শিলাখণ্ডে বাঁধা চারিধার ;
 পূর্বে, দক্ষিণে রা'জে পর্বতপ্রাকার ।
 নির্ম্মল সলিল তাহে কাণায় কাণায় ;
 রাজহংস দলে দলে কেলি করে ত'ায় ।
 শোভে যুগ্ম দ্বীপ সেই সরোবর মাঝে,
 প্রাসাদ, মন্দির কত তথায় বিরাজে ।
 রাজেন্দ্র বিশালদেব, প্রতাপে তপন,
 নির্ম্মাণ করিলা তথা রম্য উপবন ।
 জ্ঞানে, বীর্য্যে অদ্বিতীয় ভূপতি ধীমান,
 রাখিলা যবনে জিনি' আর্ষ্যের সম্মান ।*
 দ্বীপ মাঝে তরুকুঞ্জ শোভে মনোহর,
 অবিরাম পিক সেথা তুলে কুহস্বর ।
 মাধবীমণ্ডপ চারু বিরাজে কোথায়,
 শুভ্র শিলাময় বেদী মধ্যে শোভা পায় ।
 বসন্ত-আগমে সেই রম্য উপবন
 নন্দনকানন-শোভা করেছে ধারণ ।
 পাদপে, পাদপে শোভে নানাজাতি ফুল,
 মধুলোভে ঝঙ্কারিয়া ভ্রমে অলিকুল ।

The surrounding embankment was faced in stones with steps leading to the bottom of the lake. Temples and houses stood all round, and there were two islands in the lake on which stood palaces for the king * * fit to adorn the capital of an Emperor distinguished as much for letters as for valour. This splendid place appears to have been partly destroyed because of the temples standing there during the early Mahomedan invasions. Ajmer, Historical and Descriptive, P. P. 65-66.

* The famous Sibalik pillar (Firoz shah Ki Lat) inscription dated 1163 A.D. stating that he had cleared the country of the Musalmans and made it again Arya-Bhumi, * * He was as great a scholar and poet as he was a warrior and his drama Harkeli Natak is a composition not unworthy of Bhavabhuti. Ibid PP. 153-154.

বিশালদেব সম্বন্ধে তির তির পাদটীকা দেখুন ।

রসালমঞ্জরী হ'তে মধুধারা করে,
 চম্পক, বকুল ফুটি' সৌরভ বিতরে ।
 বিলাসতরঙ্গী কত পতাকা-শোভিত,
 দ্বীপের চৌদিকে এবে হয়েছে মিলিত ।
 তরঙ্গীমাঝারে বসি' পুরনারীগণ
 করিছেন মহোৎসবে গৌরী-সঙ্কীৰ্ত্তন ।
 কুসুম-স্বাস লয়ে মধুর মলয়,
 হৃদবক্ষে উন্মি তুলি,' মৃদু মৃদু বয় ।
 দোলে তরী, নাচে কেতু সমীরণ-ভরে,
 হিল্লোল সলিলে উঠে, উঠে গীতস্বরে ।
 নূপুর-শিঞ্জন, মিলি' কলকণ্ঠ সনে,
 তালে তালে উঠে, পড়ে তরঙ্গকম্পনে ।
 কি আনন্দধাম ঝাঁপ ছিল একদিন,
 হায়রে কালের গর্ভে সকল(ই) বিলীন !
 স্তব্ধ বেণুবীণারব, ভেরীর নিঃস্বন ;
 নাহি বেদপাঠ, পূজা, উৎসব, কীর্ত্তন ।
 নীরবতা মাত্র এবে বিরাজে তথায়,
 ক্রোধের কর্কশ কণ্ঠ, কভু, শোনা যায় ।
 লুপ্ত পুরী, উপবন ; স্মৃতি আছে পড়ি' ;
 ভগ্ন শিলা মাত্র এবে যায় গড়াগড়ি ।*
 পাষণ-রচিত হরগৌরীর মন্দির
 দ্বীপতট হ'তে উর্দ্ধে তুলিয়াছে শির ।

* বিশালসাগরে ছোট, বড় দুইটি দ্বীপ, ধ্বংসশেষ অবস্থায়, এখনও বর্তমান আছে । বড়টির পরিমাণ ফল প্রায় পনের বিঘা এবং ছোটটির পরিমাণ ফল প্রায় পাঁচ বিঘা হইবে । তাহাদিগের পূর্বশোভা এখন কিছুই নাই । বিশালসাগর ও তন্মধ্যস্থ দ্বীপগুলির বর্তমান অবস্থা দেখিলে সাধুভক্ত রূপসনাতনের বাক্য স্মরণ হয় ।

“যদুপতেঃ ক গতা মথুরাপুরী, রথুপতেঃ ক গতৌত্তরকোশলা,
 ইতি বিচিন্ত্য কুরুষ মনঃ হিরং, ন সদিদং অগদিত্যবধারয় ।”

শুভ্র শিলাময় সেই মন্দির-প্রাঙ্গণে
 সন্মিলিতা আজ যত পুরনারীগণে ।
 রাজ্ঞী, রাজবধু, কেহ রাজার নন্দিনী,
 নিমন্ত্রিতা সভাসদ-সচিব-গৃহিণী ।
 গৌরীপূজা শেষ আজ, তাই সর্ববজনে
 এসেছেন প্রণমিতে দেবীর চরণে ।
 বিচিত্র বসন অঙ্গে শোভে সবাংকার,
 পরিধান রত্নময় দিব্য অলঙ্কার ।
 অপূর্ব ভূষণচ্ছটা ঝলসে নয়ন,
 ততোধিক আভা ঢালে রূপের কিরণ ।
 অঙ্গের বরণ তপ্তকাঞ্চননিন্দিত,
 পুষ্ট, পরিপূর্ণ দেহ, কিবা সুললিত ।
 পীন, সমুন্নত বক্ষ নেত্রতৃপ্তিকর,
 বিপুল নিতম্ব, উরু সুগোল, সুন্দর ।
 গ্রীবা, বাহু মরি কিবা বর্তুল গঠন,
 রক্ত ওষ্ঠাধর, স্ফুট স্ননীল নয়ন ।
 কি আনন্দ, কিবা স্ফূর্তি ব্যক্ত মুখে করে,
 পদক্ষেপে সজীবতা, লাভ্য নিঃসরে ।
 নাহি দেহে রোগচিহ্ন, মুখে শোকচ্ছায়া,
 পৌত্রবতী নারী, তবু দৃঢ়া, ঋজুকায়ী ।
 কোমলে কাঠিন্য ভরা, কাঞ্চননলিনী, *
 বীরসুতা, বীরজায়া, বীরপ্রসবিনী ।
 হেরি' সে রমণীদলে মানসনয়নে
 বঙ্গনারীমূর্ত্তি পড়ে কবির স্মরণে ।

* ক্রবং বপুঃ কাঞ্চনপদ্মনির্মিতং
 যুহু প্রকৃত্যা চ সসারমেব'চ ।

রোগে শীর্ণা, গণ্ড, ওষ্ঠ লৌহিত্য-বিহীন ;
 নয়ন কোটরগত, করপদ ক্ষীণ ।
 নাহি স্ফূর্ত্তি, নাহি তেজ, দেহে নাহি বল ;
 কি অব্যক্ত মনস্তাপে নয়ন সজল ।
 কৈশোর না হ'তে শেষ গ্রাসিয়াছে জরা,
 অকাল-মাতৃহে কুব্জা, সজীবনে মরা ।
 শিশির-সম্পাত শুষ্কা নলিনীর প্রায়,
 লালিত্য, লাবণ্য, পুষ্টি বিরহিত কায় ।
 এই যদি আমাদের মাতৃদেবীগণ,
 কি বিস্ময় ধ্বংস দ্রুত দিলে দরশন !

নারীর সমাজ, নাহি অগ্নি কোন নর,
 তুঙ্গাচার্য্য বসি' শুধু বেদীর উপর ।
 বয়সে, গান্ধীর্ষ্যে, জ্ঞানে, তপঃ-সাধনায়
 দেশপূজ্য গুরু, সবে নত তাঁ'র পায় ।
 রোগে চিকিৎসক তিনি, শাস্তিদাতা শোকে,
 আবালবনিতাবৃদ্ধ পূজে সর্বলোকে ।
 মন্ত্র-গৃহে, অস্ত্রঃপুরে সর্বত্র গমন,
 এসেছেন কহিবারে আশিস্বচন ।
 প্রণমি' চরণে তাঁ'র নারীগণ সবে
 যথাযোগ্য স্থানে গিয়া বসিলা নীরবে ।

অনুপমরূপা সেই নারীগণ মাঝে
 দু'জনার 'পরে নেত্র সবার বিরাজে ।
 প্রথমা ভূপের স্বস্যা, পৃথা গুণবতী,
 দ্বিতীয়া, সংযুক্তা, রাজলক্ষ্মী মূর্ত্তিমতী ।
 রাজর্ষি সমরসিংহ, চিত্তোরাধীশ্বর,
 জ্ঞানে, বীর্ষ্যে অদ্বিতীয় ভারত ভিতর ।

হেরি' তাঁ'র শিবমূর্তি, যোগ, আরাধন
 “যোগীন্দ্র” বলিয়া তাঁ'রে কহে সর্বজন । *
 তাঁ'র পত্নী পৃথা, আজ, পূজা-নিমন্ত্রণে,
 এসেছেন আজমীরে, ভ্রাতার ভবনে ।
 যথা পতি তথা পত্নী, উভয়ে সমান,
 নাহি কস্মি উভয়ের বিনা যজ্ঞ, দান ।
 সম্পদ, ঐশ্বর্য্য কত গণনা না হয়,
 আকৃষ্ট, আসক্ত চিত্ত কিন্তু তাহে নয় ।
 এসেছেন পৃথাদেবী তপস্বিনী-বেশে,
 গৈরিক বসনা, বেণী দোলে পৃষ্ঠদেশে ।
 বিনা অলঙ্কারে দেহ কিবা শোভা পায়,
 অঙ্কিত ললাট, বাহু বিভূতি-রেখায় ।
 শঙ্খের বলয় তাঁ'র বিরাজিত করে,
 পদ্মবীজমাল্য কণ্ঠে কত শোভা ধরে !
 বদনে মাতৃহৃ ব্যক্ত, মধুরহাসিনী,
 উমা যেন তপোনিষ্ঠা, যৌবনে যোগিনী ।
 সংযুক্তা আনন্দময়ী পতির আদরে,
 গর্ভ, স্ফূর্তি, প্রীতি যেন বদনে না ধরে ।
 অধরে প্রস্ফুট হস্ত, উল্লাস নয়নে,
 ভূষিছেন সর্বজনে প্রিয় সস্তাষণে ।
 যে অঙ্গে যা' শোভা পায় বসন, ভূষণ
 পরেছেন পতিব্রতা করিয়া বতন ।

* সর্ষি ঙ্গ সর্ষসিংহের বেশভূষা এবং উপাধি সর্ষে এইরূপ উল্লেখ আছে : A simple neck-lace of the seeds of the lotus adorned his neck ; his hair was braided and he is addressed as Jogindra or chief of ascetics.

রতন-মুকুটে তাঁ'র স্ফোভিত শির,
 রুণু রুণু বাজে পদে মুখর মঞ্জীর ।
 ককণে, কেয়ুরে ভুজ্জ কিবা শোভা পায়,
 উজ্জলে কপোল, কর্ণ-কুণ্ডল-প্রভায় ।
 গজমুকুতার হার বিরাজিত গলে,
 চমকে দামিনী মণি-খচিত অঞ্চলে ।
 সীমন্তে সিন্দূরবিন্দু করে ঝলমল,
 অলঙ্কারে শোভে চারু চরণযুগল ।
 নিরখিয়া নারীগণ করেন বিচার,
 কৈলাস ত্যজিয়া গৌরী সম্মুখে সবার !

পূজাবিধি ক্রমে সব হ'ল সম্পূরণ,
 এইবার গৌরীকথা হবে সঙ্কীর্তন ।
 পৃথা দেবী, ছোট রাণী করিবেন গান,
 উভয়ের মুখপানে সর্বজনে চাঁন ।
 সকলের মনোগত বুদ্ধি' অভিপ্রায়
 নতশিরে পৃথাদেবী দাঁড়ান সভায় ।
 একতন্ত্রী বীণা করে করিয়া গ্রহণ
 আরম্ভ করিলা দেবী গৌরী-সঙ্কীর্তন ।

“দক্ষযজ্ঞ হইল শেষ,

পিলাকপাণি পাগল বেশ,

ভ্রমিতে লাগিলা দেশ, দেশ

পরানপ্রিয়র কারণে ।

চক্রচ্ছিন্ন সতীর দেহ

খুঁজিতে ধান, ত্যজিয়া গেহ,

সঙ্গী অপর না আছে কেহ,

একাকী ভুধরে, কাননে ।

অদ্ভি কোথা তুলিয়া শির,
তটিনী কোথা গভীরনীর,
সাগর কোথা বিশালতীর,

দাঁড়ায়ে সেখানে কাতরে ;

“বক্ষে আয়, আয়রে, সতি !”
ডাকেন উচ্চে প্রমথপতি,
অবশ তনু, বিভোলমতি,

নয়নে সলিল নিঃসরে ।

চূতকুঞ্জে কোকিল গায়,
ডাকেন ভব ‘আয় রে আয়,’
দামিনী যদি মেঘে লুকায়,

অঁখিতে নিমেষ না রহে ।

ছিন্ন, শুষ্ক হেরিলে লতা
হৃদয়ে জাগে সতীর কথা,
ছুটেন ভাবি’ শ্মশান যথা

তনু যেন তাঁ’র না দহে ।

মাস, বর্ষ চলিয়া যায়,
ডাকেন শুধু ‘আয় রে আয়,’
কি ব্যথা তাঁ’র হৃদয়ে হায় !

বুঝিবে অপরে কেমনে ।

শাস্ত্র ক্রমে প্রমথপতি,
বুঝিলা বিশ্বে ব্যাপিয়া সতী ;
জীবে চেতনা, জড়ে শক্তি

বিরাজে তাঁহারি কারণে ।

পৃথীরাজ ।

হেথা সতী হরের তরে
 জন্মিলা গিরিরাজের ঘরে ;
 বরণ হেরি' আদর করে
 গৌরী সবে তাঁ'রে ডাকিত ;

মুগ্ধচিত্ত অচলবাসী
 নিরখি' নেত্রে সে রূপরাশি,
 কি দেহভঙ্গী, কি চারু হাসি,
 জন্মিলা ভবানী ভাবিত ।

শ্রাস্ত, ক্লান্ত ভ্রমিয়া হর
 আসিলা ক্রমে হিমভূধর,
 বিজনে বসি' পাষণ'পর,
 লইলা কঠোর সাধনা ;

ধ্যানে বিধি না পান যাঁ'রে,
 বর্ণিতে গুণ বচন হারে,
 না জানি, তিনি ভাবেন কা'রে,
 কিবা মনোগত কামনা ।

বার্তা শুনি' অচলরাজ
 চলিলা সেই শিখর মাঝ ;
 গৌরী লইয়া সখী-সমাজ
 চলিলা ভেটিতে শঙ্করে ।

ধ্যানমগ্ন বসি' ঈশান,
 না বহে শ্বাস, না আছে জ্ঞান,
 অঙ্গ রক্তগিরি সমান
 উজলিছে হিম ভূধরে

ভালে শোভে তরুণ ইন্দু,
জটা-জড়িত ত্রিদশমিন্ধু,
ক্ষরিছে নেত্রে করুণাবিন্দু,
দূরিত জীবের চিস্তনে ।

মুগ্ধা গৌরী নিরখি' ভবে,
কহিলা নিজ জনকে তবে,
'ধন্য আমার জনম হ'বে
এ পদ-কমল সেবনে ।'

আজ্ঞা লভি' হরষভরে
গৌরী নিয়ত সেবেন হরে ;
সাজায়ে অর্ঘ্য আপন করে
সংপিতেন, পদ পূজিয়া ।

মাতা তাঁ'র করি' যতন
পরা'ত কত বেশ, ভূষণ,
কবরী করি' ফুলে শোভন,
মৃগমদে তনু মাজিয়া ।

হানুসম বসিয়া হর,
চিন্ত আপন সাধনা 'পর
বগত ক্রমে কত বৎসর,
না হেরেন তাঁ'রে লোচনে ।

গৌরী মনে করি' বিচার
লিলা নিজ মুকুট, হার,
শাভিল শিরে জটার ভার,
ভূষিতা বিভূতি-ভূষণে

পৃথ্বীরাজ ।

প্রীত প্রভু মেলিলা দৃষ্টি,
 বিশ্বে হইল অমৃতবৃষ্টি,
 দেখিলা নেত্রে নূতন সৃষ্টি,
 সতীধন তাঁ'র দাঁড়া'য়ে ;
 কোথা, সতি ! ছিল রে বল
 আয়রে প্রাণ কর্ শীতল,
 বলিয়া মুছি' নয়নজল

ধরিলেন বাহু বাড়ায়ে ।
 ধন্য জন্ম করিয়া জ্ঞান
 গৌরীরে রাজা করিলা দান ;
 নিখিল বিশ্বে উঠিল তান,—
 'জয় গৌরী হরভাবিনী ।'
 গৌরী সমা না আছে সতী,
 লভিলা গুণে ভুবনপতি,
 চরণে এস করি প্রণতি,
 মিলি' যত কুলকামিনী ।"

মুঞ্চচিত্তা নারীগণ কীর্তন শ্রবণে,
 সংযুক্তার পানে চান উৎসুক নয়নে ।
 আরক্ত কপোল লাজে সংযুক্তাসুন্দরী
 দাঁড়াইলা গৌরীপদে প্রণিপাত করি' ।
 আপনার প্রিয় বীণা বাহু 'পরে লয়ে
 আরম্ভ করিলা গীত পূতচিত্তা হয়ে ।
 আকাশ প্লাবিত করি' উঠে কণ্ঠস্বর ;
 শ্রবণে বসুধা মুঞ্চা, স্তব্ধ বায়ুস্তর ।
 নাহি বীণা, নাহি কণ্ঠ, অভিন্ন উভয় ;
 মুচ্ছ'না, ঝঙ্কার সম ; সম তান, লয় ।

কেমনে ছিলেন গৌরী কৈলাস-ভবনে
আনন্দে শুনান সতী পুরনারীগণে ।

“মন্দ মলয় বয়, কোকিল কুহরয়
মোদিত হেরি ঋতুরাজে ;
নীল গগন’পর শোভিত শশধর,
চৌদিকে তারাগণ সাজে ।
সুন্দর মধুমাস, অঙ্গে হরিত বাস
অঞ্জলি রচি’ ফুলজালে ;
গৌরী-চরণ-তলে হর্ষে পাদপদলে
নীরবে উপহার ঢালে ।
মধুকর; গুঞ্জরি’, সহকার-মঞ্জরী
চুন্ডিয়া, পিয়ে মকরন্দ ;
আধ মুকুল খুলি,’ চম্পকফুলগুলি
কৈলাসে বিতরে সুগন্ধ ।
রতন বেদী’পর বিরাজিত শঙ্কর,
গৌরী বামেতে সুখাসীনা ;
কিন্নর গায় গান, বো বো বোম্ উঠে তান,
বাজে মুরজ, বেণু, বীণা ।
কার্ত্তিকে লয়ে সাথ আসিয়া গণনাথ
গৌরীরে কহে হেন কালে ;—
‘দারুণ ক্ষুধানলে অশ্ব ! শরীর জ্বলে,
পায়স পূরি’ দেহ থালে ।’
না হ’তে কথা শেষ, ভূঙ্গী বিকট বেশ,
তাল, বেতাল, ভূত সঙ্গে,
‘মা মা’ বলি’ ডাকিয়া, ঘন ঘোর হাঁকিয়া,
অন্ন মাগিল নাচি’ রঙ্গে ।

নৃপতির জ্যেষ্ঠা পত্নী ছিল সেথা ঝাঁ'রা,
 সংযুক্তাই পতিযোগ্যা বিচারেন তাঁ'রা ।
 পূজ্যা কুটুম্বিনীগণ, চুম্ব করি' দান,
 আলিঙ্গনে, সম্ভাষণে, বাড়ান সম্মান ।
 থাকুক অন্যের কথা, আচার্য্য বিষ্ময়ে
 “ধন্যা ধন্যা !” ক'ন মুহু পুলকিত হয়ে ।
 নতশিরে গুণবতী বসিলা আসনে ;
 আচার্য্য সম্বোধি', তবে, ক'ন নারীগণে ;—

“গৌরী-লীলা আদি, মধ্য করিলে শ্রবণ,
 অস্ত্য যাহা তাহা আমি কহিব এখন ।
 চরাচর ব্যাপি' গৌরী করিছেন স্থিতি,
 সঙ্ক-রঙ্গ-তমোময়ী ত্রিগুণা প্রকৃতি ।
 সঙ্ক-গুণময়া গৌরী, উমা তপস্বিনী,
 রজোগুণময়ী গৌরী, অন্নদা গৃহিণী,
 তমোগুণময়া গৌরী, কালী খড়্গধরা;
 অশ্বরনিধনরতা, ভক্তদুঃখহরা ।
 অরিশিরমালা তাঁ'র গলে শোভা পায়,
 বিলোলরসনা রিপু-শোণিত-তুষায় ।
 নবঘন কেশজাল উড়ে পৃষ্ঠ'পরে,
 বালেন্দু ললাট মাঝে কিবা শোভা ধরে !
 বরাভয় অসি তাঁ'র শ্রীকরে শোভিত,
 মাতৈঃ মাতৈঃ রবে ভুবন কম্পিত ।
 রুধিরে রঞ্জিত মা'র অভয় চরণ
 কোটি-কোকনদ-কাস্তি করে প্রদর্শন ।
 লজ্জাভরণহীনা দেবী, ক্রকুটীভীষণা,
 যুদ্ধজয়ে, মহোন্মাদে, নৃত্যপরায়ণা ।

এসেছে হিন্দুর মহা সঙ্কট সময়,
 জননীর এই রূপ মনে যেন রয় ।
 সমররঞ্জিণী মায়ে চিন্তে করি' ধ্যান
 কি আনন্দ রণক্ষেত্রে বিসর্জিলে প্রাণ !
 দাহির ব্রাহ্মণ, কিন্তু মহিষী তাঁহার
 দেখাইলা ক্ষত্রিয়ী যোগ্য ব্যবহার ।
 অগ্রণী হইয়া সতী, খড়্গ লয়ে করে,
 বহু স্নেছে বধি,' প্রাণ অর্পিলা সমরে । *

* The widow of Raja Dahir resolved to adopt the measure abandoned by her son ; and with truly masculine spirit, placing herself at the head of fifteen thousand Rajputs prepared to meet the Mahomedans. Mahomed Kasim, however, giving orders to his troops not to attack, they merely stood on the defensive ; and the Rajputs quietly withdrew with their female chief into the fort of Ajdur, which was now closely invested. The siege being protracted to a great length of time, the garrison were nearly starved out when they came to the final alternative of performing the Jowhur, a ceremony which required the Hindoos to sacrifice their women and children on a burning pile and the men after bathing rush on the point of the enemy's lances sword in hand. This dreadful step being taken, the gates of the fortress were thrown open and a body of Rajputs, headed by the widow of Dahir, attacked the Mahomedans in their camp, and all lost their lives.

Briggs' Ferista, Vol. iv. p. 409.

সিন্ধুদেশের ইতিহাস, চাচনামায় এ সম্বন্ধে এইরূপ লিখিত আছে :—Bai Main the wife of Dahir, together with some of the generals prepared for battle. She reviewed the army in the fort and fifteen thousand warriors were counted. They had all resolved to die. * * Bai Main assembled all her women and said ; 'Jaisia (Dahir's son) is separated from us and Muhammad Kasim is come. God forbid that we should owe our liberty to these outcast coweaters ! Our honour would be lost ! our respite is at an end, and there is nowhere any hope of escape ; let us collect wood, cotton, and oil, for I think that we should burn ourselves and go to meet our husbands.'

Elliot's History of India, Vol. I. p. 172.

বীরপত্নী, বীরমাতা তোমরা সকলে ;
 ডরিবে কি যুদ্ধে যেতে প্রয়োজন হ'লে ?
 শুনেছ ত আসিতেছে দুঃস্বপ্ন যবন ?
 যা'র যা' কর্তব্য কর, প্রাণ করি' পণ ।
 স্তন্য দিয়া বাঁচায়েছ প্রিয় স্মৃতগণে,
 শিখাও বীরের ধর্ম্য তা' সবে একগণে ।
 হিংসা, ঘেঘ, জাতিদ্রোহ অযোগ্য এখন,
 এক পথ উদ্ধারের মিলন, মিলন ।
 ব্রাহ্মণ, ক্ষত্রিয়, বৈশ্য যা' হও তা' হও,
 কহ পুত্র, 'প্রাণাধিক ! অসি, চর্ম্ম লও ।'
 বুঝাও রাজার কার্যে সমর্পিলে প্রাণ
 কি গৌরব জননী, কত যশ, মান ।
 বুঝাও পশুর সনে কি ভেদ তাহার,
 দেশহিতে উদাসীন হৃদয় যাহার ।
 নহে এ মানব জন্ম ভোগ-সুখ তরে,
 সেই ধন্য দেশ, ধর্ম্ম রক্ষা যেবা করে ।
 পতিসনে কর যবে প্রিয় সস্তাষণ
 কহিও, পৌরুষ চায় রমণীর মন ।
 সৌন্দর্য্য-ঐশ্বর্য্য-মোহ যা' থাকুক মনে,
 কাপুরুষে কভু নারী পুরুষ না গণে ।
 পরপদস্পর্শে কর কলঙ্কিত যা'র
 নাহি চায় নারী কভু পরশন তা'র ।

চাচনামার দাহিরের একাধিক পত্নীর কথা দেখা যায় । লাডি নামে এক পত্নী, বৌদ্ধদিগের
 দ্বারা কাসিমের হস্তে সমর্পিত হইয়া, কেবল যে নিজের সতীধর্ম্ম বিক্রয় করিয়াছিল তাহা নয়;
 কাসিমের প্ররোচনার স্বদেশবাসীদিগকে, যুদ্ধ হইতে বিরত হইয়া, বৈদেশিকদিগের দাসত্বগ্রহণে
 বিশিষ্টরূপে প্রলুব্ধ করিয়াছিল । স্বতন্ত্র টীকা দ্রষ্টব্য ।

অবলা রমণী বলি' না ভাবিও মনে ;
 মহাশক্তিরূপা নারী রাখিও স্মরণে ।
 সংশয়ে, সঙ্কটে নারী নরের সহায় ;
 রোগে মহৌষধ, স্নিগ্ধ সলিল তৃষায় ।
 সে সংসার, সে সমাজ স্বর্গ সম হয়,
 ধর্ম্যে, কর্ম্যে নর, নারী মিলি' যথা রয় ।
 উদাসীনা যথা নারী পুরুষের কাজে,
 কুশল, কল্যাণ তথা কভু না বিরাজে ।
 যথা শিব তথা শক্তি, না আছে অন্তর,
দৌহার মিলনে চলে বিশ্ব চরাচর ।
 গৌরীর আদর্শ যাঁ'র চিত্তে সদা রয়,
 সে নারীর কিবা দুঃখ, কিবা বল ভয় ?
 আদর্শ তাপসী গৌরী, আদর্শ গৃহিণী,
 ত্রিপুরারি-জায়া গৌরী, অসুরনাশিনী ।
 স্বস্তি, শাস্তি লভ সবে, কি বলিব আর ?
 অধিষ্ঠিতা হ'ন গৌরী অন্তরে সবার ।”

নীরব হইলা গুরু । নারীগণ তবে,
 ভক্তিভরে পদে তাঁ'র প্রণমিলা সবে ।
 আশিসি' করেন গুরু আশ্রমে প্রয়াণ,
 নারীগণ, একে একে, যান নিজ স্থান ।

| | |
|--------------------------|---------------------|
| রাজলিপি লয়ে, | বাজাইয়া ভেরী, |
| দলে দলে দূত ধায় ; | |
| গ্রামের প্রধানে | দিয়া গুয়া, পান |
| গ্রামান্তরে চলি' যায় । | |
| কেহ দিবে সাদী, | পদাতি কেহ বা, |
| ভারবাহী কোন জন ; | |
| খাদ্যদ্রব্য কেহ, | কেহ কাষ্ঠ, তৃণ, |
| যা'র সনে যথা পণ । | |
| কৃষকবনিতা, | ব্যস্ত যন্ত্র লয়ে, |
| গোধূম পেষণ করে ; | |
| আতীর, তৈলিক | লয়ে ঘৃত, তৈল |
| রাখে চর্ম্মদ্রোণী ভ'রে । | |
| কর্ম্মকারশালে | জ্বলে দপ্ দপ্ |
| দিবানিশি ছতাশন ; | |
| ব্যস্ত কর্ম্মিদল | গড়ে শূল, অসি, |
| শব্দ উঠে ঠন্ ঠন্ । | |
| কোথা হস্তিপক | মত্ত করিবরে, |
| যতনে করায়ে স্নান, | |
| পিয়াইয়া তক্র, | সুমিষ্ট বচনে |
| করে যুদ্ধশিক্ষা দান । | |
| জ্বলন্ত কন্দুক | নিরখি' বারণ |
| পাছে করে পলায়ন, | |
| তৃণগুচ্ছ জ্বালি' | সম্মুখে তাহার |
| করে তাই সঞ্চালন । | |

| | |
|------------------------|-----------------|
| এইরূপ কথা | নিত্য আলোচনা |
| করেন রমণীদল । | |
| “আসিছে তুরুক্” | “আসিছে তুরুক্” |
| পড়িয়াছে কোলাহল । | |
| যোদ্ধা রাজপুত্র | অস্ত্রগৃহ হ’তে |
| লয়ে অসি, শূল, বাণ, | |
| পরীক্ষা করিয়া, | ঘর্ষণে, মার্জনে |
| যত্নে করে খরশান । | |
| মাজিয়া চন্দ্রক, * | তৈলসিক্ত করি’ |
| কোন জন রাখে চন্দ্র ; | |
| দেখে কেহ লয়ে | লাগে কিনা দেহে |
| পিতামহ-ধৃত বন্দ্য । | |
| পুরনারী যত | পতিপুত্রগণে |
| গুছাইয়া দেন অস্ত্র ; | |
| কেহ বা সীবন | করেন পতাকা, |
| রঞ্জীন করেন বস্ত্র । | |
| উষণীষ বাঁধিয়া | পরায়ে কণ্ঠক, |
| অসি, চন্দ্র দিয়া করে, | |
| ডাকি’ নিজ জনে | দেখান জননী |
| বীরপুত্রে গর্বভরে ! | |

than submit to him, Mahmood ordered it to be sacked, and the adjacent country to be laid waste.

Briggs’ Ferista, Vol, I. 69,

* ঢালের উপর খাতুনির্দিষ্ট চন্দ্রাকৃতি যে সজ্জাগুলি থাকে তাহার নাম ; চলিত কথায় ইহাকে চাঁদা বলে ।

শুনি' পিতামহী ডাকেন আদরে ;—

“আয় বউ ! কাছে আয়,”

অস্তুরাল হ'তে শুনিয়া কিশোরী

লাজে পলাইয়া যায় ।

কোথা কোন সতী সাজায়ে পতির

গদগদ ভাষে কয় ;—

“আশাপূর্ণা দেবী * করুন মঙ্গল,

রাজার হউক জয় ।

কহে, শুনি', লোক 'হৃদান্ত তুরুক্

পাষণ-কঠোর মন ;

দেবীর নিশ্চাল্য বাঁধিয়া উষ্ণীষে

সাবধানে কোরো রণ ।”

পূজা, বলিদান হয় গৃহে গৃহে,

চণ্ডীপাঠ, সস্ত্যয়ন ;

গ্রহশাস্তি তরে বস্ত্র, পঞ্চরত্ন

হয় কত বিতরণ ।

দূর পল্লী হ'তে রাজধানীপানে

অবিরাম লোক ছুটে ;

“জয় পৃথ্বীরাজ” “জয় পৃথ্বীরাজ”

পাথ ঘাট ধরনি উঠে ।

* চৌহান কুলের শরণ্যা দেবী । তাঁহার সম্বন্ধে এইরূপ লিখিত আছে :—

Sakti Devi on her lion armed with the trident descended and bestowed her blessing on the Chohan, and as আশাপূর্ণা or কালিকা promise always to hear his prayer.

Tod's History of Rajasthan. Vol. I. P. 102.

শুভ যাত্রাকাল গণিয়া জ্যোতিষী
 করি' দেন দিন স্থির ;
 দলে দলে সেনা ধায় কলরবে,
 শ্রোতপথে যথা নীর ।
 হেথা দিল্লী মাঝে আসি' পৃথীরাজ
 সমর-উছোগে রত,
 কভু মন্ত্র-গৃহে, কখন শিবিরে,
 করিছেন দিন গত ।
 বেলা দ্বিপ্রহর, অনলের ধারা
 ঢালেন প্রথর রবি ;
 ঘর্ম্মসিক্ত দেহ, বহে তপ্তশ্বাস,
 রক্তবর্ণ মুখচ্ছবি ।
 সৈন্যাবাস হ'তে অন্য সৈন্যাবাসে
 ধা'ন অশ্ব অরোহণে ;
 ডাকিয়া নায়কে দেন উপদেশ,
 কা'র কিবা কার্য রণে ।
 কভু হস্তী 'পরে চালায়ে বাহিনী
 দেখান সেনানীদলে,
 অরাতির অশ্ব রোধিতে কেমনে
 হইবে সঙ্কট-স্থলে ।
 স্বকরে কাম্যুক আকর্ষি' কখন
 দেখান পদাতি সবে,
 কিতাবে দাঁড়া'লে, ক্ষেপিলে কেমনে,
 শায়ক অব্যর্থ হ'বে ।

কদতেজে ভরা, প্রশান্ত গুরতি,
 মহাশূল ধৃত করে ;
 গলে অক্ষমালা, বিভূতি ললাটে,
 জটাজুট শির 'পরে ।
 শ্রুতি, স্মৃতি উভে অনুপম জ্ঞানী,
 বিশারদ গণনায় ;
 পটু রঙ্গরসে, সদা স্মিতমুখ,
 নেত্র দীপ্ত প্রতিভায় ।
 তুরকের সেনা হয়েছে বাহির,
 সংবাদ এনেছে চর,
 পরামর্শ করি' করেছেন স্থির,
 তাই, তিন বীরবর ।
 কুরুক্ষেত্র পারে রোধিতে যবনে
 না পারিলে হ'বে লাজ ;
 হ'বে মহাপাপ গো-বধ যদাপি
 হয় ধর্মক্ষেত্র মাঝ ।
 চিতোর, আজমীর, দিল্লী হ'তে সেনা
 যা'বে সাজি' তিন দল ;
 সরস্বতী-তীরে, তরায়ণে গিয়া,
 রোধিবে যবন-বল ।

casions ; beloved by his own chiefs and revered by the vassals of
 Chohan. In the line of march no augur or bard could better explain
 omens, none in the field better dress the squadrons for battle, none
 de his steed or use his lance with more address.

Tod. Vol. I. P. 277.

আবু পর্বতে আবিষ্কৃত শিলালিপিতে পৃথ্বীরাজের শত বর্ষ পরের এক সমরসিংহের উল্লেখ
 হই। কিন্তু পৃথ্বীরাজরাসোতে চাঁদকবি সমরসিংহকে পৃথ্বীরাজের সমসাময়িক ও স্বস্থপতি
 ॥ স্পষ্ট উল্লেখ করিয়াছেন। আমি তাহারই মতের অনুসরণ করিয়াছি।



স্বকরে তুলিয়া

অর্দ্ধফুট কলি

গাঁথিছেন চারুহার।

পুষ্পমাল্য রচনা ব্যাপ্তা সংযুক্তা

পৃথীরাঙ্গ মহাকাব্য ১৯৫ পৃষ্ঠা।

“এত সাধ যদি মিটাইও কাল”
 হাসি’ ক’ন নৃপমণি ;—
 “কিন্তু বহুবার হ’বে সাজাইতে,
 মনে রেখো, স্তবদনি !
 আৰ্ঘ্যাবর্ত মাঝে রাজ্য সংস্থাপিতে
 চাহে এই তুর্কদল ;
 বুঝিয়াছে তা’রা, জাতি-জাতি-বৈরে
 মোরা এবে হীনবল ।
 সমূলে উচ্ছেদ না করিলে তুর্কে
 শাস্তি নাই কদাচন ;
 ভাবিয়াছি তাই র’ব রণক্ষেত্রে,
 যত দিন প্রয়োজন ।
 রাজকার্য্য ভার সঁপিছু তোমারে ;
 যুক্তি করি’ নিজ মনে,
 কর্তব্য যা’ বুঝ, করিও আদেশ
 বিশ্বস্ত সচিবগণে ।
 হয়ে প্রপীড়িত, নাম ধরি’ মোর
 ডাকে যদি কোন জন,
 ‘ভয় নাই’ বলি’ মুক্ত করি’ অসি,
 দিও সেথা দরশন ।
 জননী হইয়া অনাথ, আতুরে
 কোলে নিও স্নেহে তুলে ;
 ব্যথিতের দেহে বুলাইও হাত,
 মর্যাদা, গৌরব তুলে ।

ত্রয়োদশ সর্গ

না ফুটিতে উষালোক

কড়্ কড়্ কড়্ রব

পূর্ণ করিয়াছে তরায়ণ । *

দম্ দন্ দম্ দম্

বাজিছে দামামা ঘন,

ছুটে দ্রুত পদাতিকগণ ।

ঠন্ ঠন্ ঠন্ ঠন্

গলঘণ্টা দোলাইয়া,

যুথে যুথে, ধায় গজবর ।

“ভোঁ ভোঁ ভোঁ ভোঁ” “গড়া গড়া,”

ডাকি’ নিজ নিজ দলে,

রণশিঙা তুলে তীব্রস্বর ।

টক্ টক্ খটাখট্

তুরগের খুরধ্বনি

অবিরাম পশিছে শ্রবণে ।

রণশঙ্খ, তুরী, ভেরী,

বধির করিয়া কর্ণ,

ঘন বাজে গভীর নিঃস্বনে ।

* সাধারণের নিকট এই যুদ্ধ খানেশ্বরের বা তিরোরীর যুদ্ধ বলিয়া পরিচিত; কিন্তু প্রাচীন লেখকগণ যুদ্ধক্ষেত্রে তরায়ণ নামে অভিহিত করিয়াছেন। ইহার অবস্থান সম্বন্ধে এইরূপ লিখিত হইয়াছে;—Tirawari (or Azamabad i Talawari, the Tarain of the earlier Muhammadan historians) Village in the district and tahsil of Karnal Punjab * • 14 miles south of Thanesar and 84 north of Delhi, on the Delhi-Umbala-Kalka-Railway.

ত্রয়োদশ-সর্গ ।

পত্ পত্ পত্ পত্

প্রভাত-সমীর ভরে

উড়িছে পতাকা অগণন ;

বালেন্দু তুর্কের ধ্বজে

রহিয়াছে বিরাজিত ;

হিন্দুধ্বজে শোভে সূদর্শন ।

মধ্যস্থলে পদাতিক,

অবস্থিত দুইপার্শ্বে,

তুরঙ্গ, মাতঙ্গ মহাবল ;

সাজাইয়া এইরূপে,

প্রাস্তরের পূর্বভাগে,

দাঁড়ায়েছে হিন্দু সেনাদল ।

পশ্চিমে তুরুক-সেনা,

অশ্বারোহী মধ্যস্থলে,

দুই দিকে দাঁড়ায়ে পদাতি ;

ভাবি'ছে উভয় দল,

এইরূপ সন্নিবেশে,

ছিন্ন, চূর্ণ হইবে অরাতি ।

সমর্ষি, গোবিন্দ দৌহে

গজপৃষ্ঠে দুই দিকে ;

নায়ক, সেনানী যত আর

আদেশ অপেক্ষা করি'

উপবিষ্ট অশ্ব 'পরে

স্থির শিলামূর্তির আকার ।

দেখিতে দেখিতে অই

তরুণ-অরুণ-ভাতি

দেখা দিল পূরন আকাশে ।

পথ, ঘাট, জল, স্থল,

তরু, লতা, গুল্ম, বন

উজলিল সুবিমল ভাসে ।

মহাগজে আরোহিয়া

আসি' পৃথোরাজ বীর

দাঁড়া'লেন রণক্ষেত্র মাঝ ;

কি সৌন্দর্য্য, কিবা বীর্য্য,

কি সাহস, কি দৃঢ়তা

নেত্রে, বক্ত্রে, করিছে বিরাজ ।

শাল-সমুন্নত দেহ,

পরিঘ-সদৃশ বাহু,

মাংসল, বিশাল বক্ষঃস্থল ;

উৎসাহে প্রদীপ্ত মুখ,

ললাট ক্রকুটি-ভীম

নেত্র হ'তে নিঃসরে অনল ।

রাজ-ছত্র শোভে শিরে,

পৃষ্ঠে বাণপূর্ণ তুণ,

সুদৃঢ় কাম্বুক ধৃত করে ;

সগর্বেই তুলিছে গজ,

পৃষ্ঠে বহি, মহারাজে,

উল্লসিত 'জয় জয়' সুরে ।

আগমন—(সংযুক্তার বেশভূষা—সংযুক্তার পিতাকে প্রণাম এবং পিতার আশী
 র্বাদলাভ—সংযুক্তাকে দর্শনান্তে রাজগণের বিলাসচেষ্টা—ভট্টের আগমন ৫
 সংযুক্তার সঙ্গে রাজগণের নিকট গমন—জন্মপতিকে প্রত্যাখ্যান—শুর্ভর-
 পতিকে প্রত্যাখ্যান—মহোবা রাজকুমারকে প্রত্যাখ্যান—কচ্ছবাহ
 রাজসুত্রকে প্রত্যাখ্যান—সংযুক্তার দ্বারদেশস্থিত ছদ্মবেশী পৃথীরাজকে
 দর্শন—সংযুক্তার দ্বারপালমূর্ত্তিকে অর্ঘ্য ও মাল্য দান—পৃথীরাজের
 সংযুক্তাকে গ্রহণান্তে অশ্বারোহণে গঙ্গাতীরভিমুখে গমন—রাঠোর ও চৌহান
 দলের যুদ্ধ—রাঠোরদিগের পরাজয় পৃথীরাজের সংযুক্তাকে লইয়া নৌকা-
যোহাণে প্রস্থান।— ২৬—১১৪ পৃষ্ঠা।

সপ্তম সর্গ—মহম্মদ ঘোরীর দ্বিতীয় মন্ত্রণা :—

সাংসারিক সুখসম্পদের অস্থায়িত্ব—কনোজবাসীদিগের বিবাদ—
 পৃথীরাজ ও সংযুক্তার আনন্দ মহম্মদ ঘোরী, কুৎবুদীন ও বক্তিরার
 খিলিজীর মন্ত্রণা—মহম্মদঘোরীর বক্তিরারের সহিত কথোপকথন—মহম্মদ
 ঘোরীর উক্তি—ভেদনীতি—হিন্দু ও বৌদ্ধ—উচ্চবর্ণ ও নীচবর্ণ রাজপুত্রের
 দোষগুণ—পৃথীরাজবিজয়ে ভারতবিজয়ের সম্ভাবাতা—বক্তিরারের প্রহ্ন—
 মহম্মদ ঘোরীর প্রত্যাভ্র—কোশলে এবং সদসৎ যে কোন উপায়ে হুটুক
 কার্যোদ্ধারের জন্ত ইঞ্জিত—হামজবৌকে পৃথীরাজের নিকটে দূতরূপে গমনার্থ
 আজ্ঞাদান—কুৎবুদীনকে যুদ্ধারোজন জন্ত আদেশ। ১১৫—১২৫ পৃষ্ঠা।

অষ্টম সর্গ—হর্ষে বিবাদ :—

উপবনে পৃথীরাজ ও সংযুক্তা—পৃথীরাজের সংযুক্তালাভে কৃতার্থতা—
 পৃথীরাজের সংযুক্তার বিবাদের কারণ জিজ্ঞাসা—সংযুক্তার উক্তি—পিতার
 স্নেহ—পিতার হৃদয়ে ব্যথাদানের জন্ত অনিষ্টাশঙ্কা—মাতার ক্লেশ বর্ণন—
 পৃথীরাজের সান্ত্বনাদান—সুখহৃৎখের অবচ্ছিন্নতা। ১২৬—১৩১ পৃষ্ঠা।

নবম সর্গ—দিল্লীতে প্রেতাবির্ভাব :—

ভাজ অমানিশা—নিশীথে রাজপথে পিশাচীর আবির্ভাব—পিশাচীর
 আকৃতি, প্রকৃতি—পিশাচীর রাজপুরী দর্শনে কোপ—পিশাচীর শ্মশানে
 গমন—শিবাকে মাংসদান—অহিসংকল্প—বিলাপ—নরমুণ্ডে আগুন গঠন—
 পৃথীরাজের প্রতি কোপ—শ্মশানকালিকার নিকট প্রার্থনা—চিতারচনা

ও প্রলাপ—অপরিচিত যুবকের আগমন—যুবকের সহিত পিশাচীর কথোপ-
কথন—যুবকের প্রতিমাতঙ্গ-প্রস্তাব—পিশাচীর তিরস্কার—যুবকের প্রস্থান
১৩৫—১৪৬ পৃষ্ঠা

দশম সর্গ—দৌত্য :—

আজমীর ধর্মক্ষেত্র ও কর্মক্ষেত্র—পুষ্কর বিখ্যামিত্রের তপঃক্ষেত্র—
আজমীরস্থ মহর্ষি অগস্ত্যের আশ্রম—ভর্তৃহরিশিলা—দয়ানন্দ-সমাধি—চৌহান
রাজপ্রাসাদ—রাজসভাহিত পৃথীরাজ—যবন দূতগণ—হামজবীর উক্তি—
আল্লা শব্দ শ্রবণে সভাসদগণের উৎকণ্ঠা—তুঙ্গাচার্যের, হামজবীর এবং
মদিনাবাসী সেখের উক্তি, প্রত্যুক্তি—হিন্দু সাকারবাদ ও মুসলমান
নিরাকারবাদ—হামজবীর পৃথীরাজের জন্তু কোরাণ ও কুপাণ অর্পণ—
পৃথীরাজের কুপাণ গ্রহণ এবং স্বদেশ ও স্বধর্ম রক্ষার জন্তু প্রতিজ্ঞা—
দূতগণের প্রতি তুঙ্গাচার্যের উক্তি । ১৪৭—১৬৪ পৃষ্ঠা ।

একাদশ সর্গ—গৌরীপূজা :—

আজমীরে গৌরীপূজা—নারীগণের উৎসব—বিশাল সাগরস্থিত দ্বীপ—
দ্বীপস্থিত দেবালয়ে নারীগণের আগমন—রাজপুত্র নারী—তুলনায় বঙ্গরমণী—
পৃথা ও সংযুক্তা এবং উভায়র বেশভূষা—পৃথার উমাতপস্যাকীর্তন—
সংযুক্তার অননালীলাকীর্তন—তুঙ্গাচার্যের কালীমাহাত্ম্যকীর্তন এবং নারীর
পৌরুষপ্রিয়তা ও স্বামিপুত্রের কার্যে উৎসাহদান সম্বন্ধে উপদেশ ।
১৬৫—১৮২ পৃষ্ঠা ।

দ্বাদশ সর্গ—যুদ্ধোদ্যোগ :—

দিল্লী, আজমীর ও চিতোরে যুদ্ধোদ্যোগ—রাজপুত্রগণের উৎসাহ ও
রণসজ্জা—তুর্কানগের সম্বন্ধে সাধারণের সংস্কার—পৃথীরাজের বীরত্ব-
সম্বন্ধে প্রজার বিশ্বাস—রাজপুত্র রমণীর যুদ্ধারোজন—গোবিন্দের ভ্রাতাকে
সাহায্য—সমর্ষি বা সমরসিংহ—জয়লাভে বিশ্বাস—সমর্ষির ব্যঙ্গ ও পৃথীরাজের
প্রত্যুত্তর—পৃথীরাজের অন্তঃপুরে গমন—উপবনস্থিত সংযুক্তা—পৃথীরাজের
প্রশ্ন—সংযুক্তার প্রত্যুত্তর এবং পৃথীরাজকে সহস্রে যুদ্ধার্থ সজ্জিত করিবার
প্রার্থনা—পৃথীরাজের সংযুক্তার প্রতি রাজ্যভার অর্পণ । ১৮৩—১৯৯ পৃষ্ঠা ।

ত্রয়োদশ সর্গ—তরায়ণের প্রথম যুদ্ধ :-

হিন্দু ও মুসলমান সৈন্তের যুদ্ধার্থ সন্নিবেশ—পৃথীরাজের রণক্ষেত্রে আগমন—যুদ্ধারম্ভ—পৃথীরাজের বীরত্ব—উভয় দলের বীরত্ব ও পর্যায়ক্রমে জয় পরাজয়—রণক্ষেত্রে সমরসিংহ—হিন্দুসৈন্তের মুসলমানসৈন্তকে বেষ্টন—মহম্মদ ঘোরীর বীরত্ব—গোবিন্দের সহিত মহম্মদ ঘোরীর যুদ্ধ—মহম্মদ ঘোরীর পতন—ঊর্ধ্বা অচেতন দেহ গ্রহণের জন্তু খাল্জী সৈনিকের প্রার্থনা ও পৃথীরাজের সম্মতি দান—হিন্দুসৈন্তের বিজয়লাভ—পৃথীরাজের দিল্লীতে প্রত্যাগমন—অভ্যর্থনার্থ নাগরিকগণের আরোহণ—বিজয়ী বীরদিগের নগরভ্রমণ—পুরনারীগণের আনন্দ—রাজমহিষীগণের উৎসাহ ও আনন্দ—ইঞ্জিনী ও সংযুক্তা—পৃথীরাজকে রাজমহিষীগণের বরণ—পুত্র-শোকাভরা মাতা ও পৃথীরাজ—কবির আক্ষেপ। ২০০—২২১ পৃষ্ঠা।

চতুর্দশ সর্গ—মহম্মদ ঘোরীর তৃতীয় মন্ত্রণা :-

তরায়ণের যুদ্ধে হিন্দুর জয়লাভের ফল—মহম্মদ ঘোরীর শিবির—পলায়িত সেনাপতিদিগকে মহম্মদ ঘোরীর তিরস্কার—কুতব ও বক্তিরার—যুদ্ধারোহণ সম্বন্ধে কুতবকে মহম্মদ ঘোরীর প্রশ্ন—কুতবের প্রত্যুত্তর—বক্তিরারকে পিশাচীর সহিত সাক্ষাতের ফল জিজ্ঞাসা—বক্তিরারের প্রত্যুত্তর—হিন্দুদিগের আচার, ব্যবহার সম্বন্ধে মহম্মদ ঘোরীর উক্তি—মহম্মদ ঘোরী ও কুতবের কথোপকথন—মহম্মদ ঘোরীর প্রতিজ্ঞা। ২২২—২৩৪ পৃষ্ঠা।

পঞ্চদশ সর্গ—তুঙ্গাচার্যের রাজনীতি-চর্চা :-

ভারাগিরিস্থিত তুঙ্গাচার্যের কুটীর—তুঙ্গাচার্য ও ঊর্ধ্বা শিষ্য—তুঙ্গাচার্যের শিষ্যকে গজনির সংবাদ জিজ্ঞাসা—শিষ্যের মহম্মদ ঘোরীর যুদ্ধারোহণ ও প্রতিজ্ঞা কথন—তুঙ্গাচার্যের হিন্দু ও মুসলমানের আচরণে এবং জয়পাল ও মহম্মদ ঘোরীর ব্যবহার-তুলনার কোভ—শিষ্যকে অপরাপর সংবাদ জিজ্ঞাসা—শিষ্যের সাধারণ প্রশ্নের মনোভাব বর্ণন—বৌদ্ধ-হিন্দু-সম্বন্ধ বর্ণন—সাধুসন্ন্যাসীদিগের মনোভাব বর্ণন—তুঙ্গাচার্যের ধর্মের আদর্শ ব্যাখ্যান—শিষ্যের দাক্ষিণাত্যবাসিগণের ঊর্ধ্বাসীক্ত বর্ণন—দেশব্যাপী, জাতিগত ও ব্যবসায়গত সঙ্কীর্ণতা বর্ণন—তুঙ্গাচার্যের বিবাদ এবং পৃথীরাজ ও সংযুক্তার সংবাদ জিজ্ঞাসা—শিষ্যের পৃথীরাজের বীরত্ব ও মহত্ব বর্ণন—সংযুক্তার গুণ

বর্ণন ও তাঁহাদিগের উভয়ের গুণে হিন্দুর বিপশ্রুতের আশা—তুঙ্গাচার্যের
আক্ষেপ—শিষ্যকে বিদায় দান এবং জয়চন্দ্রের নিকটে গমন-সঙ্কল্প।

২৩৫—২৫৫ পৃষ্ঠা।

ষোড়শ সর্গ—জয়চন্দ্রের প্রতিজ্ঞা :—

কনোজের গঙ্গাতীরে নৃসিংহমন্দির—জয়চন্দ্রের বিবাদস্মৃতি—জয়চন্দ্রের
আক্ষেপোক্তি—তুঙ্গাচার্যের জয়চন্দ্রের ক্ষোভের কারণ জিজ্ঞাসা—উভয়ের
কথোপকথন—জয়চন্দ্রের ক্রোধ—রাজ্যের সাস্থনা—জয়চন্দ্রের রাজ্যকে
তিরস্কার—তুঙ্গাচার্যের প্রতিবাদ এবং ভারতে ক্ষত্রিয়কুল-ধ্বংসের কারণ
উল্লেখ—জয়চন্দ্রের সংযুক্তার বৈধব্যকামনা—জয়চন্দ্রের মাতার ক্রোধ—
রাজ্যের সাস্থনা—জয়চন্দ্রের ক্ষোভ—তুঙ্গাচার্যের হিন্দুজাতির পরিণাম-বর্ণন ও
জয়চন্দ্রকে বিবাদে নিরস্ত হইতে অনুরোধ—জয়চন্দ্রের প্রতিজ্ঞাপালনসঙ্কল্প।

২৫৬—২৭১ পৃষ্ঠা।

সপ্তদশ সর্গ—তুঙ্গাচার্যের অগস্ত্য-দর্শন :—

নাগগিরিস্থিত অগস্ত্যাশ্রম—অগস্ত্যাদয়ে উৎসব—তুঙ্গাচার্যের অগস্ত্যা-
শ্রমে রাজিষাপন—শারদরজনীতে অগস্ত্যাশ্রমের শোভা—তুঙ্গাচার্যের চিন্তা—
তুঙ্গাচার্যের অগস্ত্য-দর্শন—তুঙ্গাচার্যের ভারতবর্ষের ভবিষ্যৎ জানিবার
বাসনা—অগস্ত্যের প্রত্যুত্তর এবং তুঙ্গাচার্যকে হিন্দুসমাজের ভাৎকাণিক
অবস্থা-প্রদর্শন—হরিদ্বারে ব্রহ্মকুণ্ডস্নানার্থী বৈষ্ণব ও শৈব সন্ন্যাসীদিগের
বিবাদ—দ্রাবিড়স্থ শ্রদ্ধাভা এবং ব্রাহ্মণ ও (পারিষ) চণ্ডাল-নারী—শুর্জরস্থিত
মন্দিরে দেবদাসীদিগের সহিত পূজক ও সেবকদিগের ব্যবহার—বিহার
ও বঙ্গদেশস্থিত বৌদ্ধ সত্যারাম ও হিন্দু শক্তিপীঠ—কাশ্মীরস্থিত রাজঅস্তঃ-
পুর—অগস্ত্যের উপদেশ—অধিভৌতিক শক্তির অন্তরালে আধ্যাত্মিক
শক্তি—নির্বেদ ও নৈরাশ্যের অযৌক্তিকতা—প্রায়শ্চিত্তের প্রয়োজনীয়তা
ও প্রায়শ্চিত্তের পর হিন্দুজাতির পুনরুত্থানের আশা—অগস্ত্যের তিরোধান ও
তুঙ্গাচার্যের স্তম্ভিত্ত্ব।

২৭২—২৯৬ পৃষ্ঠা।

অষ্টাদশ সর্গ—তরায়ণের দ্বিতীয় যুদ্ধ :—

মহম্মদ ঘোণীর দ্বিতীয়বার আক্রমণ—পৃথ্বীরাজের যুদ্ধোদ্বেগ—দিল্লী-

নিরখিয়া পৃথীরাজে
কোষমুক্ত করি' অসি
দাঁড়াইল অশ্বারোহিগণ ।

বাড়াইয়া বাম পদ
দাঁড়াইল পদাতিক,
কাম্মুক করিয়া আকর্ষণ ।

নায়ক, সেনানী যত
নৃপতির মুখপানে
বন্ধদৃষ্টি, রহে সবে স্থির ;

সহস্র সহস্র বক্ষে
স্পন্দন উঠিল বেগে,
শিরা মাঝে ছুটিল রুধির ।

বাজিল নৃপের তুরী ;
ধনুস্মুক্ত বাণ সম
অমনি ছুটিল সেনাদল ;

মিলিল তুর্কের সনে ;
তীব্র ঘাত-প্রতিঘাতে
উঠিল তুমুল কোলাহল ।

বিজলীর ঝালা সম
সঘনে চমকে অসি,
শূল, বাণ ছুটে শন্ শন্ :

দেখিতে দেখিতে কত
হিন্দু মুসলমান বীর
ধরাপৃষ্ঠে করিল শয়ন ।

আরোহী পড়িল রণে,
 শরাঘাতে ধৈর্যহীন
 তুরঙ্গম ছুটে বেগভরে ;

আহত, ব্যথিত গজ
 না মানে অকুশাঘাত,
 শত্রু, মিত্র বিদলিত করে

পৃথীরাজ, মহম্মদ
 খুঁজিছেন পরস্পর ;
 কিন্তু উভয়ের সেনাগণ

না দেয় মিলিতে দোঁহে,
 দাঁড়ায় ঘিরিয়া আসি',
 করি' শত শত প্রসরণ ।

ভূপের অব্যর্থ শরে
 তুরুক-সেনানী কত
 মরিল যে না হয় গণন ;

'অই আসে হিন্দরাজ'
 শুনিলে চকিত তুর্ক
 ব্যাহ ভাঙ্গি' করে পলায়ন ।

এই গজপৃষ্ঠে বীর,
 এই অশ্ব আরোহণে,
 এই পুনঃ দাঁড়ায়ে ভূতলে,
 যেখানে সঙ্কট, সেথা
 সজল জলদ-মস্ত্রে
 আশ্রয় করেন সেনাদলে ।

কোথা হিন্দু গজযুথ,
ভাঙ্গি' তুরুকের চমু,
নিষ্পেষিত করে সেনাগণ ;

কোথা তুর্ক অশ্বারোহী,
মথি' হিন্দু পদাতিক,
রণক্ষেত্রে করে বিচরণ ।

কভু হিন্দু অগ্রসর,
তুর্ক যায় পলাইয়া,
হিন্দু-বৃহ কভু ভগ্ন হয় ;

দিপ্রহর ক্রমে গত,
পশ্চিমে নামেন রবি,
অনিশ্চিত জয়, পরাজয় ।

শিরে বিদম্পিত জটা,
করে ধৃত মহাশূল,
সমর্ষি যথায় অগ্রসর,

দ্বিগুণ উৎসাহে তথা
যুঝে হিন্দু সেনা বত,
উচ্চারিয়া “হর হর হর ।”

হতাহতে পরিপূর্ণ,
আর্তনাদে মুখরিত,
শোণিত-রঞ্জিত রণস্থল ;

তথাপি বিশ্রাম নাই,
উন্মত্ত অশুর সম
মহাযুদ্ধে রত দুই দল ।

ভগ্ন খড়্গ, শূন্য তুণ,
 বক্রধার শেল, শূল,
 বর্মহীন, নগ্ন কলেবর,
 তবু একে ধরি' অন্তে,
 নিষ্পীড়ন করি' কণ্ঠ,
 বজ্র-মুষ্টি হানে পরস্পর ।

শোণিত-কর্দমে লিপ্ত,
 উৎপাটিত-নেত্র-দম্ভ,
 প্রেতসম বিকৃত দর্শন,
 ঘন বাহ্নাস্ফোট করি'
 মল্লযুদ্ধে অরাতিরে
 ডাকে প্রতিদ্বন্দ্বী সৈন্যগণ ।

সমর্ষি, গোবিন্দ দৌহে,
 দুই পার্শ্ব হ'তে, ক্রমে
 বেষ্টিত করিলা তুর্কগণে ;

অভিজ্ঞ সেনানী যত
 বুঝিল নিস্তার নাই.
 তুর্ক আজ ধ্বংস হ'বে রণে ।

তরুণ শাদ্দুল সম,
 সঙ্কটে ক্রম্পকপহীন,
 যুঝিছেন ঘোরী বীরবর ;

ইঙ্গিতে, নিমেষ মাঝে,
 সম্মুখে, দক্ষিণে, বামে,
 তুরগ হই'ছে অগ্রসর

সর্ববাঙ্গ আবৃত বশ্মে,

শিরে লৌহ নিরস্ত্রাণ,

মহাশূল উত্তোলিত করে ;

নিরখি' সে বীর মূর্তি

ত্রস্ত হিন্দু পদাতিক,

ভাঙ্গি' শ্রেণী, ধায় বেগভরে ।

বিচ্ছিন্ন কৃপাণাঘাতে,

শূলে বিদারিত দেহ,

পড়ে কত হিন্দু বীরবর ;

'দিন্ দিন্' ঘন ঘন

পূর্ণ করি' রণস্থল

তুরকের উঠে জয়স্বর ।

অগ্রসর পৃথীরাজ ;

নিরখি' গোবিন্দ ক'ন ;—

“দাদা ! তুমি জয়ী শত রণে ;

দাও আজ অনুমতি,

ঘোরী যোগ্য প্রতিদ্বন্দ্বী ;

আমি আজ যুঝি তা'র সনে ।”

কোষবন্ধ করি' অসি,

অনুমতি দিলা ভূপ,

গোবিন্দের বুঝি' অভিপ্রায়,

ঘোরীরে অদূরে হেরি,'

গোবিন্দ চালায়ে গজ,

বজ্ররবে কহিলা তাঁহায় ;—*

* তবকাৎ ই নাসিরী গ্রন্থে এই যুদ্ধের বিবরণ নিম্নলিখিত রূপে প্রদত্ত হইয়াছে :—
When the ranks were duly marshalled, the Sultan seized a lance and

“ধর অস্ত্র, বীরবর !
 মাগিতেছি রণ আমি ;”
 শ্রুতিমাত্র শূল লয়ে করে
 নিক্ষেপিল মহম্মদ,
 চক্ষু হইয়ে প্রতিহত
 পশিল তা’ বদন-বিবরে ।
 ভাঙ্গিল দশনদ্বয় ;
 মূর্ত্তে সস্বর’ ব্যথা
 নিজশূল করিয়া গ্রহণ,
 “যাও এবে যমালয়”
 বলিয়া বিদ্যৎ-বেগে
 গোবিন্দ করিল নিক্ষেপণ ।
 অব্যর্থ সে মহাশূল,
 বিদারিয়া বক্ষ, কক্ষ;
 প্রবেশ করিল মৰ্ম্মস্থলে ;
 নিদারুণ বেদনায়
 অশপৃষ্ঠ হ’তে বীর
 মূৰ্চ্ছিত পড়িল ভূমিতলে ।

attacked the elephant on which Gobind Rai of Delhi was mounted and on which elephant he moved about in front of the battle. The Sultan i Ghazi, who was the Haidar of the time, and a second Rustam, charged and struck Gobinda Rai on the mouth with his lance with such effect that, two of the accursed one’s teeth fell into his mouth. He launched a javelin at the Sultan of Islam and struck him in the upper part of the arm and inflicted a very severe wound. The Sultan turned his charger’s head and receded and from the agony of the wound he was unable to continue on horseback any longer. Defeat befell the army of Islam so that is was irretrievably routed and the Sultan was very nearly falling from his horse. Seeing which a lion-hearted warrior, a Khalji stripling,

অমনি সহস্র কণ্ঠে
উঠে 'জয় জয়' নাদ,
পৃথীরাজ দাঁড়ান তথায় ;
খাল্জী সৈনিক এক,
কাছে আসি', করজোড়ে,
সম্বোধিয়া কহিল তাঁহায় ;—

মূর্চ্ছিত, আহত জনে
শুনিয়াছি, মহারাজ !
প্রহার ক্ষত্রিয়-ধর্ম্য নয় ;
বাঁচিবে না তুর্করাজ,
দেহ মাত্র আছে পড়ি',
লইব, আদেশ যদি হয় ।”

গোবিন্দের অভিপ্রায়
বুঝি' কহিলেন ভূপ ;—
“লয়ে যাও ঘোরী বীরবরে ;
যদিও অরাতি তিনি,
তথাপি বিক্রমে তাঁর
তুষ্ট মোরা হয়েছি অস্তুরে ।”*

recognised the Sultan and sprang up behind him, and supporting him in his arm urged the horse with his voice and brought him out of the field of battle.

The Tabakat i Nasiri PP. 459 460.

* এ সম্বন্ধে হিন্দু ও মুসলমান লেখকদিগের মধ্যে মতভেদ আছে। চাঁদ বরদাই বলেন, মহম্মদ ঘোরী বন্দীরূপে দিল্লীতে আনীত হইয়াছিলেন এবং পরে উপযুক্ত নিহুয়র-দানে মুক্তিলাভ করিয়াছিলেন। মুসলমান লেখকগণ বলেন, তিনি গোবিন্দের প্রহারে মূর্চ্ছিত হইয়াছিলেন বটে, কিন্তু তাঁহার কোন খাল্জী সৈনিক তাঁহাকে রণক্ষেত্রে হইতে লইয়া আসেন। এই বুদ্ধে মুসলমান-দিগের যেকোন পরাজয় ঘটিয়াছিল, তাহাতে পৃথীরাজের অনুমোদন ব্যতীত মহম্মদ বে পলায়ন করিতে পারিয়াছিলেন, এরূপ বোধ হয় না। আমি তাহাই কাব্যোচিতভাবে ব্যক্ত করিয়াছি। টড সাহেব হিন্দু লেখকদিগের মত সমর্থন করিয়া লিখিয়াছেন ;—He (Mahammad

“মরিয়াছে তুর্করাজ”

মুহুর্তে পড়িল রব ;

জয়োল্লাসে মত্ত হিন্দুগণ,

দ্বিগুণ উৎসাহ-ভরে,

ভগ্নোত্তম মুসলমানে

সবলে করিলা আক্রমণ ।

বিপর্যাস্ত, বিশৃঙ্খল

ছুটিল তুরুক-সেনা,

মত্ত হিন্দু পশ্চাৎ ধাবনে ;

বহু ক্রোশ পিছে ছুটি’,

ভগ্ন, চূর্ণ, পিষ্ট করি’.

শিবিরে ফিরিলা হৃষ্টমনে ।

অবতারি’ গজ হ’তে

পৃথ্বীরাজ মহা হর্ষে

গোবিন্দে দিলেন আলিঙ্গন ;

সমর্ষি মিলিলা আসি’,

আসে সেনাধ্যক্ষ যত,

কোলাকুলি করে সর্বজন ।

Ghoory) had been often defeated and twice taken prisoner by the Hindu sovereign of Delhi, who, with a lofty and blind arrogance of the Rajput character, set him at liberty.

Quoted at Page 155, Ajmer Historical and Descriptive.

মুসলমান লেখকদিগেরও মধ্যে যে এ সম্বন্ধে মতভেদ ছিল তাহা নিম্নোক্ত অংশ হইতে প্রতীয়মান হইবে :—He had almost fallen when some of his chiefs advanced to his rescue. This effort to save him gave an opportunity to one of his faithful servants to leap up behind Mahomed Ghoory, who, faint from loss of blood, had nearly fallen from his horse but was carried triumphantly off the field though almost wholly deserted by his army, which was pursued by the enemy nearly forty miles. * * The author of

দিল্লীতে চলিল দূত
বিজয়-বারতা লয়ে,
অন্য দূত চলে আজমীরে ;

তুকের বিধ্বংস শুনি'
প্রাণে শান্তি লভে লোক,
কত নেত্র আর্দ্র হর্ষনীরে ।

শুভক্ষণ দেখি' সবে'
ফিরিলেন দিল্লী পানে ;
সেথা যত নাগরিকজন,

রণজয়ী বীরগণে
অভ্যর্থিতে, মহোৎসাহে,
করিল বিবিধ আয়োজন ।

পত্র, পুষ্প, মাল্য দিয়া
সাজাইল রাজপথ,
বিরচিল বিজয়-তোরণ ।

তুলি' ধ্বজ গৃহচূড়ে,
পূর্ণকুন্ত সপল্লব
দ্বারদেশে করিল স্থাপন ।

Hubeeb-oos-seer relates, contrary to all my other authorities, that when Lahomed was wounded he fell from his horse, and lay upon the field among the slain till night, and that in the dark a party of his own body-guard returned to search for his body, and carried him off to his camp.

নগরের চতুর্পাশে

নির্মাণ করিল মঞ্চ,

বাজে বাজ তাহার উপরে :

পূজা, হোম, বলিদান

অনুষ্ঠিত গৃহে, গৃহে,

বৈতালিক জয়গান করে ।

রাজ-অস্ত্রঃপুর-মাঝে

উথলে আনন্দ-সিন্ধু,

‘তুরকে করিয়া পরাজয়’

আসি’ছেন মহারাজ ;

লইব বরণ করি’,

নারীগণ পরম্পর কয় ।

বাজায়ে বিজয়শঙ্খ,

আরোহিয়া গজবরে,

পৃথ্বীরাজ পশেন নগরে ;

অগ্রে ধায় পদাতিক,

তুরগ, বারণ পিছে ;

রাজপথ কাঁপে পদভরে ।

কেশে বাঁধা কঙ্কপুচ্ছ,

কণ্ঠে ত্রিধা গুঞ্জাহার,

কটিদেশে কিক্কিণী মুখর,

ঢকারবে নৃত্য করি’,

বাজাইয়া রণশিঙা,

সাথে সাথে ধায় কাণ্ডকর ।

ধ্বজবাহী অগগন
 চলে যুগ্ম শ্রেণী গাঁথি',
 পতাকা কাঁপি'ছে বায়ুবলে ;

পৃষ্ঠে বহি' জয়ভেরী,
 ভালে ভালে ফেলি' পদ,
 হেলিতে, ছলিতে গজ চলে ।

খুলিয়া গবাক্ষদ্বার,
 পুষ্প বরষণ করি',
 কোঁতুকে হেড়েন নারীগণ ।

কার(ও) পুত্র, কার(ও) পতি,
 নৃপতির সাথে সাথে,
 কি গৌরবে করিছে গমন ।

ছিন্ন যা'র নাসা, কর্ণ
 তুরকের অস্ত্রাঘাতে,
 চক্ষু যা'র শোণিতাক্ত শরে,

গৌরবে বনিতা তা'র
 কহে ;—“সখি ! হের অই
 রণজয়ী মোর প্রাণেশ্বরে ।”

পথপার্শ্ব-দেবালয়ে,
 দ্বার উন্মোচন করি',
 দাঁড়াইয়া পূজক ব্রাহ্মণ,

নির্ম্মাল্য, প্রসাদ আনি'
 রণজয়ী বীরগণে
 আনন্দে করেন বিতরণ ।

বিপনি সজ্জিত করি'
 দাঁড়াইয়া শ্রেষ্ঠী যত,
 কার(ও) করে স্বর্ণের খালা ;

তাম্বুল, গুবাক তাহে
 রহিয়াছে স্তূপীকৃত ;
 কার(ও) হাতে কুম্ভের মালা ।

জনপূর্ণ রাজপথ,
 নারীপূর্ণ বাতায়ন,
 জয়নাদে পূর্ণিত অশ্বর ;

নগরী ভ্রমিয়া, ক্রমে,
 রাজপুরী পানে সবে,
 ধীরে ধীরে, হন অগ্রসর ।

নৃপতির রাজ্যী যত,
 পরি' চারু বেশ, ভূষা,
 মাস্তলিক দ্রব্য সাজাইয়া,
 বরণ করিতে ভূপে,
 পুরীর অঙ্গন মাঝে
 বসেছেন মিলিতা হইয়া ।

সংযুক্তা সপত্নীগণে
 কহেন ;—“কি দিন আজ !
 আমাদের সার্থক জীবন ;

মিলেছি ত মোরা সবে,
 কিন্তু বড় দিদি কোথা ?
 কেন তাঁর না পাই দর্শন ?”

ব্যথা হ'য়ে গুণবতী
পশি' সপত্নীর গৃহে,
হেরিলেন সেথা একাকিনী,

আলোলিত কেশজাল,
কাঁদিয়া রেঙেছে অঁখি
ধরাসনে বসিয়া ইঞ্জিনী ।

আদরে ধরিয়৷ কর
সংযুক্তা কহেন ;—“দ্বিদি !
তুমি কেন বসি' হেন আজ ?

অই শুন বাজে ভেরী,
বরণ করিবে চল,
অস্তঃপুর দ্বারে মহারাজ ।”

এত বলি' যত্নে তাঁ'র
কেশগুলি বিনাইয়া
করিলেন কবরী বন্ধন,

খুলি নিজ কণ্ঠহার
পরায়ে দিলেন গলে,
অঙ্গে দিলা সূচারু বসন ।

ইঞ্জিনী সরলা অতি,
আদরে গলিল প্রাণ,
বলে ;—“বোন্ ! কেন অকারণে

সাজাইছ তুমি হেন ?
আমি প্রৌঢ়া এবে ; মোরে
প্রাণেশের আছে কি স্মরণে ?

আমি ভাৰ্য্যামাত্র তাঁ'র

আছি পরিতুষ্টা হয়ে

লভি' ভোজ্য, বসন, ভূষণ ;

নাহি সাধ লোকমাঝে

দেখা'তে এ পোড়া মুখ,

প্রিয়া যা'রা করুক বরণ ।”

সংযুক্তা বুঝায় ক'ন ;—

“যদি, দিদি ! রূপমোহে

থাকে অশ্বে আসক্তি তাঁহার,

কি ক্ষোভ তোমার তাহে ?

যজ্ঞে, ব্রতে, পুণ্যকর্ম্মে;

জ্যোষ্ঠা তুমি, তব অধিকার ।

হ'ক না অপর কেহ,

ক্রীড়ায়, কৌতুকে, রঙ্গে,

ভূপতির ভোগের সঙ্গিনী ;

কিন্তু, দিদি ! ধর্ম্মে, কর্ম্মে

তোমারি(ই) প্রথম স্থান”

শুনি হর্ষে উঠিলা ইঞ্জিনী ।

বড় রাণী, ছোট রাণী

একত্র চলিলা দৌহে,

হাতে হাতে ধরি' পরস্পর ;

সবে ভাবে, এ কি দৃশ্য !

সপত্নীগণের মাঝে

এত প্রেম, লোকে অগোচর ।

হেনকালে পৃথ্বীরাজ,
গজ হ'তে অবতরি',
দাঁড়ালেন অস্তঃপুরদ্বারে ।

উচ্চে উঠে উলুধ্বনি,
বাজে শব্দ মহানাদে,
কি উল্লাস কে বর্ণিতে পারে !

প্রথমে ইঞ্জিনী গিয়া,
করি' নৃপে প্রদক্ষিণ,
চন্দনের টিপ দিলা ভালে,
লয়ে পরে ধূপ, দীপ,
আদরে আরতি করি'
কণ্ঠ সুশোভিলা পুষ্পমালে ।

এইরূপে ভূপতির
অন্য রাজ্ঞী ছিলা ষত,
যথাক্রম, করিলা বরণ ;
নৃপতির নেত্র শুধু
খুঁজিছে, আকুল হয়ে,
ছোটরাণী আসিবে কখন ।

ইঞ্জিনী, বুঝিয়া, স্বরা,
সংযুক্তার হাত ধরি'
লয়ে গেল নৃপতির বামে ;
রাখি' সেথা, উলু দিয়া,
কহে সবে, হাসিমুখে ;—
“রগজয়ী হের সীতারামে ।”

সংযুক্তা, সবার শেষে,
বরণ করিলা ভূপে ;
কি যে হর্ষ সতীর অস্তরে

স্বব্যক্ত করিল তাহা
নয়নের মুক্তাগল,
মুদ্র হাস্য ফুটিয়া অধরে ।

আসি' পৃথা গুণবতী
বরিলেন সমর্ষিরে ;
গোবিন্দে করিলা জায়া তাঁ'র ।

এইরূপে নংরীগণ
বরণ করিলা, ক্রমে,
আদরের পাত্র যিনি তাঁ'র ।

ঘন ঘন বাজে শব্দ;
ঘন উঠে উলুধ্বনি,
রাজভট্ট গায় জয়গান ;

বিশাল নগর ব্যাপি'
উঠে শুধু এক সুরে
'জয় জয় জয় জয়' তান ।

কিন্তু এ সুরের দিনে
এ কি দৃশ্য মর্ম্মভেদী
আকর্ষিল সবার নয়ন !

করুণ রোদন-ধ্বনি,
উঠি', সেথা, অকস্মাৎ,
সবাকার ব্যথিল শ্রবণ ।

রাজ-কুটুম্বিনী এক,
অতি দীনা, বিমলিনা,
এক দিকে, ছিলা দাঁড়াইয়া,

পৃথীরাজ, সংযুক্তারে
হেরি' "তোরা কোথা গেলি"
বলি' উচ্ছে উঠিলা কাঁদিয়া ।

কাঁপে পদ ধর ধর,
না পারি' দাঁড়া'তে নারী,
অবসন্ন, পড়িলা অঙ্গনে ;

হেরি, সংযুক্তারে লয়ে,
কাছে গিয়া নরপতি ;
অভাগীরে তুলিলা যতনে ।

কহিলা ;—“স্বদেশ তরে
বীরপুত্র দেছে প্রাণ ;
কাঁদিস্ না, জননী গো ! মোর ;

এই তোর পুত্রবধু,
ধৈর্য্য ধরি' দেখ্ চেয়ে,
আজ হ'তে আমি পুত্র তোর ।”

সুকা নারী, রহে চাহি',
গণ্ড বহি' পড়ে জল,
পৌরজন সবে সবিস্ময় ;

ভাঙ্গিল চমক, ক্ষণে,
উঠে শত শত কণ্ঠে,
'জয় জয় পৃথীরাজ জয়' ।

ক্ষণমাত্রে সে সংবাদ
পশিল নগরমাঝে,
কত নেত্রে ঝরে হর্ষজল ;

“জন্মে জন্মে আমাদের
রাজা তুমি হও, বীর !”
আশিসিয়া কহে প্রজাদল ।

বিষাদে ভাবিছে কবি,
আর কি তেমন দিন
আসিবে এ ভারত ভিতরে :

বীর পতিপুত্রগণে
মিলি’ জায়া, মাতা, সবে,
ধরণ করিবে সমাদরে ।

বাজিবে বিজয়-শব্দ
আবার গভীর নাদে,
জয়কেতু উড়িবে অশ্বরে ;

কাঁপাইয়া রিপুবন্ধ
‘জয় মা ভারত-লক্ষ্মী’
প্রধ্বনিবে কোটি কণ্ঠস্বরে ।

চলিয়া গিয়াছে দিন,
স্মৃতিমাত্র ছিল তা’র,
তা’ও, বুঝি, ক্রমে, লুপ্ত হয় ;

ভারতের কবিগণ
গাইছেন অন্য গান,
বীরকীর্তি গেল কার(ও) নয় ।

শয্যা এবে রণক্ষেত্র,
নূপুরে ছন্দুভি-ধ্বনি,
অবিরাম ছুটে ফুলবাণ ;

তা'র(ই) অনুকূল কথা
শুনি' প্রীত সর্বজন,
কে শুনিবে আমার এ গান ?

নিঃসঙ্গ বিহগ সম
গাইব আপন মনে,
ডাকিয়া শুনা'ব আপনারে ;

সার্থক হইবে শ্রম,
এক জন(ও) শ্রোতা যদি
পাই এই ভারতমাঝারে ।

চতুর্দশ সর্গ ।

বৎসর বিগতপ্রায় ; বিজয়-উৎসব,
তথাপি, হয়নি শেষ দিল্লী, আজমীরে ;
নিত্য নৃত্য, গীত, নিত্য পূজা, বলিদান
চলিয়াছে ; জয়গর্বে গর্বিত চৌহান ।

‘অজেয় তুরুক’ বলি’ জন্মেছিল জ্ঞান,
ভেঙ্গেছেন ভ্রম রণে বীর পৃথীরাজ ;
সবে কহে ;—“পূর্বাচলে উদিলে তপন
ধরণী মাঝারে তম রহে কতক্ষণ ?”

কাসিম, সবুজগীন, মামুদের ভয়ে
সন্ত্রাসিত ছিল লোক । কি জানি কখন
আসে কোন্ তুর্কবীর, ছিল এই ভয় ;
যদি আসে চিন্তা নাই, জন্মেছে প্রত্যয় ।

ভগ্ন দেবমূর্তি নব হ’তেছে স্থাপিত ;
পূত করি’ছেন বিপ্র অশুচি মন্দির ;
কুণ্ডাশূণ্য লোক দেবে দেয় অলঙ্কার ;
ভাবি’ মনে তুর্কদস্যু না আসিবে আর ।

পৃথীরাজ নিজ মনে করেন বিচার ;
হিন্দুস্থান নিরাপদ হয়নি এখন(৩) ;
তুরুক্ তবরহিন্দে লয়েছে আশ্রয়, *
নাহি শাস্তি, যতদিন না করি বিজয় ।

* তবরহিন্দের অবস্থান সম্বন্ধে মতভেদ আছে । কেহ কেহ বর্তমান সর্হিন্দকেই তবরহিন্দ বলিয়া বিবেচনা করেন । কিন্তু Imperial Gazetteer এর (Vol. VIII p. 89) মতে পাতিয়ালা রাজ্যের অন্তর্গত ভাটিগুই প্রাচীন তবরহিন্দ । মহম্মদ বোরীর আদেশে তুলাকের কাজি এখানে আশ্রয় গ্রহণ করিয়াছিলেন । ত্রয়োদশ মাস অবরোধের পর পৃথীরাজ তাহা অধিকার করেন । ২৫১ পৃষ্ঠার পাদটীকা দেখুন ।

ভাবিছেন জয়চন্দ্র, কি ঘটিল হয় !
অজের তুরক্-সেনা হ'ল পরাজিত !
চৌহান কনোজ যদি করে আক্রমণ,
গেছে মান, এই বার, যাইবে জীবন ।

চৌহান-বিদেষী যা'রা ভাবে মনে মনে,
না থাকিবে আমাদের স্বাধীনতা আর ;
পৃথীরাজ, আনি' সবে একচ্ছত্র তলে,
চৌহান-দাসত্ব-পাশ পরাইবে গলে ।

নিশ্চিন্তা সংযুক্তা হর্ষে যাপিছেন দিন ;
হিন্দুর গৌরব-রবি বীর পৃথীরাজ
বাঁধা তাঁ'র প্রেমডোরে ; বিচারেন সতী,
ধরাতলে মোর সম কেবা ভাগ্যবতী ।

আনন্দে, গৌরবে স্ফীত যদিও চৌহান,
তথাপি বিষাদবহি জ্বলে বহু গৃহে ;
এখন(ও) আহত যোদ্ধা হয়নি সবল,
কতরোগে বহুনেত্র করে অবিরল !

সহস্রতা রমণীর এখন(ও) বালক
কাঁদে 'মা মা মা মা' বলি' । লয়ে পুত্র-নাম
এখন(ও)ভবনে কত কাঁদেন জননী ;
অন্ধ কেহ হারাইয়া নয়নের মণি ।

আর্যভূমে এই দৃশ্য ! চল, হে পাঠক !
চল যাই একবার তুরকের মাঝে ;
দেখি ঘোরী বীরবর কি করে একগে,
প্রতিশোধ তরে রত কিবা আয়োজনে ।

বসিয়াছে মন্ত্রসভা ঘোরীর শিবিরে,
 ভূপতির মূর্তি হেরি' ত্রস্ত, অধোমুখ
 দলপতি কয় জন । কঠোর ভাষায়
 কহিছেন ভূগ সম্বোধিয়া তা' সবায়ে ; —

ভীরু, কাপুরুষগণ ! রণক্ষেত্র হ'তে
 এসেছিলে পলাইয়া ? না হইল লাজ ?
 কেন মুসলমান-কুলে লভিলে জনম,
 মসিমগোরব যদি রাখিতে অক্ষম ?

ভাবিলে না, একবার, এই পলায়নে
 কত গর্ব, কত স্পর্ধা হ'বে কাফেরের ?
 এত দিন ছিল তা'রা নত করি' শির,
 এখন ভাবি'ছে মোরা প্রতিদ্বন্দ্বী বীর ।

মুচ্ছাপন্ন হেরি' মোরে পলাইলে যদি
 কাফেরে, মসলিমে তবে কি রহিল ভেদ ?
 মরিতাম আমি যদি কি হইত ক্ষতি ?
 কেন না যুঝিলে কেহ হয়ে সেনাপতি ?

ধিক্ ধিক্ তোমা সবে, ধিক্ শতবার !
 কি বলিব, সংজ্ঞা ঘোর না ছিল তখন,
 তা' না হ'লে কাপুরুষ রণ-দূত প্রায়
 তোমাদের(ও) ছিন্ন মুণ্ড লুটিত ধরায় ।*

* Mahomed Ghoory was in person in the centre of his army, and being informed that both wings were defeated was advised to provide for his own safety. Enraged at this counsel he cut down the messenger.

পেয়েছ ত শিক্ষা সবে ? * বল এইবার
কি করিবে যুদ্ধে গিয়া ; পলা'বে কি পুনঃ ?
করহ প্রতিজ্ঞা সবে, স্পর্শিয়া কোরাণ,
না পলা'বে যতক্ষণ র'বে দেহে প্রাণ ।

একে একে সর্বজন, হ'য়ে অগ্রসর,
লইল শপথ । ঘোরী পরিতুষ্ট হ'য়ে
কহিলেন কোষাধ্যক্ষ ;—“লয়ে প্রতিজনে
কর তুষ্ট, যোগ্য পরিচ্ছদ বিতরণে ।” †

আজ্ঞা দিলা মহম্মদ যাইতে সবায় ;
রহিলেন বক্ত্রিয়ার, কুতব কেবল ।
কহিলেন ঘোরী ;—“হিন্দুস্থান আক্রমণে
আমার উভয় হস্ত তোমরা দু'জনে ।

বল, শুনি, কেবা কোন করিয়াছ কাজ ;
কুতব ! যুদ্ধাশু, অস্ত্র বাকী আর কত ?
সংবৎসর যদি মোরা রহি হিন্দুস্থানে
অভাব না হয় যেন বর্ম্ম, অসি, বাণে ।

আচরিব যে কৌশল এবার সমরে
বলেছি তোমারে তাহা , রাখিও স্মরণে ;
বহু গজ, পদাতিকে ফল কিছু নাই ;
বায়ুবেগ, সুশিক্ষিত অশ্ব আমি চাই ।”

* এই শিক্ষা বা শাস্তি সম্বন্ধে ২৩৩ পৃষ্ঠার পাদটীকা দেখুন ।

† . They all accordingly joined the camp, and each received a robe of honour, according to his rank.

কহিলা কুতব ;—“প্রভো ! হয় নাই ত্রুটি
আয়োজনে ; সার্কিলক্ষ অশ্ব, বর্ষকাল,
হইতেছে সুশিক্ষিত । ভূমণ্ডলে আর
হেন অশ্ব, অশ্বারোহী নাহি অন্য কা’র ।

হিন্দুর সমরনীতি লয়েছি বুঝিয়া ;
অস্ত্র, শস্ত্র তন্ন তন্ন, করেছি দর্শন ;
দেখা’ব এবার যুদ্ধে মোদের বিক্রম ;
দেখা’ব কি শক্তি ধরে ইসলামধরম ।

পূর্বযুদ্ধে রণভূমি ছিল অবিজ্ঞাত
আমাদের, তাই হিন্দু লভেছিল জয় ;
পারি নাই উপযুক্ত অশ্ব-সঞ্চালনে,
দেখিব, এবার, কা’রা জয় লভে রণে ।

একবার জয়ী তা’রা হয়ে তরায়ণে,
ভাবে, কুসংস্কারে, মেথা, লভিবে বিজয় ;
গজসৈন্য তাহাদের, কহিয়াছে চর,
অচিরাৎ পুনঃ তথা হ’বে অগ্রসর ।

অনুকূল এ সংবাদ । অজ্ঞাত প্রদেশে
হ’লে যুদ্ধ আমাদের ঘটিত সঙ্কট ;
কিন্তু ধ্বংস তাহাদের ইচ্ছা বিধাতার,
তাই তরায়ণে তা’রা আসি’ছে আবার ।

নিশ্চিন্ত থাকুন, প্রভো ! হ’ক পৃথীরাজ
মহাবীর, হ’ক দক্ষ বাহিনী-চালনে,
কিন্তু না পাইবে রক্ষা প্রভুর কৌশলে,
মরে সিংহ পশুরাজ জালবন্ধ হ’লে ।”

কহিলেন মহম্মদ ;—“বল, বক্ত্রিয়ার !
এতদিন রহি’ পুনঃ হিন্দুস্থান মাঝে
কি করিয়া এলে তুমি ? পিশাচী তোমার
যুদ্ধের কি ফল হ’বে বলেছে এবার ?

পূর্ব যুদ্ধে বাক্য তা’র হয়েছে সফল,
সত্যই কাফেরদল লভেছে বিজয় ;
কিন্তু ভবিষ্যতে মোরা জয়ী হ’ব রণে,
বলেছিল সে যে ; তা’র কি বলে এক্ষণে ?”

“বলিয়াছে ;”—বক্ত্রিয়ার কহিলা সম্মুখে ;
“সব কথা তার আমি না পারি বুঝিতে ;
পূর্বের নাকি কেন্দ্রস্থিত ছিল বৃহস্পতি,
এবে রক্ষুগত শনি, বক্র তা’র প্রতি ।*

যা’বে রাজ্য, যা’বে প্রাণ, ধ্বংস সুনিশ্চিত ;
শুনি’ আমি অনুরোধ করেছিছু তা’য়,
করে যেন এই কথা সর্বত্র প্রচার ;
ক্রোধবশে মায়াবিনী করেছে স্বীকার ।”

প্রীত মহম্মদ ক’ন ;—“উত্তম ! উত্তম !
হ’বে হিন্দু শঙ্কায়ুক্ত এ কথা শুনিলে ;
কিন্তু, বল, পিশাচী সে সদয়া তোমায়,
প্রতিদানে সেকি কিছু পুরস্কার চায় ?”

কহিলেন বক্ত্রিয়ার :—“অন্য কিছু নয়,
শুধু চাহে, পৃথ্বীরাজ মরিলে সমরে
ল’বে তা’র শব ।” ঘোরী জিজ্ঞাসিলা তাঁয় ;
“কি বলিলে ? হিন্দুরা কি নরমাংস খায় ?”

* পৃথিবীর অশু বহু প্রাচীন জাতির স্থায় মুসলমানদিগেরও গ্রহনক্রমের স্থিতিফলে স্বাভাবিক বিশ্বাস ছিল ।

উত্তরিলে বক্ত্রিয়ার ;—“খায় না সকলে ;
কিন্তু তাহাদের মাঝে আছে এক দল,
অঘোরী সন্ন্যাসী নামে ; * করেছি দর্শন
চিত্তা হ’তে দক্ষ মাংস করি’ছে ভক্ষণ ।

না জানি এ মায়াবিনী কি করিবে শবে,
জিজ্ঞাসিলে, একদিন, বলেছিল মোরে ;
‘তরুণ, সুন্দর, শূর মরে যদি রণে
শব তা’র সুপ্রশস্ত শ্মশান-সাধনে ।’

“ধিক্ ধিক্” ! ক্রোধভরে কহিলেন ঘোরী ;—
“ধিক্ হিন্দুদের শাস্ত্র ! ধিক্ বীরপণা !
শাস্তিদানে যোগ্য শুধু মোরা মুসলমান,
প্রেরক মোদের সেই ঈশ্বর মহান্ ।

রাজ্য আমাদের যবে হ’বে প্রতিষ্ঠিত
দুই কার্য ইসলামের রাখিও স্মরণে ;
প্রথম, অস্পৃশ্য হিন্দুজাতির উদ্ধার,
দ্বিতীয়, বিনাশ হেন ভ্রম, কুসংস্কার ।

সত্যধর্ম হিন্দুজাতি শিখে নাই কভু ;
বুঝে নাই মানবের স্রষ্টা ভগবান্ ;
তাই, রচি জাতিভেদ, মোহে অন্ধপ্রায়,
একে অশ্রে পশু সম লাঞ্জে অবজায় ।

* ইহারা নিতান্ত অপরিষ্কার, নিষ্ফল ও বিকাররহিত । মস্ত, মাংস এমন কি নিজের মল,
মূত্র পর্যন্ত খাইয়া থাকে । * * কোথাও শবদাহ হইলে অঘোরপন্থীরা মস্তের সঙ্গে সেই মনুষ্য-
মাংস তুলিয়া ভক্ষণ করে । বিশ্বকোষ ১ম ভাগ, ৩১ পৃষ্ঠা ।

+ সাধনযোগ্য শব সম্বন্ধে ভাবচূড়ামণি গ্রন্থে লিখিত আছে,—
তরুণং সুন্দরং শূরং রণে নষ্টং সমুচ্ছলন্ ।

বিশ্বকোষ ২০ ভাগ, ২৫১ পৃষ্ঠা ।

অস্ত্যজ, অস্পৃশ্য জাতি যা'রা হিন্দুস্থানে,
শুনিয়াছি, মনস্তাপে জর্জরিত তা'রা ;—
মোরা গিয়া ভাই বলি' করিলে আহ্বান
দলে দলে আসি' সবে হ'বে মুসলমান । *

শুনেছি ধর্মের নামে মুঢ় হিন্দুগণ
পাপাচার, কদাচার করে শত শত ;
বুঝাইলে শাস্ত্রবাক্যে করে যুক্তিদান,
আমাদের প্রতিযুক্তি করাল কৃপাণ ।

* মুসলমান তরবারির সাহায্যে ধর্মপ্রচার করিয়াছিলেন বলিয়াই সাধারণের বিশ্বাস ; কিন্তু হিন্দু সমাজে নিম্নশ্রেণীর হীনাবস্থা এবং তাহাদিগের সম্বন্ধে উচ্চশ্রেণীর অবজ্ঞা ও ঔদাসীন্যই ভারতবর্ষে ইসলামধর্ম-প্রচারের বিশিষ্টতর কারণ হইয়াছিল। স্বকন্দর্শী স্বামী বিবেকানন্দ এ সম্বন্ধে এইরূপ বলিয়াছেন :—

The Mahomedan conquest of India came as salvation to the down-trodden, to the poor. That is why one-fifth of our people have become Mahomedans. It was not the sword that did it all. It would be the height of madness to think it was all the work of sword and fire. And one fifth, one half of your Madras-people will become Christians if you do not take care. Was there ever a sillier thing before in the world than what I saw in Malabar country ? The poor Pariah is not allowed to pass through the same street as the high caste man, but if he changes his name to a hodgepodge English name, it is all right ; or to a Mahomedan name, it is all right.

Swami Bibekanand's Works Mayavati Memorial Edition

Vol. III P. 652.

স্বর্গীয় ভূদেব মুখোপাধ্যায় মহাশয়ও বলিতেন ;—“অস্ত্যজ প্রভৃতি ষড়ঙ্গ হিন্দুয়ানী মানে ততক্ষণই যুগিত । উহারা যেই মুসলমান হয়, অমনি উচ্চশ্রেণীর হিন্দু বলেন, “সেলাম মিরা সাহেব !” তখন উহাদের বসিবার জন্ত কাঠের চৌকি দিতে হয় ।”

এডুকেশন গেজেট ২২এ বৈশাখ, ১৩২৩

১৯০১ সালের বঙ্গদেশের জনসংখ্যা গণনার রাজকীয় বিবরণীতে এ সম্বন্ধে বাহা লিখিত হইয়াছে তাহা নিম্নে উদ্ধৃত হইল । ভারতের সর্বদেশ সম্বন্ধেই এই উক্তি প্রযোজ্য । The Musalman religion, with its doctrine that all men are equal in the sight of God, must necessarily have presented far greater attractions to the Chandals and Koches who were regarded as outcastes by the Hindus than to the Brahmans, Baidyas and Kayasthas who in the Hindu caste-

পূর্বপুণ্য তাহাদের ছিল কথঞ্চিৎ
তাই এতদিন তা'রা ইসলামের বল
করিতেছে প্রতিহত ।* কিন্তু একবার
পড়ে যদি, শত বর্ষে উঠিবে না আর ।”

কহিলা কুব্ব ;—“প্রভো ! সন্দেহ কি তায় ?
পাপ বিনা, হয়ে তা'রা, বীর, বুদ্ধিমান,
হ'বে কেন মতিভ্রাস্ত ! কেন অকারণ
করিবে স্বজাতিধ্বংসে অন্যে নিমন্ত্রণ !

system enjoy a position far above their fellows. The convert to Islam could not of course expect to rank with the higher classes of Muhammadans, but he would escape from the degradation which Hinduism imposes upon him ; he would no longer be scorned as a social leper ; the mosque would be open to him ; the Mullah would perform his religious ceremonies and when he died he would be accorded a decent burial.

Report Part I. P. 384.

খ্রীষ্টধর্ম প্রচারকগণও নিম্নশ্রেণীর হিন্দুদিগের সম্বন্ধে অবিকল এই কথাই বলেন :—

The converts to Christianity are recruits almost entirely from the classes of Hindus which are lowest in the social scale. These people have little to lose by forsaking the creed of their forefathers. As long as they remain Hindus they are daily and hourly made to feel that they are of commoner clay than their neighbours. Any attempts which they may make to educate themselves or their children are actively discouraged by the classes above them. Caste-restrictions prevent them from quitting the toilsome, uncertain and undignified means of subsistence, to which custom has condemned them, and taking to a handicraft or a trade : they are snubbed and repressed on all public occasions : are refused admission even to the temples of their Gods ** But once a youth from among these people becomes a Christian his whole horizon changes.

Ibid—P. 389.

*The armies of Islam had carried the crescent from the Hindukush westward, through Asia, Africa, and Southern Europe to distant Spain and France before they obtained a foothold in the Punjab.

Hunter's Indian Empire P. 328.

মুসল্মানে মুসল্মানে সত্য ঘটে বাদ,
কিন্তু মোরা যুদ্ধ করি নিজেদের মাঝে ;
অন্য ধর্মী শত্রু কভু না করি আহ্বান ;
হিন্দু ডাকে ; ‘ভায়ে মোর কাটো, মুসলমান !’

সুশানিত যে কৃপাণ বিধাতার করে
কা’র শক্তি বেগ তা’র করে প্রতিহত ?
বিধিরোষ, ভ্রাতৃভেদ করি’ উৎপাদন,
করিবেন কাফেরের ব্যর্থ আয়োজন।”

কহিলেন ঘোরী ;—“সত্য বুঝেছ, কুতব !
জাতিবৈর-পাপে ধ্বংস হ’বে হিন্দুজাতি ;
বিশেষতঃ যুদ্ধ-জয় করি’ তরায়ণে
জন্মেছে যে গর্ব, নাই বিলম্ব পতনে।

যে যে আয়োজন মোরা প্রতিশোধ তরে
করিতেছি, পৃথীরাজ শুনেছে সকল ;
ফকীরের বেশ ধরি’ আসি’ তা’র চর
দেখে গেছে কতদূর মোরা অগ্রসর।

দর্প করি’ পৃথীরাজ লিখিয়াছে মোরে ;
‘জীবনে অসাধ থাকে যতপি তোমার,
দয়া করে রক্ষা তবু কোরো সৈন্যগণে,
জীবন সুখের বলি’ ভাবে তা’রা মনে। *

* পৃথীরাজের লিখিত পত্রের উল্লিখিত অংশ এইরূপ :—

If you are wearied of your own existence, yet have pity upon your troops, who may still think it a happiness to live.

Brigg’s Ferista Vol. I. P. 175.

দেখেছ ত আমাদের অশ্ব-গজ-বল ?
 বুঝেছ ত চৌতানের কৃপাণ কেমন ?
 পাইয়াছ তরায়ণে শিক্ষা একবার,
 ফিরে যাও, ফিরে যাও, দেশে আপনার ।’

এ গর্বেবর প্রতিশোধ লইব নিশ্চিত,
 দেখাইব বাহুবল নহে মাত্র বল ;
 পত্রের উত্তর আমি রেখেছি ভাবিয়া,
 উপযুক্ত কাল বুঝি’ দিব পাঠাইয়া ।

বলে মাত্র পৃথ্বীরাজ না হ’বে বিজিত ;
 চাহি অশ্ব অস্ত্র তা’র বিনাশের তরে ;
 ভেদনীতি আমাদের হয়েছে সফল,
 বাকী যাহা আছে, তাহা সাধিবে কৌশল ।

জানি’ছ, কুতব ! তুমি, কি তীব্র দহনে
 দগ্ধ হইতেছি আমি । পরাজয় হ’তে
 নাহি নিদ্রা নেত্রে, নাহি শাস্তি জাগরণে ;
 যুদ্ধে জয় কিম্বা মৃত্যু, দৃঢ়পণ মনে । *

আমিই বিজিত মাত্র নহি তরায়ণে,
 সমগ্র মসলিম সেথা হয়েছে বিজিত ;
 রাজ্যবৃদ্ধি, আমাদের ধর্মের বিস্তার
 হ’বে শেষ, যদি নাহি হয় প্রতীকার ।

* যুদ্ধার্থে অগ্রসর মহম্মদ ঘোরী কোন প্রবীণ মুসলমানকে আপনার মনের অবস্থা সম্বন্ধে এইরূপ বলিয়াছিলেন ; Know, old man ! that since the time of my defeat in Hindoostan, notwithstanding external appearances, I have never slumbered in ease, or waked but in sorrow and anxiety. I have therefore determined, with this army, to recover my lost honour from those idolators or die in the attempt.

অধিক কি ক'ব আর ? এই অভিযানে
বীৰ্য্য, ধর্ম মস্‌লিমের হ'বে পরীক্ষিত ;
পৌত্তলিক হিন্দু, সত্যধর্মী মুসলমান,
কেবা শ্রেষ্ঠ, সাক্ষী তা'র র'বে হিন্দুস্থান ।*

চূর্ণিব চৌহানে এই প্রতিজ্ঞা আমার,
নামমাত্র র'বে তা'র ইতিহাস মাঝে ;
বিনষ্ট, বিধ্বস্ত আমি করিব আজ্‌মীর †
বুঝে যেন হিন্দু কিবা সামর্থ্য ঘোরীর ।

সাধু মৈনুদ্দীনে আমি বসাব তথায়,
আজ্‌মীর ইসলাম-তীর্থে হ'বে পরিণত ;
আসিবে যখন হিন্দু পূজিতে পুঙ্কর,
শুনিবে, মোক্বীন ডাকে “আল্লা হো আক্ববর ।”‡

* যদি কোন হিন্দু ইহাতে ব্যথিত হইবার কারণ পান, তাহা হইলে, নিরপেক্ষ ইংরাজ ঐতিহাসিকের লিখিত হিন্দু-মুসলমান-সংঘর্ষের পরিণাম-ফল তাঁহাকে আলোচনা করিতে বলি :

The Hindu chivalry of Rajputana was closing in upon Delhi from the south, the religious confederation of the Sikhs was growing into a military power on the north-west. The Marathas had combined the fighting powers of the low castes with the statesmanship of the Brahmans and were subjecting the Muhammedan kingdoms throughout all India to tribute. As far as can now be estimated the advance of the English power alone saved the Moghal Empire from passing to the Hindus.

Hunter's Indian Empire P. 323.

হিন্দুর কর্মফলে যাহা হইয়াছে, আমি তাহা দেখাইয়াছি। হিন্দু, মুসলমান উভয়ের কর্মফলে যাহা হইয়াছে, কোন ভবিষ্যৎ-কবি তাহা দেখাইবেন ।

† মহম্মদ ঘোরী যে এ প্রতিজ্ঞা রক্ষা করিয়াছিলেন, মুসলমান ইতিহাস তাহার সাক্ষ্য দান করিতেছে ;—Mahomed Ghoory in person went to Ajmer, of which he also took possession, after having put some thousands of the inhabitants, who opposed him to the sword, reserving the rest for slavery.

Brigg's Ferista. Vol. I. P. 177.

‡ আজমীর ও মৈনুদ্দীন সম্বন্ধে স্বতন্ত্র পাদটীকা দেখুন ।

নহে এ প্রতিজ্ঞা মোর রাজ্য-অভিলাষে,
 চাহি আমি হিন্দুস্থানে ইস্লামের জয় ;
 কুতব ! এ কার্যে হ'লে সহায় আমার
 ইহলোকে, পরলোকে পা'বে পুরস্কার ।

রণক্ষেত্রে রহি' তব নাহি প্রয়োজন,
 অবরোধ করি' পথ রহিও পশ্চাতে ;
 যখনি বুঝিবে কেহ পলাইতে চায়,
 অসঙ্কোচে মুণ্ড তা'র লুটা'বে ধরায় !

যা' বলিনু তোমা দৌহে, অন্য, সর্ববজনে
 বল গিয়া বুঝাইয়া । সৈন্য, অস্ত্র, কোষ
 পরীক্ষা করিয়া দেখ । দিলাম বিদায় ;
 মনে রেখো জয়লাভে ঈশ্বর সহায় ।”*

*The Sultan's august motto. “Victory through God.”

The Tabakat i Nasiri. P. 489.



আজমীরস্থিত তারাগিরি ।

পৃথ্বীরাজ ২৩৫ পৃষ্ঠা ।

শব্দদশ সর্গ ।

নিভৃত কুটীর এক তারাগিরি-শিরে,
বসি' তাহে তুঙ্গাচার্য্য । সম্মুখে গুরুর
উঠে হোমগন্ধী ধূম অগ্নিকুণ্ড হ'তে ;
শঙ্খ, ঘণ্টা, তাম্রকুণ্ড, পুষ্পপাত্র আদি
পূজাদ্রব্য ছুই পাশে । সর্বব্যাগী গুরু ;
কৌপীন, করক মাত্র গৃহসজ্জা তাঁ'র ;
কল্যের সম্বল শূন্য । তবু সে কুটীরে
বিরাজিত অন্নদার কৃপা মূর্ত্তিমতী :
সদা অব্যাহত দ্বার । সে কুটীর হ'তে
অভুক্ত, অতৃপ্ত কভু না ফিরে অতিথি ।

মৃন্ময় প্রদীপ এক কুটীর মাঝারে
বিতরিছে ক্ষীণরশ্মি ; পুড়ে যুগ্ম ধূপ,
মধুর সৌরভে গৃহ করি' আমোদিত ।
নাহি অন্য কেহ সেথা ; শুধু আচার্য্যের
শিষ্য এক করজোড়ে বসিয়া নীরবে,
চাহি' আচার্য্যের পানে ; স্তব্ধ, স্নিগ্ধ গৃহ ।

উচ্চকণ্ঠে যামঘোষ করিল ঘোষণা
রজনী প্রহরাতীত । সমাপিয়া জপ,
আচার্য্য , উন্মীলি, নেত্র, জিজ্ঞাসিলা ধীরে ;-
“কহ, বৎস ! গজনীর কি সংবাদ এবে ।”

বিনয়ে কহিলা শিষ্য ;—

“মহা আয়োজন
করি'ছে তুরুকদল ; নানা দেশ হ'তে
সৈন্য, অস্ত্র, তুরঙ্গম করি'ছে সংগ্রহ ।

কঠোরপ্রতিজ্ঞ বীর মহম্মদঘোরী,
 মৃত্যু-শয্যা হ'তে উঠি', সেনাপতিগণে
 করিয়াছে শাস্তিদান ; বাঁধি' গলদেশে
 অশ্ম-খাত্ত-পূর্ণ গোণী, নগরের পথে,
 করায়েছে প্রদক্ষিণ । * তীব্র অপमानে
 করেছে প্রতিজ্ঞা তা'রা মরিবে এবার,
 তবু না ছাড়িবে যুদ্ধ ।”

কহিলেন গুরু ;—

“দেখ, বৎস ! কি পার্থক্য হিন্দু মুসলমানে !
 পরাজিত জয়পাল, অভিমানভরে,
 পশিলা অনলে ; † আর পরাজিত ঘোরী
 করিয়াছে প্রাণপণ জিনিতে হিন্দুরে ।
 না পারি বুঝিতে, বৎস । শিরোদেশে ঘা'র
 দাঁড়াইয়া হিমাচল মহারুদ্ররূপী,
 পদপ্রান্তে গর্জে সিদ্ধু তাণ্ডবলীলায়,
 যে দেশে জনমে সিংহ, শার্দূল, গণ্ডার,
 যে দেশে জনমে শাল, তাল বজ্রবপু,
 সে দেশে জনম লভি' কেন আৰ্য্যসুত
 হেন লঘুচেতা, সৈর্য্য-দৃঢ়তা-বিহীন ।

পুরুষ ত তিনি, যিনি সঙ্কটে, বিপদে
 অটল, অচল, ধীর, পরাজয়ে জয়ী ।

* At Ghoor, he (Mahammad Ghory) disgraced all those officers who had deserted him in the battle and compelled them to walk round the city with their horses' mouthbags, filled with barley, hung about their necks, at the same time, forcing them to eat the grain like brutes.

Brigg's Ferista Vol. I. P. 173.

† Jaipal * * resigned his crown to his son, and having ordered a funeral pile to be prepared, he set fire to it with his own hands, and perished therein. Brigg's Ferista Vol. I. P. 38.

পঞ্চদশ সর্গ ।

মায়াহত্যা আচরিয়া নিষ্কৃতি প্রয়াস,
বহে রাজধর্ম ! নহে শাস্ত্রার্থ-সম্মত !
বল এবে, অন্ত যাহা পেয়েছ সংবাদ ।
নিবেদিল শিষ্য ;—

“দেব ! করিনু শ্রবণ,
ছদ্মবেশে আসি’ বহু যবনের চর
আমাদের বলাবল লয়েছে সন্ধান ।
শুনিলাম, বহু রাজা হিন্দুস্থানবাসী,
চৌহানের জয়লাভে হয়ে ঈর্ষান্বিত,
করিয়াছে বাক্যদান সাহায্যের তরে ।
বলেছেন জয়চন্দ্র, পৃথ্বীরাজ যবে
পশিবেন রণক্ষেত্রে, রাঠোর সৈনিক,
হয়ে সম্মিলিত জম্মুসেনাদল সনে,
আক্রমিবে ভীমবলে দিল্লীর বাহিনী ।’ *
দেখিয়াছি ছদ্মবেশে তুরকের সেনা
শার্দূলসদৃশমূর্তি ; ভক্ষ্য তাহাদের
অর্ধপক শূল্য মাংস, কলির রাক্ষস ।
ডামাস্কস, ইম্পাহান, খোরাসান, হ’তে
আনায়েছে ঘোরীরাজ শূল, বাণ, অসি ।
ক্রমবাসী কশ্মিরদল করি’ছে গঠন
লৌহবর্ম, শিরস্ত্রাণ অভেদ্য শায়কে ।
তাতার, তুরক, বক্ষ, আরব হইতে,
আনিয়াছে বহু অশ্ব ; অচিরে তা’রা

* The troops of Jammu and Kanauj were to oppose Khandi Rai (Gobinda Rai) of Delhi, while the Sultan with his own forces encountered Rai Pithora. The Tabakat-i, Nasiri Footnote P. 467.

পদ্মপাল সম আসি' গ্রাসিবে ভারত ;
না জানি, এবার, দেব ! কি হইবে গতি ।”

কহিলেন গুরু ;—“বৎস ! সত্য যা' বলিলে ;
আছে ভয় বটে, আছে চিন্তার কারণ ।
এখনও সার্কিবর্ষ হয়নি বিগত ;
আহত সেনানী, বহু প্রবীণ সৈনিক
লভে নাই পূর্ণস্বাস্থ্য । পূর্বযুদ্ধে ক্ষীণ
রাজকোষ, অস্ত্রাগার হয়নি পূরিত ।
ঘটিবে সঙ্কট যদি করে ঘোরীরাজ
অতর্কিত আক্রমণ । যুদ্ধ, রক্তপাত
হইয়াছে তুরূকের ব্যবসায় এবে ;
নররক্তে লক্ষস্বাদ শার্দূল সদৃশ
না পারে রহিতে স্থির । সেনা তুরূকের
অভ্যস্থ সমরক্লেশে, সঙ্কটে, বিপদে ।
কিন্তু আমাদের সেনা নহে যুদ্ধজীবী ;
হালিক, তৈলিক, গোপ ; রাজার আদেশে
ধরে আসি' অস্ত্র । নহে বীরত্বে, সাহসে,
স্বদেশ-স্বধর্ম্ম-প্রেমে, রাজভক্তিগুণে
ন্যূন তুর্ক হ'তে । কিন্তু কি শক্তি তা'দের
যুঝে দীর্ঘকাল যুদ্ধ-ব্যবসায়ী সনে ?
নানা দেশে যুদ্ধরীতি নিরখি' যবন
লভেছে যে জ্ঞান, তাহা না আছে মোদের ;
চির দেশবন্ধ মোরা । নবরীতি-ক্রমে
আক্রমিলে তুর্কদল ঘটিবে সঙ্কট ।
বিশেষতঃ তুরূকের অস্ত্রারোহিদল,
সমরে দুর্জয়, ছুটে পবনের বেগে,

পঞ্চদশ সর্গ ।

না পারিবে হিন্দু সৈন্য রোধিতে তা' সবে । *
পূর্বযুদ্ধে ঘোরীবীর লয়েছে শিথিয়া
আমাদের যুদ্ধরীতি । নিশ্চিত এবার
আরম্ভ করিবে যুদ্ধ নবরীতিক্রমে ।
অনভ্যস্ত হিন্দু পাছে হয় বিশৃঙ্খল
আছে সেই চিন্তা, মোর আছে সেই ভয় ।
তথাপি ভরসা আছে, হিন্দুগণ যদি
রহে সন্মিলিত, এই তুরুক-ঝটিকা
চলি' যা'বে, শক-হুণ-ঝটিকার প্রায় ।
দেখিয়াছ তুমি, যবে বহে মহাবাড়,
কত তরু, কত শাখা যায় ভগ্ন হয়ে,
কিন্তু বেণুপুঞ্জ, বন্ধ প্রেমে পরস্পর,
অভিন্ন, অচ্ছিন্ন রহে । হিন্দুও তেমতি
রহিবে অভেদ, যদি বাঁধা থাকে প্রেমে ।
বল, বৎস ! শুনি এবে, কোথা কোথা তুমি
গিয়াছিলে ; মনোভাব কি বুঝিলে কা'র ।”
কহিলেন শিষ্য ;—“দেব ! হইল বাসনা,
বুঝিতে, প্রথমে, যত সাধারণ লোক
কি ভাবে দেশের কথা, কি চাহে তাহারা ।
চলিলাম, তাই, গঙ্গা-গণ্ডকী সঙ্গমে ;
কার্ত্তিকী-পূর্ণিমা দিনে বসে তথা মেলা ।
নানা স্থান হ'তে যত কৃষিজীবী জন
গবী, বলীবর্দ ক্রয়-বিক্রয়ের তরে,
হয় তথা সন্মিলিত । যোজনাস্তব্যাপী
দেখিলাম জনসংঘ, বিপণীর শ্রেণী ;

* চতুর্থ সর্গের ৭২ ও ৭৩ পৃষ্ঠার পাদটিকা দেখুন ।

হস্তী, অশ্ব, উষ্ট্র, গবী, বৃষভ, মহিষ,
নানারূপ পণ্যদ্রব্য আসিয়াছে যত,
গণনা না হয় তা'র । কৃষক, বণিক
নানা দেশ হ'তে আসি' মিলিয়াছে তথা ।

মেলায় পঞ্চম দিনে, গোহট্টের মাঝে,
লোহিত পতাকা লয়ে, বটবৃক্ষমূলে
দাঁড়াইলু । কোতূহলে ঘিরিয়া আমায়
সহস্র সহস্র জন দাঁড়াইল আসি' ।
কেহ ফল, মূল আনি' করিল অর্পণ,
কেহ দিল তাত্রাখণ্ড ; প্রণমিয়া কেহ
দাঁড়াইল করজোড়ে । কহিলাম আমি ;-

“শুন, দেশবাসি ! মহা সঙ্কট সময়
উপস্থিতপ্রায় । য়েচ্ছ তুরুরকের সেনা,
শুনিয়াছ, সোমনাথ ভেঙ্গেছিল যারা,
আসিছে আবার । যথা পড়ে পঙ্কপাল,
পত্র, পুষ্প, ফল কিছু না রহে সেখানে ।
তেমতি এ তুর্কদল পড়িবে যথায়
উচ্ছিন্ন করিবে দেশ । এ সময় কেহ
রহিওনা উদাসীন ; নিজ নিজ ভূপে
করিও সাহায্য দান । রাজার বিপদে
প্রজার বিপদ সদা রাখিও স্মরণে ।

ডাকিবেন যবে রাজা সাহায্যের তরে
দাঁড়াইও অস্ত্র লয়ে । দেবী দেশমাতা,
বাস্তুভূমি বলি' যাঁরে পূজা কর সবে,
ডাকি'ছেন নির্বিশেষে রাজা, প্রজা সবে ।
আসি' যদি তুর্কদল বসে সিংহাসনে,

পঞ্চদশ সর্গ ।

শ্লেচ্ছ-পদ-সেবা ভাগ্যে ঘটিবে সবার ।”

হেরি’ মোর বেশ, শুনি’ আকুল আহ্বান,
অবাক্, বিস্মিত সবে রহিল চাহিয়া ;
না বুঝিল কথা মোর, কেন ডাকি আমি ।
শুনিলাম পরস্পর জিজ্ঞাসিছে সবে,
“কে তুরুক ? কেন আসে ?” কৃষী একজন,
গ্রামের মণ্ডল বলি’ বোধ হ’ল তা’রৈ,
বুদ্ধিমান, শুরুকেশ, হ’য়ে অগ্রসর,
কহিল সে নমি’ মোরে ;—

“সন্ন্যাসী ঠাকুর !

কি বলিছ ? কেন হেন দেখাই’ছ ভয় ?
আসিবে তুরুকসেনা, কি চিন্তা মোদের ?
সেবায় না ডরি মোরা ; অভ্যস্ত সেবায় ।
রাজা, রাজমন্ত্রী, রাজ-গুরু-পুরোহিত,
সেনাধ্যক্ষ, কোষাধ্যক্ষ, অশ্ব-হস্তিপাল,
সৈনিক, প্রহরী, পদ নাহি সেবি কা’র ?
সবে আমাদের প্রভু, সবে চাহে সেবা ;
কি লাজ তুরুকরাজে সেবি যদি তবে ?
জন্মে ছাগ মাংস দিতে ; নর দেয় বলি,
ব্যাত্ত ছিঁড়ে নখে, দন্তে, গ্রাসে অজগর,
এই মাত্র ভেদ ; কিন্তু মৃত্যু প্রতিস্থলে ।
পিতৃ-পিতামহ হ’তে শুনিতেছি মোরা,
যে হ’ক সে হ’ক রাজা, আমরা কৃষক
সকলের ভক্ষ্য । মোরা কি জানি যুদ্ধের ?
নাহি রাজপুত্র, নাহি অস্ত্রের অভ্যাস ;
বহি ভার, করি ভূমি । রাজার প্রহরী

ধরে আসি', যা'ব যুদ্ধে, যা'জানি করিব ।
জয়ী হ'ন মহারাজ, দিব পূজা, বলি ;
জয়ী হয়ে তুর্করাজ বসে সিংহাসনে,
দিব কর ; বাস্তুমাতা থাকুন মস্তকে ।”

হেরিলাম অন্য সবে আকারে, ইঙ্গিতে
সমর্থিল বাক্য তা'র । ব্যথিত অন্তরে,
উস্তীর্ণ হইয়া গঙ্গা, আসিলাম আমি
পুস্পপুরে ; * হেরিলাম শ্রীহীনা, মলিনা
এবে পুরী । নেত্রে ধারা বহিল স্মরণে,
কোথা সে যবনজয়ী চন্দ্রগুপ্ত ভূপ,†
কোথা সেই সার্বভৌম অশোকনৃপতি ।
দেখিলাম বৌদ্ধধর্মী, পালবংশোদ্ভূত
নৃপ এক অধিষ্ঠিত রাজসিংহাসনে ‡
করি' পরিতোষ কোন অমাত্যপ্রধানে,
লভি' অনুমতি, আমি রাজসভা মানে
দাঁড়াইনু । ছিল যত শ্রমণ তথায়
ঈর্ষানেত্রে মোর পানে রহিল চাহিয়া ।

জিজ্ঞাসিলা ভূপ ;—

“বিপ্র ! কি প্রার্থনা তব ?”

কহিলাম আমি ;—

“নৃপ ! দেবী দেশমাতা,

* পুস্পপুর প্রাচীন পাটলীপুত্র বর্তমান গাটনা ।

† চন্দ্রগুপ্ত সন্ধকে ৩১৭ পৃষ্ঠার পাদটীকা দেখুন ।

‡ According to tradition the ruler of Magadha at the time of the Mahammadan conquest was Indradyumnepala. All the Pal kings without exception were zealous Buddhists. All the Sena kings (of Bengal) were Brahmanical Hindus and so had a special reason for hostility to the Buddhist palas. V. Smith's Early History of India (extracted).

পঞ্চদশ সর্গ ।

আসমুদ্র-হিমাচল বক্ষ প্রসারিয়া
রয়েছেন যিনি লয়ে আমা সবা কারে,
বিপন্না, ব্যাকুলা এবে । আদিছে তুরুক
চির-অধীনতা-পাশে বাঁধিতে তাঁহারে ।
ধর্ম্যভেদ, জাতিভেদ ভুলি' এ সময়
পশুন সংগ্রামক্ষেত্রে । বীর পৃথ্বীরাজ
স্বদেশ, স্বধর্ম্য তরে প্রাণ আপনার
করেছেন যুদ্ধে পণ । হিন্দু, বৌদ্ধ সবে
হয় যদি সন্মিলিত, কখন(ও) যবন
না পারিবে প্রবেশিতে আর্য্যাবর্ত মাঝে ।
কিন্তু যদি পরাজিত হ'ন দিল্লীশ্বর,
কনোজ, মগধ, বঙ্গ না রবে স্বাধীন ।
পাষণ-প্রাচীর যদি ভাঙ্গে স্রোতবলে
বালুবন্ধ সেথা কভু পারে কি রহিতে ?
বসে যদি তুর্করাজ দিল্লীসিংহাসনে,
দাসত্ব-শৃঙ্খলে বন্ধ হ'বে আর্য্যভূমি ;
তাই, দেশমাতা মোরে দেছেন পাঠায়ে ।”

হাসিয়া কহিলা রাজা ;—

“বুঝেছি, ব্রাহ্মণ !

চৌহানের চর তুমি ; এসেছ কোশলে
সেনা, অর্থবল মোর করিতে নিয়োগ
চৌহানের শত্রুজয়ে ; বরিতে আমারে
দিল্লীর সামন্তপদে ; বৃথা এ প্রয়াস ।
নহি অর্কবাচীন আমি, নহি অবিবেকী ;
না আছে বিবাদ মোর তুরুকের সাথে ;
চৌহানের পক্ষ লয়ে, তবে, অকারণে,

কেন ঘাঁটাইব তা'য় ? ভুলি নাই মোরা,
 অহিংসক বৌদ্ধ প্রতি যত অত্যাচার
 করিয়াছে হিন্দুগণ । আছে মর্মে গাঁথা
 বোধি-দ্রুম-উৎপাটন, পদাক-ভঞ্জন,
 সজ্জারাম-ধ্বংস । * তবে, লজ্জাহীন হয়ে,
 বৌদ্ধের সাহায্য হিন্দু চাহে কোন্ মুখে ?
 কেমনে ভুলিলে, বিপ্র ! সজ্জারাম হ'তে
 শমগুণান্বিত মহাস্থবিরে কতই,
 ডাকি' তর্কযুদ্ধে তব সমধর্মিগণ,
 গায়, সত্য অতিক্রমি' লভিয়া বিজয়,
 করিয়াছে বিদলিত হস্তিপদতলে,
 বধিয়াছে অঙ্গ ছেদি' কুঠার আঘাতে,
 চূর্ণিয়াছে উদুখলে ? † স্মরিলে সে কথা
 ঝরে নেত্রে অশ্রুধারা, বহে তপ্তশ্বাস ।
 নীরবে সহেছে বৌদ্ধ ; কিন্তু বিধাতার

* মধ্যবঙ্গের অধিপতি শশাঙ্ক কর্তৃক বৌদ্ধদিগের প্রতি অত্যাচার সম্বন্ধে প্রামাণিক ইতিহাসে এইরূপ লিখিত আছে ;—

"The King of Central Bengal, Sasanka, * * dug up and burnt the holi Bodhi-tree at budh-Gaya, on which, according to legend, Asoka had lavished inordinate devotion ; broke the stone marked with the footprints of Buddha at Pataliputra ; destroyed the convents and scattered the monks carrying his persecutions to the foot of the Nepalese hills.

V. Smith's Early History of India p. 346.

† উপক্রমণিকা তৃতীয় ও চতুর্থ পৃষ্ঠার হিন্দু-বৌদ্ধ-বিবাদ সম্বন্ধে আলোচনা দেখুন । নিম্নোক্ত পংক্তিগুলি আমাদের বর্ণনা সমর্থন করে । One favourite device was to institute debates on the rival merits of the two religions, death being the penalty of defeat. When the judge was a Hindu prince the verdict was a foregone conclusion. Many of the chief princes, says the Sankar Vijoy, who professed the wicked doctrines of the Buddhist and Jain religions were vanquished in scholarly controversies. Their heads were then cut off with axes, thrown in mortars and ground to powder by pestles. বৌদ্ধ রাজা, বৌদ্ধ প্রজা, বৌদ্ধ সন্ন্যাসী কেহই এই উৎপীড়ন হইতে অব্যাহতি পান নাই ।

ন্যায়দণ্ড, এতদিন, ছিল উত্তোলিত,
পড়িবে এবার ; তাই আসিছে তুরুক ।
বসে যদি তুর্করাজ দিল্লী-সিংহাসনে,
কি ক্ষতি মোদের তাহে ? সমান উভয়,
পার্থক্য না হেরি মোরা তুয়ারে, # তুরুকে ।”

ভ্যজিয়া মগধ আমি, বিষাদিত মনে,
আসিলাম, দেব ! পুণ্য ত্রিবেণী-সঙ্গমে ।
হেরিশু মকরস্নানে নানাদেশ হ’তে
নানাপন্থী, নানাবেণী সাধুজন কত
মিলিত সঙ্গমক্ষেত্রে । কত শাস্ত্রপাঠ,
কত হোম, কত যজ্ঞ চলিয়াছে সেথা ।
বুঝিয়া সুর্যোগ আমি, কৃতাজ্জলিপুটে,
কহিলাম একদিন ;—

“নমঃ সাধুগণ !

আসিছে তুরুকসেনা । এ সঙ্কটকালে
কাতরা ভারতমাতা ডাকেন সবারে,
দীনা, অশরণা হয়ে । আপনারা সবে
মাতার সুপুত্র ; নিজ নিজ শিষ্যগণে
বলুন বুঝিয়ে, দেশ, ধর্ম রক্ষা তরে,
হইবারে সম্মিলিত । বসিলে তুরুক
আর্য্যাবর্তে, আর্য্যধর্ম না থাকিবে আর ।”

রহিলা নীরব সবে । সাধু একজন,
শিরে কুণ্ডলিত জটা, ভস্মাবৃত তনু,
জিজ্ঞাসিলা ডাকি মোরে ;—

† চৌহানদিগের পূর্বে ভোমর বা তুরার রাজপুত্রগণ দিল্লীতে রাজত্ব করিতেন । পৃথীরাজের মাতামহ অনঙ্গপাল তুরারধর্মী ছিলেন ।

“কে ভারতমাতা ?
কা’রে উদ্ধারিতে তুমি কহি’ছ সবায় ?
কহিলাম আমি ;—

“তিনি দেবী দেশমাতা ;
যাঁ’র অঙ্কে আশৈশব লালিত আমরা,
মিলিবে অস্ত্রমে ভস্ম যাঁ’র দেহ সনে,
বন্ধজাত-শস্যরসে জীবন মোদের
বাঁচান সতত যিনি, জননী যেমতি
স্তনদুগ্ধদানে স্নুতে, শুন, সাধুগণ !
তিনিই ভারতমাতা ; রক্ষুন তাঁহারে ।”
কহিলেন সাধু ;—

“মোরা সংসার-বিরাগী
সন্ন্যাসী, সশ্বক্হীন পৃথিবীর সনে ;
কি ক্ষতি মোদের যদি আসে তুর্কসেনা ?
নাহি আমাদের গৃহ, নাহি ধন, ভূমি,
কি লইবে তা’রা ? মোরা রয়েছি যেমন
রহিব তেমন (ই) । র’বে চন্দ্র, সূর্য্য, তারা,
র’বে তরুমূল, র’বে পর্ব্বতকন্দর ;
তৃপ্ত, সুখী র’ব তাহে । শিষ্য, ভক্তজনে
রক্তপাতে উত্তেজনা করিব কি হেতু ?
কোন্ পন্থী সাধু তুমি ? শুন নাই কভু
বন্ধমূল কৰ্ম্ম ? হয়ে মুক্তিমাগগামী
ল’ব কি বন্ধন বৃথা কৰ্ম্ম-অনুষ্ঠানে ?
রাজ্য, ধন, দারা, পুত্র অনিত্য সকল,
ধৰ্ম্মমাত্র নিত্য ; ত্যজি’ পূজা, পাঠ, যোগ
বিসর্জিব নিত্য কি সে অনিত্যের তরে ?

কহিলা সম্বোধি' মোরে সাধু অন্যজন ;—
 “মায়াবিজ্জ্বিত বিশ্ব ; কেবা রাজা, প্রজা ?
 কেবা জ্ঞেতা, কেবা জিত ? অভিন্ন উভয় ।
 মোহবশে মাত্র নর করে ভেদজ্ঞান,
 দ্বৈত অদ্বৈতের মাঝে ; জয়, পরাজয়,
 অসত্য, অনিত্য এই জগতের মাঝে,
 তুল্য দুই ; না বিচারি' মূঢ় তব গুরু
 বৃথা শিক্ষা-দীক্ষা-দানে বঞ্চিয়াছে তোমা' ।”

ব্যথিল হৃদয় মম । ‘সাধু সাধু’ বলি'
 সমবেত সর্বজন প্রশংসিলা তাঁ'রে ;
 বুঝি' অভিপ্রায়, আমি লইনু বিদায় ।

বিষাদে নিঃশ্বাস ছাড়ি' কহিলেন গুরু ;—
 “বৃথা পাঠ, বৃথা পূজা, বৃথা জপ, ধ্যান,
 মানব মানবহিতে উদাসীন যদি ।
 অজ্ঞতার, হীনতার দুর্ভেদ্য তিমিরে
 কোটি কোটি নর, নারী সমাচ্ছন্ন যথা,
 সে দেশে কি আত্মত্যাগমন্ত্রমাত্র লয়ে
 নিষ্কর্মা রহিবে জ্ঞানী ? নিজে নারায়ণ,
 অবতারি' নররূপে, ধর্মরক্ষা তরে,
 প্রচারিলা কর্মযোগ যে দেশের মাঝে,
 প্রণোদিলা মহারণে বীর ধনঞ্জয়ে,
 হায়রে দুর্ভাগ্য ! সেথা নাহি বুঝে লোক
 কর্মে, ধর্মে কি সম্বন্ধ ! থাকে ধর্ম যদি
পূজা পাঠে, আছে ধর্ম রণে প্রাণদানে
স্বদেশ, স্বজাতি তরে । বিধির আদেশে
 করে কর্ম নর, তবে, কোন, কর্ম হীন ?

রাজা পালে প্রজা, ভূমি কর্বে কৃষিজন,
 যুঝে যোদ্ধা, মলাকর্ষী বহে মলভার ;
 দেখ ভাবি' কা'র কৰ্ম্ম পারো বর্জিবারে ।
 হ'ক গুরু, হ'ক লঘু যে কৰ্ম্মের মাঝে
 জীবের কল্যাণ, তা'ই বিধাতৃ-বিহিত ;
 তা'ই ধৰ্ম্মমূল । হায় ! অনিত্য সংসার ;
 এ অসত্য, প্রচারিত কি অশুভক্ষণে,
 অস্থি, মজ্জা মাঝে পশি' ভারতবাসীর,
 হরিতেছে মনুষ্যত্ব ! এই যে সংসার,—
 রূপ-রস-গন্ধময়ী এই বসুমতী,
 বিধির অপূর্ব সৃষ্টি, পূর্ণ জীবে, জড়ে ;
 স্নেহে পূত, প্রেমে স্নিগ্ধ, সমৃদ্ধ সংঘমে ;
 নহে মায়া-মরীচিকা—পুণ্য কৰ্ম্ম-ভূমি ।
 লভি' কৰ্ম্মেন্দ্রিয় নর, বিধির বিধানে,
 প্রেরিত এ কৰ্ম্মভূমে কৰ্ম্ম সাধিবারে ;
নহে বন্ধমূল কৰ্ম্ম ; কৰ্ম্ম মুক্তিপ্রসূ ।
 আসি' এ সংসার মাঝে, যুগ যুগান্তের
 হয়ে কৰ্ম্মফলভোগী, উচিত কি কভু
 ধৰ্ম্মালস্যে কৰ্ম্মত্যাগ ? দেখ বিচারিয়া
 ভ্রষ্ট ধৰ্ম্ম, স্তম্ভ বিধি এ ভারত হ'তে ;
 ত্রস্নাত্তেজ, ক্ষান্ত্রবর্ধ্য স্মৃতিশেষ এবে ;
 আছে মাত্র স্বাধীনতা ; ক্ষীণালোক সম
 এখন (ও) এ জীর্ণপূরীঃ করিছে উজ্জ্বল ।
 কিন্তু, বৎস ! দেখ ভাবি' কুশিক্ষার বশে
 কৰ্ম্মে দোষারোপ করি,' আৰ্য্যস্মৃত যদি
 করে তাহা নির্বাপিত, কি গভীর তম

গ্রাসিবে এ দেশ তবে ! মানব সমাজ
 অবজ্ঞায় অনাদরে করিবে খিকার ;
 ক্ষেত্ৰপদসেবামাত্র হ'বে পরিণাম ;
 উচ্চশির চিরতরে র'বে নত হয়ে ;
 কি ফল অস্তিত্বে হেন ? ভ্রান্ত আৰ্য্যসুত
 বুঝিল না মোহবশে জাতি-পরিণাম,
 তা'ই হেন উদাসীন । কি কহিব আর ?
 বল, এবে, অন্য কোথা গিয়াছিলে তুমি ।”
 নিবেদিল শিষ্য ;—

“আমি দেবের আদেশে,
 ত্যজি' আৰ্য্যাবর্ত, লজ্জি' বিক্ষ্যাচলভূমি,
 প্রবেশিনু দাক্ষিণাত্যে । কি বলিব, দেব !
 শতগুণ উদাসীন্য হেরিনু তথায় ।
 তুর্কের বিক্রম, বল, হিন্দুধর্ম্ম ঘেষ
 না ভাবে, না বুঝে লোক । হয়েছে বিস্মৃত
 সোমনাথ-ধ্বংস । গর্বে কহে কোন জন ;—
 ‘কা'র শক্তি বিক্ষ্যাগিরি পারে লজ্জিবারে ?
 মরিবে তুরুক যদি প্রবেশে এ দেশে’ ।
 কেহ কহে ;—‘জাতিগর্বে আৰ্য্যাবর্তবাসী
 অবজ্ঞা, উপেক্ষা করে দাক্ষিণাত্যজনে ;
 কিক্ষিয়ানিবাসী বলি' করে উপহাস ;
 হয় যদি নিগৃহীত তুরুকের করে
 কি ক্ষতি মোদের তাহে ? ভাসুক গরব ।’*
 এইরূপ, নানা জন কহে নানা কথা ;

* বলা নিশ্চয়োক্ত যে এই অবজ্ঞা ও উপেক্ষা এখনও বিদূরিত হয় নাই । অপর জাতির কথা দূরে থাকুক তৈলঙ্গী ও মহারাষ্ট্রবাসী চিৎপাবন ব্রাহ্মণদিগকেও উত্তর ভারতের অনেকে ব্রাহ্মণ বলিয়া স্বীকার করিতে ইতস্ততঃ করেন ।

উত্তর, দক্ষিণ, মধ্য, পূর্ব, পশ্চিম
 সর্বদেশে সমভাব ; উদাসীন সবে ।
 স্বদেশ বলিলে বুঝে গ্রাম আপনার ;
 স্বজাতি বলিলে বুঝে নিজ সম্প্রদায় ;
 সীমাবদ্ধ ভক্তি, প্রেম এ ছু'এর মাঝে ;
 ভারত-সন্তান বলি' নাহি বুঝে কেহ ।
 রাজা ভাবে নিজ রাজ্য ; প্রজা ভাবে নিজ
 শস্যক্ষেত্র ; ভাবে শ্রেষ্ঠী নিজ ব্যবসায় ।
 আসমুদ্র-হিমাচল স্বদেশ সবার,
 আচণ্ডাল-দ্বিজ সবে স্বধর্মী, স্বজাতি,
 একের বিধ্বংসে হ'বে ধ্বংস সকলের,
 সে কথা বারেক কা'র (ও)না পড়ে স্মরণে
 দেশমাতা শব্দ আমি কহিতাম যবে,
 নির্বাক, বিস্মিত লোক রহিত চাহিয়া ।
 একদিকে তুরুকের সঙ্কল্প কঠোর,
 ধর্মোৎসাহ, সুবিপুল যুদ্ধ-আয়োজন,
 অন্যদিকে আমাদের শৈথিল্য, জড়তা,
 ধর্ম্মালস্য, অপকর্ষ সমরপ্রথায়
 দেখি', শুনি' সদা মোর শঙ্কা হয় মনে,
 অনিবার্য্য দাস্য, দৈন্য ভারতমাতার ।”

সুদীর্ঘ নিঃশ্বাস ছাড়ি' কহিলেন গুরু ;—
 “বুঝিলাম, বৎস ! দৈব বটে প্রতিকূল ।
 যবনের আয়োজনে নাহি ছিল ভয় ;
 ভয় এই দেশব্যাপী ঔদাস্যে হিন্দুর ।
 বল তুমি, এবে মোরে, বল বিস্তারিণী,
 দিল্লীর সংবাদ ; বল, কোথা পৃথীরাজ ।”

বিনয়ে কহিলা শিষ্য ;—

“করিনু শ্রবণ

এখনও তবরহিন্দু হয়নি বিজিত ;
 ঘোরীর আদেশে তথা যবন সেনানী,
 দুর্দ্ধর্ষ বিক্রমে, প্রায় সংবৎসরকাল,
 করিতেছে আত্মরক্ষা ।* তা’ই পৃথ্বীরাজ,
 দুর্গ করি’ অবরোধ, আছেন তথায় ;
 রাজকার্য্য তরে কভু আসেন দিল্লীতে ।
 আদেশে ভূপের দিল্লী দুর্ভেদ্য প্রাচীরে
 হইয়াছে সুবেষ্টিত ; নগরীর মাঝে
 সুরম্য প্রাসাদ, বাপী, দেবালয় কত
 হয়েছে আরক । ভূপ, দাঁড়াইয়া নিজে,
 বুঝাইয়া শিল্পিগণে, করেছেন দৃঢ়
 নগরতোরণদ্বার অধুষ্য শক্রর । †
 প্রভাত, মধ্যাহ্ন, সন্ধ্যা, সমভাবে, বীর
 নিযুক্ত কঠোর শ্রমে । নাহি ক্লাস্তিবোধ,
 না আছে মমতা প্রাণে । রণক্ষেত্রে কভু
 সিংহনাদে অগ্রসর করিছেন চমু ;
 কখনও শিবিরে ডাকি’ সেনাপতিগণে
 করিছেন যুক্তিদান । এ হেন সাহস,

* The Kazi of Tulak was left in charge of the fortress of Tabarhindah and Rai Pithora appeared before the walls of that stronghold and fighting commenced. For a period of thirteen months and a little over the place was defended. The Tabakat i Nasiri p. 464.

† Prithwiraj or Rai Pithora ruled both Delhi and Ajmer, and built the city which bore his name at the former place. The walls of this city may still be traced for a long distance round the Kutab Minar.

এ হেন কর্তব্যনিষ্ঠা হেরে নাই কেহ ।
 শুনিমু তবরহিন্দে খণ্ডযুদ্ধে এক,
 নিরখি' মূর্চ্ছিত কোন চৌহান-নায়কে,
 তুরুক-সৈনিক দুই ব্যাঘ্রের সমান
 পড়েছিল আসি' তা'র দেহের উপরে !
 করের অঙ্গুরী আর কর্ণের কুণ্ডল
 না পারি' খুলিতে হরা করিল উদ্যম
 কাটিতে অঙ্গুলি, কর্ণ ছুরিকা-আঘাতে ।
 হেরি' পৃথীরাজ, ভূমে পড়ি' লক্ষ্য দিয়া,
 দাঁড়াইলা উভয়ের আসিয়া সম্মুখে ।
 শূলাঘাতে বধি' একে, অসির প্রহারে
 করি' ছিন্নশির অন্যে, তুলিলা চৌহানে
 আপন অশ্বের 'পরে । দুর্গের প্রহরী
 হানিল অজস্র অস্ত্র লক্ষ্য করি' তাঁ'রে ;
 কিন্তু অবিচল বীর, অশ্ব-বলুগা ধরি'
 আনিয়া চৌহানে দিলা রাজবৈদ্য-করে । *
 কি বিস্ময় সেনাগণ পূজিবে তাঁহারে
 দেবতা সমান জ্ঞানে ! কি বিস্ময়, দেব !
 মূর্চ্ছিত সৈনিক, শুনি' কণ্ঠস্বর তাঁ'র,
 উঠিবে বসিয়া 'জয় পৃথীরাজ' বলি" ।

আনন্দে কহিলা গুরু ;—

“বল, বৎস ! এবে ...

কোথা ছোট রাণী ; তাঁ'র জান কি সংবাদ ?

* রাজবৈদ্যগণ যে রণক্ষেত্রে আহতের উপযুক্ত ঔষধ ও উপকরণাদি লইয়া উপস্থিত থাকিতেন, তাহার স্থপট উল্লেখ দেখা যায় ।

স্বাক্ষাৎ ৮ মহতি রাজগেহাদনস্তরঃ

ভবেৎ সন্নিহিতো বৈদ্যঃ সর্বোপকরণাধিতঃ । হৃৎকৃতঃ চতুর্ভিঃশৌহদ্যারঃ ।

উৎসাহে কহিলা শিষ্য ;—

“জানি, দেব ! জানি ।

আসে নাই হেন বধু চৌহানের কুলে ;
 যোগ্যের সুযোগ্যা পত্নী । দয়া মূর্তিমতী,
 কন্নিষ্ঠা, প্রবীণা জ্ঞানে । সমাপিয়া পূজা,
 সংযুক্তা বসেন, নিত্য, সভাপার্শ্বগৃহে,
 যবনিকা-অস্তুরালে । সচিব-প্রধান
 অনুষ্ঠেয় রাজকার্য্য শুনান তাঁহারে ;
 কোষাধ্যক্ষ আসি' কহে আয়, ব্যয়, স্থিতি ;
 সেনাধীশ আসি' কহে সামন্ত, সৈনিক
 নিযুক্ত কে কোন্ কার্য্যে । করিয়া শ্রবণ
 যথাযোগ্য উপদেশ দেন প্রতি জনে । *
 আদেশে তাঁহার বহু অস্ত্রচিকিৎসক
 রাজবৈজ্ঞ, গ্রামে গ্রামে করিছে ভ্রমণ,
 ঔষধ, প্রলেপ লয়ে । রাজভৃত্য শত
 নিযুক্ত ঔষধিমূল কর্তনে, পেষণে ।
 মৃতের স্ত্রীপুত্র তরে, আহত-সেবায়
 মুক্ত রাজকোষ । আমি শুনিবু নগরে,
 কোষাধ্যক্ষ, হেরি' ব্যয়, সচিবপ্রধানে
 বলেছিল একদিন ;—‘হতাহত তরে
 এত অর্থব্যয় কভু নাহি ছিল রীতি ।’
 শুনি' রাজ্ঞী, খুলি' নিজ গাত্র-অলঙ্কার,
 পাঠায়ে তাঁহার কাছে, করিলা আদেশ ;—
 ‘রাজরীতি-ভঙ্গে মোর নাহি অধিকার ;

* হিন্দুরমণীর পক্ষে এরূপভাবে রাজকার্য্য পরিচালন করনামাত্র নহে । গড়মণ্ডলের রাজ্ঞী দুর্গাবতী এবং প্রাতঃস্মরণীয়া অহল্যাবাঈ হিন্দুসহিলার অন্তর্নিহিত শক্তির ঐতিহাসিক প্রমাণ দেখাইয়াছেন ।

কিন্তু অধিকার আছে নিজের স্ত্রীধনে ;
 যত দিন কণামাত্র রহিবে ইহার,
 ক্রটি যেন নাহি হয় আহত সেবায় ।
 লজ্জানত কোষাধ্যক্ষ কহিল আসিয়া ;—
 ‘অপরাধী আমি, মাতঃ ! হয়েছিল ভ্রম,
 যা’ ইচ্ছা করুন ; হেন লক্ষ্মী মূর্ত্তিমতী
 বিরাজিতা যথা, তথা, কিসের অভাব ?’

সায়াকে সংযুক্তা, নিত্য, শিবিকারোহণে,
 সঙ্গে, প্রিয়ত্ৰতা সখী, পৌরজন-গৃহে
 করেন দর্শনদান । শুনেন যথায়
 রণে মৃত পুত্র তরে কাঁদেন জননী,
 করেন সাস্তুনা গিয়া । শুনেন যেখানে,
 রাখি’ শিশুপুত্র, কোন সৈনিক-রমণী
 পশিয়াছে চিতানলে, লয়ে ক্রীড়নক
 হ’ন সেথা উপনীত । সে শাস্ত্র মুরতি
 নিরখি’ বালক, তাঁ’র চিবুক ধরিয়া,
 ডাকে ‘মা মা মা মা বলি’ ; কোলে লয়ে তা’রে
 ফিরেন প্রাসাদে অশ্রু মুছিতে মুছিতে ।
 ভাবি যবে, গুরুদেব ! এ দৌহার কথা
 ডুববে হিন্দুর নাম না হয় বিশ্বাস ।”

কহিলেন গুরু ;—

“বৎস ! বিধি বিধাতার
 দুস্তৈর্য । যে বংশ মহাপাপে কলঙ্কিত,
 ললাম তাহার মরে সকলের আগে ;
 কাননে সর্বেচ্ছ তরু পুড়ে বজ্রপাতে ।
 হয়ত এ যুগ পুষ্প, সুরভি, নির্ম্মল,

আৰ্যাস্ত-পাপানে হ'বে ভস্মীভূত ।
 ভেবেছিলু উভয়ের সন্মিলন হ'তে
 ফলিবে অমৃতফল—প্রজার কল্যাণ ।
 রাঠোর, চৌহান হ'লে বন্ধ সখ্যডোরে
 অজেয় হইবে হিন্দু । বহুদিন হ'তে
 তা'ই, আয়োজন নানা রেখেছিলু করি' ;
 পৃথায় স'পিয়াছিলু সমধির করে ।
 ছিল আশা, আৰ্য্যাবর্তে কনোজ, আজ্‌মীর,
 দিল্লী, চিতোরের সনে হ'লে সন্মিলিত,
 না হ'বে তুর্কের শক্তি পশিতে তথায় ।
 কিন্তু, বৎস ! কৰ্ম্মদোষে, প্রতিকূল ধাতা ;
 তা'ই আয়োজন মোর ব্যর্থপ্রায় এবে ।
 মথিলাম সিন্ধু, কিন্তু অমৃতের সনে
 দেখা দিল হলাহল ; রাঠোর, চৌহান,
 বন্ধবৈর, পরস্পর চাহে ধ্বংসিবারে ;
 কি ঘটিবে পরিণামে না পারি বুঝিতে ।
 কিন্তু ভবিষ্যৎ-চিন্তা বৃথা করি মোরা ।
 কার্য্যে মাত্র অধিকারী ; ফলদাতা বিড়ু ।
 করিয়াছ বহু শ্রম, যাও তুমি এবে,
 লভহ বিশ্রাম । আমি যাইব কনোজে ;
 বুঝিয়েছি বহুবার, বুঝাইব পুনঃ
 জয়চন্দ্ৰে, যদি তাহে ফলে কিছু ফল ।”

প্রণমি' চলিলা শিষ্য । তুঙ্গাচার্য্য, তবে,
 পাতি' দৰ্ভাসন, শির রাখি' বাহু'পরে,
 করি' ইষ্টমন্ত্র জপ, মুদিল। নয়ন ।

ষোড়শ সর্গ ।

কনোজের অস্ত্রপু্রে নৃসিংহ-মন্দির
গঙ্গাগর্ভ হ'তে উর্দ্ধে তুলিয়াছে শির ।
শিলাখণ্ডে দৃঢ়গাঁথা বিশাল সোপান
অলিন্দ হইতে জলে করেছে প্রয়াণ ।
সোপানের শিরোদেশে রচিত মন্মরে
সুপ্রশস্ত বেদি এক চারু শোভা ধরে ।
নানাবর্ণ, সূচিক্ৰম শিলায় রচিত
পত্র, পুষ্প কত তাহে আছে বিরাজিত ।
প্রতিদিন জয়চন্দ্র, লয়ে পুরজনে,
বসেন তথায় আসি' গঙ্গা দরশনে ।
উড়ায়ে কেতন কত তরী বহে যায়,
কচ্ছপ, শিশুক জলে শরীর ভাসায় ।
পালিত মরালগুলি ক্রীড়া করে জলে,
বক, হংস, ঠাক্রবাক ভ্রমে দলে দলে ।
হেরেন কোতুকে রাজা ; সন্ধ্যা হ'লে শেষ
সায়াহিক সারি' পুরে করেন প্রবেশ ।

কতদিন ভূপ, রাজকার্য্যে শ্রান্ত হয়ে,
বসিতেন সেথা, সূতা, মহিষীরে লয়ে ।
সংযুক্তা বাজায়ে বীণা, বসি' জ্যোছনায়,
মধুর সঙ্গীত কত শুনাইত তাঁ'য় ।
শুনি' সে অপূর্বগীত, পুলকিত মন,
আদরে সূতারে রাজা দিতেন চুম্বন ।
গোধূম-পিষ্টক-খণ্ড লয়ে কুতূহলে
সংযুক্তা মৎস্যের তরে দিত কভু জলে ।

দলে দলে মহাশোল, মুগাল, রোহিত
খাইত, আসিয়া, জল করি' আলোড়িত ।
সংযুক্তার কর হ'তে যেত মুখে লয়ে,
রাজারে দেখিলে কিন্তু ডুবে যেত ভয়ে ।
নিরখি' বালিকা, হাসি', কহিত পিতায়,
'তুমি বাবা রাগী, মাছ তাই ত পলায় ।'

স্বয়ংবর দিন হ'তে নৃপতির মনে
না আসে পূর্বের শাস্তি গঙ্গা দরশনে ।
তথাপি, অভ্যাসবশে, আসেন তথায়,
মুছি' অশ্রু, পাছে কেহ দেখিবারে পায় ।

গেছে চলি' অন্ত সবে, সমাপ্ত আরতি ;
জ্যোৎস্নালোকে বেদী'পরে আসীন ভূপতি ।
রাজমাতা, রাজ্ঞী, দৌহে, স্বতন্ত্র আসনে,
বসেছেন পাশে' তাঁ'র বিষাদিত মনে ।
চিন্তামগ্ন ভূঙ্গাচার্য্য, অদূরে বসিয়া,
নৃপতির মুখ পানে আছেন চাহিয়া ।
নির্বাক হইয়া রাজা রহি' কতক্ষণ
কহিলেন ;—

“গুরুদেব ! করুন শ্রবণ ।
বুঝিতেছি তুরকের লইলে আশ্রয়
দাসত্ব-শৃঙ্খল, শেষে, পরিব নিশ্চয় ;
তথাপি যতপি পারি গর্বিত চৌহানে
শাস্তি দিতে, নাহি ক্ষোভ সেই অপমানে ।
যে অনল দিবানিশি দহিছে অস্তুর,
ব্রহ্মাণ্ডে তা' হ'তে কিছু নাহি ক্লেশকর ।
আছি ভস্মমাত্র আমি, পুড়ে গেছে প্রাণ ;

কি যাতনা, জানেন তা' মাত্র ভগবান ।”

কহিলেন গুরু ;—

“তুমি পার কি আমায়

বুঝাইতে, কেন হেন তীব্র বেদনায়

ব্যথিত অন্তর তব ? সভায় যখন

সংযুক্তা চরণ তব করিল বন্দন,

‘লভ যোগ্য পতি’ তুমি কহিলে তাহায় ;

বল তুমি, যোগ্যতর কে ছিল সভায়

পৃথ্বীরাজ হ’তে ? বালা করেছে পালন

আদেশ তোমার, তবে কোপ কি কারণ ?’

কহিলা ভূপতি ;—

“সত্য ! যোগ্য পৃথ্বীরাজ

কিন্তু সে আসিয়া কেন রাজসভামাঝ

না বসিল ? কেন আসি তস্কর যেমন

লয়ে গেল সংযুক্তায় করিয়া হরণ ?

প্রকাশ্যে সংযুক্তা যদি বরিত তাহারে,

না থাকিত ক্ষোভ, নাহি দূষিতাম তা’রে ।”

কহিলেন গুরু ;—

“তুমি বালকের প্রায়

কি বলি’ছ ? কত আমি বুঝা’ব তোমায় ?

এসেছেন দ্বারদেশে পাণ্ডুরাজ্যেশ্বর,

শুনি’ দিয়াছিলে তুমি বল কি উত্তর ।

‘থাকুন বাহিরে তাঁ’র যথা অভিপ্রায়’

কেন এ সন্মতি তুমি জানাইলে তাঁ’র ?

দাক্ষিণাত্যে পৃথ্বীরাজ্য করিয়া শ্রবণ

পাণ্ডু-রাজ্য দিল্লী তব না হ’ল স্মরণ ?

পৃথ্বীর কি হ'ল দোষ ? সংযুক্তা, স্বেচ্ছায়,
 বরিল মুরতি তা'র প্রকাশ্য সভায় ।
 ধর্মপত্নী ত্যজি' সে কি যা'বে চলি ঘরে ?
 কোন্ ক্ষত্র বল হেন অপকর্ম্য করে ?
 আকৈশোর সংযুক্তারে সবে শত বার
 শুনায়েছ, পৃথ্বীরাজ যোগ্য পতি তা'র ।
 আজ সে বরেছে পতি নিজ মনোমত,
 তবে তা'র প্রতি তব ক্রোধ কেন অত ?
 জিজ্ঞাসিনু আমি যবে, আছের স্মরণ,
 'বুঝেছ ত দুই জন সংযুক্তার মন,
 কা'রে ভালবাসে বালা ?' কহিলে তখন,
 'সংযুক্তার মন বুঝি' কিবা প্রয়োজন ?
 আসিবেন বহু নৃপ স্বয়ংবরস্থলে,
 যা'রে ইচ্ছা, বরমাল্য দিবে তা'র গলে ।
 না পারি বুঝিতে হয় পর্য্যাকুল মন,
 মোর আঞ্জামত পাত্র করিবে বরণ !'
 নহে সে পাষণী ; তা'র দেহে আছে প্রাণ ;
 আছে চক্ষু, কর্ণ ; আছে যোগ্যাযোগ্য-জ্ঞান ।
 শত ভাবে অনুরাগ উদ্দীপিয়া তা'র
 চাই কি রোধিতে নদী সিন্ধু লক্ষ্য যা'র ?
 নিজে করিয়াছ ভ্রম, তবে অকারণ
 কণ্ঠা, জামাতার প্রতি কেন রুষ্ট মন ।"
 "ধিক্ মোরে ! ধিক্ মোরে"

ক্রোধে নৃপবর

কহিল। ;—

"বুঝা'ল ভাট পাণ্ডুরাজ্যেশ্বর ;

তাই বলেছিলাম আমি । করি' প্রবন্ধন
 পাপিষ্ঠ স্মৃতারে মোর করিল হরণ ।
 ছদ্মবেশে ভাণ্ডাইল সভাসদগণে,
 মিত্র-সৈন্যচ্ছলে সেনা রাখিল গোপনে ।
 কত দোষ আমি, দেব ! বর্ণিব তাহার ?
 প্রতিকার্যে প্রকাশিত খল ব্যবহার ।
 বৃদ্ধ মাতামহে মুগ্ধ করিয়া সেবায়
 লইল সে দিল্লীরাজ্য বঞ্চিয়া আমায় ।
 চন্দেল-চালুক্য-বংশ ধ্বংস করি রণে
 তৃণ জ্ঞান নাহি করে অশ্রু রাজগণে ।
 জানিয়া, শুনিয়া, দেব ! তবে কি কারণ
 তা'র গুণে আপনার মুগ্ধ এত মন ?
 সমতুল্য দৌহে মোরা শিষ্য আপনার,
 উচিত কি বিসদৃশ হেন ব্যবহার ?
 অথবা ললাটে মোর আছে বহু দুখ,
 তাই পক্ষপাতী গুরু, আত্মীয় বিমুখ ।”

হাসিয়া কহিলা গুরু ;—

“এত দিন পরে
 পক্ষপাতী আমি, স্থির করিলে অস্তুরে ?
 যা' ইচ্ছা করিতে পারো, ক্ষতি মোর নাই ;
 তোমার মঙ্গল হ'ক, এইমাত্র চাই ।”

‘পক্ষপাতী গুরু’ যেই পশিল শ্রবণে,
 ‘এ কি কথা ?’ বলি রাজ্ঞী গুরুর চরণে
 পড়িলেন দণ্ডবৎ ; সিক্তা নেত্র-জলে
 নমিলেন বার বার ‘ক্ষম, দেব !’ বলে ।

লজ্জাজড় জয়চন্দ্র, করি' প্রণিপাত,

গুরুপদে, গলবস্ত্রে, জোড় করি' হাত,
কহিলা কাতরে ;—

“দোষ হয়েছে আমার,
করুন মার্জনা ; ভিক্ষা মাগি বার বার ।
কিন্তু, দেব ! দক্ষ যার হ'তেছে হৃদয়,
খাস তা'র হ'বে উষ কি তাহে বিস্ময় ?
আপনি সন্ন্যাসী, জ্ঞাত হ'বেন কেমনে
সংসারীর কত সাধ, কত আশা মনে ?
আদরের সূতা ; তা'রে, জামাতারে লয়ে
ভেবেছিলু র'ব মোরা কত সুখী হয়ে ।
গৌরবে দৌহারে লয়ে দেখা'ব সবায়,
তরণী-বিহারে যা'ব, যা'ব যুগয়ায় ;
ভক্ষ্য, ভোজ্য কতরূপ বসন, ভূষণ
রেখেছিলু, গুরুদেব ! করি' আহরণ ।
ছিল সাধ, লয়ে সাথে সূতা, জামাতায়,
সমারোহে দিব পূজা শুভঙ্করী মায় ।
সব বৃথা হ'ল ; আশা পুড়ে হ'ল ছাই ;
মুখ দেখাইতে পারি হেন স্থান নাই ।
ভুলিতেছিলাম, ক্রমে, দিল্লীরাজ্যদান,
হেনকালে দুষ্টি মোর টুটিল সম্মান ।
উপহাস করি' মোর বলে শত্রুজন,
'সার্বভৌম জয়চন্দ্র, প্রতাপে তপন ;
তা'ই অনায়াসে আসি', উল্লঙ্ঘিয়া গড়,
কন্যা নিয়া গেল শত্রু গালে দিয়া চড় ।'
ধিক্ ধিক্ ধিক্ মোরে, ধিক্ শতবার !
বৃথা জন্ম, প্রতিফল না দিলে ইহার ।

সংযুক্তারে কত ভালবাসিতাম আমি,
জানেন তা' একমাত্র দেব অন্তর্যামী ।
ছিল নে অন্ধের যষ্টি, নয়নের মণি ;
ভাবিতাম আমি পুত্র, সে মোর জননী ।
প্রতি পদে, প্রতি কার্যে সুধা'তাম তা'রে
দিয়াছিলু শিক্ষা ধর্ম, কর্ম, সদাচারে ।
তথাপি পাপিষ্ঠা, মোর করি' অপমান,
রাঠোরের চিরশত্রু বরিল চৌহান !
বন্দিনী করিয়া যদি পারি আনিবারে,
বেত্রাঘাতে পিতৃভক্তি শিখাইব তা'রে ।”

হেরিলেন সবে, দুটী গণ্ডে নৃপতির
রোষে, ক্ষোভে দরদর প্রবাহিল নীর ।

কহিলা মহিষী ;—

“প্রভো ! করে থাকে দোষ,
যা' হ'বার হয়ে গেছে ; কেন এবে রোষ ?
সুখী ত হয়েছে তা'রা ; তবে কেন আর
অশ্রুপাতে অমঙ্গল করেন দৌহার ?
পৃথ্বীরাজ, সবে আসি' আমারে জানায়,
প্রাণের অধিক ভালবাসে সংযুক্তায় ।
রণক্ষেত্রে যবে রাজা করেন গমন,
সংযুক্তা আমার করে রাজ্য সংরক্ষণ ।
রাজকোষ, সৈন্য, অস্ত্র, সব হাতে তা'র,
প্রজার বিবাদে করে সংযুক্তা বিচার ।
সুশীলা, সরলা বলি' জানিতাম তা'রে,
এত গুণ ছিল, কভু দেখায়নি কা'রে ।
পুরুষের বল, বুদ্ধি ধরে হ'য়ে নারী,

সবে বলে, 'ধন্যা ধন্যা রাঠোর-কুমারী ।'
উজ্জ্বল এ দুই বংশ তা'র ব্যবহারে,
কেন, প্রভো ! অকারণ নিন্দাছেন তা'রে ?"
কহিলা ভূপতি ;—

“রাজি ! যাও নিজ কাজে ;
কহিওনা কথা তুমি আমাদের মাঝে ।
পূজা, পাঠ লয়ে তুমি থাকো আপনার,
রাজকার্যো নাহি তব কোন(ও) অধিকার ।
নারী হ'য়ে এত স্পর্ধা ! মোরে তুমি আক্র,
এলে উপদেশ দিতে ? আমি নররাজ ।
অনেক বলেছ, আমি সহেছি সকল,
কি বুঝিবে, কেন মোর বারে অ'খিজল ?
জন্মেছিলে অন্নহীন দরিদ্রের ঘরে,
রূপ দেখি' মাতৃদেবী আনিলা আদরে ।
শুনেছ সংযুক্তা বহু পেয়েছে ভূষণ,
তা'ই, একেবারে তব গলে গেছে মন ।
বংশের গৌরব মোর নাহি ভাবো মনে,
তুমি যে রাঠোর-রাজ্য পড়ে না স্মরণে ।
জগতের এই রীতি, না দৃষ্টি তোমায় ;
রবিপ্রিয়া পঙ্কজিনী পঙ্ক মাত্র চায় ।
কিন্তু, রাজি ! ত্যক্ত যদি কর বার বার,
কনোজপুরীতে স্থান না হবে তোমার ।”

কহিলেন গুরু ;—

“বৎস ! হয়োনা অধীর'
বলি যে তু' একটা কথা, শুন হয়ে স্থির ।
ক্রোধবশে দেখিতেছি, লুপ্ত তব জ্ঞান,

দুর্বাক্যে ব্যথিছ, তা'ই, মহিষীর প্রাণ ।
 ভুলিয়াছ শাস্ত্র-বাক্য, মহাজন-কথা,
 লক্ষ্মীস্বরূপিণী নারী, পূজাহঁ দেবতা ।*
 সে নারীরে মোহবশে করি' হীন জ্ঞান
 পাপস্পৃষ্ট এবে যত ভারত-সন্তান !
 সহধর্ম্মিণীরে তব হেন অনাদর !
 বুঝাইলে হিত তা'র এই কি উত্তর ?
 ভারতে ক্ষত্রিয়কুল ধ্বস্ত কি কারণে
 দেখেছ কি কোন দিন বিচারিয়া মনে ?
 পতিব্রতা দ্রৌপদীরে আনি' সভামাঝ
 বিবস্ত্রা করিয়া দিল মর্শ্মভেদী লাজ ।
 অসংখ্য ক্ষত্রিয়বীর বসি' সে সভায়
 হেরিল সে দৃশ্য চিত্র-পুস্তলিকাপ্রায় ।
 প্রবৃত্তি না হ'ল কা'র(ও) করি' পদাঘাত
 করিবারে পাপিষ্ঠেরে ভূমিতলসাত্ ।
 না ছিল কি রক্তবিন্দু শরীরে কাহার ?
 পঙ্গু, জড় কর, পদ ছিল কি সবার ?
 সত্যে বন্ধ ছিল যদি পাণ্ডুপুত্রগণ
 অশ্রের কি ছিল বাধা করিতে বারণ ?
 হাসিল অপাজ্ঞ-ভঙ্গে কোন(ও) দুরাচার,
 উপেক্ষিল কেহ, কেহ দিল টিট্কার ।
 ক্ষোভে, রোষে সতীনেত্রে উদ্ভূত অনল
 পারে নাই নিবাইতে তপ্ত অশ্রুজল ।
 দাবানলে বন যথা ভস্মীভূত হয়,

প্রথমার্ধঃ মহাভাগাঃ পূজাহঁ গৃহদীপ্তয়ঃ

ত্রিয়ঃ ত্রিয়শ্চ গেহেষু ন বিশেষোস্তি কশ্চন ।

মহুসংহিতা ।

সে অনল ক্ষত্রকুল করিয়াছে ক্ষয় । *
 দেখি' শুনি' তবু মৃত ভারত সম্ভান
 অকারণে রমণীর করে অপমান ।
 ধর্ম্মে, কর্ম্মে, সৃষ্টি-মূলে রমণী সহায়,
 তবু নরকের দ্বার বলি' ঘোষে তা'য় । †
 সন্ন্যাসী ভাবেন, নারী ধর্ম্ম-বিঘাতিনী,
 গৃহী ভাবে, ভোগানলে ইন্ধন কামিনী ।
 কি মহাস্ববির, কিবা জ্ঞানী দ্বিজবর,
 নারীর কুৎসায় উভে সমান মুখর । ‡
 সখী নারী, মন্ত্রী নারী, আদর্শ প্রাচীন

* কলিকাতা হাইকোর্টের গৃহীতাবসর, ধর্ম্মপ্রাণ ব্যবহারাজীব শ্রীযুক্ত তারাকিশোর চৌধুরী মহাশয় এ সম্বন্ধে এইরূপ লিখিয়াছেন :—

“আমি কোন যোগীশ্বর মহাশয়ের প্রমুখ্যৎ শ্রবণ করিয়াছি যে, পঞ্চ সহস্র বর্ষ পূর্বে, যখন, শত শত প্রধান ক্ষত্রিয়রাজস্ববর্গের সমক্ষে, পতিপ্রাণা, অসহারা, অশৌচাবস্থাপ্রাপ্তা, একবস্ত্রা দ্রৌপদী, দুঃশাসন কর্তৃক কেশাকর্ষিত হইয়া, সবেগে কৌরবসভায় আনীত হইয়াছিলেন, যখন সমবেত ক্ষত্রিয়রাজস্ববর্গের সাক্ষাতেই কলি-স্বভাব দুঃশাসন সেই কুলবতী, লক্ষ্মীস্বভাবা রাজকন্যাকে বিবস্ত্রা করিতে প্রয়াস পাইয়াছিল এবং তদবস্থায় পতিত হইয়া সেই ধর্ম্মপ্রাণা রাজনন্দিনী যখন ধর্ম্মের দোহাই দিয়া বারংবার কুরুসভায় বিচার প্রার্থনা করাতেও কলি-স্বভাব-প্রাপ্ত সেই ক্ষত্রিয়রাজস্ববর্গ তাঁহার বাক্যের উত্তর প্রদান করিলেন না, তখন সভাস্থলে উপস্থিত কোন কোন মহর্ষি এই আর্ষ্যভূমিতে ধর্ম্মের এবং বিধি অপলাপ দর্শনে তাহা সহ্য করিতে না পারিয়া ভারতীয় ক্ষত্রিয়কুলের প্রতি এইরূপ অভিসম্পাত করেন যে, “ভারতীয় ক্ষত্রিয়কুল ধ্বংস প্রাপ্ত হউক এবং ক্ষত্রিয়বৃষ্টি স্থানান্তরবাসী মানবগণের আশ্রয় গ্রহণ করুক।” ইহার অব্যবহিত পরেই, সেই অভিসম্পাতের ফলে, কুরুক্ষেত্রের মহাসমরে ভারতীয় ক্ষত্রিয়কুল বিধ্বংস প্রাপ্ত হয় এবং অস্তাবধি ভারতবর্ষে সৌর ক্ষত্রবৌধ্য বিলুপ্তপ্রায় হইয়া আছে।”

ব্রহ্মবাদী ঋষি ও ব্রহ্মবিদ্যা .৫।:৬ পৃষ্ঠা ।

† সাধারণ লোকের কথা দূরে থাকুক, ভারতবর্ষের বহু ধর্ম্মপ্রচারকও স্ত্রীজাতির প্রতি অবজ্ঞা ও অশ্রদ্ধাজনিত দোষ হইতে নিশ্চিন্ত নহেন। ধর্ম্মসম্বন্ধীয় কোন প্রয়োত্তরমালায় এইরূপ দৃষ্ট হয় ;—‘কৌধর্ম্মঃ ? ভূতদয়া । কিম্ নরকস্য দ্বারম্ ? স্ত্রী ।

‡ বৌদ্ধ গ্রন্থের বহু আখ্যান নারীচরিত্রের হীনতাজ্ঞাপক । এ সম্বন্ধে সুপ্রতিষ্ঠ লেখক রায়সাহেব শ্রীযুক্ত ঈশান চন্দ্র ঘোষ তাঁহার সম্পাদিত জাতকের পুরাতন এইরূপ লিখিয়াছেন, “হিন্দু, বৌদ্ধ প্রভৃতি অনেক সম্প্রদায়ের সাধকই কামিনী ও কাঞ্চনকে বিষবৎ পরিত্যাজ্য বলেন । যে হিন্দুর মনুসংহিতায় (৩য় অধ্যায় ৫৫-৬২) রমণীগণ দেবতার স্তায় পূজনীয় বলিয়া বর্ণিত হইয়াছেন, সেই হিন্দুরই মহাভারতের অশুশাসন পর্বে (কালীপ্রসন্ন সিংহ ৩৮।৩২ অধ্যায়) ভগবান ব্যাসদেব ভীষ্মের মুখে নারীজাতির অপেক্ষ দোষ কীর্তন করাইয়াছেন ।”

কাব্যের কল্পনামাত্রে হেরি এবে লীন । *
 হয়েছ প্রবীণ, আমি কি বলিব আর,
 পত্নীপ্রতি যোগ্য নয় হেন ব্যবহার ।
 থাক্ এ সকল এবে ; বাঁচে যদি প্রাণ
 বুঝাইব পরে ; কর সদুত্তর দান
 প্রশ্নের আমার ; বৎস ! শাস্ত কর মন,
 স্বদেশ-স্বজাতি ধ্বংসে করিও না পণ ।
 বলিয়াছে পৃথ্বীরাজ সুধা'তে তোমায়,
 কি করিলে ঘুচে বাদ, রোষ তব যায় ।
 সংযুক্তা ব্যাকুলা সদা তোমার কারণে ;
 পতি, পত্নী চাহে ক্ষমা তোমার চরণে ।
 চৌহানের মান মাত্র রক্ষা যদি হয়,
 যা' বলিবে, পৃথ্বীরাজ করিবে নিশ্চয় ।
 বল, বৎস ! কিসে তব হয় পরিতোষ,
 মনে পাও শাস্তি, হয় দূরীভূত রোষ ।”
 কহিল ভূপতি ;—

“রোষ ঘুচিবে তখন,
 ‘সংযুক্তা বিধবা’ আমি শুনিব যখন ।
 বুকে মোর জ্বলিতেছে যে বাড়বানল,
 নিবিবে না ঢালিলেও সপ্ত-সিন্ধু-জল ।”

রাজমাতা, মগ্না ছিলা মালাজপ লয়ে,
 ‘সংযুক্তা বিধবা’ শুনি, চমকিতা হয়ে,
 কহিলেন রোষে,—

“ধিক্ ! ধিক্ তোরে, জয় !

যবন তুরুক্ হ'তে তুই নিরদয় ।

পৃথ্বী, সচিবঃ, সখী মিথঃ, প্রিয়শিষ্যা লগ্নিতে কলাবিধৌ,
 করণাবিশুধেন মৃত্যুনা হরতাঃ স্বাং বদ কিং ন মে হতম্ । রঘুবংশম্ ।

শুনিয়াছি সাপ, বাঘ নিজ শিশু খায়,
 তা'র(ও) চেয়ে খল তুই ! হায়, হায়, হায় !
 লয়ে তোর জন্মপত্রী, অস্তিম-শয্যায়,
 স্বর্গগত মহারাজ কহিলা আমায় ;—
 'শুন, রাজি ! জন্মিয়াছে এই যে কুমার,
 ধরাতলে দুর্ঘ্যোধন এসেছে আবার ।'
 সাধু তিনি, বাক্য তাঁ'র নিষ্ফল কি হয় ?
 তোর হ'তে রাজ্য, ধর্ম, যা'বে সমুদয় ।
 ভূপতি বৈকুণ্ঠবাসী হইলেন যবে,
 জ্ঞাতি, বন্ধু আসি' মোরে বুঝাইলা সবে ;—
 'এ সময়, রাণি ! তুমি উঠিলে চিতায়,
 রাঠোরের ধন, মান রক্ষা হ'বে দায়' ।
 বাঁচিয়া রহিনু আমি বাঁচাইতে তোরে,
 দেখিতে এ সর্বনাশ হ'ল তা'ই মোরে ।
 পৃথ্বীরাজে উপযুক্ত পাত্র করি' জ্ঞান
 যাঁ'র রাজ্য তিনি তা'রে করিলেন দান ।
 তোর তাহে কোপ এত হ'ল কি কারণে ?
 অন্ন, জল ত্যজি তুই রহিলি ভবনে ।
 তোর উপরোধে আমি, সভামাঝে গিয়া,
 পূজ্য, বৃক্ষ জনকেরে আসিনু তৎসিয়া ।
 তোর তরে করিলাম অযোগ্য আচার,
 তোর(ই) হাতে হ'ল আজ প্রতিফল তা'র ।
 'সংযুক্তা বিধবা' মোরে শুনা'লি কেমনে ?
 থাকিব না আমি তোর এ পাপ ভবনে ।
 মাতার অধিক মোরে মানে পৃথ্বীরাজ,
 র'ব সংযুক্তার কাছে, কি আমার লাজ ?"

এত বলি' দাঁড়াইলা উঠি' রোষভরে ;
 মহিষী, অমনি আসি', ক'ন ধরি' করে ;—
 “যেও না, মা ! যেও না, মা ! কেন কর রোষ ?
 আমি ত, মা ! পদে কিছু করি নাই দোষ ;
 কেন মা ! ত্যজিবে মোরে ? ছিন্দু মাতৃহীন,
 কোলে তুলে লয়েছিলে দেখিলে যে দিন ;
 তদবধি মাতৃস্নেহে করি'ছ পালন,
 কোন্ দোষে ত্যজি' আজ করিবে গমন ?
 যদি মহারাজ তব না রাখেন মান,
 আমি, মা ! গঙ্গার জলে বিসর্জিব প্রাণ ।
 গিয়াছে সংযুক্তা, যদি তুমি যাও চলে,
 কা'র কাছে কাঁদিব, মা ! দুঃখ, ক্লেশ হ'লে ?
 যেও না, মা ! মুছে ফেল নয়নের জল,
 যেখানে পড়িবে, সেথা, জ্বলিবে অনল ।
 নিতান্তই যদি তুমি না থাকো ভবনে,
 যেথা যাবে, এ দাসীরে রেখো শ্রীচরণে ।”

অধীর নৃপতি ; নেত্র বারে দর দর,
 আরক্ত কপোল, ঘন কম্পিত অধর ।
 জননী'র পদে রাখি' শির আপনার,
 ফেলিতে লাগিলা ক্রোড়ে তপ্ত অশ্রুধার ।
 হেরি রাজমাতা, দুই বাহু প্রসারিয়া,
 আপনার বক্ষে স্নতে লইলা টানিয়া ।
 রাজা, রাজ্ঞী, রাজমাতা অশ্রুসিক্ত সবে,
 হেরি, স্তমধুর ভাষে, সম্বোধিয়া, তবে,
 কহিলেন গুরু ;—

“বৎস ! দেখ একবার,

কি অনল জ্বালায়েছ গৃহে আপনার ।
 এখনও আছে পথ ; একটা কথায়
 ধর্ম, দেশ, জাতি, কুল সব রক্ষা পায় ।
 তোমার সাহায্য পা'বে এই আশা লয়ে,
 আসিতেছে তুর্কদল সুসজ্জিত হয়ে ।
 তুমি যদি আনুকূল্য না কর স্বীকার,
 কি সাহসে তা'রা পুনঃ আসিবে আবার ?
 তবরহিন্দের মাঝে ছিল তুর্কগণ
 শুনেছ ত করিয়াছে আত্ম-সমর্পণ ? *
 পৃথীরাজ নেতা আর রাঠোর, চৌহান
 মিলে যদি, তুর্কদল হবে খান খান ।
 কিন্তু পৃথীরাজ হ'লে পরাজিত রণে,
 কি দশা হিন্দুর হ'বে, দেখ ভাবি' মনে ।
 পাবে' লোপ বেদ, বিধি, তীর্থ, তপোবন ;
 মন্দির মসজিদমূর্তি করিবে ধারণ ।
 বিমুক্ত, বিভ্রান্ত বহু ভারত-সম্মান
 নিজ নিজ জাতিধর্ম দিবে বলিদান ।
 এই তব কুলপূজ্য দেব নরহরি
 অই অবিদূরে মোর মাতা শুভঙ্করী,
 কনোজে অস্তিত্ব মাত্র না র'বে দৌহার ;
 ক্ষত্র হয়ে উপলক্ষ্য হ'বে কি তাহার ?
 শুনেছ ত সোমনাথ হয়ে বিখণ্ডিত
 যবনের পদে এবে হ'তেছে দলিত ? †

* When the Sultan-i-Ghazi with such like organization and such a force arrived near unto Rai Kolah Prithora, he had gained possession of the fortress of Tabarhind by capitulation.

The Tabakat-i-Nasiri, p. 466.

† He (Sultan Mahmood) ordered two pieces of the idol to be broken

সম্মুখে নৃসিংহ, গঙ্গা, ইনি তব মাতা,
 এই তব ধর্মপত্নী, আমি দীক্ষাদাতা ;
 বল তুমি শেষ কথা সম্মুখে সবার,
 কি করেছ স্থির ; মোরে না পাইবে আর ।
 বুঝিতেছি রুক্ষ বিধি আর্ঘ্যস্তুত প্রতি,
 নহে তব হ'বে কেন এ হেন দুর্ন্যতি ।
 দ্বারে তব অগ্নি ; উঠে শিখা লেলিহান ;
 তুমি তাহে করিতেছ যতাত্তি দান ?
 বুঝিলাম কৰ্মফল অতিক্রম্য নয় ;
 চেষ্ঠা, শ্রম, আয়োজন ব্যর্থ সমুদয় ।”

মৌনী হয়ে জয়চন্দ্র রহি' বহুক্ষণ
 কহিলেন ছাড়ি' শ্বাস ;—

“করুন শ্রবণ ;

না আছে উপায় এবে । নৃসিংহ গোচর
 আপন শোণিতে নাম করেছি স্বাক্ষর
 যবনের সন্ধিপত্রে । না হবে লজ্বন
 করেছি যা' সত্য, মোর এই দৃঢ় পণ ।
 আপন প্রতিজ্ঞা আমি ভঙ্গ যদি করি
 চিরিবেন বন্ধ মোর দেব নরহরি ।
 এই মাত্র পারি আমি করিতে স্বীকার
 নিজ হস্তে না ধরিব যুদ্ধে তরবার ।
 কিন্তু সেনাবল মম করিব প্রদান,
 জন্মুসেনা সনে মিলি' রোধিবে চৌহান ।

off and sent to Ghziny, that one might be thrown at the threshold of the public mosque and the other at the court-door of his own palace.

• • Two more fragments were reserved to be sent to Mecca and Medina. Brigg's Ferista Vol. I. p. 72

ষোড়শ সর্গ ।

ঘোরীর তুরগ আছে, না আছে বারণ,
সে অভাব মম গজ করিবে পূরণ । *
বুঝিতেছি ধর্ম্মে, দেশে করি' দ্রোহাচার
ইহকাল, পরকাল যুঁচিল আমার ।
তথাপি আপন বাক্য করিব পালন,
উপরোধ, অনুরোধ নিষ্ফল এখন ।
জানি আমি নাহি মোর হিতাহিত-জ্ঞান,
স্বদেশ-স্বজাতি-প্রেম, মান, অপমান ।
সত্যের মর্যাদা-বোধ তবু আছে মনে,
না হইব সত্যভ্রষ্ট জীবনে, মরণে ।
কি আর অধিক ক'ব ? লীলা শেষ প্রায়,
ক্ষম, রাজি ! কুবচন বলেছি তোমায় ।
অপরাধী কুসন্তানে ক্ষম, মা জননি !
গুরুদেব ! ক্ষমা মোরে করুন আপনি ।
যতদিন হিন্দুজাতি থাকিবে ভূতলে,
জানিতেছি, ধিক্ মোরে কহিবে সকলে ।
তথাপি করিব নিজ প্রতিজ্ঞা পালন ;
চূর্ণিব চৌহানে, শেষে, অর্পিব জীবন । †

* দ্বিতীয় ভরণের যুদ্ধে জয়রাজ নরসিংহ রায় গোবিন্দের সঙ্গে যুদ্ধ করিয়াছিলেন বলিয়া উল্লেখ দেখা যায়, কিন্তু জয়চন্দ্রের নাম দেখা যায় না। প্রথম যুদ্ধে ঘোরীর পক্ষে হস্তিবলের উল্লেখ নাই, দ্বিতীয় যুদ্ধে আছে। জয়চন্দ্রের গজবল প্রসিদ্ধ ছিল।

† জয়চন্দ্রের কথা ব্যর্থ হয় নাই। বৎসর গত হইতে না হইতেই তাঁহাকে আত্মকৃতকার্যের ফল ভোগ করিতে হইয়াছিল। মুসলমান ঐতিহাসিক তাঁহার পরিণাম সম্বন্ধে এইরূপ লিখিয়াছেন ;—The Rai of Benares (Jaichand) who prided himself on the number of his forces and war-elephants seated on a lofty howda received a deadly wound from an arrow and fell from his exalted seat to the earth. His head was carried on the point of a spear to the commander and his body was thrown to the dust of contempt.

Taju-L Ma-asir Elliot's History of India, Vol. II, p. 233.

সপ্তদশ সর্গ ।

অগস্ত্য-উদয় এবে মৌর ভাদ্রপদে,*
তাই, আজমীরবাসী বহু নর, নারী
মিলিত অগস্ত্যাশ্রমে । পূর্ণ নাগগিরি
জনসংঘে, কোলাহলে । বরষার শেষে
সুস্নিগ্ধ, শ্যামল কাস্তি প্রকাশে অচল ।
নিবিড় সরসপত্রে মহীরুহ যত
সুসজ্জিত, শম্পদলে সুখম্পর্শ মানু ।
মৃদু কল কল নাদে নিব্বরিণী এক,
প্রকালি' সে পুণ্যাশ্রম, বহে গিরিদেহে ।
আরণ্যকপোত, কোথা, বসি' তরুশাখে,
গায় সুগম্ভীর গীত ; উড়ে প্রজাপতি,

* মহর্ষি অগস্ত্য, স্মোপার্জিত পুণ্যফলে, ক্রবের জায় নক্ষত্রলোক লাভ করিয়াছিলেন । প্রাচীন আর্ষ্যবিদ্যেগের মধ্যে তাঁহার স্থান অতি উচ্চ । অনার্য্য বাতাপি ও আতাপিকে এবং আর্ষ্য-বংশোদ্ভূত দর্পী নহবকে তিনিই শাসন করিয়াছিলেন । নিব্বাসিত রামচন্দ্র তাঁহারই অস্ত্র, শস্ত্র প্রাপ্ত হইয়াছিলেন । বিন্দ্রভরাজকুমারী লোপামুদ্রা দেবী তাঁহার সহধর্মিণী ছিলেন । বিদ্যাপর্ক্বতের গর্ক্ব (দুর্লভ্যতা) চূর্ণ করিয়া তিনিই প্রথমে দক্ষিণাপথে প্রবেশ করেন । দক্ষিণাপথে তিনি তামিলমুনি নামে খ্যাত । তামিল ভাষার বহু গ্রন্থ মহর্ষি অগস্ত্য ও তাঁহার শিষ্যদিগের প্রসাদে লিখিত হইয়া উল্লেখ আছে । আধুনিক পণ্ডিতগণ তাঁহার সম্বন্ধে এইরূপ লিখিয়াছেন ;

The earliest of such Brahman colonies among the Dravidians, led by the holy Agastya, has long faded into the realms of mythology. The Vindya mountains, it is said, prostrated themselves before Agastya, still fondly remembered as the Tamilmuni, preeminently the sage to the Tamil race. He introduced philosophy at the court of the first Pandyan king, wrote many treatises for his royal disciple and now lives for ever in the heavens as Canopus, the brightest star in the Southern Indian hemisphere. He is worshipped as Agastyeswar, the Lord Agastya, near cape Comorin. But the orthodox still believe him to be alive, although, invisible to mortals.

Hunter's Indian Empire. p. 387.

১৭. † কয়েক বৎসর অবধি এই নিব্বরিণীটা শুক হইয়া অগস্ত্যাশ্রমের সৌন্দর্য্য হানি করিয়াছে ।

সপ্তদশ সর্গ ।

চিত্রিত বিবিধ বর্ণে । গুল্ম-অন্তরালে
তিস্তির-ময়ূর দল বিহরে কোতুকে ;
শীকর-সংস্পৃষ্ট বায়ু বহে ধীরে ধীরে ।

করি' স্নান যাত্রিদল, দক্ষিণাশ্চ হ'য়ে,
শঙ্খের মাঝারে রাখি' সলিল, চন্দন,
অক্ষত, কুসুম সনে, জোড় করি' কর,
করিছেন মন্ত্রপাঠ ;—'নমোনমো ঋষি !
কাশপুষ্প শুভ্র-তনু হে মৈত্রাবরুণি !
হে অগ্নিমারুতোদ্ভব ! বিনাশিলে তুমি
আতাপি, বাতাপি দৌহে ; শোষিলে সাগর
লহ এই অর্ঘ্য, হও প্রসন্ন ভকতে ।
পতিব্রতে ! মহাভাগে ! হে রাজনন্दिनि !
লোপামুদ্রে ! অর্ঘ্য মম করহ গ্রহণ ।' *

নারীগণ পরস্পর কহিছেন সবে
লোপামুদ্রা-কথা । হয়ে রাজার নন্दिनी
কেমনে পুলকে কাল কাটাইলা দেবী,
তপোবন-ক্লেশ সহি' । ত্যজি' আর্ঘ্যভূমি,
পতির সঙ্গিনীরূপে অনাৰ্য্যের মাঝে,
অজ্ঞাত, অগম্য দেশে, আত্মজনহারা,
করিলা জীবনপাত ; শতধন্যা সতী ।

শঙ্খে ভোয়ং বিনিক্ষিপ্য সিতপুষ্পাক্তৈর্যুতম্
মস্ত্রগানেন বৈ দত্তাং দক্ষিণাশামুখস্থিতঃ ।
কাশপুষ্প-প্রতীকাশ, অগ্নিমারুতসম্ভব,
মিত্রাবরুণয়োঃ পুত্র ! কুস্ত্রযোনে ! নমোস্তুভে .
আতাপির্ভক্তিতো যেন, বাতাপিচ্চমহাস্বরঃ,
সমুদ্রঃ শোষিতো যেন, স মেহগন্ত্যঃ প্রসীদতু ।
লোপামুদ্রে ! মহাভাগে ! রাজপুত্রি ! পতিব্রতে !
গৃহাণাৰ্ঘ্যং ময়া দত্তং, মৈত্রাবরুণিবল্লভে !

অগন্ত্যার্ঘ্যদানমন্ত্রঃ।

এইরূপে যাত্রিদল ঋষি দম্পতিরে
করি' অর্ঘ্যদান, পূজি' অগস্ত্যশ শিবে, *
হৃষ্টচিত্তে, অপরাহ্নে, ফিরিলা ভবনে ।

অতিক্রান্তা সন্ধ্যা ; স্তব্ধ জনকোলাহল ;
নীরব বিহগকণ্ঠ । শুধু, একতানে,
ঝিল্লীকুল ঝাঁ ঝাঁ ঝাঁ ঝাঁ তুলিছে সঙ্গীত ।
শুধু, কোথা, নিম্নভূমে বরষা-সঞ্চিত
সলিল সমীপে বসি', গুহাচর ভেক
গঁ্যা গঁ্যা গঁ্যা গঁ্যা তীব্র রবে ডাকে অবিরাম ।
মাঝে মাঝে নিশাপ্রিয় পতঙ্গনিচয়,
বোঁ বোঁ চোঁ চোঁ রবে, উড়ে তুঙ্গাচার্য্য যথা,
জ্বালি' অগ্নিকুণ্ড, বসি' শিলাপট্ট 'পরে ।
অগস্ত্য-উদয়কালে, কহে জনশ্রুতি,
ব্রতনিষ্ঠ কেহ যদি কাটান যামিনী,
পূজা, জপ, ধ্যান লয়ে, সে আশ্রম মাঝে,
প্রসন্ন অগস্ত্য আসি' দেখা দেন তাঁ'রে ;
তা'ই বসেছেন গুরু অগস্ত্যদর্শনে ।

গভীরা রজনী ক্রমে । তুঙ্গাচার্য্য, তবে,
নিরখিলা চারিদিক বসিয়া আসনে ;
• কি শাস্ত প্রকৃতি তথা । শির 'পরে তাঁ'র
শরদের মেঘহীন, সুনীল আকাশ,
প্রোজ্জ্বল নক্ষত্রপূর্ণ ; বিরাজিত তাহেঁ
কত তারা, কত গ্রহ, উপগ্রহ কত ;
কেহ স্থির, কেহ বেগে, ধায় শূন্যপথে ।

* অগস্ত্যাশ্রমে একটা শিবলিঙ্গ এখনও বর্তমান আছে । প্রতি বৎসর ১২ই ভাদ্র (মুদি)
এখনও তথায় একটা মেলা বসিয়া থাকে ।

নিম্নে স্থিরা বসুমতী, ভাষাম্পন্দহীনা,
 ধ্যানস্থা তাপসী সন্ন। দাঁড়িয়ে চৌদিকে
 বিশাল অশ্রুগ, নিম্ন আরও তরু কত,
 নিশ্চল গম্ভীর, যেন গঠিত তিমিরে
 শাখাপত্র মাঝে তা'র হইয়া নিলীন,
 অসংখ্য খছোৎ, কভু, উঠিছে জ্বলিয়া,
 এক সাথে, পুনঃ সবে হই'ছে নিব্বাণ।
 বহে স্নিগ্ধ নিশানিল, আর্দ্র হিমপাতে,
 শেফালি-সৌরভে দেশ করি' আমোদিত।

এক দৃষ্টি গুরু চাহি' আকাশের পানে
 রহিলেন বলক্ষণ। উল্কাপিণ্ড কত,
 হেরিলেন, নীল নভ করি' বিদারিত,
 ছুটিতেছে মহাবেগে। ভাবিলেন গুরু,
 অতীতের সাক্ষী এই জ্যোতিষ্কমণ্ডল
 কত কোটি বর্ষ হ'তে রহেছে চাহিয়া
 এমন(ই) ভারত পানে। হেরিয়াছে এরা
 কত কুরুক্ষেত্র, কত যজ্ঞ বিশ্বজিৎ,
 কত তপ, জপ, কত উথান, পতন
 ধর্মের, রাজ্যের ; আর(ও) কত দিন হেন
 রহিবে চাহিয়া। এরা জড় কি কেবল,
 প্রাণহীন, জ্ঞানহীন ? জনমে সংশয়।
 চিন্তাতীত যিনি তাঁ'র অচিন্ত্যকৌশলে
 হয় ত এ জড়মাঝে বিরাজে চেতনা,
 জ্যোতিরূপী ভাষা, অশ্রোতব্য মানবের।
 থাকে যদি, তবে, হায় ! এই তারাদল—
 এই জ্যোতিঃপুঞ্জ—সেই নিত্য জ্যোতির্স্বয়ে

পারে না কি জানাইতে কি ঘোর তিমির
আবরিতে জ্ঞান-জ্যোতি-ভাস্বর ভারতে
আসিছে ঘনায়ে এবে ? দক্ষিণ আকাশে
হেরিলেন গুরু দীপ্ত অগস্ত্য তারকা,
স্থিরদৃষ্টি, তাঁ'র পানে রহেছে চাহিয়া ;
নমি' করজোড়ে গুরু কহিলা উদ্দেশে ;—

“হে আৰ্য্য ! অনাৰ্য্য-বন্ধো ! সুধন্য তাপস !
ভারতের আজ এই সঙ্কট সময়ে,
বিতর আশিস তব । হের দেব ! অই
ঈর্ষাবশে লুপ্তজ্ঞান আৰ্য্যস্মৃত যত,
পরম্পর বন্ধে অসি হানিবার তরে,
নিষ্কাশি'ছে কোষ হ'তে । হেন অবিবেকী
উত্তাল তরঙ্গ তুলি' আসিছে সাগর,
তা'র মাঝে কণ্ঠ ধরি' চাহে ডুবাইতে
পরম্পরে ; নাহি গণে আত্ম-পরিণাম ।
লুপ্ত শাস্তি, গত স্বস্তি ; মগ্নপ্রায় দেশ
দারুণ দুষ্কৃতি-স্রোতে । ত্রিকালজ্ঞ তুমি,
উঠিবে আবার কবে বল কৃপাগুণে ;
খুলি' ভবিষ্যের দ্বার দেখাও সেবকে ।”

বিগত তৃতীয় যাম ; তবু স্থির অঁাখি
আচার্য্য সে তারা পানে । চিন্তাক্লিষ্ট তনু
ক্রমে হ'ল অবসন্ন ; এল তন্দ্রাবেশ ।
হেরিলেন গুরু, দূর তারালোক হ'তে,
শাস্তোজ্জ্বল মূর্তি এক পুরুষপ্রবর
হই'ছেন অবতীর্ণ । আসিয়া সমীপে
কহিলেন তিনি ধীর, মধুর বচনে ;—

“তুঙ্গাচার্য্য ! ধ্যানে তব হয়ে বিচলিত
আসিলাম মর্ত্যালোকে । জ্ঞানী, সাধু তুমি ;
নহে অবিদিত তব, না পারি আমরা,
বিধির আদেশ বিনা, দেখাইতে নরে
ভবিষ্যৎ, বর্তমান পারি দেখাইতে ।
দেখাইব তাহা, তুমি, বিচারিয়া মনে,
কি সম্বন্ধ পরস্পর কার্য্যকারণের,
ভবিষ্যৎ অনায়াসে পারিবে বুঝিতে ;
বল, এবে, কি দেখি'ছ সম্মুখে তোমার ।”

কহিলেন তুঙ্গাচার্য্য ;—

“দেখিতেছি, দেব !

হিমাচল হ'তে অই রজতপ্রবাহে
নামি'ছেন ভাগীরথা । লক্ষ নর, নারী
দাঁড়াইয়া উভ' তটে । স্তব করে কেহ,
কেহ বাজাইছে শঙ্খ, কেহ দেয় দীপ,
কেহ দাঁড়াইয়া জলে করিছে তর্পণ ।
পরশি' সলিল, অই 'মাতর্গঙ্গে' বলি'
করে লোক জয়ধ্বনি । কিন্তু একি, দেব !
কোথা হ'তে উঠে এই বিকট হুঙ্কার,
কে ওরা আসিছে ছুটি, 'হর-হর-হর'
'নমো নরসিংহরূপ' গর্জি' ভীম রবে ।
উত্তোলি' ত্রিশূল তীক্ষ্ণ, আক্ষফালি' কুংপাণ,
সহস্র সহস্র অই আসিয়া সন্ন্যাসী
দাঁড়াইল, শ্রেণীবদ্ধ, জাহ্নবীর তটে ।
কার(ও) কণ্ঠে শোভা পায় মাল্য তুলসীর,
অঙ্গে হরিনাম-ছাৰা ; শোভে কণ্ঠে কা'র (ও)

রুদ্রাক্ষের মালা, দেহ বিভূতি-ভূষিত ।
 মাতি'ছে সে দুই দল তুমুল সংগ্রামে ;
 অসিঘাতে ছিন্ন কেহ, বিদীর্ণ ত্রিশূলে,
 পড়ি'ছে ধরণী 'পরে ; রুধিরের ধারা
 বরষার স্রোত সম চলেছে বহিয়া ;
 লুটিতেছে শব কত জাহ্নবীর তটে ।
 পরাজিত হ'ল ক্রমে বৈষ্ণবের দল ;
 শৈবগণ, মহা হর্ষে, বিঁধিয়া ত্রিশূলে
 নরমুণ্ড, নাচে অই 'হর হর' রবে ।*

কহিলা অগস্ত্য ;—

“বৎস ! বুঝিলে কি তুমি
 কেন এই রক্তপাত ? কুস্ত্রযোগদিনে
 ব্রহ্মকুণ্ড-স্নানে কা'র অগ্রে অধিকার,

* শৈব এবং বৈষ্ণব সন্ন্যাসীদের বিবাদ স্মরণাতীত কাল হইতে ইংরাজাধিকার প্রতিষ্ঠিত হইবার পর পর্য্যন্ত চলিয়া আসিয়াছে। আকবরনামার ইহার উল্লেখ দেখিতে পাওয়া যায়। আকবর নিজের সৈনিকদের দ্বারা বিজয়পক্ষকে অপর পক্ষ ধ্বংস হইতে নিরস্ত করিয়াছিলেন। কাণ্ডেন রিপার (Asiatic Researches Vol. II p. 455) এইরূপ একটি বিবাদের উল্লেখ করিয়াছেন। At the great fair at Hardwar in 1760, an affray, or rather a battle, took place between the Nagas of Siva and those of Visnu, in which it was stated on the spot that 18000 persons were left dead on the field. The amount must, doubtless, have been absurdly exaggerated but it serves to give an idea of the numbers engaged.

Elphinstone's History of India p. 65.

এই সাম্প্রদায়িক বিদ্বেষ, ভারতবর্ষের কোন কোন প্রদেশে, এখনও, কিরূপ বর্তমান আছে, কোন মাত্রাজভ্রমণকারীর লিখিত নিম্নোক্ত পংক্তিগুলি তাহার প্রমাণ দিবে। তিনি লিখিয়াছেন :—“শ্রীরঙ্গনাথের মন্দির দর্শন করিয়া তথা হইতে জম্বুকেশ্বর রওনা হইলাম। ইহা শিবের মন্দির * * * সূতরাং মাদ্রাজ প্রদেশস্থ বৈষ্ণবগণ প্রাণান্তেও এই মন্দিরে প্রবেশ করেন না। * * * শৈব বৈষ্ণবে ঘেমাঘেবী বঙ্গদেশেও আছে তবে মাদ্রাজ প্রদেশের স্থায় এতটা বাড়াবাড়ি নাই। আমি শুনিয়াছি ঝড় বৃষ্টিতে রাস্তার মৃত্যুর সম্ভাবনা হইলেও নিকটস্থ কোন শিব-মন্দিরে বৈষ্ণব প্রবেশ করিবে না, আর শৈবের পক্ষেও ঐরূপ ব্যবস্থা।” নব্যভারত ১৩২৭ আঘাট ৯৮ পৃষ্ঠা। শেষ পংক্তিগুলি “হস্তিনা তাদ্যমানোপি ন গচ্ছৎ জৈনমন্দিরম্” এই শ্লোকটির স্মরণ করাইয়া দেয়।

শ্রেষ্ঠ কেবা হরি, হর উভয়ের মাঝে,
এই লয়ে বিসংবাদ । কহে শাস্ত্রবাণী
নাহি ভেদ হরি, হরে ; ভক্ত উভয়ের
কি ভেদ স্বজেছে হের । ধর্ম প্রতিষ্ঠিত
বিশ্বপ্রেমে ; নাহি প্রেম হিন্দুতে, হিন্দুতে ।
কি দেখিছ বল এবে ?”

কহিলেন গুরু ;—

“দেখিতেছি শ্রাদ্ধসভা ; ঘিরি’ যজ্ঞবেদী,
বসেছেন বিপ্রগণ ; উপচার নানা
রহিয়াছে সুসজ্জিত । মুণ্ডিত-মস্তক,
কৌষেয়বসনধারী, শ্রাদ্ধকর্তা দ্বিজ
করি’ছেন মন্ত্রপাঠ ;—‘নাহি যা’র পিতা,
নাহি মাতা, নাহি বন্ধু, অন্ন, অন্নসিদ্ধি,
তা’র তৃপ্তিহেতু এই পিণ্ড করি দান ।’

কিন্তু একি ! অকস্মাৎ উঠি’ অই রোষে
দাঁড়াইলা শ্রাদ্ধকর্তা ; স্থূল লোষ্ট্র ল’য়ে
নিষ্কোপিতা, বসি’ যথা ভিখারিণী এক
তরুতলে, পুত্রে তা’র লয়ে ক্রোড়দেশে ।
তরুস্কন্ধে বাজি’ লোষ্ট্র বিচূর্ণ হইয়া,
মাতাপুত্র উভয়ের বিক্ষিপ্ত ললাট ;
চীৎকার করিয়া শিশু উঠিল কাঁদিয়া ;
অশ্রুসিক্তা ভিখারিণী, ত্যজি’ তরুতল,
বসিল সূদূরে গিয়া প্রথর আতপে ।

শ্রাদ্ধ শেষ ; দলে দলে বিপ্রগণ অই

* পিণ্ডদান মন্ত্র অবলম্বনে লিখিত । ওং যেবাং ন মাতা, ন পিতা, ন বন্ধু, নৈবান্নসিদ্ধিন
তথান্নমন্তি, তত্ত্ব গুণেন্নং, ভূবি দত্তমেতৎ, প্রয়াতু লোকায় সুখায় তদ্বৎ ।

বসিছেন ভোজনার্থী । সুখাচ্ছ, সুপেয়
পরিচর্যাকারী যত ছুটিতেছে ল'য়ে ;
নিরখিয়া, দূর হ'তে, মাতৃমুখপানে
চাহি'ছে ক্ষুধার্ত্ত শিশু , সান্ত্বনি'ছে নারী ।

উঠিলেন একদল । ভৃত্যগণ অই,
করি' স্থান সম্মার্জজন, পাত্র-শেষ ল'য়ে
নিষ্ক্ষেপ করি'ছে গর্ভে । করজোড় করি'
ইঙ্গিতে চণ্ডালী সেই উচ্ছ্বিত হইতে
মাগি'ছে কিঞ্চিৎ ; ভৃত্য জানায় প্রভুরে ।
মহারোষে শ্রাদ্ধকর্তা কহি'ছে কিঙ্করে ;—
'এখন, ও) অভুক্ত বিপ্র রহেছেন কত,
চণ্ডালীরে দিব ভোজ্য ? ধিক্ ধিক্ ধিক্ !'
সান্ত্বনা করিতে আর না পারি তনয়ে,
তাড়িয়ে কুক্কুরদলে, অই অভাগিনী
কুড়ায়ে লই'ছে খাচ্ছ । পরিতুষ্ট শিশু ;
কিন্তু তৃষ্ণা নিবারিতে করে 'জল জল' ।
সম্মুখে নির্মল বাপী ; ত্যাজি' তবু নারী,
না জানি কি হেতু, অই বৃকে তুলি' স্মৃতে,
ছুটেছে বালুকাপথে, মধ্যাহ্ন আতপে,
দূরবর্তী কর্দমান্ত্র নদী লক্ষ্য করি ।" *

* পারিয়াগণ মাল্ভাজের শাসনকর্তা লর্ড পেটল্যাণ্ডের নিকট যে আবেদন-পত্র দিয়াছিল, তাহার নিম্নোক্ত কয়েকটি পংক্তি হইতে তাহাদিগের অবস্থা স্বব্যক্ত হইবে ;—We are not allowed to use public wells. For a little water for cooking purposes, we, who live by day-labour, have to wait for the pleasure of a higher caste cooly, who often happens to be our rival in profession, to draw water for us in his vessel and then pour it from a height into our earthen pots. Mangalore Depressed Classes Mission Report for 1914.

শ্রীযুক্ত রবীন্দ্র নাথ ঠাকুর মহাশয়ের বক্তৃতার সারাংশ হইতে নিম্নোক্ত পংক্তিগুলিও তাহাদের বর্তমান অবস্থার প্রমাণ দিবে।

সঞ্জীবনী ১০ই ভাদ্র ১৩২৭।

কহিলা মহর্ষি ;—

“বৎস ! অস্পৃশ্য পারিয়া ।

বিপ্রগ্রামে বাপী-স্পর্শে নাহি অধিকার ;

তাই ছুটিয়াছে নারী নদী-জল-পানে ।

পাপিনীর পাপদৃষ্টি শ্রাদ্ধদ্রব্যে যদি

পড়ে দৈবে, অপবিত্র হইবে সকল ;

তাই উদ্ভেজিত বিপ্র খেদাইল তা'রে । *

জান কি এ পারিয়ায় ? এই জাতি মাঝে

জন্মেছিল তিরুবল্ল, জ্ঞানে ঋষি সম ; †

“আমি ওখানে থাকতে একটা অদ্ভুত নালিশ হয়েছিল । এক জন নীচ জাতীয় ডাক্তার একটা পুকুরের পক্ষাণ হাত দূরের রাস্তা দিয়ে একজন ব্রাহ্মণ রোগীকে চিকিৎসা করতে গিয়েছিলেন : এতে সেই পুকুরের জল অশুদ্ধ হয়ে গেছে বলে সেই ডাক্তারের নামে নালিশ হয়েছে । তাতে সমাজের গণ্যমান্য লোকেরা সাক্ষা দেবার সময়ে কত রকম মূঢ়তার ঘে পরিচয় দিয়েছেন তার ইয়ত্তা নেই । যেমন একজন বলেছেন কোন নীচ জাতীয় লোক যদি ধান বপন করে ত তার খড়ে ব্রাহ্মণের ঘরের চাল ছাওয়া হতে পারে না । আমি ম্যাডুরাতে অগ্রহার নামে এক ব্রাহ্মণ-পল্লীতে ছিলাম ; সেখানে আমাদের এঞ্জু সাহেবের নিজের সমস্ত আচার, আচরণ নিয়ে থাকার কোন বাধা হয়নি ; কিন্তু নীচ জাতীয় লোকের সেখানে প্রবেশেরও অধিকার নেই । একদিন এঞ্জুজের পরিচিত ওখানকার একটা ভদ্রলোক এঞ্জুজের সঙ্গে আসতে আসতে হঠাৎ ব্রাহ্মণ-পল্লীর কাছাকাছি একটা রাস্তায় পিছন থেকে অদৃশ্য হয়ে গেলেন । অনুসন্ধানে জানা গেল তার ও পাড়ায় ঢোকবার জো নেই ; অথচ কুকুর, বিড়াল, পোকামাকড় সর্বদা সেখানে যাতায়াত করছে, তাতে ব্রাহ্মণ-পল্লীর পবিত্রতা নষ্ট হচ্ছে না । শুনলাম এক দিন এক সঙ্কীর্ণ রাস্তা দিয়ে একজন নীচজাতীয় লোক যাচ্ছিল, এমন সময়ে সেখানে এক ব্রাহ্মণ-দেবতার অভ্যাদয় ঘটে । আগন্তকের চেয়ে যতটা তফাতে থাকা উচিত তা' আর কোন রকমে ঘটে ওঠে না দেখে অত্রাহ্মণটি পাশের এক ডোবার ভিতরে লুকিয়ে পড়ল । সেখানে কাঁটায় তার অঙ্গ ক্ষত বিক্ষত হয়ে গেল ।”

* ভোজ্যদ্রব্য দূরে থাকুক, রন্ধনগৃহে তাহাদিগের দৃষ্টি পড়িলে পাকার্থ স্থানী পর্যন্ত ভগ্ন করিতে হয় বলিয়া উল্লেখ দেখা যায় । If they are employed in any work, a door is purposely made for them ; but they must work with their eyes on the ground ; for if it is perceived they have glanced at the Kitchen, all utensils must be broken.

Castes and Tribes of Southern India by Edgar Thurston
Vol. VI p. 79.

• † তিরুবল্ল ও অগ্রহার সহোদরা আবেয়া তামিল ভাষায় সর্বশ্রেষ্ঠ কবিতালেখক ও উপদেষ্টা । তিরুবল্লের গ্রন্থ কুরাল Imperial Gazetteer লেখকের মতে Is the acknowledged masterpiece of Tamil composition (Vol. II. P. 435).

এই জাতি-সমুদ্ভূতা, ভক্তি মূর্তিমতী,
 আবেয়া, কবিতামৃত বিতরি' দ্রবিড়
 করেছিল মধুময় ; তবু দশা হেন ।
 'দয়ামূল ধর্ম' এই শাস্ত্রের বচন ;
 কিন্তু, বল, দয়া কোথা ? কুকুর ভোজন
 নহে দূষ্য ; দূষ্য নরশিশুর ভোজন !
 বিশ্ববন্ধু বিপ্র, হের ব্যবহার তা'র ।
 আছে শাস্ত্রবাণী, সত্য, গুণকর্মবশে,
 জাতি-সৃষ্টি ; * বিচারিয়া কিন্তু বল তুমি
 জাতি-দর্প, জাতি-দ্বेष কোন্ শাস্ত্রবাণী ?
 কোন্ ঋষি হেন শাস্ত্র করিলা প্রচার ?
 নিজের নরনারায়ণ বিঘোষিলা যথা
 অবিভেদে সমদৃষ্টি ব্রাহ্মণে, চণ্ডালে
 জ্ঞানীর লক্ষণ, সেথা বর্বরতা হেন ? †
 উচ্চ ধর্মনীতি হেন প্রচারিত, যথা,
 এই নীচ আচরণ সাজে কি তথায় ?
 ভুলিয়াছে আর্ধ্যস্মৃত, দেব রঘুমণি
 চণ্ডালে বাঁধিয়াছিল প্রেম-আলিঙ্গনে ;
 ভুলিয়াছে বুদ্ধরূপী প্রভু বিশ্বস্তুর,
 উচ্চনীচ, দ্বিজশূদ্র, সবে, সমভাবে,
 শিখাইয়াছিল নীতি, ধর্ম, সদাচার ।

আবেয়ার রচনা সম্বন্ধে W. W. Hunter লিখিয়াছেন Compositions of the highest moral excellence, and of undying popularity in Southern India.

Indian Empire P. 389.

- * চাতুর্ভূগ্যং ময়া সৃষ্টং গুণকর্মবিভাগশঃ । গীতা ।
 † বিজ্ঞা-বিনয়সম্পন্নৈ ব্রাহ্মণৈ, গবি, হস্তিনি
 শুনি চৈব, স্বপাকে চ পণ্ডিতাঃ সমদর্শিনঃ । গীতা ।

সর্ব জীবে আত্মা রূপে বিরাজিত যিনি,
 দেখ ভাবি', কি বেদনা লাগে তাঁ'র প্রাণে
 হেন বৃথা জাতিদর্পে, নিশ্চয় আচারে ।
 দর্পহারী তিনি, বৎস ! মহাগদা তাঁ'র,
 হয়ত, কখন আসি' পড়িবে, সহসা,
 চূর্ণিতে দর্পীরে, বংশ-পরম্পরাক্রমে । *

* If the fathers cause others to eat bitter bread, the teeth of their own sons shall be set on edge. Roosevelt.

এই প্রসঙ্গে গ্রন্থের উপক্রমণিকায় উক্ত স্বর্গীয় ভূদেব বাবুর মত পাঠককে স্মরণ করিতে বলি । ইংরাজ-অধিকারে, খ্রীষ্টধর্ম প্রচারকদিগের চেষ্টায়, দাক্ষিণাত্যের পাণ্ডিয়া প্রভৃতি অস্ত্যজ ও অশুভ্র জাতির অবস্থা পূর্বাপেক্ষা কিয়ৎ পরিমাণে উন্নত হইয়াছে । হিন্দুরাজত্বকালে তাহাদিগের অবস্থা যাহা ছিল তাহা বুঝিবার জন্য হিন্দুরাজ্য ত্রিবাঙ্কুরে তাহাদিগের সমজাতীয়গণ এখনও যে অবস্থায় আছে, তাহা নিম্নে উক্ত হইল । যাহারা স্বচক্ষে দেখিয়াছেন, তাহারা বলেন, ইহা কিছুমাত্র অতিরঞ্জিত নয় ।

He must not wear shoes or use an umbrella : and his wife must only decorate herself with brass ornaments and beads. In speaking, he must not say 'I' but 'your slave' ; must not call his own rice by its proper name, but as dirty gruel ; must not talk of his children by this appellation but as monkeys and calves, must live in a small hut without furniture and built in a certain miserable situation far from the habitations of the upper castes ; and in speaking must place the hand over the mouth, lest the breath should go forth and pollute the person whom he is addressing. He is not allowed to use the public road when a Brahman or Sudra walks on it. The poor slave must utter a warning cry, and hasten off the road, lest the high caste man should be polluted by his near approach or by his shadow. The law is, that a Pulayan must not approach a Brahman nearer than sixty-six paces, and must remain at about half that distance from a Sudra. He could not, until lately, enter a court of justice, but was obliged to shout from the appointed distance, and took his chance of being heard and receiving attention. A policeman is sometimes stationed, half way between the Pulayan witness or prisoner and the high caste magistrate, to transmit the questions and answers, the distance being too great for hearing. As he cannot enter a town or village no employment is open to him except that of working in rice-fields and such kind of labour. He can not even act as a porter, for he defiles all that he touches. He can not work as a domestic servant, for the house would be polluted by his entrance. * * Caste affects even his purchases and sales. The Pulayans manufacture umbrella and other small articles, place them on the highway, and retire to the appointed distance shouting to the passers-by with reference to the sales. If the Pulayan wishes to make a purchase, he places his money on a stone, and retires to the appointed distance. Then the merchant or seller comes, takes up the money, and lays down whatever quantity of goods he chooses to give for the sum received—a most profitable way of doing business for the merchant. Land of charity PP 45-47. Such is the position of the Pulayan

দেখিয়াছ হরিদ্বার ভারত উত্তরে ;
 দেখিলে দ্রবিড় এই ভারত দক্ষিণে ;
 দেখা'ব পশ্চিম । হের গুর্জর-প্রদেশ ;
 বল সেথা কি দেখিছ ?”

কহিলেন গুরু ;—

“দেখিতেছি, দেব ! এক বিশাল মন্দির
 সন্ধ্যার আরতি এবে আরন্ধ তথায় ।
 ধূপ-গুগ্গুলের গন্ধ আমোদিছে পুরী ;
 মধুর মৃদঙ্গ, বীণা, বাজে করতাল ;
 বিগ্রহ শৃঙ্গারবেশে কিবা সুশোভিত ;
 পূজকে, দর্শকে পূর্ণ মন্দির-প্রাঙ্গণ ;
 পুলকে সহস্রকণ্ঠে উঠে জয়ধ্বনি ।
 সুবেশা, সুরূপা কত রমণী তথায়
 করিতেছে নৃত্যগীত ; কিবা তান, লয় !
 কি মধুর রস গীতে ! মুগ্ধ শ্রোতৃগণ,
 ফেলিছে প্রেমাশ্রুধারা ; ভাবাবেশে কেহ
 নাচিতেছে বাহু তুলি' । সমাপ্ত আরতি ;

and of the other slave tribes—a scandal to the semicivilized Government of Travancore, and by no means honourable to the British Government of India, by which it is controlled.

Hindu Tribes and Castes by Rev. M. A. Sherring Vol. III. pp. 187-88.

পুলেয়ার জাতির এই অবস্থা । In rank and habits the Pariahs are considered to be a shade lower than the Pulayans (Ibid p. 189) হুতরাং পান্ডিয়াগণের অবস্থা অনুমেয় : বর্ণনীয় নয় ।

হিন্দুসমাজের অস্বীকৃত হইয়াও অস্ত্রাজ জাতির হিন্দুরাজ্যে এই অবস্থা ; আর হুচতুর ইংরাজ-বীর ক্লাইভ তাহাদিগকে সেনাদলভুক্ত করিয়া ভারতে বৃটিশ সাম্রাজ্য স্থাপনে প্রবৃত্ত হইয়াছিলেন । The Pariahs supplied a notable proportion of Clive's sepoy, and are, still enlisted in the Madras sappers and miners.

Encyclopædia Britannica Vol. XX p. 802.

নিবিল আলোক । হায় ! একি দৃশ্য, দেব !
 দর্শক, পূজক আর নর্তকীর দল,
 জোড়ে জোড়ে, অন্ধকারে মিলাইল কোথা ।” *
 কহিলা মহর্ষি ;—

“বৎস ! দেবদাসী এরা,
 চির ব্রহ্মচর্য্য লয়ে সেবা দেবতার
 ব্রত ইহাদের । কিন্তু পাপাসক্ত নর
 ডুবিতেছে নিজে, আর ডুবাই’ছে এই
 অভাগিনী নারীগণে । শাস্ত্র আমাদের
 শিখায়েছে স্ককঠোর ইন্দ্রিয়-সংযম,
 প্রতিপদে, প্রতিশ্বাসে, বাক্যে, কার্য্যে, মনে ;
 কিন্তু দেখ, পরিণাম কি হয়েছে তা’র ।
 নহে ধর্ম্ম ভাবোচ্ছ্বাসে, ইন্দ্রিয়রঞ্জনে ;
 ধর্ম্ম আত্মত্যাগে, ধর্ম্ম সাধনে, সেবায় ।
 বল, এবে, ভারতের পূর্ব্বপ্রান্তে তুমি
 কি দেখি’ছ, বঙ্গ আর বিহারের মাঝে ।”

বিষাদে কহিলা গুরু ;—

“কি বণিব, দেব !
 বিদরে হৃদয় খেদে ; দেখিতেছি আমি
 সুপ্রশস্ত সঙ্ঘারাম ; অদূরে তাহার
 দেখিতেছি শক্তিপীঠ । বৌদ্ধ ভিক্ষুগণ,

* ভারতবর্ষের বহু প্রধান দেবমন্দিরেই এক সময়ে দেবদাসীদিগের প্রাচুর্য্য ছিল । ফেরিস্তা বলেন (Vol. I p 74) সোমনাথ মন্দিরে ৫০০ দেবদাসী বা নর্তকী ছিল । প্রাচীন শিলালিপি অবলম্বনে লিখিত মাদ্রাজের সেন্সস্ রিপোর্টে (p. 141 for 1901) দেখা যায় একাদশ শতাব্দীর প্রারম্ভে তাঞ্জোরের প্রসিদ্ধ মন্দিরে ৪০০ দেবদাসী ছিল । বিশ্বকোষে (৩ম ভাগ ৭২২ পৃষ্ঠা) লিখিত হইয়াছে যে কামাখ্যার মন্দিরে ৫০০০ দেবদাসী ছিল বলিয়া প্রবাদ আছে । দাক্ষিণাত্যের বহু মন্দিরে এখনও তাহার বিবরণ হয় নাই ।

গুপ্ত সিদ্ধিতরে, অই, বসেছে বিরলে
 চণ্ডালকুমারী ল'য়ে ; করিছে মিশ্রিত,
 কি বীভৎস ! বিষ্ঠা, মূত্র আহার্যের সনে । *
 অদূরে তা'দের অই, চক্র বিরচিয়া'
 ভৈরব, ভৈরবীদল বসেছে গোপনে ।
 কি যে পূজা-বিধি, দেব ! না পারি বর্ণিতে ; †

* বৌদ্ধগণের ব্যবহার সম্বন্ধে মহামহোপাধ্যায় শ্রীযুক্ত হরপ্রসাদ শাস্ত্রী মহাশয় বৌদ্ধতন্ত্র হইতে প্রমাণ উদ্ধৃত করিয়া এইরূপ লিখিয়াছেন :—

“অন্নং বা অথবা পানং যৎকিঞ্চিৎ ভক্ষয়েৎ ব্রতী ।

বিগ্নুত্র-মাংস-যোগেন বিধিবৎ পরিকল্পয়েৎ ।

বিগ্নুত্রং তু সদা ভক্ষ্যমিবং গুহ্যঃ মহাত্মতং ।

এই ত গেল আহারের কথা । গুহ্য সিদ্ধিলাভ করিতে গেলে বিষ্ঠা, মূত্র নিশ্চয়ই খাওয়া চাই, নহিলে কিছুতেই সিদ্ধিলাভ হইবে না । অল্প কথা বলিতে গেলে সভ্যতার সীমা অতিক্রম করা হয় । * * তবে একটা কিছু না বলিলে নয়—তাই একটা নমুনা দিতেছি ।

দ্বাদশাব্দিকাং কণ্ঠাং চণ্ডালস্ত মহাত্মনঃ

সেবয়েৎ সাধকো নিত্যং বিজনেষু বিশেষতঃ ।

বুদ্ধদেবের শীলরক্ষা, উচ্চাসন ও মহাসনত্যাগ, মালাগন্ধবিলেপনাদি ত্যাগ, নৃত্যগীত-বাদিত্রাদিত্যাগ প্রভৃতি কঠোর নিয়ম কোন কাজেরই নয়, কেবল যথেষ্টাচার কর, যথেষ্টাচার কর, যথেষ্টাচার কর । অধঃপাতের আর বাকি কি ?' নারায়ণ ; আশ্বিন ৩২২

† এই পূজাবিধি-প্রসঙ্গে স্বর্গীয় অক্ষয়কুমার দত্ত মহাশয় তাঁহার ভারতবর্ষীয় উপাসক সম্প্রদায়ে এইরূপ লিখিয়াছেন : “তন্ত্রের লতাসাধনাদি অধিকতর লজ্জাকর ; পাঠকগণের সমক্ষে উপস্থিত করা কোনরূপেই শোভা পায় না ।”

ধর্মের নামে ব্যভিচার ও সুরাপান কিরূপ প্রশয়লাভ করিয়াছিল, বিভিন্ন তন্ত্র হইতে নিম্নো-দ্ধৃত শ্লোকগুলি তাহার সাক্ষ্য দিবে ।

আগমোক্ত পতিঃ শঙ্করাগমোক্ত পতিগুরুঃ

স পতিঃ কুলজায়াশ্চ ন পতিস্ত বিবাহিতঃ । নিরুত্তরতন্ত্রম্ ।

• বিবাহিতপতিত্যাগে দুষণং ন কুলার্চনে । নিরুত্তরতন্ত্রম্ ।

পূজাকালে চ, দেবেশি ! বেশ্যেব পরিতোষয়েৎ । উত্তরতন্ত্রম্ ।

• মুখে সংপূর্ষ্য মদিরাং পায়মস্তি স্ত্রিয়ঃপুমান্ । কুলার্ণবতন্ত্রম্ ।

• মত্তা স্বপুরুষং মত্তা কাস্তান্ধমবলদ্যতে । কুলার্ণবতন্ত্রম্ ।

এই সকল তন্ত্রের ও তান্ত্রিক অনুষ্ঠানের কোন কোনটা মুসলমান অধিকারের পর প্রচলিত হইলেও তন্ত্রাচার যে তৎপূর্ব হইতে ভারতবর্ষে বহুমূল হইয়াছিল, শাস্ত্রে ও সাধারণ সাহিত্যে তাহার প্রমাণাভাব নাই । কোনও একটা অনুষ্ঠান সমাজে প্রচলিত হইলে উত্তরকালে তাহা বিধিবদ্ধ হইয়া ক্রমে গ্রন্থসম্মিষ্ট হয় । তন্ত্রাচারও তাহাই হইয়াছিল । বৌদ্ধতন্ত্র ও হিন্দুতন্ত্র কোনটা কাহার দ্বারা অনুপ্রাণিত, তাহা মীমাংসাসাপেক্ষ ।

নাহি লজ্জা, নাহি ভয়। অই অণু দিকে
ঢালিতেছে সুরা কেহ কপাল ভরিয়া ;
বীরাচারে কেহ, নরমুণ্ড ধৃত-করে,
রক্তের তিলক ভালে, নাটিছে উল্লাসে। *
বুঝিয়াছি, দেব ! তব কিবা অভিপ্রায়,
চাহিনা দেখিতে আর, বিদরে হৃদয়।”

কহিলা মহর্ষি ;—

“বৎস ! হয়োনা অধীর,
না চিনিলে রোগ বল কি দিবে ঔষধ ?
আচারে রক্ষিত ধর্ম এই শাস্ত্রবাণী ;
অনাচারে, কদাচারে রক্ষিত তা’ এবে ।
না বিচারি’ শাস্ত্র-মর্ম্ম, যুক্তি, উপদেশ
মতিভ্রান্ত, মোহাচ্ছন্ন আর্ষ্যস্মৃতগণ
ভাবে মদ্যমাংসে মিলে মুক্তি মানবের ।
স্বভাব-করুণ দেব সহেন সতত
সেবকের অপরাধ, কিন্তু না সহেন
অধর্ম্ম, ধর্ম্মের নামে ! আর্ষ্যস্মৃতগণ
আচরি’ছে দেবদ্রোহ, না হ’বে মঙ্গল ।

* শ্রীমৎ শঙ্করাচার্য্য কর্ণাটদেশে গমন করিলে কাপালিকগণ তাহার সহিত বিরোধে প্রবৃত্ত হইয়াছিল। ইহাদিগের বেশভূষা ও ব্যবহার এইরূপ বর্ণিত আছে :—

“কাপালিকদিগের প্রধান গুরু ত্রকচ আচার্য্যকে দেখিতে আসিল। ত্রকচের সর্বাঙ্গ শ্মশান-ভস্মে পরিলিপ্ত : এক হস্তে নরকপাল, অপর হস্তে স্তম্ভীক শূল। সঙ্গে আশ্বত্থ্যবেশধরী অসংখ্য অনুচর। ত্রকচ সগর্বে আচার্য্যকে বলিতে লাগিল ; “সর্বাঙ্গে শ্মশানভস্মমেপন অতি সংকার্য্য। আমার হস্তস্থিত নরকপাল অতি পবিত্র। না জানিয়া তোমরা এ সকল ছাড়িয়া অপবিত্র স্তম্ভর খর্পর (ভিক্ষাপাত্র) হস্তে বহন করিয়া থাক। তোমরা কপালী-ভৈরবের পূজা কেন কর না ? সদ্যকৃত্য রুধিরাক্ত নরমুণ্ড দ্বারা ভৈরবের পূজা না করিলে তিনি কিরূপে তোমাদের প্রতি প্রসন্ন হইবেন ? কপালীভৈরব নিরন্ত কমলনয়না উমার সহিত বিহার করিয়া থাকেন। সদ্য দ্বারা পূজা না করিলে তিনি কিরূপে প্রসন্ন হইবেন ?

শ্রীযুক্ত দ্বিজদাস দত্ত প্রণীত শ্রীমৎ শঙ্করাচার্য্য ও শঙ্করদর্শন ২য় ভাগ ১৮৪ পৃঃ

স্বদেশবৎসল তুমি, স্বধর্ম-নিরত ;
 বুঝিতেছি প্রাণ তব হ'তেছে ব্যাকুল
 উভয়ের দশা দেখি' ; কিন্তু না হেরিয়া
 কি করিবে ? মর্ম্মদেশ বেদনয়ে যদি
 স্বেচ্ছায় অন্ধর তবু উপযুক্ত নয় ;
 ক্লেশ যদি হয় তব শেষ দৃশ্য দেখ ।”

কহিলেন গুরু ;—

আমি দেখিতেছি, দেব !

শোভাময় দেশ এক সম্মুখে আমার ;
 পুষ্পিত কুম্বকুঞ্জ, চারু লতিকায়,
 বিকচ কমলদলে, শ্যাম মহীরুহে
 নন্দনকানন সম । বহে প্রবাহিণী
 কল কল রবে অই ; বিলাস-ভরণী
 শোভে কত নদী-বক্ষে পতাকাশোভিত ।
 দেখিতেছি নদীতটে রাজ-অস্তঃপুর,
 রাজ্ঞী, রাজসুতাগণ বিরাজেন তথা ।
 কিন্তু একি, দেব ! সেই শুদ্ধান্তের মাঝে *
 গণিকা, পুনভূ' আর নাটকীয়া তরে,
 শোভে গৃহ সারি সারি । রাজা, রাজসুত
 রঙ্গরসে, হাশ্বে রত তা' সবারে ল'য়ে ।
 অন্তদিকে, অন্তরালে, দেখিতেছি, আমি
 মৃত্যু উদ্বন্ধনে কা'র (ও), কা'র (ও) শিরশ্ছেদে ।
 কি গভীর আর্তনাদ বিদারে শ্রবণ ;

* শুদ্ধান্ত-অস্তঃপুর । সাধারণতঃ রাজাস্তঃপুরে চারিশ্রেণীর স্ত্রীলোক বাস করিতেন—
 রাজার পরিণীতা পত্নী বা মহিষী, পুনভূ', বেষ্যা ও নাটকীয়া । বাৎস্যায়ন বলেন, “যে বিধবা
 ইন্দ্রিয়দৌর্বল্য বশতঃ গুণ ও ভোগসম্পন্ন পুরুষকে আশ্রয় করে সে পুনভূ' ।”

রায় রাজেন্দ্রচন্দ্র শাস্ত্রী বাহাছরের সাহিত্য সংহিতায় লিখিত প্রবন্ধ ।

অশ্রুপূর্ণ নেত্র, দৃষ্টি নাহি চলে আর ।”

কহিলা মহর্ষি !—

“বৎস ! দেখিলে যে দেশ
কাশ্মীর উহার নাম ; সৌন্দর্য্যে, শোভায়
দ্বিতীয় নন্দনসম ! কিন্তু পাপাচারে
নরক হইতে ঘৃণ্য । যে লালসানল
জুলিয়াছে, এক দিন, এ দেশের মাঝে,
কি ভীষণ ! নাহি ভাষা পারি বর্ণিবারে ।
বিমাতা, সোদরা, সূতা, স্নৃষা, কুটুম্বিনী
পাই নাই রক্ষা তাহে ।* কিন্তু কি বলিব,
শত রাজ-অস্তঃপুর আছে এ ভারতে
কলঙ্কিত এইরূপ । হেরিলে ত তুমি
ভারতের পূর্বেবাস্তুর, দক্ষিণ, পশ্চিম,
রাজ-অস্তঃপুর, তীর্থ, পীঠ, সজ্জারাম,
বুঝ, বিচারিয়া মনে, কি দশা দেশের ;
ধর্ম্মের কি গতি এবে, প্রবৃত্তি লোকের ।
ধর্ম্মসংস্থাপক বিপ্র, রক্ষক ক্ষত্রিয়
ছিল এই আর্য্যভূমে । উভয়ের দশা

* কাশ্মীরের ইতিহাসলেখক কল্লন ইহার প্রত্যেকটির উল্লেখ করিয়াছেন । সেই সকল মহাপাপের মূল-বর্ণনা উদ্ধৃত করিবার স্থান এবং প্রবৃত্তি নাই । কোতুহলী পাঠক রাজ-স্তরঙ্গিনীর বস্তুতরঙ্গে ক্ষেমগুপ্তের ও সপ্তমতরঙ্গে কলশ ও তৎপুত্র হর্ষের এবং তাহাদিগের অনুচরবর্গের ব্যবহার পাঠ করুন । সীতা, সাবিত্রীর দেশে নারীর কিরূপ পতন হইতে পারে, রাজ্ঞী দিদ্ধার চরিত্রে তাহাও দেখিতে পাইবেন । প্রামাণিক ইতিহাস-লেখক বলেন :—

During the second half of the eleventh century, Kashmir, which has been generally unfortunate in its rulers, endured unspeakable miseries at the hands of the tyrants Kalasa and Harsha. The latter, who was evidently insane, imitated Sankarbarman in the practice of plundering temples, and rightly came to a miserable end. Few countries can rival the long Kashmir list of kings and queens who gloried in shameless lust, fiendish cruelty, and pitiless misrule.

V. Smith's Early History of India P. 375.

নিরখিলে ; পরিণাম করহ গণনা ।
 ব্যথিত হৃদয় তব, তা' না হ'লে আমি
 দেখা'তাম, রাজকুল-দৃষ্টিস্ত লক্ষ্মিয়া,
 মহামাত্র, সভাসদ, রাজকর্মচারী
 কি ভাবে যাপি'ছে দিন । ভাবে তা'রা মনে,
 অনাথার, দরিদ্রার, সতীত্ব-রতন
 মূল্যহীন, বাক্যমাত্রে লভ্য তাহাদের । *

* মধ্যযুগে ভারতের কি নৈতিক অধঃপতন হইয়াছিল তাহা বুঝাইবার জন্য, রুচিকর না হইলেও, আমি রায় রাজেন্দ্রচন্দ্র শাস্ত্রী বাহাদুরের লিখিত প্রবন্ধ হইতে কিয়দংশ উদ্ধৃত করিতে বাধ্য হইলাম ।

“বাৎসায়ন বলেন, গ্রামস্বীকণ, এক গ্রামাধিপতির বা বহু গ্রামাধিপতির (অর্থাৎ যাহারা রাজার অধীনে এক বা বহু গ্রাম শাসন করেন, তাঁহাদিগের) যুবক পুত্রদিগের “বচনমাত্রসাধ্যা” ; অর্থাৎ ঐ সকল স্ত্রী বশ করিতে বিশেষ কষ্ট পাইতে হয় না ; তাহারা প্রস্তাবমাত্রই সম্মতি দান করে । ঐ সকল স্ত্রীলোকেরা মহামাত্র-গৃহে বেগার খাটার জন্য সমবেত হয় ; এইরূপে গণব্যাক্ষের গোপস্বীদিগের, সূত্রাধ্যক্ষের অনাথা, বিধবা প্রত্নাজিতাদিগের সহিত, পণ্যাধ্যক্ষের ক্রয়বিক্রয়কারিণী স্ত্রীদিগের সহিত সমাগম হইয়া থাকে । ইহারা সকলেই রাজত্ববনে বিশেষ বিশেষ অধিকারে নিযুক্ত থাকিত ও ইহাদের অধীনে অনেক গ্রাম্য স্ত্রী কার্য করিত । সেই সুযোগে ঐ সকল কর্মচারী স্ব স্ব লালসা চরিতার্থ করিতেন । কিন্তু অন্যান্য স্ত্রীগণ বোধ হয় তত সুখসাধ্য ছিল না । তাহাদের জন্য বিশিষ্ট উপায় অবলম্বিত হইত । উৎসব উপলক্ষে স্ত্রীগণ রাজত্ববনে সমবেত হইত । রাজদাসী, যাহার উপর রাজার লক্ষ্য পড়িয়াছে, রাজার যে তাহার প্রতি অনুরাগ জন্মিয়াছে, তাহা উল্লেখ করিত । ইহাতেও যদি সে স্বীকৃত না হইত, তাহা হইলে, রাজা স্বয়ং আসিয়া তাহাকে নানা উপহারাদি দ্বারা বিসর্জন করিতেন । কোন কোন স্থানে আবার মহামাত্রদিগের দ্বারা উৎপীড়িত ব্যক্তি, অথবা, যিনি রাজ্যমধ্যে একজন প্রধান পুরুষ বলিয়া খ্যাতিলাভ করিতে ইচ্ছা করেন, অথবা যিনি স্বজাতি কর্তৃক উৎপীড়িত অথবা যিনি স্বজাতির উৎপীড়ন করিতে ইচ্ছুক, এরূপ ব্যক্তির স্ত্রীগণ, স্ব স্ব উদ্দেশ্য সিদ্ধির জন্য, রাজত্ববনে সমবেত হইয়া চরিত্র বিক্রয় করিত ।

এ পর্য্যন্ত প্রচুর ব্যভিচারের কথা উক্ত হইয়াছে । ইহার উপর আবার প্রকাশ্য ব্যভিচার ছিল । দেশভেদে ঐ ব্যভিচার ভিন্ন ভিন্ন আকার ধারণ করিয়াছিল । অন্ধদেশে জনপদ-কন্যারা, বিবাহের পর দশম দিবসে, কিছু উপায়ন হস্তে করিয়া, রাজাস্তঃপুরে প্রবেশ করিত ও উপভুক্ত হইয়া বিসৃত হইত । দক্ষিণাপথে বৎস ও গুণ্যনামক সহোদরদ্বয় দ্বারা অধ্যাসিত দেশে মহামাত্র ও ঈশ্বরদিগের স্ত্রীগণ সেবার নিমিত্ত রাত্রিতে রাজার সহিত মিলিত হইত । বিদর্ভদেশে অস্তঃপুরিকাগণ স্ত্রীতিচ্ছলে রূপবতী জনপদস্বীদিগকে মাস বা মাসার্ধ রাজত্ববনে বাস করাইত । অপরাস্তদেশে [মহাত্মির সমীপবর্তী পশ্চিম সমুদ্রতীরস্থ দেশে, কঙ্কণ প্রদেশে] লোকে নিজ ভার্গ্যাগণকে মহামাত্র ও রাজগণের নিকট স্ত্রীতিদানস্বরূপ উপহার প্রদান করিত । সৌরাষ্ট্র দেশে নগর ও জনপদ স্ত্রীরা দলে দলে রাজকূলে প্রবেশ করিত ।

সাহিত্য-সংহিতা ; বৈশাখ ১৩২১ ।

ইন্দ্রিয়দৌর্বল্যে, গুণ্ড, ব্যক্ত ব্যভিচারে
 সারশূন্য হইয়াছে আৰ্য্যসুতগণ ।
 দশ হ'তে দুইবার লহ যদি পাঁচ
 কিবা রহে শূন্য বিনা ? মানব হইতে
 যায় যদি নীতি, ধর্ম কিবা রহে তা'র ?
 উপেক্ষিত, অশিক্ষিত হীনবর্ণ হেথা,
 পরিণাম, হিতাহিত না পারে বুঝিতে ;
 হারাইয়া জাতিগত মর্যাদা, সম্মান
 আছে কাষ্ঠ-লোষ্ট্রবৎ । উচ্চবর্ণ যা'রা,
 কি ব্রাহ্মণ, কি ক্ষত্রিয়, শত সম্প্রদায়ে
 বিভক্ত, বিচ্ছিন্ন, নাহি প্রেম পরম্পরে ।
 জাতিগর্বে, জ্ঞাতিবৈরে, ইন্দ্রিয়জ সুখে
 নয়ন থাকিতে অন্ধ । শক্তিস্বরূপিণী
 নারী হেথা উপেক্ষিতা । হিরণ্ময়ী সীতা
 সতীর মর্যাদা রক্ষা করিলা যথায়,
 মিটাইতে ভোগ-তৃষা এক পুরুষের
 শত পত্নী, উপপত্নী নিয়োজিতা তথা ।

বাংস্ভায়ন পৃথীরাজের পূর্বকালবর্তী এবং কল্হন তাঁহার প্রায়-সমকালবর্তী অবস্থা (১ ৫০ খ্রীষ্টাব্দ পর্য্যন্ত) বিবৃত করিয়াছেন । উত্তরকালবর্তী অবস্থা আমাদের সুবিদিত । এই দীর্ঘকালব্যাপী নৈতিক পতন যে রক্তনৈতিক পতনের অন্ততম কারণ, তাহা বলা অতিরিক্ত ।

• এই বহুপত্নীকতা, উত্তরকালে কিরূপ বৃদ্ধি পাইয়াছিল, তাহা ধারণার অতীত । অধরাধিপতি রাজা মানসিংহের যে পনের শত বিবাহিত স্ত্রী ছিল, তাহা সুপরিচিত । বিজয়নগরের রাজা দ্বিতীয় দেবরায়ের পত্নীগণ সম্বন্ধে ইতালিদেশীয় ভ্রমণকারী নিকোলো কোন্টি Nicolo dei Conti ১৪২০ খ্রীষ্টাব্দে এইরূপ বলিয়াছেন ;—

The inhabitants of this region (Vijaynagar) marry as many wives as they please, who are burnt with their dead husbands. Their king is more powerful than all the other kings of India. He takes to himself 12000 wives of whom 4000 follow him on foot wherever he may go, and are employed, solely, in the service of the kitchen. A like number, more handsomely equipped, ride on horse-back. The

বুঝ পরিণাম তা'র ; বীরেন্দ্র দাহির,
 স্বদেশ, স্বধর্ম তরে বিসর্জিত প্রাণ ;
 তাঁর পত্নী লাগি জয়ী কাসিমের পদে
 অর্পিত সতীত্ব-রত্ন । উচাগড়-রাণী,
 ঘোরীর কুহকে ভুলি', বধিলা পতিরে । *
 প্রতি রাজগৃহে জ্বলে সপত্নী-বিদেহ,
 ভ্রাতৃভেদ, পিতৃদ্রোহ । বল, বৎস ! তুমি
 কেমনে কল্যাণ তবে হ'বে এ দেশের ?
 জ্ঞানী তুমি, অনায়াসে পারিবে বুদ্ধিতে,
 ভৌতিক শক্তি নহে নিয়ন্ত্রী বিশ্বের ;
 রহি' অন্তরালে তা'র শক্তি আধ্যাত্মিকী
 শাসন, পালন বিশ্ব করেন সতত ।
 কদাচারে, পাপাচারে সঙ্কুচিত যথা
 বিধিরোধ, নিঃসন্দেহ, জানিও তথায়
 নিষ্ফল পুরুষকার, দৈব বলবান ।

স্বজাতিবৎসল তুমি ; হৃদয় তোমার
 হই'ছে ব্যথিত শুনি' নিন্দা স্বজাতির ;
 দহিতেছে মর্শ্ব, হেরি' পাপাচার হেন ;

remainder are carried by men in litters of whom 2000 or 3000 are selected as his wives on condition that at his death they should voluntarily burn themselves with him, which is considered to be a great honour for them. R. Sewell. A Forgotten Empire, Vijaynagar p. 84.

বিজয় নগরের অপর এক রাজা অচ্যুতরায় সম্বন্ধে ফের্নান্ডো নিউনিজ (Firnao Nuniz) নামে একজন বৈদেশিক এইরূপ বলেন ;—He had five hundred wives and as many less or more as he wants, with whom he sleeps ; and all of these burn themselves at his death. Ibid p. 370.

বহুপত্নীকতা প্রাচ্য ভূখণ্ডে বিরল নয় ; কিন্তু তাহার এরূপ প্রাবল্য আর কোথাও ঘটে নাই ।
 * ভিন্ন ভিন্ন সর্গের পাদটীকা দেখুন ।

কিন্তু যদি নিরপেক্ষ না কর বিচার
 জাতিগত দোষ হ'বে শোধিত কেমনে ?
 নিরখিলে বর্তমান, স্মরহ অতীত ;
 দেখ ভাবি' হতশেষ অনার্য্য-সম্মানে
 কে বাঁধিল হীনতার দুর্মোচ্য শৃঙ্খলে
 অযাজ্য, অস্পৃশ্য করি' ? অসংখ্য মানবে
 অবজ্ঞায়, ঔদাসীনে্যে কে রাখিল হেন
 পঙ্গু-মুক-জড় প্রায়, বাঁধি' জ্ঞানসীমা
 মুষ্টিমেয় নরমাঝে ? নিরুত্তর তা'রা
 আহ্বানে তোমার, নাহি বুঝে ধর্ম, দেশ ;
 কি বিস্ময় মৃত জন র'বে স্পন্দহীন !
 বল তুমি, বিচারিয়া, বীরত্বাভিমাণে,
 রাজসূয়ে, অশ্বমেধে, স্বয়ংবরকালে,
 অকারণে, সর্বধ্বংসী বিগ্রহ-অনল
 জ্বালিয়াছে কা'রা হেন ? যুগ যুগ কাল
 যে দারুণ দ্বেষানল জ্বলিয়াছে প্রাণে,
 কেমনে সহসা তাহা হ'বে নির্বাপিত ?
 সত্য বটে, এ ভারত ছিল, একদিন,
 গুণে, জ্ঞানে অদ্বিতীয় ; কিন্তু অভ্যস্তরে
 বহু মহাপাপ-বীজ ছিল লুক্কায়িত ।
 বিরচি' কুসুমোচ্ছান গৃহস্থ যদ্যপি
 কণ্টকীগুল্মের বীজ রাখেন প্রমাদে,
 কে না জানে, পরিণামে, পুত্র, পৌত্র তাঁ'র
 ক্ষতপদ, শোণিতাক্ত হইবে কণ্টকে !
 জাতিগত কর্মফল, পাপপুণ্যময়,
 হইবে ভুঞ্জিতে, তা'র না হবে অশ্রুতা ;

পুণ্যে স্থিতি, পাপে ধ্বংস বিধি বিধাতার ।
 গিরিগর্ভে বিন্দু বিন্দু, বহু বর্ষাবধি,
 সঞ্চিত সলিল, যবে তুষার আকারে
 হয় পরিণত শৈতে, বিদরে পাষণ ;
 মহা শব্দে পূরি' দেশ, কাঁপাইয়া ধরা,
 পড়ে গিরি ভগ্ন হ'য়ে । যুগযুগাবধি
 যে পাতক, যে প্রমাদ হয়েছে সঞ্চিত
 এ ভারতে, ফলে তা'র সাম্রাজ্য হিন্দুর
 কে জানে পড়িবে কবে শত খণ্ড হয়ে ।

নির্বেদ, নৈরাশ্য কিন্তু আনিও না মনে ;
 আছে পাপ সত্য ; কিন্তু পায় নাই লোপ
 পুণ্য এ ভারত হ'তে । সাধু, সাধ্বী কত,
 তীর্থে; তপোবনে, গৃহে, রাজসভামাঝে,
 এখন(ও) নিষ্কাম ধর্ম সাধি'ছেন হেথা ।
 এখনও পৃথ্বীরাজ, সংযুক্তার সম
 জন্মিতেছে রাজা, রাণী ; তোমার সদৃশ
 জন্মিতেছে বিপ্র । বৎস ! বিশ্বপাতা যিনি
 ন্যায়বান, দয়াময় । একাধারে তিনি
 শাস্তিদাতা, পরিত্রাতা । সুনিয়মে তাঁ'র
 না ঘটে অনন্ত শাস্তি সান্ত পাপ তরে ।
 আছে প্রায়শ্চিত্ত আর্ঘ্যশাস্ত্রের বিধান,
 পাপ অনুসারে, বৎস ! রাখিও স্মরণে,
 সুদীর্ঘ-সঞ্চিত এই মহাপাপরাশি,
 জ্ঞানাজ্ঞানকৃত, কভু না পাইবে ক্ষয়
 তুষানল বিনা । যা'বে চলি' বহু যুগ ;
 বহু অন্তর্দাহ, বহু মর্মনিকৃন্তন

ঘটিবে ; উঠিবে বহু 'ত্রাহি ত্রাহি' ধ্বনি ।
 গুণে, জ্ঞানে ভারতের শ্রেষ্ঠ নরনারী,
 যুগে যুগে, বলিরূপে দিবে শির পাতি',
 তবে হ'বে প্রায়শ্চিত্ত । কিন্তু যেই ক্ষণে
 হ'বে শুদ্ধ, পাপমুক্ত আর্ঘ্যসুতগণ,
 আবার নূতন সৃষ্টি ঘটিবে এদেশে ।

রণক্ষেত্রে ভারতের না হ'বে উদ্ধার,
 নিশ্চিত জানিও, বৎস ! আর্ঘ্য-সুতগণ,
 লভি' নব শিক্ষা, দীক্ষা, বুঝিবে যে দি
 অস্ত্যজ অস্ত্যজ নয়, সৃষ্টি বিধাতার,
 নররূপী নারায়ণ ; তা'দেরও অস্তুরে
 আছে সুখ-দুঃখ-মান-অপমান-বোধ,
 জ্ঞানধর্ম্য লাভে আছে তুল্য অধিকার ;
 বুঝিবে যে দিন নারী ভোগ্যামাত্র নয়,
 কর্মক্ষেত্রে পুরুষের সহায়, সঙ্গিনী ;
 বুঝিবে যে দিন ধর্ম্য লভ্য সাধনায়,
 নহে বাহ্য অশুষ্ঠানে, নহে জাতি-গুণে ;
 সে দিন এ ভারতের হ'বে নবোৎথান ।
 বিধির বিধান বলে নব হিন্দুজাতি,
 উদার স্বধর্ম্যপ্রেমী, স্বদেশবৎসল,
 নবোৎসাহে দীপ্ত, নব মন্ত্রে সূদীক্ষিত,
 হ'বে সেথা সমুদ্ভূত । সে জাতির মাঝে
 ধর্ম্যবীর, কর্ম্যবীর, রণবীর কত
 জন্মিবে আবার ; পুনঃ শৌর্য্যে, জ্ঞানে, প্রেমে
 বিভাসিত বৈজয়ন্তী উড়িবে গৌরবে,
 হিমাচলশিরে । সেই বৈজয়ন্তীতলে

পৃথিবীর কত জাতি নত হ'বে আসি'
 ভক্তিশ্রদ্ধাবশে । দীর্ঘ ত্রিযামার শেষে,
 সূচীভেদে তম এই করি' নিরাকৃত,
 উদিবে তরুণ রবি ভারত-আকাশে,
 যথা দিনমণি, এবে পূর্বাচল-ভালে,
 হই'ছেন সমুদিত ;—চলিলাম আমি ।”

হেরিলেন তুঙ্গাচার্য্য, ত্যজি' ভূমিতল,
 উঠি' সে পুরুষবর নীলাম্বর-পথে
 অদৃশ্য হইলা ক্রমে ; ক্ষীণরশ্মি যত
 তারাদল, একে একে, মিলাইল সাথে ।

সুপ্তোথিত রাজগুরু, উন্মীলি' নয়ন,
 দেখিলেন রবিকর, মহীকুহ-শির
 করি' আরঞ্জিত, করি' মুকুতা-ভূষিত
 দুর্বাদল, উজলিছে সুনীল আকাশ ।
 ভাবিলেন গুরু, এ কি নিশার স্বপন,
 অথবা মহর্ষি, সত্য হয়ে আবির্ভূত,
 দেখাইলা স্বপ্নচ্ছলে দশা ভারতের ।
 স্বপ্ন হ'ক, সত্য হ'ক, কর্তব্য আপন
 সাধিব ; বিধাতঃ ! বিশ্বে ফলদাতা তুমি
 “নমঃ সূর্য্য নারায়ণ” ! বলি' ভক্তিভরে
 প্রণমি' চলিলা গুরু স্নান-অভিলাষে ।

অষ্টাদশ সর্গ ।

আবার তুরুক-সেনা
পশিয়াছে আর্ঘ্যাবর্তে,
দেশে, দেশে হয়েছে প্রচার

মাতিয়া সমররঙ্গে
সাজিছে চৌহানদল,
রাজার আদেশে পুনর্ব্বার ।

বাজিছে সমর-বাণ্ড,
ধাইছে পদাতি, সাদী,
মদগর্বেব ধায় গজবর ;

অস্ত্রাগার হ'তে পুনঃ
রাজপুত যোদ্ধা যত
বাহির করি'ছে ধনুঃশর ।

অযুত সৈনিক লয়ে,
সমর্ষি, আসিয়া পুনঃ,
বসেছেন যমুনার তীরে ;

কভু ব্যঞ্জে, উপহাসে,
কভু পরামর্শ-দানে

আবার আসি'ছে তুর্ক,
শুনি' দিল্লীবাসী যত
এই কথা কহে পরম্পর ;—

“লাঙ্গুলে আঘাত করি’,
চূর্ণ না করিয়া শির,
ছাড়িতে কি আছে বিষধর ?

পৃথুরাজ ।

গোবিন্দ ঘোরীরে যদি

বধিতেন সেই দিন,

তা' হলে কি ঘটিত এমন ?

গেল প্রাণভিক্ষা লয়ে,

আবার আসি'ছে সাজি',

কল্পধর্ম্য কি বুঝে যবন ?

এবার পা'বেন শিক্ষা,

না হ'বে ফিরিতে দেশে,

থাকিবেন সরস্বতী-তীরে ;

মুক্তি হ'বে য়েচ্ছজন্মে,

হয় যদি অস্থিগুলি

ধোত সেথা, পূত নদী-নীরে ।”

শুনি কহে অন্য কেহ ;—

“কুটিল, কপটী তুর্ক,

শুনিয়াছি, পটু মায়া-রণে ;

লভি' শাস্তি নিদারুণ,

আসি'ছে যখন পুনঃ,

অভিসন্ধি আছে কিছু মনে

দুর্ন্যতি রাঠোর-ভূপ,

কাপুরুষ জন্মুপতি

দিবে নিজ নিজ সেনাবল” ;

অন্য কহে ;—“গজরাজ

না ডরে, যতপি মিলে

মূষিক-শশক-ভেকদল ।”

সাধারণ লোক যত

এইরূপ নানা কথা

আলোচনা করে পরস্পর ;

উদ্বিগ্ন সমর্ষি, কিন্তু,

চিন্তাযুক্ত পৃথ্বীরাজ.

বিচারেন দুই বীরবর ।

প্রবীণ সৈনিক বহু

মরেছে প্রথম যুদ্ধে ;

নবাগত এই সৈন্যগণ

এখনও অশিক্ষিত ;

না জানি কি করে, শেষে,

হয় ত করিবে পলায়ন ।

তবরহিন্দের যুদ্ধে,

বর্ষব্যাপী অবরোধে,

বহু বীর পাইয়াছে ক্ষয় ;

কে জানিত কুজ্‌বাটিকা

গগনে না হ'তে লীন,

সহসা হইবে মেঘোদয় ।

অরক্ষিতা বুঝি' পুরী,

রাঠোর যদ্যপি আসি,'

রাজধানী করে আক্রমণ,

হ'বে মহা পরমাদ ;

রাখিতে হইবে তথা

রক্ষা হেতু শ্রেষ্ঠ সেনাগণ ।

পৃথ্বীরাজ

তারাগড়-অবরোধে

তুরুক্ স্ফূটমতি,

চর এক এনেছে বারতা ;

মন্ত্রণা হয়েছে স্থির,

খাদ্য, অস্ত্র, বীর যোদ্ধা

রাখিতে হইবে বল তথা ।

বিভাগ করিলে হেন

সেনাসংখ্যা পা'বে হ্রাস,

না থাকিবে উপযুক্ত বল,

রোধিতে তুরুকগণে ;

অথচ উপায় নাই ;

চিত্ত, তা'ই, দৌহার চঞ্চল । *

* কোন কোন মুসলমান ঐতিহাসিক স্বীকার না করিলেও, পৃথ্বীরাজ যে উপযুক্ত আয়োজন করিতে পারেন নাই, আবুলফাজল তাহার আকবরনামায় তাহার উল্লেখ করিয়া এইরূপ লিখিয়াছেন :—


“Prithwiraj,” says Abul Fazal, “hurriedly collected together only a small number of troops and with these he marched out to attack the Sultan. But the heroes of Hindustan had all perished in the manner described above, besides Jaichand who had been his ally was now in league with his enemy. Another of his Vassals the Haoli Rao Hamir turned traitor and joined the Sultan. Prithwiraj was defeated and taken prisoner and was killed.”

Ajmer Historical and Descriptive pp. 155-56.

ঐতিহাসিক হণ্টার সাহেবও এই মতের সমর্থন করিয়া লিখিয়াছেন :—

“These Rajput states formed the natural breakwaters against invaders from the north-west. But their feuds are said to have left the king of Delhi and Ajmer, then united under one Chauhan Overlord, only sixty-four out of his one hundred and eight warrior-chiefs.”

Hunter's Indian Empire. p. 229.



তারাগড় দুর্গাচাঁর ।

অষ্টাদশ সর্গ ।

কর্তব্য-সাধনে তবু
নৃপতি ঔদাস্যহীন,
দিবানিশি রত আয়োজনে ;
আক্রমণ, আত্মরক্ষা
এবার কি শ্রেয় যুদ্ধে,
সদা যুক্তি গোবিন্দের সনে ।

নীরব সঙ্গীতশালা,
দীপহীন ক্রীড়াগার,
রুদ্ধদ্বার রাজ-উপবন ;

মন্ত্রগৃহে, অস্ত্রশালে,
সৈনিক-শিবিরে ভূপ,
নিরস্তর, করেন যাপন ।

গোবিন্দ, উদ্বেগ-শূন্য,
কহেন ;—“কি চিন্তা, দাদা !
আশীর্ব্বাদে জিনিব সমর ;

বুঝিয়াছে তুর্করাজ,
এবার না পা'বে ক্ষমা,
সহসা না হ'বে অগ্রসর ।”

অস্ত্রপুরে নারীগণ
কহেন আনন্দে সবে ;—
“আবার হইবে নৃত্য, গীত ;
হ'বে হোম, বেদপাঠ,
শতাব্দি মহিষবলি,
রাজপুরী হ'বে সুসজ্জিত ।”

সংযুক্তার মনে, শুধু,

কি যেন বিষাদচ্ছায়া

পড়িয়াছে অতি সুগভীর ;

নিদ্রিত পতির হেরি'

চমকি' উঠেন সতী,

অঁখি মাঝে দেখা দেয় নীর ।

দুঃস্বপ্ন হেরিয়া কভু

অনিদ্রায় শয্যা'পরে

রজনী করেন অবসান ;

দেবশিরে অর্ঘ্য দিতে

কাঁপি' যেন উঠে বুক,

কর তাঁ'র হয় কম্পমান ।

অঁধার নিশীথে যবে

পুরবাসী নর, নারী

শয্যা'পরে নিদ্রা যায় স্তখে ;

চকিতা পেচকরবে

সংযুক্তা রহেন জাগি'

বাম হস্ত চাপি' নিজ বুকে ।

কভু অমানিশাকালে,

সিক্তবস্ত্রে, একাকিনী,

মুক্ত করি' কবরীবন্ধন,

ল'য়ে সচন্দন জবা,

বসি' তারাপীঠতলে, *

পতিপ্রাণা করেন অর্পণ ।

* প্রবাদ এই যে, রায় পিথোরার মৃত্তিকা-খননকালে, এই তারাপীঠ আবিষ্কৃত হইয়াছিল ; কিন্তু পাছে তাহা হিন্দুরা তীর্থ করিয়া তুলেন এবং সেই লইয়া হিন্দু-মুসলমানে বিবাহ হয়, এই ভয়ে কর্তৃপক্ষ তাহা ভূগর্ভে প্রোথিত রাখিয়াছেন ।

। गर्स शदष्टअ

प्रणमि' देवीर पदे
करजोडे क'न सती,

अंथि दु'टी बरे अबिरल ;—

“मह, मा ! जीवन मम,
दासीरे प्रसन्ना हउ,

प्राणेशेर कर, मा ! मङ्गल ।”

अस्तुरे उ॒त्साहशु॒चा ;
किन्तु पुरनारी सवे

हेरे ताँ'रे प्रफुल्लवदना ;

नियुक्ता आपन कार्ये,
परिजनसेवारता,

रङ्गरसे, कोतुके मगना ।

बिरले पतिर सने
तुर्केर समर-प्रथा

संयुक्ता करेन आलापन ;

उद्देश, आशका चापि',
गुहाये राखेन अस्त्र,

शूल, बाण, असि, शरासन

कातरा हईया कडु
जिञ्जासेन पृथ्वीराजे,

“तुरुक कि युद्धिबे निश्चय ?”

हासि क'न. वीरवर :—

“कि चिन्ता यद्यपि युवो ?

विजित शत्रुरे केन भय ?”

“এবার কপট যুদ্ধ
করিবে মায়াবী তুর্ক,
জনশ্রুতি উঠেছে নগরে ;”

শুনি ক'ন নৃপমণি ;—

“বীর-সিংহ তুর্করাজ ;

ফেরুলীলা সিংহ না আচরে ।”*

সজল নয়নে, কভু,

ধরিয়া পতির কর,

সংযুক্তা করেন নিবেদন ;—

“কাল নিশা-শেষে, নাথ !

ফিরি' তারাপীঠ হ'তে

হেরিয়াছি অদ্ভুত স্বপন ।

শ্যামল সুন্দর বন,

কুসুমিত তরুপূর্ণ,

মুখরিত কলকণ্ঠস্বরে ;

ময়ুর, ময়ুরী কত

বসি' কদম্বের শাখে,

দোলে লতা সমীরণভরে ।

* এই উদারতা ও শত্রুর ব্যবহারসম্বন্ধে নিঃসন্দ্বিগ্নচিত্ততা, কোন কোন স্থলে, হিন্দুর পরাজয়ের কারণ হইয়াছিল। পূর্বে সংবাদ না দিয়া শত্রুকে আক্রমণ করিতে নাই, এই বিশ্বাসে অনেকে মুসলমানের অতর্কিত আক্রমণ হইতে আত্মরক্ষা করিতে পারেন নাই। ঐতিহাসিক এল্‌ফিন্‌ষ্টোন বলেন ;—It was probably owing to the natural indolence of the Rajputs and their deeming it dishonourable to attack each other without warning that the Musalman invader so often found them unprepared for defence.

ঝরি' ঝর ঝর নাদে
সেথা নিঝরিণী এক
স্বজিয়াছে বাপী সুবিমল ;
শ্বেত শতদল কত
শোভা পায় নীল জলে,
খেলে মাঝে হংস-হংসী-দল ।
কুরঙ্গ, কুরঙ্গী রূপে
আমরা সে বনে যেন
করিতেছি আনন্দে বিহার ;
অকস্মাৎ কোথা হ'তে
লোলজিহ্ব দাবানল
উঠিল তথায় দুর্নিবার ।
ব্যাকুল, সন্ত্রস্ত চিতে
ধাইল কতই প্রাণী,
ভস্ম হ'ল তরু-লতাদল ;
প্রসারিয়া ধূমশিখা,
সঘনে গর্জ্জন করি,
আমা দৌহে বেড়িল অনল ।
পরস্পর মুখ চাহি'
দাঁড়ায়ে রহিনু মোরা,
ভস্মশেষ হইনু দু'জনে ।
সেই দাবানল-বেশে
আসি'ছে তুরুক এবে,
নাথ ! মোর জ্ঞান হয় মনে ।”

পৃথীরাজ ।

“নহে অসম্ভব ; প্রিয়ে !”

উত্তরিলে পৃথীরাজ ;—

“ভবিতব্য লজে শক্তি কা’র ?

কর্তব্য মোদের যাহা,

এস সাধি প্রাণপণে,

ঘটুক যা’ থাকে ঘটবার ।”

এইরূপ নানা কথা

পতি, পত্নী, দৌহে মিলি’,

আলোচনা করেন সতত ;

কভু নবগ্রহ-পূজা,

কভু শান্তি-স্বস্ত্যয়ন

সংযুক্তা করান অবিরত ।

জ্যোতিষী গণিলা দিন,

এক সাথে দুইজনে

পূজা দিতে যা’ন দেবালয়ে ;

সহসা ছ’ছট লাগি’

ভূতলে পড়েন সতী,

পূজাদ্রব্য পড়ে ভ্রষ্ট হয়ে ।

পতির চিস্তিত হেরি’

সংযুক্তা বুঝায় ক’ন,

“উদ্বেগের না হেরি কারণ ;

শুনিয়াছি শুভদিন

প্রহর অবধি আছে,

এখন (ই) করিব আয়োজন ।”

অষ্টাদশ সর্গ ।

পূজাশেষে পতিপ্রাণা,
অস্ত্রঃপুর মাঝে গিয়া,
পতির সাজান সযতনে ;

কিন্তু, অন্তমনা হয়ে,
দক্ষিণে বাঁধেন অসি,
বামে না বাঁধিয়া সারসনে ।

বর্ষ্য বাঁধিবার কালে
অঙ্গুলি কাঁপিয়া উঠে,
গ্রন্থিগুলি হয় শিথিলিত ;

কণ্ঠে পরাইতে মালা
সূত্র তা'র যায় ছিঁড়ি',
খসি' ফুল হয় ভূপতিত ।

তথাপি ধৈর্য ধরি,
পতির সাজায়ে সতী,
প্রাণভরি', করেন দর্শন ;

সে প্রসন্ন বীরমূর্তি
নিরখি' সতীর নেত্রে
আনন্দের ঝরে প্রস্রবণ ।

প্রসারিয়া বাহু দু'টী
পতির জড়ায়ে ধরি,
সংযুক্তা কহেন ;—“প্রাণেশ্বর !

এসো যুদ্ধে জয়ী হয়ে,
করুন তোমারে রক্ষা
চক্রপাণি দেব গদাধর ।

সংযুক্তার ভাগ্যদোষে
ঘটে যদি অমঙ্গল,
হেথা আর দেখা নাহি হয়,

অই সূর্যালোকে গিয়া
মিলিব আবার দৌহে,
বিচ্ছেদ যেখানে নাহি রয় ।

সাত্ৰুগনেত্রে বীরবর
প্রিয়ারে, হৃদয়ে ধরি',
প্রেমভরে করেন চুম্বন ;

যাত্রার দামামাধ্বনি
বাজি' উঠে হেন কালে,
শুনি', দ্বারে করেন গমন ।

গজ্ঞে আরোহণ করি',
গোবিন্দ, সমর্ষি সহ,
প্রস্থান করেন তরায়ণে ;

সরস্বতী দুই পারে,
হেরেন উভয় দল
নিয়োজিত বৃহৎসংগঠনে ।

* এই শেষ বিদায় সম্বন্ধে টড্ পৃথ্বীরাজরাসো অবলম্বনে এইরূপ লিখিয়াছেন :—

The army having assembled and all being prepared to march against the Islamite, in the last great battle which subjugated India, the fair Sanjukta armed her lord for the encounter. * * * The sound of the drum reached the ear of the Chouhan : It was a death-knell on that of Sanjukta : and as he left her to head Delhi's heroes, she vowed that henceforward water only should sustain her. "I shall see him again in the region of Surya, but never more in Yoginipur" (Delhi).

সায়াকে শিবির মাঝে
বসেছেন পৃথ্বীরাজ,
সমর্ষি, গোবিন্দ দুই ধারে :

সামন্ত-নৃপতি যত
উপবিষ্ট চারি দিকে,
রক্ষিগণ দাঁড়াইয়া দ্বারে ।

কিরূপে হইবে যুদ্ধ,
কোথা র'বে কোন্ দল,
আলোচনা হয় পরস্পর ;

হেন কালে রক্ষী এক
সম্রমে কহিলা ভূপে ;—
“দ্বারে যবনের অনুচর ।

পত্রের উত্তর এই
পাঠায়েছে তুর্করাজ,”
এত বলি' পত্র দিল করে

সমর্ষি সে পত্র লয়ে,
পাঠ করি নিজ মনে,
শুনাইলা পরে নৃপবরে ।

লিখেছে তুরুক-পতি ;—
‘আমি সেনাপতি মাত্র,
প্রভু মোর জ্যেষ্ঠ সহোদর

তঁহার(ই) আদেশ বহি’,
রাজসেনাগণে লয়ে,
আসিয়াছি ভারত ভিতর ।

যাহে তাঁ'র হয় হিত
 তাহাই কর্তব্য মম,
 তা'ই আমি করিব সাধন ;
 অনুমতি বিনা তাঁ'র,
 ত্যজি' এই অভিযান,
 না পারি ফিরিতে কদাচন ।
 লভিব সন্তোষ আমি,
 যদি উভয়ের মাঝে
 কিছু দিন যুদ্ধ ক্রান্ত রয় ;
 জানাইয়া নিজ ভূপে
 ফিরিয়া যাইব চলি',
 অনুমতি যদি তাঁ'র হয়' । *

* মহম্মদঘোরীর পত্র এই :—

I have marched into India at the command of my brother, whose general only I am. Both honour and duty bind me to exert myself to the utmost in his service. I cannot retreat, therefore, without orders. But I shall be glad to obtain a truce till he is informed of the situation of affairs and till I have received his answer.

Briggs' Ferista. Vol. I. P. 176.

এই পত্র ও তাহা প্রেরণের পর অতর্কিত আক্রমণ সম্বন্ধে তাজুল মহসির প্রণেতা হাসন নিজামী এইরূপ লিখিয়াছেন :—

The Sultan, in order to deceive him (Rai Pithora) and throw him off his guard, replied : It is by command of my brother, my Sovereign, that I come here and endure trouble and pain ; give me a sufficient time that I may despatch an intelligent person to my brother to represent to him an account of thy power and that I may obtain his permission to conclude a peace with thee ** The leaders of the infidel forces, from this reply, accounted the army of Islam as of little consequence and without any care or concern, fell into the slumber of remissness. That same night the Sultan made his preparations for battle, and after the dawn of the morning when the Rajputs had left their camp for the purpose of obeying the calls of nature and for the purpose of performing

সমাপ্ত হইল পাঠ ;
সমর্ষি কহিলা ভূপে ;
“বিবেচনা করি’ দেখ, ভাই !

নহে এ সরল লিপি,
অভিসন্ধি আছে কিছু,
তুর্কেরে বিশ্বাস মোর নাই ।”

গোবিন্দ কহেন শুনি’ ;—
“কি করিতে পারে তুর্ক ?
পূর্ব যুদ্ধে বুঝিয়াছি বল ;

চাহে সন্ধি কয় দিন,
কি ক্ষতি মোদের তাহে ?
বিশ্রাম করুক সেনাদল ।

মোদের সগর্ব লিপি
হয় নাই বৃথা, হের,
তুর্কদল পাইয়াছে ভয় ;

অসম্পূর্ণ আয়োজন
লইব সম্পূর্ণ করি’,
পক্ষমাত্র পাইলে সময় ।

their ablutions, he entered the plain with his rank marshalled. Although the unbelievers were amazed and confounded, still, in the best manner, they stood to fight and sustained a complete overthrow. Khandirao (the Gobinda Rai of our author) and a great number besides of the Rais of Hind were killed and Pithora Rai was taken prisoner within the limits of Sursuti, and put to death.

The Tabakat-i-Nasiri Foot note P. 466.

কুলাঙ্গার জয়চন্দ্র
পাঠায়েছে নিজ সেনা,
জম্মুরাজ এসেছে সকলে ;

আমাদের বন্ধু যা'রা
এখনও অনাগত,
অচিরাৎ আসিবে সকলে ।

সুদূর তুর্কের রাজ্য,
খাদ্য, অস্ত্র, নব সৈন্য
না পাইবে আর তুর্কপতি ;

স্বদেশ, স্বজাতি মাঝে
আমাদের বলবৃদ্ধি
হ'বে ; আমি নাহি দেখি ক্ষতি ।”

সৈন্যাধ্যক্ষ একজন,
উভয়ের কথা শুনি'
হেনকালে করে নিবেদন ;—

“যে দিন হইতে মোরা
আসিয়াছি তরায়ণে,
সঙ্গে ফিরে নারী এক জন ।

বিকটা, বিকৃতবেশা,
নৃমুণ্ডে কন্দুক খেলে,
অস্থিমাল্য পরিহিত গলে ;

ডাকিয়া সৈনিকগণে,
তর্জন গর্জন করি',
নানা অমঙ্গল কথা বলে ।

কহে ;—‘তোরা কেন এলি ?

জানিস্ না শনি বাম ?

যা’বে রাজ্য, মরিবে চৌহান’

কেহ যদি কহে কিছু,

ধায় চিতাকাষ্ঠ লয়ে,

শক্তি তা’র হস্তিনী সমান ।

শুনি, সে পিশাচমন্ত্রে

করিয়াছে সিদ্ধিলাভ,

সুনিপুণা শবসাধনায় ;

জলে, স্থলে, অন্তরীক্ষে .

অব্যাহত গতি তা’র

ভূত, ভাবী দেখিবারে পায় ।

অমঙ্গল বাক্যে তা’র

সম্ভস্ত সৈনিক বহু,

মহারাজ ! চাহে অনুমতি ;

নিজ নিজ দলে সবে

পূজিবে দক্ষিণাকালী,

গীত যাহে শনি গ্রহপতি ।”

শুনি ক’ন পৃথীরাজ ;—

“আপত্তি না হেরি আমি,

সন্ধি মাগিয়াছে তুর্করাজ ;

শনিগ্রহের অধিষ্ঠাত্রী দেবী দক্ষিণাকালী । অতএব কালী পূজা করিলে শুভ হয় ।

বিষয়কোষ ২০ ভাগ, :৮৩ পৃ ১ ।

থাকে দুষ্টি অভিসন্ধি,

যা' হয় করিবে পরে ;

নিঃসন্দেহ, করিবে না আজ ।

অই দূরে তুরকের

শিবিরে জ্বলিছে আলো, *

সুন্ধ, স্থির আছে সর্বজন ;

আক্রমণে অভিপ্রায়

থাকিত যত্নপি মনে,

ঘুরিত, ফিরিত সৈন্যগণ ।”

দূতে ডাকাইয়া ভূপ

কহিলেন ;—“বল গিয়া

যতদিন না আসে উত্তর,

থাকুন নিশ্চিন্ত তিনি,

করিব না আক্রমণ”

শুনি', চলি' গেল তুর্কচর ।

সম্ভবতঃ এইরূপ পূজানুষ্ঠানকেই মুসলমান ঐতিহাসিক “the enemy spent the night in riot and revelry” বলিয়া উল্লেখ করিয়াছেন ।

Brigg's Ferista Vol. I. P. 176.

* আলোক প্রজ্বলিত রাখিয়া হিন্দু সেনাদিগকে বিভ্রান্ত করা সম্বন্ধে কোন মুসলমান ঐতিহাসিক এইরূপ লিখিয়াছেন ।

At night he (Mahammad Ghor) directed a party of soldiers to remain in the camp and keep fires burning, all the night, so that the enemy might suppose it to be their camping ground. The Sultan then marched off in another direction with the main body of his army. The infidels saw the fires and felt assured of their adversaries being there encamped. The Sultan marched all night and got in the rear of kola (Rai Pithora). At dawn he made his onslaught upon the camp-followers and killed many men.

Jampu L. Hikayat Elliot's History of India Vol. II. P. 200.

অষ্টাদশ সর্গ ।

সমর্ষি কহেন ;—“সবে
তথাপি সতর্ক থেকো,
গ্রামমাঝে ব্যাত্র যদি রয়,

মুক্ত করি' গৃহদ্বার,
নিদ্রা যাওয়া গৃহেশ্বর
কখনও উপযুক্ত নয় ।”

সৈন্যাধ্যক্ষ, নতশিরে,
“পালিব আদেশ” বলি',
করিলেন বিদায় গ্রহণ ;

বিশ্রামার্থ যান ভূপ ;
সেনাগণ মহোল্লাসে
পূজাহেতু করে আয়োজন ।

প্রাস্তরের একদিকে
বিরাজিছে ভূপতির
সুবিশাল, দৃঢ় স্বঁকাবার ;

সহস্র চৌহান বীর
ভ্রমে তথা দিবানিশি,
কোষযুক্ত করি' তরবার ।

ভূপের বিরাম-কক্ষ
শোভে তা'র মধ্যস্থলে,
মেঘনৈল বসনে রচিত ;

রজত-প্রদীপালোকে
এবে তাহা সমুজ্জ্বল,
রাজশয্যা মধ্যে প্রসারিত ।

পৃথ্বীরাজ ।

একাকী প্রবেশি' তাহে,

উষ্ণীষ খুলিয়া, বীর

বসিলেন খট্টার উপরে ;

উপাধানে অঙ্গ ঢালি'

রহিলেন আঁখি মুদি,

ক্ষণকাল বিশ্রামের তরে ।

সংযুক্তার কর হ'তে

যে দিন পূজার অর্ঘ্য,

পড়েছিল খসি' ভূমি'পরে,

সে দিন হইতে যেন

কি এক অশুভচ্ছায়া

ভূপতির পড়েছে অন্তরে ।

কিন্তু তাঁ'রে ধৈর্য্যহীন

হেরিলে অপর সবে

পাছে হয় চিন্তায় কাতর,

তা'ই, বাক্যে, কার্যে, মনে,

যথাশক্তি, ধৈর্য্য ধরি',

রহিতেন সদা বীরবর ।

আজ, তরায়ণে আসি',

নিরুদ্ধ সে চিন্তাস্রোত,

সহসা, হয়েছে উচ্ছৃসিত ;

ভাবিছেন বীরবর,

হিন্দুর গৌরবরবি

সত্যই কি হ'বে অন্তমিত ?

তাড়ায়ে যবনগণে,
 একদিন, চন্দ্রগুপ্ত *
 রক্ষিলেন যে দেশের মান ;
 দুর্দাস্ত মিহিরকুলে
 যশোধর্ম্ম মহারাজ †
 যে দেশে করিলা শাস্তিদান ;
 স্বর্গাদপি গরীয়সী
 সেই পূজ্যা জননীরে
 করিব কি অর্পণ যবনে ?
 ধিক্ তোমা জন্মপতি !
 শত ধিক্ জয়চন্দ্র !
 পরিণাম গণিলে না মনে !
 খেদাইয়া স্নেচ্ছদলে
 আর্ধ্যাবর্ত্ত আর্ধ্যভূমি
 করেছিল বিশাল ভূপতি ; ‡
 জন্মি' তাঁ'র মহাকুলে
 রক্ষিতে আর্ধ্যের মান
 হে বিধাতঃ ! না হ'বে শক্তি ?'

* When the shock of battle came, the hosts of Chandragupta were too strong for the invader, and Seleukos was obliged to retire and conclude a humiliating peace. Not only was he compelled to abandon all thoughts of conquest in India, but he was constrained to surrender a large part of Ariana to the West of the Indus.

V. Smith's Early History of India P. 119.

† ৪৪ পৃষ্ঠার পাদটীকা দেখুন ।

‡ দিল্লীর মুসলিম শিবালিক স্তম্ভে (কিরোজসা কী লাটে) পৃথীরাজের পিতামহ (কাহারও কাহারও মতে জ্যেষ্ঠ পিতৃব্য) বিগ্রহরাজ বা বিশাল দেবের সম্বন্ধে এইরূপ লিখিত আছে যে, তিনি স্নেচ্ছদিগকে বিদূরিত করিয়া আর্ধ্যাবর্ত্তকে পুনর্বার প্রকৃতই আর্ধ্যভূমি করিয়াছিলেন :—

আর্ধ্যাবর্ত্তং যথার্থং পুনরপি কৃতবান্ স্নেচ্ছবিচ্ছেদনাতি
 দেবঃ শাকন্তরীন্দ্রো জগতি বিজয়তে বীসল কোণিগালঃ ।

The Indian Antiquary Vol. XIX P. 219.

একে ত অশাস্ত চিত্ত,
তাহে সৈন্য-কলরব,
নাহি হয় নিদ্রার সঞ্চার ;

নৃপতি প্রাস্তুর পানে
র'ন চাহি' অনিমেষে,
মুক্ত করি' শিবিরের দ্বার ।

সহস্র সহস্র বর্তি
জ্বলিতেছে চারিদিকে,
ইতস্ততঃ ধায় সেনাগণ ;

কোথা শিলাস্তূপ সম
দাঁড়াইয়া গজযুথ
করিতেছে কর্ণ সঞ্চালন ।

কোথা তুরঙ্গমদল,
বন্ধনে অধৈর্য্য হয়ে,
খুরাঘাত করি'ছে ভূতলে ;

কোথাও শকট-শ্রেণী,
গুরুভারে অবসন্ন,
আর্তনাদ করি' যেন চলে ।

লোল জিহ্বা প্রসারিয়া,
তৃণকাষ্ঠে উদ্দীপিত
অগ্নিরাশি জ্বলে কোন স্থানে ;

সুতীত্র মর্দল-রবে
শিবির-বাহক যত
মস্ত সেথা রণজয়-গানে ।

অষ্টাদশ সর্গ ।

যথা, তথা তরুমূলে,
সম্মিলিত সেনাগণ,

ব্যস্ত সবে পূজা-আয়োজনে ;

কেহ কাটে হোমকুণ্ড,
নৈবেদ্য সাজায় কেহ,

কেহ জবা মাখায় চন্দনে।

ঘট সংস্থাপন করি',
দক্ষিণকালিকা-মূর্তি

সিন্দূরে অঙ্কিত করি' তা'য়,

করে ছাগ বলিদান,
কেহ করে মন্ত্র-পাঠ,

নাচে কেহ, কোন জন গায় ।

উদ্দেশে প্রণাম করি'.

নৃপতি দেবীরে ক'ন ;—

“হে জননি ! বল, একবার,

ছাগশিশু-বলি লয়ে

তৃপ্ত কি রহিবে তুমি ?

করিবে এ সঙ্কটে উদ্ধার ?

অথবা অগস্ত্য যাহা

কহিলেন গুরুদেবে,

চাহ তুমি সেই বলিদান ?

এসেছি প্রস্তুত হয়ে,

লহ, মা দক্ষিণাকালি !

দেশহিতে আমার এ প্রাণ ।

পাপাচারে, কদাচারে

বুঝিতেছি বিধিরোধ

জ্বলিতেছে দাবানল প্রায় ;

নিবিবে না, যত দিন

শাস্তিলাভে হিন্দুজাতি

পাপমুক্ত নাহি হয় হয় !

আয়োজন, অনুষ্ঠান,

মানবের সাধ্য যাহা,

করিয়াছি, প্রাণ করি' পণ ;

কিন্তু প্রতিকূল দৈবে

কোথায় পুরুষকার ?

অগ্নি বিনা জ্বলে কি ইন্ধন ?

তা' না হ'লে, আর্ঘ্যসুত,

ঈর্ষাবশে অন্ধ হয়ে,

বিজিত, বিধ্বস্ত শত্রুজনে ;

করি' নিজ সেনা দান,

কেন ডাকিবেন পুনঃ,

স্বজাতি, স্বধর্ম বিধ্বংসনে ?

তা' না হ'লে, মতিভ্রমে,

আশ্রিত, সুহৃদ্ যা'রা

বাক্যদান করিয়া আমায়,

কেন এ সঙ্কটকালে,

আপন কর্তব্য ভুলি',

রহিবেন উদাসীন প্রায় ?*

* ৩০০ পৃষ্ঠার পাদটীকা দেখুন। পৃথ্বীরাজের ১০৮ জন সামন্ত-রাজের মধ্যে কেবল ৬৪ জন তাঁহাকে সাহায্য করিয়াছিলেন।

কে যেন অক্ষুট ভাষে

কহিছে শ্রবণে মোর,

নাহি আর হিন্দুর কল্যাণ ;

দারুণ দাসত্ব-পাশ

সুদীর্ঘ রহিবে গলে,

চূর্ণ হ'বে দর্প, অভিমান ।

প্রলয়-প্লাবন যবে

গ্রাস করে বসুধায়,

কা'র শক্তি করে নিষারণ ?

একা আমি কি করিব ?

জানিছ মা, জন্মভূমি !

মাতৃদ্রোহী তব পুত্রগণ ।

তথাপি রক্ষিতে তোমা'

করিব শোণিত দান

যতক্ষণ থাকিবে জীবন ;

মাতৃ-ক্রোড়ে শিশুসম,

জননি ! তোমার অঙ্কে,

অবশেষে, করিব শয়ন ।

দেবী শুভঙ্করী রূপে

অম্ন-জল-স্তুত্রে তব

এত দিন বাঁচায়েছ প্রাণ ;

আজ, এ সংগ্রাম-ক্ষেত্রে,

হৃদয়ে দেহ, মা ! ধৈর্য্য,

বাহু-যুগে কর বলদান ।

হে মধু-কৈটভ-রিপো !

কৌমোদকী লয়ে তব *

আবিভূত হও একবার ;

ও মূর্তি নয়নে হেরি'

চূর্ণ করি' তুরুকেরে,

দিতে সাধ প্রাণ উপহার ।

এইরূপে, সারানিশা,

অনিদ্রায় নরপতি

নানা চিন্তা করেন অস্তুরে ;

না জানে অপর কেহ,

নিদ্রাগত কোন জন,

ব্যস্ত কেহ পূজা, পাঠ তরে ।

নিশা ক্রমে হয় শেষ,

জাগরণে ক্লান্ত মৈত্র

স্নান হেতু যায় নদীকূলে ;

কেহ শৌচ অভিলাষে,

সুদূর প্রান্তরে ধায়,

অস্ত্র, বস্ত্র রাখি' তরুমূলে ।

হেন কালে ভীম রবে

বাজিল তুর্কের ভেরী,

শ্রুত হয় অশ্বপদ-ধ্বনি ;

অস্ত্রের ঝঙ্কনা উঠে,

তুলি' ঘন ঘণ্টারব

ধায় গজ কাঁপায়ে অবনী ।

* কৌমোদকী = বিকুর গদা ।

‘আসিছে তুরুক’ রব
পশিল নৃপের কর্ণে ;
মুহুর্তে সাজিয়া বীরবর,

“গোবিন্দে সংবাদ দাও”
আজ্ঞা দিয়া প্রহরীরে,
গজপৃষ্ঠে হন অগ্রসর ।

জলদ-গম্ভীর স্বরে
তুরী লয়ে সেনাদলে
সঙ্কেতে কহেন বাজাইয়া ;

“দাঁড়াও বাহিনী বাঁধি’,
ধর আকর্ষিয়া ধনু,
যুঝ সবে নিশ্চিন্ত হইয়া ।

গজদল অগ্রে করি’
দাঁড়াও প্রাচীর সম
রোধ করি’ তুর্ক অশ্বগণে ;

এখনি অপর সবে
দাঁড়া’বে সাজিয়া আসি’,
দণ্ড মাত্র যুঝ প্রাণপণে ।”

ঘন বাজে রণশঙ্খ,
ঘন উঠে সিংহনাদ,
চারি দিকে মহাকোলাহল ;

দূর হ’তে শুনি’ শব্দ
ছুটি’ নিজ নিজ স্থানে
দাঁড়ায় আসিয়া যোদ্ধাদল ।

ঘিরিয়া তুরুকগণে

শূল-বাণ-অসিঘাতে

আরম্ভ করিল মহামার ;

সকট বুঝিয়া মনে

ঘোরী কহিলেন ডাকি' ;—

“পূর্ববদেশ পালহ আমার ;

সতর্ক হইয়া সবে

পশ্চাতে সরিয়া যাও,

যদি পিছে ধায় হিন্দুগণ,

আবার পশ্চাতে যা'বে,

কাম্মুকে যুড়িয়া বাণ

দূর হ'তে করিবে ক্ষেপণ ।”

সেনাগণ আজ্ঞামত

পশ্চাতে সরিয়া যায়,

হিন্দু পিছে হয় অগ্রসর ;

আলোয়ার আলো সম

তুরুক পলায় ছুটি,,

যেন ক্রীড়া, নহে এ সমর ।

* এই যুদ্ধ সম্বন্ধে মুসলমান ঐতিহাসিক এইরূপ লিখিয়াছেন ;—

If hard pressed they had orders to give ground, gradually, as the enemy advanced with their elephants. In this manner he fought, retreating in good order, till sunset, when thinking he had sufficiently worn out the enemy and deluded them with a hope of victory, he put himself at the head of 12000 of his best horse, whose riders were covered with steel armour, and making one desperate charge carried death and destruction throughout the Hindoo ranks.

Brigg's Ferista Vol. I. P. 177.

কচিং, কোথাও কভু,
না পারি' এড়াতে তুর্ক
সম্মুখে আসিয়া যদি পড়ে,
হিন্দু গজারোহী গিয়া
করে ক্ষণে ভূমিসাৎ,
কদলী যেমন মহাবড়ে ।

কিন্তু শ্রেষ্ঠ তুর্ক বীর
দেখা কা'র(ও) নাহি সেথা,
যেন তা'রা নাহি রণস্থলে ;

'পশ্চাৎ পশ্চাৎ' শুধু
সঙ্কেত-ভেরীর রব
উঠে ঘন তুরূকের দলে ।

এ'রূপে মধ্যাহ্ন গত,
বার বার সেই খেলা,
পৃথীরাজ মানেন বিস্ময় ;

গোবিন্দ কহেন ;—“দাদা !
এ কি এ অদ্ভুত যুদ্ধ !
দেখ, বেলা ক্রমে শেষ হয় ।

নহে এ বীরের রীতি,
জন্মুক-চাতুর্য্য মাত্র,
ক্ষত্র নাহি চাহে হেন রণ ;

বৃথাশ্রমে ক্লাস্ত সাদী,
ঘর্ম্মসিক্ত পদাতিক,
তৃষ্ণার্ত, অস্থির করিগণ ।

পশ্চাতে যত্নপি ধাই,

ভীত যুগযুথ সম

তুর্কদল ধায় উল্লস্ফনে ;

রক্তহীন অসি, শূল,

সমর করেছি জয়

লোকমাঝে কহিব কেমনে ?

না যুঝিবে তুর্ক যদি

কেন এসেছিল রণে ?

কিন্তু, দাদা ! ও কি মেঘাকার !

পশ্চিমে উড়িছে ধূলি,

সর্বনাশ ! সর্বনাশ !

রক্ষা নাহি হেরি এইবার ।”

দৌহার অভিজ্ঞ নেত্র

বুঝিল মুহূর্ত মাঝে,

আসিতেছে অশ্বারোহিদল ;

অশ্বের কি স্ফূর্তি ! তেজ !

কি গতি ! কি গ্রীবাভঙ্গী !

স্বৈদহীন, অশ্রান্ত, সবল ।

আবৃত আয়স বর্ষে

সৈনিক বসিয়া পৃষ্ঠে,

মহাশূল করিয়া প্রণত ;

দ্বাদশ সহস্র হেন

ছুটিয়াছে দলে দলে,

ক্ষিপ্ত সিন্ধু-তরঙ্গের মত ।

অষ্টাদশ সর্গ ।

কা'র শক্তি করে রোধ ?

শ্রাস্ত, ক্রাস্ত হিন্দুসৈন্য

ভাসিল সে প্রচণ্ড প্লাবনে ;

অগ্রবর্তী ছিল যা'রা,

না পারি' সহিতে বেগ,

অদৃশ্য হইল তা'রা ক্ষণে । *

প্রবল ঝটিকামুখে

শুক পত্ররাশি যথা

উড়ি' যায় দিগ্দিগন্তরে ;

তেমতি পদাতিদল,

ভগ্নশ্রেণী, চূর্ণ হয়ে,

উদ্ধ্বাসে পলায়ন করে ।

শ্রাস্ত হিন্দু অশারোহী,

যুঝি' দণ্ডমাত্র কাল,

অবসন্ন পড়ে ধরাতলে ;

দূর হ'তে তুর্কপতি,

হেরি', দুই বীরবরে

আজ্ঞা দিলা ঘিরিতে সদলে ।

* এই আক্রমণ সম্বন্ধে নিম্নোক্ত পংক্তি কয়টি উল্লেখযোগ্য । অর্ধশিক্ষিত পদাতিদিগের পক্ষে, সুশিক্ষিত অশারোহিগণের বেগ নিষারণ করা যে অসম্ভব, ইতিহাস, ভূয়োভূয়ঃ, তাহার সাক্ষ্যদান করিয়াছে :—

A vigorous charge by twelve thousand Musalman horsemen repeated the lesson given by Alexander, long ages before, and demonstrated the inability of a mob of Indian Militia to stand the onset of trained cavalry.

V. Smith's Early History of India P. 388.

নিরখি' কিরাতগণে

দাঁড়ায় মুগেন্দ্র যথা

অগ্নিনেত্রে ফুলায়ে কেশর,

কান্মুকে যুড়িয়া বাণ,

ভেমতিঃসে মহাহবে

দাঁড়াইলা দুই সহোদর ।

“ল’ব আজ প্রতিশোধ,

অই নরসিংহ দেও,

জন্মপতি হিন্দু-কুলাঙ্গার” *

বলি’, টোয়াইয়া করি,

গোবিন্দ ধাইলা বেগে,

কোষমুক্ত করি’ তরবার ।

নৃপের ইঙ্গিত লভি’,

শিক্ষিত বারণবর,

শুণ্ডে ধরি’ ভীষণ মুদগর

তুর্ক-অশ্বারোহিগণে,

প্রহার করিয়া শিরে

প্রেরিতে লাগিল যমঘর !

* জম্মুরাজ বিজয়দেও ও তৎপরে তাঁহার পুত্র নরসিংহদেও কিরূপে মুসলমানদিগের অধীনতা স্বীকার করিয়াছিলেন, পূর্ব পূর্ববর্তী পাদটীকায় তাহা উল্লেখ করা হইয়াছে ।

জম্মুরাজমালার বর্ণিত আছে যে, গোবিন্দ জন্মপতি নরসিংহদেওর হস্তে নিহত হইয়াছিলেন :—

It is related that Khandi Rai (Gobind Rai) fell by the sword of Narsing Deo of Jammu.

‡The Tabakat-i-Nasiri Footnote p. 467.

ভূপতির শরাঘাতে,
বিক্র, ভগ্ন অগ্রপদ,
কত অশ্ব লুটিল ভূতলে ;

প্রচণ্ড কৃপাণাঘাতে
মরিল কতই সাদী ;
আর্তনাদ উঠে তুর্কদলে ।

হেরি' গজরাজে বেড়ি'
পঞ্চাশৎ তুর্কবীর
দাঁড়াইল লয়ে মহাশূল ;

কেহ আঘাতিল শুণ্ডে,
উদর ভেদিল কেহ,
বিদারিল কেহ কর্ণমূল ।

সহিতে না পারি' ব্যথা,
বিকট চীৎকার করি',
করিবর উর্দ্ধশ্বাসে ধায় ;

হেরি' অসি, চর্ম্ম লয়ে,
পৃষ্ঠ হ'তে লক্ষ দিয়া,
ভূমিতলে পড়িলেন রায় ।

সঘনে ঘূরায়ে চর্ম্ম,
নিবারিয়া অসি, শূল,
রণক্ষেত্রে দাঁড়াইলা বীর ;

নিমেষে দক্ষিণে, বামে
হ'ল ধূলি-বিলুপ্তিত
কত বাহু, কত অরি-শির ।

পৃথীরাজ ।

সজল জলদরবে
কণ্ঠে উঠে সিংহনাদ,
পদভরে কাঁপে রণস্থল ;

নিদারুণ অসিঘাতে
ভিন্ন-বক্ষ, ছিন্ন-গ্রীব
ভূমে পড়ে তুর্ক অশ্বদল ।

দলিত করিতে শূরে,
পৃষ্ঠে কশাঘাত করি',
চালাইল কেহ অশ্ববর ;

ত্রস্ত অসি-বিঘূর্ণনে,
উর্ধ্বে যুগ্মপদ তুলি',
তুরগ না হয় অগ্রসর ।

মাতঙ্গ-বেষ্টিত সিংহ
যুঝে যথা বনভূমে,
ঝড়বেগে, অরিমাঝে ধায় ;

তেমতি যুবেন ভূপ,
মুহূর্ত্ত নহেন স্থির,
ক্ষণ, কেহ দেখা নাহি পায় ।

চমকে বিদ্যুৎ অসি,
কা'র শক্তি আসে কাছে ?
বাহু যুগে ঐরাবত-বল ;

শরে বিদারিত অঙ্গ,
তথাপি ক্রক্ষেপ নাই ;
শত্রু, মিত্র নেহারে নিশ্চল ।

কভু কোন তুর্কবীর,
আহ্বানি' দৈরথযুদ্ধে,
দাঁড়ায় যত্বপি স্পর্ধাভরে,
নিমেষ না হ'তে গত,
রূপাণে আবক্ষঃ-ছিন্ন,
শির তা'র লোটে ভূমি'পরে ।

কিন্তু যবে গিরিস্রোত,
মেঘ-মন্দ্রে গরজিয়া,
মহাবেগে নিম্ন মুখে ধায়,
সুদৃঢ় পাষণ-স্তূপ
পড়ে উৎপাটিত হয়ে,
না পারে রোধিতে কভু তা'য়

রক্তস্রাবে ক্রমে ক্ষীণ,
থর থর কাঁপে পদ.
আঁখি-যুগ নিরখে আঁধার ;

হেরি' কোন তুর্কবীর,
গরজিয়া ভীম নাদে,
বক্ষ-দেশে হানে তরবার ।

ভূতলে পড়িলা বীর ;
ক্ষণমাত্রে রণভূমি
পূরিল যে তীব্র হাহাকারে,

আজ(ও) প্রতিধ্বনি তা'র
উঠিতেছে দেশে দেশে,
প্রতি হিন্দু-হৃদয় মাঝারে ।

কি যে হ'ল পরিণাম
 কি আর বর্ণিবে কবি,
 চূর্ণ, ধ্বস্ত হিন্দু সেনাগণ ;
 আহতের আর্তনাদ,
 বিজয়ীর জয়রব
 ধ্বনিত করিল তরায়ণ ।

লুণ্ঠনে, শোণিতপাতে
 পূর্ণ হ'ল প্রতিশোধ,
 তুরকের স্তূত্পু অস্তুর ;

লোহিত রুধির-ধারে
 হ'ল সরস্বতী-নীর,
 মৃত দেহে পূরিল প্রাস্তুর ।

সে দৃশ্য দেখিতে আর
 না পারি' তপন যেন
 অস্তাচলে করিলা প্রয়াণ ;

আইল তামসী নিশা,
 কে জানে, কখন(ও) তাহা
 হ'বে কি না হ'বে অবসান ।

উনবিংশ সর্গ । *

অন্ধ পথে তরায়ণ, দিল্লী উভয়ের
বিজন প্রাপ্তর এক । দূর প্রান্তে তা'র
শ্যাম পত্রাবৃত ঘন তরুরাজি মাঝে,
কচিৎ কৃষকপল্লী । উষর প্রাপ্তর,

* পৃথ্বীরাজের মৃত্যু সম্বন্ধে হিন্দু ও মুসলমান লেখকদিগের মধ্যে মতভেদ আছে। হিন্দুদিগের মত তবকাৎ-ই নাশিরীর অনুবাদক রিভাট্ট এইরূপ উক্ত করিয়াছেন :—It is stated that after Rai Pithora was made captive and taken to Ghazni one Chanda * * proceeded to Ghazni to endeavour to get information respecting his unfortunate master. By his good contrivances he managed to get entertained in Sultan Maizzuddin's service ;and succeeded in holding communication with Rai Pithora in his prison. They agreed together on a mode of procedure and one day Chanda succeeded by his cunning in awakening the Sultan's curiosity about Rai Pithora's skill in archery which Chanda extolled to such a degree that the Sultan could not restrain his desire to witness it, and the captive Rajah was brought out and requested to show his skill. A bow and arrow were put into his hands, and, as agreed upon, instead of discharging the arrow at the mark he transfixed the Sultan and he died on the spot and Rai Pithora and Chanda were cut to pieces, then and there, by the Sultan's attendants.

The Tabakat-i-Nasiri foot-note p. 486.

পৃথ্বীরাজ বন্দী অবস্থায় গজনীতে নীত হইবার পর মহম্মদ ঘোরীর কোন কর্মচারী প্রভুকে বলেন যে, পৃথ্বীরাজের দৃষ্টি অতি উগ্র, তাহা হইতে অনিষ্টের আশঙ্কা আছে। এই শুনিয়া মহম্মদ ঘোরী তাঁহার চক্ষু বিনষ্ট করিতে আদেশ দেন। পৃথ্বীরাজ, অন্ধ অবস্থায়, উপরি উল্লিখিত উপায়ে ঘোরীকে বধ করিয়া স্বয়ং নিহত হন। পৃথ্বীরাজ ধর্মুর্বিদ্যায় অসাধারণ পারদর্শী ছিলেন, এই ঐতিহাসিক সত্যমাত্র ইহা হইতে জানা যায় ; অপর কথাগুলি অন্ধক কবিকল্পনা মাত্র। মহম্মদঘোরী যে গন্ধরদিগের হস্তে নিহত হইয়াছিলেন, ইহা মুসলমান লেখকগণ এক বাক্যে নির্দেশ করিয়াছেন। পৃথ্বীরাজের মৃত্যু সম্বন্ধে তবকাৎ-ই-নাশিরী-প্রণেতা মিনহাজ এইরূপ লিখেছেন ;—Rai Pithora, who was riding an elephant, dismounted and got upon a horse and fled from the field until in the neighbourhood of the Sursooty he was taken prisoner and they despatched him to hell.

Tabakat-i-Nasiri p. 468.

শস্ত্রহীন, শস্ত্রহীন ; মাঝে মাঝে শুধু
 বিরাজে কণ্টকী গুল্ম, পলাশ, বাবুল ।
 না আসে রাখাল সেথা গোচারণ তরে,
 না আসে কৃষক ফল-শস্য-অভিলাষে,
 না চলে পথিক কভু । লুপ্ত বালুকায়,
 শীতগমে শুষ্কতোয়া, স্রোতস্বতী এক
 বহে সে প্রান্তর মাঝে । তটদেশে তা'র
 সাধু মহাজন কেহ, হ'ল বহু দিন,
 রোপন করিয়াছিল অশ্বখপাদপ,
 এবে তাহা মহাকায়, লভি' স্রোত-জল
 নিরন্তর স্নশোভিত শ্যাম পরিচ্ছদে ।
 অশ্বখের মূলে, শাখাপল্লবে গঠিত,
 অতি ক্ষুদ্র কদাকার বিরাজে কুটীর ।
 অসি, চন্দ্র হস্তে দুই চৌহান সৈনিক
 দাঁড়ায়ে দুয়ারে তা'র । শোণিত-কর্দমে
 কলঙ্কিত পরিচ্ছদ, শুষ্ক, গ্লান দোঁহে ;
 কভু এক দৃষ্টি চাহে দূরপল্লীপানে ;
 তরুস্কন্ধে উঠি' কভু করে নিরীক্ষণ ;
 কভু কুটীরের মাঝে চাহিয়া বিষাদে
 ফেলে তপ্ত অশ্রু-ধারা । পড়ি' ভূমিতলে
 শুষ্কতৃণময় শয্যা । শয্যার উপর

পৃথ্বীরাজের গজনীতে অন্ধাবস্থায় মৃত্যু সম্বন্ধে মহামহোপাধ্যায় শ্রীযুক্ত হরপ্রসাদ শাস্ত্রী
 মহাশয় এইরূপ লিখিয়াছেন :—

The story is on the face of it unhistorical because the Mahomadan
 Historian says that Prithwiraj was murdered in cold blood in the battle-
 field.

Bardic Chronicle p. 25.

“He was taken prisoner and they despatched him to hell” মুসলমান
 লেখকের এই কথা গুলিতে যে ঘটনা ব্যক্ত করে, আমি তাহাই কাব্যোচিত বর্ণে চিত্রিত করিয়াছি ।

লম্বমান পৃথীরাজ ; শোণিতাক্ত তনু ;
 ললাট, কপোল, বাহু ক্ষত শরাঘাতে ;
 বিদারিত বাম বক্ষ ; না বহে নিঃশ্বাস ;
 নিমোলিত অঁখিযুগ । শিরোদেশে তাঁ'র
 উপবিষ্ট তুঙ্গাচার্য্য ; স্থির, অবিচল ;
 নাহি নেত্রে বারি ; নহে বিশুদ্ধ বদন ;
 কিন্তু তাঁ'র বক্ষ হ'তে নিরুদ্ধ নিঃশ্বাস,
 আগ্নেয় ভূধর হ'তে বহ্নিশিখা সম,
 বাহিরিছে বার বার । কমণ্ডলু হ'তে
 লয়ে বারি, মুহুমূহু, আহত বীরের
 ললাটে, অধরে গুরু সিঞ্চিছেন ধীরে ।

মধ্যাহ্ন বিগত । ভূপ মেলিয়া নয়ন
 হেরিলেন চতুর্দিক । নেত্র উভয়ের
 হ'ল সন্মিলিত । গুরু মধুর বচনে
 কহিলেন ;—

“রহ, বৎস ! স্থির ক্ষণকাল ।”
 হেনকালে আসি' এক কৃষক-রমণী,
 মৃদাণ্ডে লইয়া ছুফ, দাঁড়া'ল ছয়ারে ।
 তুঙ্গাচার্য্য, লয়ে ছুফ, অতি সাবধানে,
 ভূপের অধর, ওষ্ঠ করি' উন্মোচিত,
 অঙ্গুলির অগ্রভাগে বিন্দু বিন্দু করি',
 লাগিলা ঢালিতে ; কিন্তু স্ফূর্ণী বহিয়া
 পড়িতে লাগিল ছুফ ; অল্প মাত্র তা'র
 পশিল উদরে । বীর, ছাড়িয়া নিঃশ্বাস,
 কহিলা অঙ্গুলি হ'তে খুলি' অঙ্গুরীয়,
 দিতে পুরস্কার সেই কৃষক-নারীকে ।

কহিলা রমণী ;—

“রাজা ! না চাই অঙ্গুরী ;
চরণের ধূলি শুধু দাও একটুকু,
লয়ে যা'ব, দিব মোর পৌত্রের মাথায় ;
যেন সে বাপের মত পারে প্রাণ দিতে
রাজকার্যে ; এই তুমি কর আশীর্ব্বাদ ।”

প্রহরী লইয়া ধূলি, লইয়া অঙ্গুরী,
দিল রমণীরে ; নারী চলি' গেল গৃহে ।

কুটীরের এক দিকে ছিল সংগৃহীত
বনজ ঔষধি, লতা, পত্র, নানারূপ ;
তুঙ্গাচার্য্য লয়ে তাহা, নিষ্পেষিয়া করে,
বীরের বক্ষের ক্ষতে প্রলেপ আকারে
দিলা রস । অনুমানে পারিলা বুঝিতে
যাতনার উপশম হ'তেছে কিঞ্চিৎ ;
জিজ্ঞাসিলা ;—

“প্রলেপ কি দিব পুনর্ব্বার” ?

উত্তরিলো বীর ;—

“দেব ! ব্যথা এ প্রয়াস ।

আকৈশোর সহিয়াছি শত অস্ত্রাঘাত ;
জানি, কোথা আঘাতের কিবা পরিণাম ;
মর্ম ভেদিয়াছে বাণ, ছিঁড়িয়াছে শিরা,
প্রলেপ-প্রদান তাহে ব্যর্থ পরিশ্রম ।
অস্ত্রাঘাতে আর্তনাদ অযোগ্য অস্ত্রীর,
তাই এ দারুণ ব্যথা রহেছি সহিয়া ;
কিন্তু, দেব ! শরীরের প্রতি গ্রন্থি যেন
হ'তেছে চর্কিত, দেহে জ্বলি'ছে অনল ;

বাঁচিব না বহুক্ষণ, চাহি জিজ্ঞাসিতে
‘তু’ একটী কথা, যদি হয় অনুমতি ।”

বীরের বিশুদ্ধ ওষ্ঠে কমণ্ডলু হ’তে
সিকি’ বারি, ছাড়ি’ শ্বাস, কহিলেন গুরু ;—
“বল, বৎস ! কিবা তব ইচ্ছা জানিবারে !”

কহিলা ভূপতি ;—

“দেব ! গোবিন্দ কোথায় ?
কোথায় সমর্ষি ?”

গুরু অঙ্গুলি-সঙ্কেতে
দেখায়ে কহিলা ;—

“বৎস ! অই পুণ্যালোকে ।”

নেত্রে, বক্ষে তপ্ত অশ্রু, শোণিতের ধারা
প্রবাহিল যুগপৎ । কহিলা ভূপতি ;—
“পেয়েছে কি এ সংবাদ সংযুক্তা আমার ?”

কহিলেন গুরু ;—

“বৎস ! না পারি বলিতে ;
কিন্তু জনশ্রুতি ধায় বায়ু হ’তে বেগে ;
সম্ভব পশেছে বার্তা রাজধানী মাঝে ।”

সুদীর্ঘ নিঃশ্বাস ছাড়ি’ কহিলা ভূপতি ;—
“বুঝিতেছি, দেব ! মোর অস্তিম সময়
সমাগত ; একবার, দিন পদধূলি
শিরে, বক্ষে ; শেষ কথা নিবেদি চরণে ।”

তুঙ্গাচার্য্য লয়ে ধূলি দিলেন মস্তকে,
ধীরে বুলাইয়া হাত ; কহিলেন ভূপ ;—

“দেখা যবে হ’বে, দেব ! সংযুক্তার সনে
কহিবেন ; সতীবাক্য না হ’বে নিষ্ফল ;

মিলিব আবার দৌহে, সূর্যালোকে গিয়া,
 জ্যোতিষ্কগরুপে সেই পূর্ণ জ্যোতির্ময়ে ।
 যেন সে চিতায় মোর পশে একাকিনী ;
 জ্ঞানকৃত দোষ আর না পড়ে স্মরণে
 বহুপত্নীকতা বিনা ; করিয়াছি ভ্রম
 ইহলোকে, পরলোকে করিব না আর ।”*

রহি’ স্তব্ধ ক্ষণকাল, ছাড়ি’ দীর্ঘশ্বাস,
 পুনঃ আরম্ভিলা বীর, অতি ধীরে ধীরে ;—
 “প্রমাথী ইন্দ্রিয়গণ বহু দিন, দেব !
 রেখেছিল অন্ধ করি’ ; বীরত্বাভিমান,
 রূপতৃষ্ণা রাজধর্ম্মে দিয়াছিল বাধা ।
 সংযুক্তারে যোগ্যা পত্নী লভি’, অবশেষে,
 ভেবেছিলা, দৌহে মিলি’, প্রজার কল্যাণে
 সমর্পিব দেহ, মন ; না পূরিল আশা ;
 অসমাপ্ত রাখি’ কস্ম ত্যজিলা পৃথিবী ।
 সাক্ষী অন্তর্যামী, কিন্তু, পরিণাম এই
 নহে রণ-কণ্ঠে, পররাজ্য-লোভে ।
 স্বদেশ, স্বধর্ম্ম তরে ত্যজিতেছি প্রাণ,
 রাখি’ পূর্ণ ভক্তি, প্রেম উভয়ের প্রতি ।
 যদি নররূপে পুনঃ জন্মি ভূমণ্ডলে,
 এই আশীর্ব্বাদ, দেব ! করুন আমারে,
 প্রজার মঙ্গল-ব্রতে সংযুক্তারে লয়ে,

* স্বামীর সহিত চিতারূঢ় পত্নী পরলোকে স্বামিসঙ্গ লাভ করেন, এই বিশ্বাসে মৃতের একাধিক পত্নী স্বামীর চিতার আরোহণ করিতেন । রাজপুত্রদিগের মধ্যে এই প্রথা অতি প্রবল ছিল । উত্তর কালে চিতোরাদিপতি মহারাণা সংগ্রাম সিংহের ২৫টি, মারওয়ারের রাজা অজিত-সিংহের ৫২টি এবং অম্বরাধীর মানসিংহের (পনের শতের মধ্যে) ৬০টি পত্নী স্ব স্ব স্বামীর চিতার আরোহণ করিয়াছিলেন বলিয়া উল্লেখ দেখা যায় ।

জন্মি যেন ভারতের রাজারাগীরূপে ;
পাই যেন গুরুরূপে পুনঃ আপনারে ।
হেরি এ যুদ্ধের ফল আর্ঘ্যসুত যেন
তাজে জাতি-জাতি-দ্বेष ;—কি দারুণ তৃষা ;—
পারি না কহিতে আর ।”

কম গুলু-জল

আবার সিঞ্চিলা গুরু অধরে, ললাটে ।
ছাড়ি’ শ্বাস, উর্দ্ধনেত্রে, কৃতাজলি হ’য়ে,
ধীরে কহিলেন বীর ;—

“অন্তকালে আজ

চাহি, দেব ! হ’ক এই বিশ্বের কল্যাণ ;
নাহি শত্রু, মিত্র, এবে ; ঘুচে গেছে ভেদ ;
স্বাবর, জঙ্গম আজ লুপ্ত প্রেমময়ে ।”

নীরব হইলা ভূপ ! হেরিলেন গুরু,
নির্মালিত হ’ল আঁখি, মূঢ় হ’ল শ্বাস ;
কহিলেন ;—

“এইরূপ রহ, বৎস ! স্থির ;

এখন(ও) প্রহরাধিক রহিয়াছে বেলা,
দেখি আমি, অশ্বেষিয়া, পাই’ যদি খুঁজি’
গান্ধেরুকী-মূল, * ক্লেশ হ’বে উপশম ;
পারিব লইতে তোমা’ রাজধানী মাঝে ।”

বাহির হইলা গুরু ; তন্ন তন্ন করি’
অশ্বেষিলা চারিদিক । প্রবেশিয়া গ্রামে
কৃষকে, গৃহস্থে, বৈভে সুধাইলা কত ।

* খড়্গাদিচ্ছিন্নগাত্রস্য তৎকালাপুরিত-ব্রণঃ ।

গান্ধেরুকী-মূলেরসৈর্জায়তে গতবেদনঃ । বনৌষধিদর্পণম্ ।

“গান্ধেরুকী নাগবলা” বাঙ্গালা নাম গোরক্ষচাকুলী, একজাতীয় বেড়োলা ।

বহু শ্রমে, অবশেষে, ঈপ্সিত ঔষধ
লভি' ছুটিলেন, হর্ষে, প্রান্তরাভিমুখে ।

অকস্মাৎ কর্ণে তাঁ'র করিল প্রবেশ
তুরকের জয়রব । অশ্বারোহিদল,
দেখিলেন, মহাবেগে, ছুটিতেছে দূরে ;
অন্যদিকে হেরিলেন, স্ফক্ষে তুলি' শব,
ভীমকায়া, রুদ্রমূর্তি কাপালিকা এক
ছুটিয়াছে ঝড়বেগে । চিন্তাম্বিত গুরু,
ফিরিলেন দ্রুতপদে অশ্বথের মূলে ।
কিন্তু কোথা' পৃথীরাজ ? চূর্ণিত কুটীর,
তৃণ, পত্র শোণিতাক্ত, রয়েছে ছড়ায়ে ;
রক্ষক প্রহরিদয় ছিন্নশির হ'য়ে,
রহিয়াছে ভূপতিত । স্পন্দহীন গুরু,
ললাটে রাখিয়া কর লাগিলা কহিতে ;—
“এই কি করিলে, দেব ! এই হ'ল শেষে !
ডুবিল হিন্দুর নাম এত দিন পরে !
পাতকের প্রায়শ্চিত্ত হ'ল কি বিধান ?”

ইতস্ততঃ অন্বেষণ আরম্ভিলা গুরু ;
সহসা পড়িল দৃষ্টি দিল্লীগামী পথে ;
হেরিলেন ঘনীভূত রক্ত বিন্দু বিন্দু
আছে পড়ি' বহুদূর । চিন্তি' ক্ষণকাল,
করি' পরিমাণ বেলা লক্ষি' দিবাকরে,
ছুটিলেন গুরু সেই চিহ্ন অনুসরি' । *

* Man can walk (record) one mile in 6 minutes 59½ seconds.
Man can run (record) one mile in 4 minutes 15½ seconds.

The Calcutta University Magazine Science notes—Nov. 1915.

এই গণনা অনুসারে দিল্লী ও তরায়ণের অর্ধপথ, ন্যূনতম ৪২ মাইল, কাব্যোক্ত সময়ের মধ্যে অতিক্রম করা সম্পূর্ণ সম্ভাব্য ।

তাজি সে বিজন দেশ, এস, হে পাঠক !
যাই চলি' দিল্লীমাঝে, রাজ-অস্তঃপুরে,
দেখি গিয়া কি করিছে সংযুক্তা মোদের ।


তৃতীয় প্রহর নিশা হয়েছে অতীত,
সংজ্ঞাহীন, স্তব্ধ দিল্লী । এসেছে সংবাদ,
তরায়ণে তুরকের হইয়াছে জয় ;
কিন্তু কেহ নাহি জানে কোথা' পৃথ্বীরাজ,
সমর্ষি, গোবিন্দ কোথা' । তুরকের সেনা
পাছে আসি' রাজধানী করে আক্রমণ,
তাই দিল্লীবাসী যত সতর্ক, শঙ্কিত ।
অবরুদ্ধ পুরদ্বার ; গৃহস্থ, বণিক,
নিজ নিজ কক্ষে সবে লাগায়ে অর্গল,
রহেছে নীরব স্থির । নিদ্রামগ্ন কেহ,
অনিদ্র যে, সেও আছে নিদ্রা-জড় প্রায় ।
গভীর নৈরাশ্য, শোক অমানিশা হ'তে
গাঢ়তর অন্ধকারে ঢাকিয়াছে পুরী ।
ত্রস্ত পুরবাসী, যেন, শুনিছে শ্রবণে
কর্কশ যবন-ভেরী, অশ্ব-খুরধ্বনি ।
ভাবিতেছে প্রতিজন, দ্বারদেশে আসি',
বিকট ক্লান্স এক রহেছে দাঁড়ায়ে,
বদন ব্যাদান করি' । শক্তি নাহি কা'র(ও),
উচ্ছে কহে কথা, শ্বাস নিষ্ক্ষেপে সবলে ।
জনশূন্য রাজপথ ; নগর-রক্ষক,
অস্ত্র লয়ে, দ্বারে দ্বারে রহেছে জাগিয়া,
আলোক নির্বাহণ করি' । নিস্তব্ধ নগরী ;
ঘাট, বাট, দেবালয় জনহীন সব ।

অগ্রসরি', ধীরে ধীরে, এস, হে পাঠক !
 পশি দৌহে, ক্রমে, রায়পিথোরার মাঝে ।
 গৌরবমণ্ডিতা পুরী, নিত্যোৎসবময়ী,
 পৃথ্বীরাজসংযুক্তার শুভ অধিষ্ঠানে
 ইন্দ্রশচী-অধিষ্ঠানে অমরার সম ।
 কোথা' সেই অস্ত্রপুৰ নূপুর-শিঞ্জিত,
 কোথা' সেই দেবালয় সামনিদিত,
 কোথা' সেই সৈন্যাবাস দুন্দুভিধ্বনিত,
 কোথায় সে সুখধাম ? ধ্বংসশেষ তা'র, *
 দুপ্রবেশ্য মানবের বশিচকে, ভুজগে,
 মুখরিত পেচকের অশুভ নিনাদে,
 আকীর্ণ কণ্টকী গুল্মে, জুষ্ট ফেরুপালে,
 হিন্দুর নয়ন করে বাষ্পায়িত এবে ।
 নিভৃত প্রকোষ্ঠ মাঝে, রাজ-অস্ত্রপুৰে,
 আসীনা সংযুক্তা, পৃথা । বাক্যহীনা দৌহে ;

* পৃথ্বীরাজের নির্মিত দুর্গ ও প্রাসাদ রায়পিথোরা নামে পরিচিত । কুতব মিনারের সন্নিকটে ইহার যে ধ্বংসাবশেষ এখনও বর্তমান আছে, তাহার এইরূপ বিবরণ দেখিতে পাওয়া যায় :—

The Fort of Rai Pithora, which surrounds the citadel of Lalkot on three sides, would appear to have been built to protect the Hindu city of Delhi from the attacks of the Musalmans. The wall of the city is carried from the north bastion of Lalkot, called Fateh Burj, to the north-east for three quarters of a mile where it turns to the south-east for $1\frac{1}{2}$ mile to the Dumdama Burj. From this bastion the direction of the wall for about one mile is south-west and then north-west for a short distance to the south end of the hill on which Azim Khan's tomb is situated ** The Fort of Rai Pithora or Delhi proper is said to have had nine gates besides the Ghazni gate most of which can still be traced ** The circuit of its walls was nearly $4\frac{1}{2}$ miles ** It possessed 27 Hindu Temples, of which several hundreds of richly carved pillars still remain to attest both the taste and the wealth of the last Hindu rulers of Delhi.

Cunningham's Archeological Report 1862-63, pp. 183-84.



রায় পিণ্ডাৰাশ্ৰিত হিন্দুমন্ডলান-কীৰ্ত্তিৰ ধ্বংসাবশেষ ।

কিন্তু মুখপানে দৌহে চাহি' পরস্পর
ফেলিছেন অশ্রুধারা । উঠি' মাঝে মাঝে,
সংযুক্তা, গবাক্ষ খুলি', দেখিছেন চাহি'
ফু'টেছে কি উষালোক পূর্ব আকাশে ।

অস্তঃপুররক্ষী, এক প্রাচীন সৈনিক,
আসি', হেনকালে, নমি' সংযুক্তার পদে,
কহিলা বিনয়ে ;—

“মাতঃ ! ক্ষমুন দাসেরে,
আনিয়াছি কুসংবাদ । গুপ্তদ্বারে আমি
ছিলাম দাঁড়ায়ে একা ; শুনি' করাঘাত,
হেরিলাম ছিদ্রপথে । যে ভীমা পিশাচী,
আসি', মাঝে মাঝে, মাতঃ ! ভ্রমিত নগরে ;
কহিল সে নাম ধরি' উচ্ছে ডাকি' মোরে ;—
না জানি, সে নাম মোর জানিল কেমনে,
'পজ্জুন ! রাণীরে তোর বন্দি গিয়া হরা,
শ্মশানে রাজার দেহ রয়েছে পড়িয়া,
না করে অস্ত্যোষ্টি যদি করিব ভক্ষণ ।”

চকিতা সংযুক্তা পৃথা দাঁড়াইলা উঠি' ;
চাহি' প্রহরীর পানে কহিলা সংযুক্তা ;—

“শুনেছ কি স্পর্ষবাক্য, দেখেছ কি তা'রে ?
হয়নি ত ভ্রম তব বাক্যক্যে, তন্দ্রায় ?”

কহিলা প্রহরী ;—

“মাতঃ ! হয় নাই ভ্রম ;
শুনেছি, দেখেছি স্পর্ষ । সে মূর্ত্তি বিকট
ভুলিবার নহে কভু । নিরখিয়া তা'রে
এখন(ও) কাঁপিছে বুক, মুষ্টি শিথিলিত,

না পারি ধরিতে অসি ; কি ক'ব অধিক ।”

কহিলা সংযুক্তা ;—

“আমি যাইব শ্মশানে ;
চল, দেখাইবে পথ ; তিষ্ঠ ক্ষণকাল ;
আসিতেছি আমি”

বলি' পশি' কক্ষান্তরে
তাজি' সে বসন সতী পরিলা অঁটিয়া
লোহিত কৌষিক বাস, দিব্য অলঙ্কার ।
পূজাপাত্র হ'তে লয়ে সিন্দূর, চন্দন
বিলেপিলা ভালে, মাল্য পরিলেন গলে ।
লয়ে অসি, চন্দ্র সতী কহিলা পৃথায় ;—
“চল, দিদি ! ইচ্ছা যদি দেখিবে আমার
নব স্বয়ংবর, নহে এই শেষ দেখা ।”

কহিলেন পৃথা ;—

“বোন ! চিন্তা ছিল মোর,
পাছে ছাড়ি' মোরে তুমি যাও একাকিনী ;
কি সাধে রহিব গৃহে ? চল যা'ব, সাথে ।”

জোড় করি' কর রক্ষী কহিলা উভয়ে ;—

“রুদ্ধ এবে সিংহদ্বার । নগররক্ষক
খুলিবে না যতক্ষণ না হ'বে প্রভাত ।
রাজপথে পদশব্দ শুনিলে প্রহরী
অঁধারে হানিবে অস্ত্র । পারি নিরজন
পথ দিয়া উভয়েরে লইতে শ্মশানে ।
কিন্তু, মাতঃ, শুনিতোছি তুরুকের সেনা
আসিতেছে দিল্লীমুখে । একাকী কেমনে
রোধিব, সহসা যদি পড়ে অসি' তা'রা ?”

কহিলা সংযুক্তা ;—

“রক্ষি ! নাহি চিন্তা তব ;

থাকে যদি তরবারি ক্ষত্রিয়ার করে
কা’র হেন শক্তি যে সে স্পর্শে দেহ তা’র,
যতক্ষণ থাকে প্রাণ ? আসে তুর্কসেনা,
অকস্মাৎ, মৃতদেহ স্পর্শিবে মোদের ।”

নিষ্ক্রমিয়া গুপ্তদ্বারে তিন জন, দ্রুত,

ছুটিলা শ্মশান পানে। জনশূন্য পথ,
না ডাকে কুকুর, যেন, তা’রাও শঙ্কিত ।
হুর্ভেদ্য আঁধার, শুধু, ঘিরি’ জল, স্থল,
রহিয়াছে পরিব্যাপ্ত । দেখায়ে শ্মশান,
দূর হ’তে, রক্ষী দৌহে কহিলা বিনয়ে ;—
“অই জ্বলিতেছে আলো ; শক্তি নাহি আর
হইবারে অগ্রসর, মরিব যতপি
আবার নিরখি তা’রে, ক্ষমুন কিঙ্করে ।”

সংযুক্তা, পৃথারে ল’য়ে, পশিলা শ্মশানে ;

কি ভীষণ দৃশ্য সেথা ! চিতাশায়ী শব
ত্যজি’ শববাহী ভয়ে গিয়াছে পলায়ে,
শুনি’ পিশাচীর স্বর । তাই, চিতালোকে,
বিকট, ব্যাদভুমুখ, অর্দ্ধদগ্ন দেহ
লঙ্কিত হই’ছে কোথা’ । পড়ি’ নানাস্থানে
ভগ্নকুম্ভ, খট্টা, কস্থা, দগ্ন কাষ্ঠরাশি ।
কোথা প্রকটিতদন্ত নরমুণ্ড পড়ি’
হাসে ব্যঙ্গচ্ছলে যেন । অঙ্গারের মাঝে
শুভ্র অস্থিখণ্ড কোথা’ দীপিছে আঁধারে ।
নির্বান-উন্মুখ চিতা উগরে, কোথায়,

ক্ষীণশিখা, ধূম-পাংশু-স্ফুলিঙ্গ-মিশ্রিত ।
 কোথাও বাবুল, শমী অস্পষ্ট আলোকে
 আন্দোলিছে বাহু, শির প্রেতমূর্তি সম ।
 গুল্ম-অশুরালে, কোথা' আবরিয়া দেহ, ●
 ডাকিছে বিরাগে ফেরু খ্যাক্ খ্যাক্ খ্যাক্ ।
 কোথাও ভূগর্ভ হ'তে উত্তোলিত এক,
 স্ফীতোদর, ভুক্তবক্ষ, কৃমি-সমাকুল
 শিশুদেহ আছে পড়ি' । মাংস-লোভে তা'র
 দাঁড়িয়ে শ্মশানচারী সারমেয়দল ;
 কেহ গর্জে, ধায় কেহ শৃগালের পিছে ।
 বহিছে দুর্গন্ধ বায়ু ; ফাটিছে কোথায়
 ফট্ ফট্ চিতাকাষ্ঠ । অনভ্যস্তা দৌহে
 এ হেন ভীষণ দৃশ্যে, ত্রাসহীনা তবু ।

অগ্রসরি' দুই জন হেরিলা, অদূরে,
 জ্বলিছে আলোক এক দপ্ দপ্ দপ্ ;
 স্তম্বিপুল চিতা ; তথা, রহেছে সজ্জিত ।
 সম্মুখে তাহার, দীর্ঘ জটা এলাইয়া,
 বসেছে পিশাচী, নেত্রে জ্বলি'ছে অনল ।
 শোণিতাক্ত, মুক্তকেশ, লম্বমান পড়ি'
 পৃথীরাজদেহ, তথা + হেরিছে পিশাচী
 স্থিরনেত্রে, মুহূর্মুহু ফুটিছে ব্রুকুটী ।
 দম্বে দম্বে নিষ্পেষিয়া, প্রসারিছে কর ;
 চাহে, যেন, শববক্ষ বিদারিতে নখে ।

স্তম্বিতা সংযুক্তা ; ক্ষণ, মন্ত্রমুগ্ধপ্রায়,
 রহিলা দাঁড়িয়ে ; অশ্রুহীন অঁথি হ'তে
 ঝরিল স্ফুলিঙ্গ ; তনু কুসুম-কোমল

হইল, সহসা, যেন, পাষণ-কঠোর ;
 দুর্জয় কি মহাতেজ, প্রবেশি' অস্তুরে,
 অঙ্গে, অঙ্গে বরাঙ্গীর সঞ্চারিল বল ;
 নিঃশঙ্ক, স্ফূটপদে হয়ে অগ্রসর,
 কোষমুক্ত করি' অসি, কহিলা গস্তীরে ;—

“দানবী, মানবী তুমি যে হও, সে হও,
 চাহি না জানিতে আমি । পতিদেহ মম
 কর ত্যাগ অবিলম্বে ; নহে অসিঘাতে
 লুটাইব শির তব পতিপদতলে ।”

দাঁড়াইল নিশাচরী, ঘুরাইয়া করে
 প্রজ্বলিত চিতাকাষ্ঠ, দস্ত কড়মড়ি,
 কহিল গর্জন করি ;—

“কি বলিলি তুই ?
 কি বলিলি ? অসিঘাতে লুটাইবি শির ?
 চিনিস্ না আমি মেঘা ? আয় ! তবে, আয়,
 দেখি তোর অস্ত্রবল । না না, থা'ক্ থা'ক্ ;
 পেয়েছিস্ বড় ব্যথা, বলিব না কিছু ।
 কে আমি কহিব শোন্ ; আল্ হ, উদাল
 ছিল দুই মহাবীর, শুনেছিস্ নাম ?”
 পিশাচী, উন্মত্তপ্রায়, লাগিল ডাকিতে ;
 ‘আয় আয় আয়’ বলি ; কহিল আবার,
 দুই হাতে আপনার স্তন দুটী ধরি’ ;—
 “তা’রা পুত্র মোর, এই স্তন দিয়া দৌহে
 মানুষ করিয়াছিনু । যুদ্ধে পৃথ্বীরাজ
 বধ করেছিল দৌহে । তুই হতভাগী
 তা’দের মৃত্যুর কথা শুনি’ ভাটমুখে

দিয়াছিলি কণ্ঠহার । করেছিনু পণ,
সে দিন, যে দিন আমি করিনু শ্রবণ
কার্য তোর, দু'জনারে এক চিতা'পরে
উঠাইব ; পণ মোর পূর্ণ এত দিনে ।”

“শোন্ তুই, কি কঠোর সাধিয়াছি তপ ;
শ্মশান করেছি গৃহ, শিবা সহচরী,
মহামাংসে, মদিরায় পূজেছি, নিশীথে,
শ্মশান-কালিকা মায়ে । চিরি' বক্ষ মোর
ঢালিয়াছি রক্তধারা দীপ্ত হোমানলে,
সতঃ-ছিন্ন নৃমুণ্ডের মেদ, মজ্জা সনে ।
অই দ্যাখ্, সুপ্রসন্না সাধনায় মোর,
তাই, আবিভূতা দেবী । নহে নবঘন,
শ্যামা মার অঙ্গ-জ্যোতি ব্যাপিয়াছে নভঃ ;
ও নহে বিদ্যুৎ, জিহ্বা লোলে লক্ লক্,
তোদের শোণিতধারা-পান-অভিলাষে ।
কি কাজ বিলম্বে ? কর্ জনম সফল ;
এই তোর পতিদেহ ত্যজিলাম আমি,
সাজায়ে রেখেছি চিতা, ওঠ্ তারে লয়ে ।”

সংযুক্তা পৃথার পানে কহিলা চাহিয়া ;—
“সময় হয়েছে, দিদি ! কি বলিব আর ?
যাঁ'র তরে সংযুক্তারে সৃজেছিলি ধাতা,
চলিল সে তাঁ'র সঙ্গে । পুণ্যবতী তুমি,
যা'বে যবে স্বর্গলোকে, দেখা হ'বে সেথা' ।”

সম্মোখিয়া পিশাচীরে জিজ্ঞাসিলা পৃথা
“পার কি বলিতে তুমি চিতোরের পতি
জীবিত কি মৃত ? তাঁ'র জান কি সংবাদ ?

মৃত যদি, দেহ তাঁ'র পার কি দেখা'তে ?”
কহিলা পিশাচী ;—

“আহা ! পৃথা বুঝি তুই ?
বড় ভাল মেয়ে ; তো'র স্বামী ছিল ভাল ;
পড়ে আছে তরায়ণে, সরস্বতী-তীরে ।
শকুনি, শৃগালে যাহা রাখিয়াছে শেষ,
পা'বি তা'ই, আয় তুই, আয় মোর সাথে ।”*

ছুটিল পিশাচী ; পৃথা, উন্মাদিনীপ্রায়,
ছুটিলা পশ্চাতে । সেই ভীষণ শ্মশানে
একাকিনী এবে সতী ; পতিত সম্মুখে
শোণিতাক্ত পতিদেহ, বিবর্ণ, বিকৃত ।
চারিদিকে ভ্রমে শিবা ; পক্ষ ঝাপটিয়া
উড়ে নিশাচর পাখী ; শোঁ শোঁ বহে বায়ু ;
মৃগুর্ষুর কণ্ঠ হ'তে আর্তধ্বনি সম
কর্ণে যেন পশে স্বর ! সম্মুখে, পশ্চাতে
নাচে ছায়ারূপী প্রেত অঙ্গভঙ্গী করি' ।
নাহি হেন বন্ধু কহে সমাশ্বাস-বাণী ;
নাহি হেন জন তুলে চিতার উপরে
ধরি' শবে । চতুর্দিক্ নেহারি', বারেক,
কাতরা হইয়া সতী, জোড় করি' কর,
লাগিলা ডাকিতে সেই অনাথবৎসলে,
বিপন্নের বন্ধু যিনি ; শুনিলা, সহসা,
কে যেন কহিছে ;—“বৎসে ! আসিয়াছি আমি ।”
ফিরিয়া পশ্চাতে সতী হেরিলা বিস্ময়ে

* পৃথার সম্বন্ধে রাজস্থানের ইতিহাস-লেখক টড্ এইরূপ লিখিয়াছেন :—His (Samorshi's) beloved Pritha on hearing the fatal issue, her husband slain, * * * joined her lord through the flame. Rajastan, Vol. I. P. 277.

দাঁড়াইয়া তুঙ্গাচার্য্য, কমণ্ডলু করে,
শ্রান্ত, অবসন্ন, শ্বাস বহিতেছে ঘন !

কহিলেন তুঙ্গাচার্য্য ;—

“সংযুক্তে ! তোমায়
কি বুঝা'ব ? গুণে, জ্ঞানে নিরুপমা তুমি ।
স্বদেশ, স্বধর্ম্ম তরে চিরপ্রিয় তব
করিয়াছে প্রাণদান ; ভাগ্যবতী তুমি ।
শেষ কথা তোমারে সে বলেছে জানা'তে,
যেন একাকিনী তুমি উঠ তা'রে লয়ে
চিতায়, মিলন পুনঃ হ'বে সূর্যালোকে ।”

কহিলেন সতী ;—

“দেব ! সুসজ্জিত চিতা
দি'ন্ অনুমতি, আমি করিব প্রবেশ ।
ক্ষণমাত্র প্রাণেশ্বর না হেরিলে মোরে
হ'তেন ব্যাকুল, তবে বিলম্বে কি কাজ ?”

কহিলেন তুঙ্গাচার্য্য ;—

“জান, বৎসে ! তুমি
অসুহৃতা মহাপাপ ; সে পাপ আচারে
দিতে অনুমতি চিত্ত হয় সঙ্কুচিত ।
কিন্তু শাস্ত্র, সদাচার কহে রমণীর
সতীত্ব-রক্ষণ শ্রেষ্ঠ সর্ব্ব ধর্ম্ম হ'তে ।
আসিছে তুরুক্, এই দিব্য কাস্তি তব
করিবে বিপন্ন তোমা' ; সতীত্ব-রক্ষণে,
না থাকে উপায় অন্য, বিচারিয়া তুমি,
কর'যা' কর্তব্য তব, ক্ষমিবেন ধাতা ।”
ধরাধরি করি' শবে তুলিলা চিতায়

উনবিংশ সর্গ ।

দুই জনে । লয়ে সতী কমণ্ডলু-জল
সিঞ্চিলা পতির শিরে ; বসন-অঞ্চলে
দেহের শোণিত-পঙ্ক ফেলিলা মুছিয়া ;
কণ্ঠ হ'তে লয়ে মাল্য পরাইয়া গলে,
অসি, চর্ম্ম দিয়া করে, প্রণমিলা পদে ।
ভুঙ্গাচার্য্য-পদে পরে প্রণমিয়া সতী,
উদ্দেশে প্রণাম করি' মাতৃপিতৃপদে,
স্মরি' ইষ্টদেবে, প্রীতিপ্রফুল্ল বদনে,
বসিলা চিতায় উঠি', স্থাপি' ক্রোড়দেশে
পতিশির, নিজকরে জ্বালিলা অনল ।
দেখিতে দেখিতে শিখা উঠিল আকাশে,
ভস্ম হ'ল দুই তনু প্রহরের মাঝে । *

নীরব, নিষ্পন্দ গুরু দেখিলা দাঁড়ায়ে,
নির্ব্বাণ হইল অগ্নি ; কমণ্ডলু-জল
সিঞ্চি' চিতাভস্ম মাঝে কহিলা কাতরে ;—

“যাও, পৃথ্বীরাজ ! যাও, সংযুক্তাসুন্দরি !
সেই পুণ্যালোকে, যথা, নাহি পাপ, তাপ ;
নাহি জাতিধর্ম্মদ্বेष, পররাজ্যলোভ ;
নিত্যানন্দ, নিত্যপ্রেম বিরাজে যেখানে ।
আসিও আবার, কিন্তু, মিলিয়া উভয়ে,
রাজরাজেশ্বর, রাজরাজেশ্বরীরূপে,

* সংযুক্তার পৃথ্বীরাজের সহিত চিতারোহণ পৃথ্বীরাজরাসো-সম্মত নহে। তাহাতে আছে যে, সংযুক্তা স্বপ্নে এক ডাকিনীর মুখে পৃথ্বীরাজের পরাজয় ও কারারোধ শুনিয়া সহসা প্রাণত্যাগ করিয়াছিলেন। কিন্তু প্রামাণিক ইতিহাস আমার কল্পনা সমর্থন করে। হণ্টর সাহেব লিখিয়াছেন :—In 1193, the Afgans again swept down on the Panjab. Prithwiraj of Delhi and Ajmer was defeated and slain. His heroic Princess burned herself on his funeral pile. The Indian Empire, pp.329-330.

পৃথ্বীরাজ-রাসোর স্বপ্নদৃষ্টা ডাকিনীকে আমি উদ্দেশ্যানুরূপ মানবীর আকার প্রদান করিয়াছি।

এই আর্ষাভূমি মাঝে ; করিও ঘোষণা
 দাঁড়িয়ে এ চিতাভূমে প্রজার কল্যাণ,
 অভয়-আশ্বাসবাণী । ভারত-সম্ভান,
 লভে, যেন, জাতি-ধর্ম-বর্ণ-নির্বিশেষে,
 সুখ, শান্তি উভয়ের রাজছত্রতলে ।”

বন্ধাঞ্জলি তুঙ্গাচার্য্য, নতজানু হয়ে,
 চাহিয়া আকাশপানে, কহিলেন পুনঃ ;—
 “হে বিশ্ব-ব্রহ্মাণ্ড-পতি ! অন্তর্যামী তুমি ;
 জানি’ছ অন্তর-কথা । ছিল অভিমান,
 পৃথীরাজ, সংযুক্তারে লয়ে, পুনর্ব্বার,
 রাম-সীতা-বশিষ্ঠের দেখাব মিলন ;
 ভাঙ্গিলে সে দর্প, দেব ! দর্পহারী তুমি ।
 কিন্তু যদি কস্মার্জিত থাকে পুণ্য কোন(ও),
 আমার, এ বাঞ্ছা তবে পূর্ণ কোরো, দেব :
 পতিতপাবন তুমি, করেছ উদ্ধার
 কতই পতিত জাতি, পতিত ভারতে
 উদ্ধারিও কৃপাশুণে । হিন্দু নর, নারী
 দ্বিধাহীন হয়ে যেন পারে বুঝিবারে,

হিন্দুর দুর্গতি-মূলে দুর্ম্মতি হিন্দুর,
 প্রায়শ্চিত্ত-অস্ত্রে দুঃখ, দৈন্য হ’বে দূর

